


حقوقہ فاکولتہ کی
III جی صفحہ نمبر ۱۱۸ خورجی
ڈولاف کی - ۱۸



ایضاحی
تطبیقات حقوقیه

جلد


۶

مؤلفی

استانبول حقوق فاکولتہ سی تطبیقات حقوقیہ معلمی

آووقات

مہراد عمرالرمیم



استانبول — یکی مطبعہ

۱۹۲۸

اشارات مخصوصه

ق م	قانون مدنی
بو	بورجلر قانونی
ت	تجارت قانونی
ا ص	اصول محاکمه حقوقیه قانونی

مقدمه

تطبیقات حقوقیه - علم حقوق تقسیاتی میاننده داخل بولونان حقوق خصوصیه دن حقوق مدنیہ و تجاریہ ایله حقوق دعوالری اصول محاکمه لری قانوننک صورتطبقیه سندن باحث اولماسی اعتباریله عملی برعلمدر . وتورک قانون مدنیسیله بورجلر قانونی و تجارت بریه و بحریه قانونلریله اصول محاکمه حقوقیه ، اجرا و کاتب عدل قانونلرینک و محاکم حقوقیه ده تطبیق ایدیلکده اولان بر چوق قوانین خصوصیه نك وبناء علیه علم حقوقک الهمهم اقسامنک ساحه عملیاتده صورتطبقیه سنی اراءه ابتدیکی جهتله آنلرک ما حصیلدر . بونده موفق اولایلیمک ایچون بیان ایتدی کمز قوانین احکامنی احترازی و وقوعی بتون قیودیه بیلیمک اقتضا ایدره . موضوعمیز بر نوع صک عدلی اولدیغندن بونده ممارسه حاصل ایتیمک و احکام قانونیه یه امثله ایرادنده و تصویر مسئله ده و حادثاتی احکامه تطبیقده کسب ملکه ایتیمکله ممکن اولور .

تطبیقات حقوقیه نك تعریفی : حادثات حقوقیه نك احکام قانونیه یه توفیقاً حل و فصلندن عبارتدر .

تطبیقات حقوقیه نك موضوعی : صک حقوقیدر .

تطبیقات حقوقیه نك غایه سی : احکام قانونیه یی حادثاته تطبیقده رسوخ پیدا ایتیمکدر .

صکک تاریخچه سی : صدر اسلامده خلفای راشدین اجرای قضا ایله اشتغال ایدره لرلردی . اوزمان معاملاتک قات و بساطتی و اخلاقک صفوتی اعتباریله مراعات شفاهاً جریان ایدره و احکام شفاهاً تبلیغ ایدیلیر ایدی ؛ اعلام و حجت یازیلماز

و تسجیل ایدیلزایدی . حتی تابعیندن قاضی شرح و عامر شعبی و عباس بن معاویه کبی ایلک قضائک مشاهیری زماننده بویله ایدی . هجرتک ۱۲۰ نجی سنه سندن صوکره کوفیه قاضی اولان صاحب قول عبدالله بن شبرمه سجدل اصولی وضع ایله مشدر . و کیت کیده بواصول تکامل ایدرک حجت ، اعلام و آنلرک سجدلی تعمیم ایله مشدر . کتب فقهیه ده [محاضرات و سجدلات] عنوانلری آلتنده بوکا متعلق مباحث مخصوصه واردر . بالخاصه المبسوط و جامع الفصولین نام آنارده تفصیلات واردر . و بو بر علم حالی آلاق علمای عرب بوکاعلم شروط دیمشدر . حادثات حقوقیه یی حل و توثیق ایدن بو وثائقه کتاب ، حجت ، وثیقه ، صک ، قباله ناملری ویرمشدر . تور کیده من القیم زبازد اولان [صک] تعبیردر .

بو بحث حقنده تور کیده کتب و رسائل عیدیه تألیف ایدلمش و از آن جمله بضاعة الحکام فی احکام الاحکام نامیه حاجب زاده استانبولی محمد افندینک ۱۰۹۲ تاریخنده تور کجه و عربجه نمونه لری محتوی کتایله جامع انوار الصکوک نامیه ضیاء الدین افندینک صک جدیدی ، شانی زاده صکی و الیکسی اولمق اوزره عبد المجید دورنده ترتیب و طبع ایدلمش اولان درالصکوکدر .

تنظیمات خیریه و تشکیلات عدلیه دن صوکره صک برحق تبدلاته معروض قالدینی کبی مکتب حقوقک ایلک یتشیدردیکی طلبه دن عبدالرحمن طلعت افندی طرفندن صک قوانین و تعرفه لی صک قوانین و ذیل صک و مقاولات و مقاولات محرر لری ناملریله تطبیقات حقوقیه متعلق آثار نافع موقع انتشاره وضع اولومشدر . جزا قسمی ایچون خالد بکک میزان التطبيقی و مرحوم ممدوح بکک تطبیقات جزائیه سی و ملغا عدلیه نظارتنده ۱۳۲۰ تاریخنده تشکیل ایدن بر قومیسون طرفندن تنظیم و تعمیم ایدیلن صک عدلی نسخهلری و تمیز رؤسای سابقه سندن شوق بک افندینک اثری آثار متأخره دندر . الفضل للمتقدم ، عبدالرحمن طلعت افندی مرحوم تطبیقات حقوقیه عائد آثارک بزده ایلک مؤثریدر .

تطبیقات حقوقیه ایچون اساس تشکیل ایدن قانونلر من صوک سنه لرده غربدن آلینارک تماماً تبدیل ایدلرکندن آنلره کوره بو اثر مزده یکی برشکلده وجوده کتیریلشدر .

فرانسه ده بوکا مماثل آثار مفیده چوقدر . اسکی اولمقله برابر اک مفید
 Formulaire général et complet ou traité pratique
 de procédure civile et commerciale . ناميله ايکي جلد اولارق طولوز حقوق
 فاکولته سی دو آیہ نی [شوو و آدولف] اک ائیردر .

بز اثر مزده يکي اصول محاکمه حقوقیه یی اساس اتخاذ اتمکله برابر حقک
 صورت احقاقی صددنده دها منطقی برسلسله یی تعقیب ایدہ جک و اصول محاکمه نک
 بوتون مباحثی حقنده ویريله جک معلوماته تردیفاً اشکال و نمونه لر کوستره جک
 و قانون مدنی، بورجلر قانونی، تجارت قانونی، افلاس، تجارت بحریه، اجرا،
 کاتب عدل قانونلریله بعض قوانین خصوصیه احکامی اوزرینه تطبیقات یاپارق
 فورموللر ارانه ایدہ جکز؛ و متفرق قانونلرده بولونان خصوصی اصول محاکمه لری
 کوستره جکز .

موضوع مرک قوانین عمومی و خصوصیه ایله مناسباتی : حادثاتک، حقوقی
 احکامه صورت تطبیقی ارانه اتمسی اعتباریله تطبیقات حقوقیه نک بر جوق قوانین
 ایله مناسبی واردر .

تشکیلات اساسیه قانونیله مناسبتداردر؛ چونکه او، ام قوانین در. سکنجی
 ماده سنده حق قضاتک کیمک نامنه و کیملر طرفندن استعمال ایدیه جکندن
 بحث ایدر. الی اوچنجی ماده سنده محکمه لک تشکیلاتی، وظیفه و صلاحیتلرینک
 قانون ایله معین اولدیغی الی دردنجی ماده سنده محکمه لک، بالجله دعوارک
 محاکمه و حکمنده مستقل و هر دورلو مداخله لردن آزاده اولارق یالکز قانونک
 حکمنه تابع اولدیغی و محکمه لک مقرراتی نورکیه بویوک ملت مجلسی و اجرا
 وکیللری هیئت هیچ بر وجهله تبدیل و تغییر و تأخیر و انفاذ احکامنه ممانعت
 ایدمه یه جکنی والی بشنجی ماده سنده حاکمک قانوناً معین اولان اصول و احوال
 خارجنده عزل اولوناما یا جقلرینی والی آلتنجی ماده سنده حاکمک اوصافی،
 حقوقی، و ظائفی صورت عزل و نصب لری قانون مخصوص ایله معین اولدیغی
 والی یدنجی ماده سنده حاکمک قانوناً معین و وظائفندن باشقه عمومی و خصوصی

هیچ بر وظیفه در عهده ایدمهیه جککرینی واللی سکزنجی ماده سنده محکمه لرده محاکماتک علنی اولاجغنی و بالککز اصول محاکمات قانونی موجبینجه بر محاکماتک خفیاً جریانه محکمه نك قرار ویره بیله جککی واللی طقوزنجی ماده سنده هر کس محکمه حضورنده حقوقی مدافعه ایچون لزوم کوردیکی مشروع وساطتی استعمالده سربست اولدیغنی و آلتشنجی ماده سنده هیچ بر محکمه نك وظیفه و صلاحیتی داخلنده اولان دعوالری رؤیتدن امتناع ایدمهیه جککی و وظیفه و صلاحیت خارجنده اولان دعوالرک آنجق برقرار ایله رد اولنه جغنی بیان ایلر .

تشکیلات اساسیه قانوننه منافی احکام وضعی تشکیلات اساسیه قانونیه ممنوع اولدیغنه کوره بوقانونک ، حکامک دائماً نظردقتی اوکنده بولونماسی لازمدر .

ینه بوقانونده اجرا وکیللریله شورای دولت و محکمه تمیز رؤسا و اعضایی وباش مدعی عمومینک وظیفه لرندن منبعث خصوصاتده مرجع محاکماتک دیوان عالی اولدینی آلتش برنجی ماده سنده مذکور اولدیغنه بناء هر هانکی بر محکمه نك بونده وظیفه دار اولمادیغنی تبین ایدر . و آلتش آلتنجی ماده سنده دیوان عالی ، موضوع قانونلره توفیقاً محاکمه اجرا و حکم اعطا ایلر دنیلمکده اولدیغندن تشکیلات اساسیه قانوننک دیکر قوانین ایله علاقه دار اولدیغنی ارائه ایدر .

هر تورکک برحق اساسیسی برده حق مدنیسی واردر . بوایکی نوع حقنه تعرض حالنده دعوی و مدافعهیه صلاحیتی واردر ، بالطبع بومدعیات محاکم عادیده سرد اولونور . شو حالده محاکم عادیه حادثاتده حقوق عامه و حقوق مدنییه تطبیق ایدر . تورکلرک حقوق عامه سی تشکیلات اساسیه قانوننک آلتش سکزنجی ماده سندن سکسان طقوزنجی ماده سنه قدر اولان بشنجی فصلده معیندر . حق حریت ، حق مساوات ایله وجدان ، تفکر ، کلام ، نشر ، سیاحت ، عقد ، سعی و عمل ، تملک و تصرف ، اجتماع ، جمعیت ، شرکت ، تدریس حق و حریتلری ، جان ، مال ، عرض و مسکن مصونیتلری ، منافع عمومییه ایچون لزومی اصولاً تحقق ایتدکجه و قانون مخصوص موجبینجه دکر بهاسی پشین ویرلمدکجه هیچ بر کیسه نك مالی استموال و ملکی استملاک اولونامایاجنی ، مکاتیک مصونیتی ، حق شکایتده

سربستی هب بوفصلده مذ کورددر . بوفصلک ۸۳ نجی ماده سی ، هیچ کیمسه قانوناً تابع اولدینی محکمه دن باشقه بر محکمه یه جلب وسوق اولوناما یا جغنی بیلدیر برکه بوماده لرك هربری تطبیقاتده برر مسنددر .

تطبیقات حقوقیه تشکیل محاکم قانونلریله ده علاقه دارد . چونکه محاکم وظیفه لری تشکیل محاکم قانونیه معیندر .

بناءً علیه بر خصوصک رؤیتی محکمه نك وظیفه سی داخلنده اولوب اولمادیغنی تدقیق صیراسنده تشکیل محاکم قانوننك نظردن دور طوتولماسی اقتضا ایدره . ذاتاً تشکیل محاکم قانونی قوانین عدلیه نك تملنی تشکیل ایلر .

تطبیقات حقوقیه نك ، اصول محاکمه حقوقیه ایله من کل الوجوه مناسبتدار اولدینی محتاج ایضاح بیلده دکلدر . مثلاً بر استدعا ویا اعلام یازمق تطبیقات حقوقیه جله مسنددر . اگر اصول محاکمه حقوقیه نظر دفته آلتماز ایسه و بر استدعا ویا اعلامک نهی احتوا ایتسی لازم اولدیغنه دائر اولان اصولک مواد قانونیه سی اهل ایدیلیر ایسه استدعا رد و اعلام نقض اولونور . اصول محاکمه حقوقیه بر دعوانك اقامه سندن اول اولان استحضار اتله اقامه سندن حکمه قدر اولان معاملاتی و حکمدن صوکره طرق مراجعتله صورت انتاجنی بیلدیر مکده اولدیغندن تطبیقات حقوقیه سیر مذ کوری تمامیه تعقیب ایتک مجبوریتنده در .

تطبیقات حقوقیه قانون مدنی ایله - که بورجلر قانونی ده داخلدر - دائماً علاقه دارد . طلب اولوناجق بر حقل قانوناً حق تشکیل ایدوب ایتیه چکی ، حادثه ده قانون مدنینک هانکی ماده سنك حکمی تطبیق ایدیله چکی اوقانونی بیلیمک و حادثه نی اوماده یه توفیق ایتکله ممکن ومعلوم اولور .

بناءً علیه قانون مدنی ناصل تطبیق اولونور ، مدنی حقلرک شمولی نه در ، مدنی حقلردن کیم استفاده ایدره ، اوحقلرک استعمالی شرطلری ، اهلیت و اهلیتسزلک ، اقامتگاه نه در ، شخصیت ناصل حمایه اولونمشدر ، شخصیتک باشلانغی و نهایی نه در ، اسم اوزرنده کی حقوق نه در ، حیات وماتک صورت اثباتی ، غائبلیکه ناصل قرار ویریلیر ، احوال شخصیه ده بینه نه در ، احوال

شخصیه نك صورت تسجيلی ، حكمی شخصلر مدنی حقلردن ناصل استفاده ایدرلر، آنلرك شخصیتی ناصل زائل اولور، جمعیت ناصل تشكك ایدر، آنلرك فسخ وانفساخی ناصل اولور ، اعضائك وعضلرینك حقوق ووظائفی ندر ، وقف [تأسيس] ندر شكلی ، تعدیلی ، فسخ وانفساخی ناصل اولور ، عائله حقوقندن ، نشانلائك حكمی ندر ، نشانی بوزمائك نتایجی ندر ، أوله ندر احكامی ، أوله ندر اهلیت ناصلدر ، مانعلری ندر ، ناصل اعلان وعقد اولونور ، ناصل اعتراض اولونور ، هانكی أوله ندر باطلدر و ناصل ابطال اولونور ، بوشانمه و آریلق وسبیلری ندر ، تضمینات ، نفقه و ماللرك تصفیة سی احكامی ناصلدر ، قاری وقوجانك حقوق ووظائفی ندر ، برك و صورت صیاتی ، قاری وقوجایه قارشی بورجلولرك وضعیتی ، قاری قوجاماللری ناصل اداره اولونور ، بونده كی اشكال واحكام ندر ، هانكی چوجوقلرك نسبی صحیحدر ، نسبی صحیح اولمایان كیملردر ، نسب ناصل تصحیح اولونور ، اولاد ایدینه و شرطلری ندر ، حق ولایت ندر ، ناصل جریان ایدر ، ناصل نزع ایدیلر ، چوجوقلرك ماللری ناصل اداره اولونور ، من علیه النفقه اولانلر كیملردر ، عائله رئیسلكی و صورت ایفاسی ، عائله ماللرینك صورت اداره سی ، وصایت وعضولری ، وصایتی مستلزم احوال ، وصی ناصل و كیم انتخاب اولونور ، قیملق ندر ، وصی و قیملرك وظیفه لری ندر ، وصایت دائره لری ناصل مداخله ایدرلر ، وصایت عضولرینك مسئولیتی ندر ، وصایت ناصل ختام بولور ، میراث ندر ، قانونی وارث كیملردر ، اولومه باغلی تصرف و مختلف صورت و شكلكلری ندر ، بونده كی تصرف و اهلیت نصابی ندر ، وصیتی تنفيذ مأمورینك وظیفه سی ، متوفانك تصرفلری ناصل ابطال و یا تنقیص اولونابیلر ، میراث مقاوله سندن ناصل دعوالر تحدت ایدر ، میراث ناصل آچیلور ، احتیاطی تدبیرلر ناصل اتخاذ اولونور ، میراث ناصل اکتساب اولونور ، دفتر طوتمه اصولی ندر ، میراث ناصل رد اولونور ، تصفیة ناصل یاپیلور ، تركه ناصل تقسیم ایدیلر ، آنده اشتراك ناصل اولور ، عینی حقلرده ملكیت ندر ، غیر منقول ملكیتك موضوعی ، حكمی ، صورت اکتساب

واضاعه سی ناصلدر ، منقول ملکیتی ناصلدر ، غیر منقوله متعلق ارتفاق وانتفاع وسکنا حق نادر ، غیر منقول مکلفیتی نادر ، رهن ، ایپوتهک ، ایپوته کلی بورج سندی ، و ایراد سندی نادر ، غیر منقول قارشیلیق کوستریله رک ناصل سند چیقاریلور ، منقولک رهنی ناصل اولور ، آلاچق اوزرنده رهن ودیکر حقیر ناصل تعلق ایدر ، اقراض مؤسسهری حقنده کی احکام نادر ، رهنلی تحویلات ناصل اولور ، ذی الیدلک احکامی نادن عبارتدر ، طاپو سجلی ناصل طوتولور ؟ بونلری قانون مدنی به مراجعتله آکلار وحادثه نی تدقیق وبوا حکامه تطبیق ایدر رک مدعی ایسه ک دعوا مزای بوا حکامدن برینک احتوا ایله دیکی ماده به استناد ایلرز ؛ مدعی علیه ایسه ک مدعینک دعواسنی دفع ایدر جک بر ماده به تصادفله آکا صیغینارق دفع دعوا ده بولونوروز . حاکم ایسه ک مدعینک دعواسی ایچون ومدعی عایه ک مدافعه سی ایچون سند اتخا ذ ایله دیکی قانون مدینک ماده سی ذات مصالحت اعتباریله قابل تطبیق اولوب اولمادیغنی تدقیق ومدارتطبیق اولاجق ماده نی تعیین ایله فصل نزاع ایدررز .

کذلک بورج نادر ، عقددن ناصل دوغار ، حقسز معامله لردن وحقسز بر فعل ایله مال اکتسابدن ناصل دوغار ، بورجلر ناصل ایفا اولونور ، بورج اوده نمز ایسه نتیجه لری نادر ، بورجک اوچنچی شخصه تأثیری وارمیدر ، بورج ناصل ساقط اولور ، متسلسل بورج نادر ، شرطه باغلی بورجلر نادر ، ضمان رجوع وجزائی شرطلر نادر ، آلاچق ناصل تملیک ونقل اولونور ، بیع ومبادلته ک عمومی حکملری نادر ، منقول بیعنده کی احکام ناصلدر ، نمونه اوزرینه ، تجربه ومعاینه شرطیله ، تقسیطله ، مزایده ایله بیع ناصل اولور ، هبه واحکامی ، ایجار ، عادی ایجار ، حاصلات ایجاری ، خدمت عقدی واحکامی ، عاریت واحکامی ، قرض واحکامی ، استنصاع واحکامی ، نشر مقاوله سی واحکامی ، اعتبار مکتوبی واعتبار امری ، دلالاتی ، وکالت اولمقسزین باشقه سی حسابنه تصرف ، قومیسبون ، نقلیه مقاوله سی ، تجارت مثل ووکیللری ، حواله واحکامی ، ودیعه واحکامی ، کفالت واحکامی ، قمار وبخت وپانقو ، قید حیات ایله ایراد اولونجه به

قدر باقق عقدی ، عادی شرکت واحکامی نه در بیلیمک ومصالحمزی آکا کوره
تنظیم ودعوالرمزی اقامه ویا مدافعه یاخود حل ایلک ایچون بورجلر قانوننه
مراجعت ایتک مجبوریتمده یز .

بوایکی قانونک حادثات سابقه نك حلنده نه درجهیه قدر مدارتطبیق اولاجنی
تعیین ایدن تطبیق قانونی ده نظر دقتده بولوندریمق لازمدر . هانکی احکام
انتظام عامه ایچون وضع اولونمشدر ، حقوق مکتسبه نه در ؟ بیلیمکلکز ایجاب
ایدز .

صوکره قوانین تجاریه احکامی نره لرده جاریدر ، مسائل تجاریه ناصل حل
اولونور ، تاجر کیمدر ، اهلیت تجاریه ناصلدر ، معاملات تجاریه هانکیلریدر ،
سجل تجارت نه در ، عنوان تجارت واحکامی ، غیرقانونی رقابت واحکامی ، دفاتر
تجاریه ، تجارت مثل ومأمورلری ، سیارتجارت مأمورلری ، سیارصایتش مأمورلری ،
تجارت دلالغی ، قومیسوخیلیق ، نقلیه قومیسوخیلیغی ، وکالت تجاریه ، قولکتیف
قوماندیت ، سرماییه سی اسهامه منقسم قوماندیت ، آنونیم ، لیمتید ، قوئوپه راتیف ،
خصوصی شرکتلرک احکامی ، پولیچه ، امره محرر سند ، چک احکامی ،
عقد وتمهدات تجاریه ، بیع تجاری وخصوصی نوعلری ، قرض تجاری ، رهن
تجاری ، مطلوبک دوری ، حساب جاری ، آنتره پورله تودیعات ، سیغورطه
احکامی بیلهرک افراد ومحاکمک حسن صورتله تطبیق ایده بیلیمسی ایچون تجارت
قانونی صور تطبیقیه سنی کوستره ن قانون ایله معاً وافلاس احکام ومعاملاتی
تطبیق ایچون دردست تنظیم اولان یکیسنک نشرینه قدر اسکی قانون تجارتک
۱۲۷ نجی ماده سندن ۳۱۵ نجی ماده سنه قدر اولان محتویاتی ومعاملات بحریه دن
مراکب بحریه ، سفائنک صورت ضبط وفروختی ، سفینه صاحبیلرله قبودانک
حقوق ووظائفی ، طائفه اجرتلری ، سفائنک ایجار واستیجاری ، یولجیلرک
حقوقی ، استقراض بحری ، سیغورطه ، خسارات بحریه احکامیه بحری احکامده
مرور زمان ومسموع اولمایان دعوالر حقنده صاحب معلومات اولمق وتطبیقاند
یاکیلماق ایچون تجارت بحریه قانونی کوز اوکنده بولوندریمق لازمدر .

اعلامات حقوقیه‌نك انفاذا حكامنك نه صورتله جریان ایده جگنی بيلمك ایچون اجرا قانونی و اسباب حکمندن معدود اولان سندات رسمیه‌نك صورت تنظیم و تصدیقندن و بونلره متعلق سائر احکامندن باحث اولان کاتب عدل قانونی بيلمك ضروریدر .

احتوا ایله دکلری احکامندن محاکم حقوقیه‌جه مدار تطبیق اتخاذ اولونا جق احکام خصوصیه‌بی محتوی اولمالری اعتباریله بر چوق قوانین خصوصیه از جمله نفوس ، رسم تمغا ، قوائم نقدیه ، کمرک ، شورای دولت ، تجارت و صنایع اوطه‌لری قانونلری ، دلال و سمسارلر نظامنامه‌سی ، اجنبی آنونیم و سرمایه‌سی اسهامه منقسم شرکترلره اجنبی سیغورطه شرکترلری حقنده کی قانون ، اختراع براتی ، حق تألیف ، آثار عتیقه ، معادن ، طاش اوجاقلری ، اورمان قانون و نظامنامه‌لری ، املاک ملیه‌نك صورت ایجاری ، استملاک ، بلدییه استملاکی ، ابنیه ، اموال متروکه ، زراعت بانکه‌سی و امنیت صندوقی قانون و نظامنامه‌لری ، کوی قانونی ، اموال ایتم نظامنامه‌سی ، تورکیده بولونان اجنبیلرک حقوق و وظائفه متعلق قانون و تابعیت قانونی کی قوانین خصوصیه ایله ده موضوعمیزک مناسبتی وارددر .

تورکیه جمهوریتنك عقدا ایله دیکی معاهدات و مقاولات و بالخاصه لوزان معاهده نامه‌سی بر قانون کی حکام و علاقه داران ایچون مسند تشکیل ایلر .

مصارف محاکمه دائماً خرج تعرفه‌سنه استناد ایله دیکندن خرج تعرفه‌سی قانونیله ده تطبیقات حقوقیه‌نك علاقه‌سی وارددر .

خلاصه جزائی اولمالیان بوتون احکام قانونیه ایله محاکم حقوقیه متوغل بولوندیغندن آنلرک هپسی موضوعمیزده داخلدر . زمین و زمانک مساعدیه‌سی نسبتنده هپسندن معلومات ویره جگیز .

بونسکه برابر یوقاروده ده بیان ایله دیگمیز و جهله اک بویوک رهبرمن اصول محاکمه حقوقیه قانونیدر .

یکی اصول محاکمه حقوقیه حقنده بعض معلومات : بوندن اولسکی ۱۲۹۶
تاریخی اصول محاکمه حقوقیه قانونی قسماً فرانسه اصول محاکمه سندن مقبوس
قسماده مجله احکامنه توافق ایده جک بر شکله مرتب اولوب کفایتسزلیکی
مجرم اولدیغی جهته عدلی قانونلرک احتیاجه کوره یکیدن تنظیم وتعذیلی ایچون
تشکیل ایدن قومیسونلر میانده اصول محاکمه حقوقیه قومیسونلر ده زمان زمان
مختلف ذواتدن مرکب اولارق اجتماع و صرف مساعی ایله اولا غرب اصول
محاکمه لرندن هیچ بریله مفید اولمایارق مملکتک احتیاجیله متناسب بر اصول
محاکمه قانونی وجوده کتیریلسی تقرر ایده رک او یولده یورونمش فقط بر مدت
صوکره بو طرزده کی مساعینک متمر و مفید اولامایاجنی آکلاشیله رق
غرب اصول محاکمه لرندن ک مکمل طانیمنش اولان آلمان اصول محاکمه حقوقیه سی
بعض تعذیلاته آلمق فیکری غالب کلوب او یولده چالیشلمش وبشوز ماده دن زیاده
پاییلارق اکالی قوه قریبه یه کمنس ایکن قانون مدنی و بورجلر قانوننک اسویچره دن
عیناً آلینسی سببیه و اصول محاکمه نک قانون مدنی ایله هم آهنگ ومنسجم اولماسی
لزومی تقدیر ایدلایکندن قانطون مقداری اصول محاکمه لری اولان اسویچره نک
نوشاتل قانونی اصول محاکمه حقوقیه سی یکیلکی و مکملیقی اعتباریله دیگر لرینه
ترجیحاً انتخاب قیلینارق واونده بولونمایان ویا احتیاجزه اوفق کوریلن آلمانیا
وجنوره و فرانسه اصول محاکمه لرندن بعض ماده لر آلینارق آلتیوز یکرمی بش
ماده لک بر لایحه وجوده کتیرلشدنر . اصول محاکمه حقوقیه قومیسونلر ۳۳۹
سنه سندنبری برعضوناچیز اولارق بولوندم . بو قومیسونلرک فعال عضوی
رپورتوری اولان حقوق فاکولته سی اصول محاکمه حقوقیه مدرسی مصطفی
رشید بک افندی ایدی . بولایحه یی ، عدلیه وکالتی محکمه تمیزک بعض رؤسا
واعضاسندن مرکب بر قومیسون مخصوصک نظر مطالعه سندن کچیردیکدن صوکره
بویوک ملت مجلسنه تودیع ایله مشدر . لایحه عدلیه انجمنده دورودراز تدقیق
ایدیلرک مضبطه سنده کوسترلیدیکی وجهله بعض تعذیلات وتصحیحات یابلدقندن
صوکره هیئت عمومیه سی بر ماده ایله بویوک ملت مجلسندن کچرک قانونیت کسب

ایله مش و اوج آی صوکره مرعی اولوق اوزره ۳ تموز ۹۲۷ تاریخده نشر و اعلان ایدیلشد.

بوقانونک ۵۸۱ نجی ماده سیله ۱۲۹۶ تاریخی بوندن اولکی اصول محاکمه حقوقیه قانونی و صاحب حاکمیری قانونی ایله مزیلاتنک مواد حقوقیه سی و تسریع محاکمات قانونی نامیله معروف ۴۹۲ نومرولی قانون ایله قانون مدینک تطبیقنه دائر اولان قانونک اصول محاکمه به متعلق احکامی و تشکیلات محاکم قانونیه آنی تعدیل ایدن متفرق قانونلرک بویکی اصول محاکمه به مغایر اولان احکامی مانعادر.

یکی اصول محاکمه حقوقیه ، اسکی اصول محاکمه نک وظیفه و صلاحیت و رد حاکمه متعلق پک دار اولان احکامی توسیع و تفصیل ایدرک دها یکی برنسیپلر و قانون مدنی احکامی ایله هم آهنگ احکام وضع ایله مش ، دعاوینک رؤیتنده باصما قالب بر طاقم شکلره تبعیتدن اجتناب ایله قانون مدینک برنجی و ایکنجی و اوچنجی و دردنچی و آلتنجی و یدنجی ماده لرله توافق ایدرک صورتده و ترجیح بینات قاعده لرله تقید ایتدکمزین نقطه حق و عدله وصول ایچون اقتضا ایدن هر درلو تحقیقات و استجوابات و تدقیقاته جواز و یردیکندن هر دعوائی تحقیقاته تابع طونارق اصول تحقیقی وضع ایله مش ، اسکی اصول محاکمه ده اولمایان حاکم لک دعوايه باققدن ممنوعی ، دعوانک اخباری ، طرفینک حق و وظیفه لری دعوی و جلسه لرده کی بیاناتی تصحیح صدنده اصلاح ، دعوادن فراغت و دعوائی قبول ، دعوی اقامه سی ایچون تأمینات ، بی قدرت اولانلر ایچون مظاهرت عدلیه ، معذرتدن دولایی مرور ایدن مدتلر اوزرینه حال سابقه ارجاع ، دعوائی متقابله ، تحقیقات و استجواب ، حادثه اصول محاکمه سی ، قبل الدعوی دلیل لک محفوظیتنی تأمین ایچون آنلرک تثبیتی ، مصارف محاکمه ، قرارلرده کی یازی ورقم یا کاشلقلرینک تصحیحی ، حکم لک توضیحی ، شفاهی اصول محاکمه ، سریع اصول محاکمه ، بسیط اصول محاکمه ، خصوصی اصول محاکمه لر ، تحکیم ، اعلامات اجنبیه نک صورت تنفیذی ، تمهیر و تحریر و تقسیم ایله ازاله شیوع کی اسکی اصول محاکمه حقوقیه ده اولمایان یکی یکی بر طاقم مباحث و احکام مفیده یی احتوا

ایلمکده اولدقدن ماعدا دعوايه مداخله ، وکالت ، طرفینک اهلیقی ، طرفلرک تعددی ، تبلیغات تحریریه ، دعوانک تفریق و توحیدی ، دعوتیهلر و تبلیغات ، محاکمه جلسه لری ضبطلر و دوسیهرلر ، مدتلر ، اقامه دعوی ، اعتراضات ابتدائیه ، اساسه جواب ، احضاری معامله لر حقنדה توسیعاً احکام جدیده وضع ایلمش و دلیللر و صورت اقامه سی ، شهادات ، اهل و قوف ، سندات ، یمین ، کشف و خصوصی اسباب حکم حقنדה اطرافلی و فائده لی و قانون مدنی قواعدینه موافق احکام تقنین ایتیش و محکمه اصلیه ایله صلحیه ده احکامک صورت احضار و اتخاذینی مضبوط قواعد آلتنده تدوین و محکمه تمیزه متعلق احکام سابقه نی اصلاح و تفصیل و اعاده محاکمه و حاکم لرک مسئولیتی اسبابی توسیع و تکثیر و دیگر احتیاطی تدبیرلر ایله مجتمعاً جز احتیاطی حقنדה احکام لازمه تثبیت و تجزی جائز اولمایان شیرلی جمع و تلفیق و معاملات داخلیه دن اولان دفانوساثر معاملات قلمیه نی وکالتک تعلیماتمه لرینه ترک و باشلی باشنه بر دعوی ویا دفع دعوی اولان اصلی و طاری اعتراض الغیر فصللری ایله بورجلر و تجارت قانوننده بر تفصیل محرر اولان ضرر و زیان احکامنی اخراج ایلمشدر . استیناف طریق شمدیلک ملغا اولدیغندن بوکا :
 دائر یکی قانونده بحثه لزوم کور یلمشدر .

یکی اصول محاکمه حقوقیه قانونی ، ۵۷۸ نجی ماده سنده بیان اولوندینی وجهله مکتسب حق لری اخلاص ایتمه مک شرطیه ماقبله شاملدر . اصول محاکمه لر مخفف جزا قوانین کبی طرفینک طرق ادعا و مدافعه سنی تسهیل مقصدیه وضع و تدوین ایدیه کلدیکندن و ماقبله تشمیلی طرفین ایچون موجب ضرر اولمایوب بلکه بر حقیقتکدها ای بر سیستم دائره سنده ظاهره اخراج و احقاقی غایه اتخاذ ایله دیکندن ماقبله شمولی نظریاتجوده مسلمدر . آنجق اصول محاکمه سابقه طرفیندن برینه بر حق اکتساب ایتدیرمش ایسه یکی اصول محاکمه قانوننک نشری او مکتسب حقک اضاعه سنی مستلزم اولماز . مثلاً ، محاکمه غایبه اصولی دیکشدرمش اولان یکی اصول محاکمه حقوقیه نک مرعیه کیردیی تاریخندن بر کون اول تبلیغ ایدیلن حکم غایبی یه قارشق اعتراض علی الحکم طریق یوقسه دم

تبلیغ ایله حاصل اولان حق مکتسب سببیه حکم غیابی بی غیاب قراری تلتی ایله اصولک ۴۰۲ نجی ماده سی موجبجه محکوم علیهک اعتراضی قبول ضروریدر. و بوقانونده تعیین ایدلمش اولان مدتلر ایچنده استعمال ایدیلنه حققل ارتق استعمال اولونا ماز. شوقدر که هنوز مدتی ایچنده بولونان علاقده دار بوقانونک نشری کونسندن اعتباراً بوقانونده کی مدتلر ایچنده حققلرینی استعمال ایده بیلیر ایدی. یکی اصول محاکمهده اعتراض علی الحکم طریق و فصل مخصوص موجود اولما یوب غیاب معامله سنه قارشی صورت اعتراض غیاب فصلنده محرردر.

یکی اصول محاکمهده مدعینک کلمه سی اوزرینه حق محاکمه سنک موقه قرار ویرلمسی اصولی یوقدر. مدعینک غیابنده دعوی کوریلیر. ایدیلنی حق رندن آتی آی مرور ایدن دعوی عرفالارینک ابطالنه دائر اولان و تقسیم اولور. ولده یوقدر؛ دعوی، مرور زمان مدتنه قدر مراجعت وقوعنه معلق وراثت دعوی.

مدنی احکامه نجی ماده سنده اجرا ایشلری چوق اولان یرلرده صلح اجرا اولور مطالبی عدلیه وکالتنک تنسیبی ایله صلح حاکمیرینه تفویض اولونا بیلجهکی میراثچیلرک الونمشدر.

ایتمشدر که قانونک اسباب موجب مضطه سنی کوزدن کچیرمک متبعلر ایچون لازم کماکان یریدر. بناء علیه بویوک ملت مجاسی عدلیه انجمننک اصول محاکمه حقوقیه فانونی حقنده کی مضطه سنی کوزدن کچیردرک مطالعاتمزی سویله یلم :

انجمن، قومیسئونک اصلنده اولدیغی وجهله وظیفه ذات مصاحبت اعتباریه صلاحیت دیمسی قبول ایتیموب تعبیرک مانوس و مستعمل اولماماسندن و تشکیلات قانوننک ۵۳ نجی ماده سنده وظیفه و صلاحیتی تعبیرلری قولالاندیغندن تصحیح ایله مشدر. فی الحقیقه وظیفه تعبیری ده ا زیاده مستعمل ایسه ده ذات مصاحبت اعتباریه صلاحیت کرک اسکی قانونده و کرک ارباب حقوقک آثارنده کثرتله عمل اولدیغندن مانوس و غیر مستعمل اولدیغنه دائر اولان مطالعه وارد

مدعا به قیمی اولوبده قیمتده طرفین اوزلاشمازلر ایسه وظیفه مسئله سنی حل ایچون محکمه شفاهی وبسیط اصول محاکمه ایله مدعا بهک قیمتتی تقدیر ایتدیره رک حل ایده جکنه دائر قومیسینک ماده سنی انجمن زائد کوره رک حیقار مشدر. علی العاده اصول محاکمه برطاقم مراسم وکلفترلره تابع اولوب شفاهی وبسیط اصول محاکمه ایله بعض موادک چارچابوق وتبلیغات تحریریه کبی مراسمه تابع طوتولمقسزین حلی قولایلاشور. حالوکه علی العاده اصول محاکمه ایله مدعا بهک قیمتتی تعیین ایله وظیفه اعتراضی حل ایله مک ایچون لوائح متعاطیه ده اصولی دائره سنده بوندن بحث ایده رک تحریراً جواب ویرمک مجبوری حاصل اولور که عسرومشقی میدانده در. بناء علیه انجمنک زائد کورمسی موافق اولماسه کرک.

لایحه ده « طرفین اسباب ثبوتیه لرینی بیلدیرمزدن اول بری ادعا دیکر ویا خصمک مدعیانندن بر قسمتی قبول ایلدیکی حالده محکمه نک صلاحیتی اولمایان قالان شینک قیمتیه تعیین ایده؛ بوصورته دعوانک رؤیتی محکمه نک رکانتک خارجنده قالور ایسه محکمه اوراق دعوائی صلاحیتدار محکمه به کوندیر طاری بر ماده وار ایدی: انجمن بوماده یی « منازعه نک محکمه دن محکمه به دن ضرر دعوا جابر ایچون مشکلاتی مؤدی اولاجغندن » بحثله طی ایله مشدر. وین بوکا برکیمسه دعواسنی بر محکمه نک دائره صلاحیتیه ادخال ایچون فضله کوسته صوکره فضله سنی تنزیل ایده و وظیفه مسئله سنی مدعی ایچون بر ماعبه اولاندینی بوکا مانع اولمق ایچون طی ایدیلن فائده لی بر ماده ایدی.

انجمنک صلاح حاکمیری قانوننک مواد حقوقیه سنک لغوینه بناءً صالح حاکمیرینک کوره جکی مواد حقنده بر ماده قانونیه تدوینه لزوم کوردیکندن مقدار ویا قیمتی اوچوز لیرایه قدر آله حق و منقول غیر منقول دعوالریله ایجاز مدتی ختام بولمش اولان مأجورک تخلیه سنده دائر طلبیری و قانوناً مصرح سائر دعوالری صالح حاکمیرینک رؤیت ایده جکنی متضمن وظیفه فصلنک نهایتنه سکرنجی بر ماده علاوه ایله مشدر. بوماده اصول محاکمه دن زیاده تشکیل محاکم قانوننه عائددر. و ماده مذبله اولمق اوزره تشکیل محاکم قانوننه علاوه اولونابیلیردی. اصولک برنجی ماده سنده

محاکمک وظائف تشکیل محاکم قانونیه معین اولدیغندن بحث ایتدکدن
صوکره بوکا منافی اولارق مبحثک صوکنه بو مادهی علاوه ایتک بر آرمضاد
اولور . برده محاکم صلیحه قانون مدینک نشرندن صوکره احکام شخصی ایل
فضلهجه متوغل اولوب قوانین خصوصیه ایله آنلره بر چوق مصالح تحصیل
ایدیلدیکندن ایجه یوکللی اولدقلری و اوچیوز لیرالق دعوالر اهمیتسز دعوالردن
معدد بولونمادیفی جهتله اوچیوز لیرایه قدر صلاحیتلرینک توسیعی پک موافق
اولمامشدر .

۳ وراثتک اثباتنه دائر اولان ادعالرك متوفانک اقامتکاهی محکمه سنده رؤیت
ایدیلسی حقنده لایحه نك احتوا ایلدیکی فقره هم موافق همده میراث نزده کشاد
وتقسیم اولونور ایسه وراثتک ده اوراده اثبات ایدیلسی پک طیبی و مزور و مصنع
وراثت دعوالرینک اقامه سنده مانع اولاجغندن نافع ایدی . انجمن « قانون
مدنی احکامی ایله متناظر اولمادیغندن » بحثله چیقارمش و علاقه دارانه سهولت
اولور مطالعه سیه وراثتک اثباتنه و میراث حصه لرینک تعییننه متدائر دعوالرك
میراثچیلرك هر برینک بولوندیفی محل محکمه سنده رؤیت اولونابیلجه جکنی قبول
ایتمشدر که هر کسک مشکی بولوندیفی اسکی سوء استعمالات و تزویرات قابوسنی
کاکان آچیق براقشدر .

۴ برفعلدن متولد تضمینات دعواسنک اوفعلک وقوع بولدیفی محل محکمه سنده
اقامه اولونابیلجه جکنه دائر اولان فقره یی انجمن « حقسز برفعلدن » قیدیه تقیید
وتعدیل ایتمشدر . حقسز صفی ماده ده حشودر ؛ چونکه صلاحیت اساس
دعوان اول حل اولونور فعل حقلی اولسون اولماسون تضمینات دعواسنک
اقامه سنده ، تعیین صلاحیتده اساس اولابیلجه جکنه نظراً حقسز اولوب اولمادیغنک
اول امرده تدقیقنه امکان یوقدر .

۵ انجمن ۲۷ نجی ماده اولق اوزره محکمه وظیفه دار ویا صلاحیتدار اولمادیغنه
قرار ویردیکی تقدیرده عرض حال و دعوی دوسییه سنی عائد اولدیغنی محکمه یه
کوندره جکنه ویکیدن خرج آلتایاجغنه دائر بر ماده علاوه ایدهرک ۴۹۲ نومرولی

قانونده کی اسکی حکمی ایقا ایله مشدر . بو طرزك طرفینه تسهیلاتی قابل انکار دکلسمده بر محکمه نك وظیفه دار مرجعی تعیین و آکا حواله کیفیت ایله مسی نظریات حقوقیه ایله قابل تألیف دکلدر .

۶ انجمن ، لایحه نك « رد حاکم طلبی طرفینك محکمه ده اثبات وجود ایدیه جکری کوندن لا اقل بش کون اول محکمه اصلیه درمیان » ایدیلمی لازم اولدیغنه دائر بر فقره سنی ده طی ایله مشدر . دعوالری ، رد حاکم سبب و بهانه لرله زیاده تأخراته اوغرا تمامق مقصدینی تأمین واستهداف ایدن بوفائده لی فقره نك طینده اصابت یوقدر .

۷ رد حاکم طلبنك قبوله دائر ویریلن قرارلرک قطعی اولاجنی وردی متضمن قرارلر علیهنه قرارك تفهیمندن اعتباراً بش کون ظرفنده مافوق محکمه سنه مراجعت اولونایله جکی و محکمه اوچ کون ایچنده اوراقی مافوق محکمه سنه کوندرمه و اوراقل وصولی تاریخندن اعتباراً بر هفته ایچنده مافوق محکمه جه مسئله نك تدقیق و انتاجی مجبوری اولدیغنه دائر اولان لایحه نك ماده سنی انجمن طی ایله مشدر . بوحاله کوره رد حاکم طلبلرینه قارشى ویریلن قبول ویا رد قرارلرینك مستقلاً قابل تمیز اولوب اولمادیغنی حقه ده یکی اصول محاکمه مزده احکام صریحه یوقدر .

۸ اصولك ۴۱ نجی ماده سنك لایحه ده مقابل بولونان ۴۲ نجی ماده سنده « ایکی طرفدن برینك وفاتی حالنده محاکمه میرانك انتقاله قدر تعلیق اولونور . آنجق تأخیرنده مضرت موجود اولان حالدرده دیگر طرفك طلبیله تعقیب دعوی ایچون محکمه برقیم تعیین ایدره » دیلمش ایدی . انجمن علی الاطلاق قیم تعیین اولوناجنی یولنده تعدیل ایله مشدر . انجمنك تصحیح و تعدیلی دوغری دکلدر ؛ چونکه رد میراث مدتده قیم نصیله دعوائی یوروتمك دفتر طومه زماننده دعوايه همه حال جریان ویرمك دیمك اولاجغندن قانون مدینك ۵۶۵ نجی ماده سیله مقتاض اولماز .

۹ لایحه ده وکالتنامه لرك مرجع تصدیق اولق اوزره محکمه باش کاتبلری ده کوستریلشدی ؛ انجمن طی ایله مشدر . مقدا محکمه لره تسجیل وکالت اصولی

وار ایدی . بوقانونده او یوق ، هیئت اشغال ایتمهك ایچون اثنای محاکمه ده برینی توکیل ایدن کیمسه نك در حال محکمه باش کاتنك تصدیقیله بر وکالتنامه کتیرمسی موجب سهولت اولاجقدی .

۱۰ ۸۱ نجی ماده ده طلوعدن اول وغروبدن صوکره هیچ بر معامله نك یاپیلامایاجنی محرر اولدینی حالده انجمن « تبلیغات ایشلری مستثنا اولمق اوزره » قیدینی وضع صورتیله تعدیل ایله مشدر . کیجه لین هر کسك مباشر طرفندن ازعاج ایدیلشنه سببیت ویره جك اولان شو استثنائك محذورلری محتاج ایضاح دکلدر .

۱۱ ۹۶ نجی ماده ده تأمینات ، نقد واسهام وبانقه کفالتنه حصر ایدیش ایدی . انجمن کاتب عدلدن مصدق علی العاده کفالتی ده قبول صورتیله تعدیل ایله مشدر . علی العاده کفالت قبول اولوندیجه دیکر لرینه کیمسه لزوم کورمن کفالت عادیه قیلندن تأمینات ایسه قوتلی بر شیء دکلدر . چونکه بورجلر قانونی موجبنجه کفالتك حکمی مکفول عنك تحقق عزیزنه معلقدر .

۱۲ ۱۰۴ نجی ماده ده حجز احتیاطی قرارلرینی رئیس ویریر ، دینشدی انجمن بو صلاحیتی محکمه هیئته ویرمشدر . مستعجل وبسیط اولان حجز قرارلرینی رئیس محکمه یه ویرمکده کی قومیسسیونك وماخذك ملاحظه سی عملاً دهامفیددر . انجمن هر هانکی ایشده که تأمینات و کفالت لازم کلیر دولتی آندن استثنای ایتدیکی کبی لایحه یی تعدیلاً وعلاوة مظاهرت عدلیه یه نائل اولان کیمسه لر ده بوکا علاوه ایله مشدر : بونده کی سبب وحکمتی آکلایامایورم ؛ بر کیمسه نك بی قدرت اولماسی آنك کفالت و تأمیناندن مستثنا و مستغنی قلماسنی نهدن ایجاب ایتسین ؟ دولتك تأمینات ویرمسی وضعیتی تکفل عمومی آلتنده بولونماسندن و محکوم به ضرر وسائر یی دولتك تسویه دن امتناع ایده جکی مفروض اولماماسندن ایلری کلور . اما دینه بیلیر که مظاهرت عدلیه یه نائلیت دعوانك محق اولدیغنه محکمه جه جزم اولوندقن صوکره ویریه جك قرارله استیضال اولونور . فقط دعواسنده محق اولان کیمسه تأمینات ویرمکدن استثنای ایدیلک لازم کلسه دخی بوتقدیر مافوق .

محکمه سنک تقدیر یله ممکن الابطال اولوب مظاهرت عدلیه یه نائل اولان کیسه نك بو صورتله دعواسنی غائب ایتسی ممکن و محتمل ایکن بوعلتی درمیان ایتک قابل اولاماز . بناء علیه اولسه اولسه کفالت سندی مجاناً تصدیق اولونور یوقسه آنلری حجز احتیاطیده ، اصلاحده ، اعاده محاکمهده و سائر تأمینات و کفالت لازم کلن لرلده اعطای تأمیندن معاف طوتمق ایله اصحاب ثوته اینانماق و بی قدرت اولانلرک دعواسنه اینانمق نتیجه سنه واریلش اولور . بو اعتبار ایله یاپیلان شو علاوه لر موافق دکلدر ظننده یم .

۱۳ تبلیغات بحثنده لایحهده « شو قدر که مبلغ الهک بولوندیغی شهرده مسکن و یا اقامتگاه و ارایسه امتناعی حالنده خارجده ذاتنه تبلیغات یاپیلاماز » فقره سنی انجمن چیقارمشدر . لایحه و مأخذی اقامتگاه و مسکن صاحب لرینک چارش و یازارده تراموا ییده و سائر ایش واکلجه لرلرنده از عاج ایدیلمه لرینی استهداف ایله مش ایدی .

۱۴ ۱۴۱ نجی ماده نك مقابلی اولان لایحه نك ۱۴۲ نجی ماده سنک صوکنده « خارج از مملکت امتیازی حائز اجنبی مأمور لرده تبلیغات خارجیه و کالتی واسطه سیله یاپیلور . رسمی دائره لرده و یا مسکنلرنده بونلره و یا خود یا کلرنده بولونوبده بو امتیازی حائز اولمایانلرک ذاتنه تبلیغات اجرا اولوناماز ایسه اعلاناً تبلیغ جائزدر . صورتنده بر صوک فقره سی و ار ایدی که بونی انجمن حقوق دول قواعدیه و قواعد عملیه ایله ذاتاً مؤمن اولدیغندن بحثله طی ایتمشدر . هر نه اولور سه اولسون ممکن اولدجه قواعد حقوقیه بی مکتوب حالنه وضع ایله مک اجتهاده بر اققندن اولی در . بو مادهده ایسه تعسر تبلیغ حالنده استثناء اعلان جوازی و ار ایدی .

۱۵ اعلاناً تبلیغانده اعظمی احتیاطه رعایتی واجب کوردهن قومیسون مأخذده اولدیغی کبی بر هفته فاصله ایله اوچ دفعه اعلانی و هانکی غزته ایله اعلان ایدیله جکنک قرارده ذکر اولونماسنی تصویب و لایحه سنه درج ایتمش ایدی . و اعلاماتک تبلیغی دعوتیه و اوراق سائر نك تبلیغندن ده اهمیتلی اولماسندن آنلرک اعلاناً تبلیغنده انقرده نشر اولونان رسمی جریده ایله بر دفعه اعلان اولونماسی بر تدبیر احتیاطی اولمق ملاحظه سیله قبول ایدیش ایسهده انجمن بونلری کاملاً طی ایتمه که بعضی سوء استعمالات قبولرینی قاپاماش اولدی .

۱۶ ۱۵۰ نجی ماده اصلنده موجود اولمادینی وقانون جزا ایله مؤمن اولدیغندن لزوم اولمادینی حالده [برکیمسه محکمه حضورنده مناسب اولمیان برقول وفعلهده بولونورسه ... الخ] درحال توقیف و برهفته یه قدر حبس ویا یکرمی بش لیرایه قدر جزای نقدی ایله محکوم ایدیله بیله جکی حقنده انجمن بر ماده وضع ایله مشدر. درحال اجرا ایتک صورتیله بو قدر شدتلی بر جزایی استلزام ایدن قول ویا فعلک تعیین وتصریح ایدیلکسزین « مناسب اولمیان » قیدیه مهیم وحادثه ده بی طرف اولاجقلری مجزوم اولمیان حکامک تقدیر مطلقه ترك ایتک پک چوق شایان تأمل بر کیفیتدر .

۱۷ ۱۷۹ نجی ماده نك ۳ نومروسی اصلنده اولدینی وجهله Conclusion نك مقابلی اولارق ، موجباً ادعا ومدفاعه نتیجه لری دنیلمش ایکن ودعوی ضمننده کی مدعیات و واقعات ایله فذلکک مدعا یعنی اجمال حقوقی باشقه باشقه شیر اولدینی حالده انجمن بونی [صورت موضعه ده ادعا ومدفاعه] صورتیله تصحیح ایده رک مقصودی اخلال ایله مشدر .

۱۸ لایحه ده اقرار فصلنده لاحقه اولارق لزومنه مبنی شوقی پک افدینک تسویدیه شویله بر ماده وار ایدی . [اقرارک معتبر اولماسی ایچون مقرر اقرار ایتدیی خصوصات حقنده اهل اولماسی شرطدر . اقراره مترافق اولارق سردایدیلن اوصاف وشرائط ایله دوغریدن دوغریه مقررهله ارتباط ایدن مدافعات غیر قابل تفریق وانقسامدر . انحق خصم طرفی بو اوصاف وشرائطک خلافتی ویا خود اقراره استناددن صرف نظرله اساس دعوائی اثبات ایده بیلیر . مع هذا اقراره مترافق اولارق سرد ایدیلن اوصاف وتقییدات مقررهله متناقض ویا عقلاً وعاده غیر محتمل ویا کذب ظاهر اولدینی تقدیرده محکمه جه اقرار تفریق و تقسیم اولونارق مقرر الزام اولونابیلیر . اقرار صریح و واضح اولمالیدر شو قدرکه بر طرفک بیاناننک هیئت مجموعه سی مدعاهک وقوعنه صورت قطعیه ده دلالت ایده ر وباشقه دورلو تفسیر و توجیه امکان بولونماز ایسه اشبو اقرار ضمنی ایله حکم جائز اولور . اقراردن رجوع معتبر دکلدز . آنحق رجوع ایدن طرف اقرارک

ظاهره مخالف بولوندیغنی ویا بر خطای مادیدن نشأت ایتدیکنی ادعا ایدوبده بو خصوصه محکمه جه قناعت حاصل اولورایسه اقراره اعتبار ایدیلز . [تجارت دعوالرئنده معمول به اولوق اوزره یکی قانون تجارتده] اقرار تجزی قبول ایتز . بناء علیه مدعی عامهک کرک محکمه خارجنده و کرک حضور حاکمه وقوع بولان و اقرارک تضمن ایدن افاده سنک هیئت عمومی سی تماماً قبول ویا رد ایدیلک لازمدر . [عبارده سیله ۶۸۱ نجی ماده واردر . بو ماده معاملات عادیده قابل تطبیق اولمادیغندن ویکی اصول محاکمه قانونیه حاصل دعوائی انکار ایله اکتفا ممکن بولونمادیغندن بو ماده نك اصول محاکمه حقوقیه ده یری اولوق لازم و نافع ایدی ؛ انجمن بونی ده دهها زیاده نظری و علمی و حقوق مدنیه قواعدینه متعلق اولدیغندن بحثله لزومسز بولارق طی ایلشدر که فیکرجه حاکمرمز ایچون رهبر تشکیل ایده جک بویه مهم بر ماده نك طی آئی اولماشدر .

۱۹ لایحه ده شکل یمین [شویه بویه اولمادیغنه یمین ایدیور میسکز دینه جک و اوده ... یمین ایدرم دیه جکدر] ایدی . انجمن بونی جنوره اصول حقوقیه سنه و بو کونکی احتیاجه موافقتدن بحثله شکل حاضره افراغ ایله مشدر . یمین کله سی متدین اولانه کوره الفاظ قسمدن اولدیغنی کبی غیر معتقد اولانک نظر ندهده یمین بر عهد ویا لان مفوردر . نه تطویه لزوم ونده تغلیظه احتیاج واردی . بالخاصه ناموسک نه اولدیغنی بیلمه یئرله قارشى ناموس کله سیله القای خشیتمک ظنده بولونمق نه قدر عبثدر و [الله] هر کسک الهی اولدیغنی جهته (اللهکرز) و (اللهم) کله لرینی استعمال ایله دورلو ، دورلو الله اولایله جکی ظنی و یرمک و بو شکلک بو کونکی احتیاجه موافق اولدیغنی ایلری سورمک مناسب دکلدر اعتقادنده یم .

۲۰ سند مجتمده ۲۸۵ نجی ماده ده مدعا بهک مقداری ویا قیمتی دعوا به قدر فائض ویا منافعتک ضمیمه بشیک غروشی تجاوز ایتسه ده اولکی فقره حکمی جاریدر فقره سی وارایدی . زائد اولمادیغنی حالد انجمن زائد دیه چیقارمشر .

۲۱ انجمن ۲۹۷ نجی ماده به ال ایله امضا وضعنه مقتدر اولامایانلره معروف ایکی شخصک تصدیقیه ال ایله یاپیلمش بر اشارت ویا مهر استعمالی تجویز قیلقلی

۱۷- بر فقره علاوه ایلشد. بو بورجلر قانوننک اون بشنجی ماده سنه پک موافق
دوشمه مشدر. لایحه ده « رسمی اولمایان سندلرک متنی ویا یالکیز دینک مقداری
یاخود تعهدک ماهیتی سندی امضا ایدن کیمسه طرفندن یازملق لازمدر. عکس
حالده موضوع امضا انکار ایدیلیر ایسه سند مدار حکم اولماز یالکیز بر مقدمه بینه
تشکیل ایده رسندات تجاریه بوندن مستنادر » ۲۲ نجی ماده سی ایله « غیر رسمی سندک
متننده یازیلی مقدار و یا قیمت، زیرنده ال ایله یازیلش اولان مقداره موافق ایتمز ایسه
امضا ایدن اک دون اولان مقدار و قیمتله الزام اولونور. مکرکه عدم توافقک
خطایه مستند اولدیغی تظاهر ایتش اوله » ماده لری وار ایدی و بورجلر قانوننک
« امضا اوزرنه بورج آلان کیمسه نک ال یازیلی اولمق لازمدر » جمله سی احتوا
ایدن ۱۴ نجی ماده سنه موافق ایتکده ایدیلر. مأخذلرنده موجود اولان
بواکی ماده یی انجمن زائددر دیه چیقار مشدر.

۲۷ « اسرار عائله یی محتوی مکتوبلر مرسلک موافقی اولمادجه مرسل الیهدن
باشقه سی طرفندن ابراز و آنلرله احتیاج اولونماز. » فقره سی ده لازمی ایکن
بلا مطالعه طی ایدیلشد.

۲۸ ۳۳۴ نجی ماده نک لایحه ده کی مقابلنده « اوچنجی شخص نزدنده کی وثیقه نک
ابرازینی طلب ایدن کیمسه او وثیقه یه استناد ایتدیکنی سولسی لازمدر. یرینه
انجمن او وثیقه نک مندرجاتی تعیین و تصریح الیسی لازمدر صورتنه افراغ
ایتشد. آله اولمایان بر سدنک مندرجاتی تصریح اکثریا ممکن اولمایا جغه بناء
بوقید تصعیکارد.

۲۹ ۴ تحقیقاتک ختامی و محاکمه فصلنده ۳۷۷ نجی ماده نک لایحه ده کی مقابلنده
محکمه اصلیه ده رؤیت ایدیله جک دعوالرده دوسیه محکمه رئیس طرفندن تعیین
اولونا جق مدت ظرفنده تدقیق اولونمق اوزره محکمه اعضاسندن هر برینه آری
آری ضبط کاتبی معرفتیه و یریله جکنه دائر بر فقره وار ایدی. انجمن بونی ده
زائد دیه چیقار مشدر. حالبوکه اوراق دعوانک اعضادن هر بری طرفندن تدقیق
و مطالعه لزومی تقریر ایدن شو فقره زائد دکل خلقه قارشى تأمینات قیلندن
اولدیغندن تصریحی الزم اولدیغی قناعتده ایم.

۳۷۷ نجی ماده ده دعوت و رقه سنده محکمه نك كيملردن تشكیل ایده جکی
دخی طرفینه بیلدیریلیر فقره سی وار ایدی؛ رد حاکم اسبابی وار ایسه دهاول
معلومات پیدا ایدر ك سرد ایده بیلیمك ایچون طرفینه نافع بر فقره ایدی، بوده
طی ایدیلشدر.

بوندن صوکره لایحه ده «دعواسندن فراغت و یا خصمنك ادعاسنی تمامیه
قبول یا خود اولیه موجود بر سیه بناء» دعوایی تعلیق ایتدیرن طرف طلبنی
یوم محاکمیدن اوچ کون اول محکمه یه در میان ایلز ایسه یکریمی بش لیرایه قدر
جزای نقدی یه محکوم ایدیلیر، ماده سی وار ایدی و محاکماتی تأخردن وقایه
ایدیجی بر ماده ایدی؛ انجمن امر محاکمینی تسهیل و تسریع ایده جکی مشکوک
کوردیکندن بحثله چیقارمشدر.

مذا کره نك علی اولاجغه دائر لایحه ده کی ماده بی انجمنك تعدیل ایلسی
فکریمه موافقدر. چونکه محکمه لر من هنوز اودرجه کاله ایرمه مشدر.

۳۸۳ نجی ماده «مذا کره یه و رایه دوسیه بی اوقومش و شفاهی مرافعه ده
حاضر بولونمش اولان اعضا و اعضا ملازم لری اشتراك ایدر» شکلنده ایدی،
انجمن «دوسیه بی اوقومش» قیدینی قالدیرمشدر. حالبوکه اوقید اعضانك دوسیه بی
اوقومالری ایچون تأمینات قیلندن ایدی.

۳۸۶ نجی ماده ده لایحه ده اکثریت قانونیه حاصل اولیوبده مختلف ایکی
اوچ رای تیلر ایلر ایسه الك قدملیسندن باشلامق شرطیه محکمه نك دیکر دائره لری
حکامندن و بوده قابل دکل ایسه الك قدملی آووقتاردن بری هیئت حاکمه میانسه
آلینارک یکیدن محاکمه و مذا کره اولوناجنی و بوده ممکن اولمادیفی تقدیرده
دعوانك الك یقین محل محکمه سنه نقل ایدیلیر جکی فقره لری وار ایدی انجمن طی
ایله مشدر. حال حاضرده اکثریت حاصل اولمادیفی تقدیرده اصول محاکمه مزده
صراحت اولمادیغنه نظراً بعض حاکم لرك رایلردن فدا کارلق ایدر ك دیکر لرینه
کرهأ التحاق ایللردن و اداره مصلحتدن باشقه قانونی چاره یوقدر، چونکه
کوستریله مشدر و کوستریله ن چاره بلا سبب طی ایدیلشدر.

۴۰۲ نجی ماده‌نك صوكننده «تعیین اولونان كونده محكمه‌ده حاضر بولونور ایسه مقدا یا ییلمش اولان معامله‌لری غائب قبول ایتمدیکی تقدیرده معتبر و عكسی حالد اولماش حكمنده عد اولونور» دنیلمش ایدی. انجمن مضبطه‌سنده بوماده حقنده انجمنجه اوزون اوزادییه مناقشه ایدیلدیكنی بیان ایله «حاضر بولونوبده غیاباً جریان ایدن معامله‌لرك تعدیل و جرح و ابطالنی موجب بر اعراض درمیان ایتمدیکی تقدیرده تدقیق اولونارق وارد كوریلیر ایسه قبول، عكسی حالد غیاباً جریان ایدن معامله‌لر معتبر عد اولونور» صورتنده تبدیل ایله مشدر؛ شو شكلده تعدیل ایله مأخذ مزدن تمامیه انحراف و تباعد واقع اولمشدر.

۴۰۵ مصارف محاكمه فصلنده ۴۱۳ نجی ماده‌ده «یازی مصر فلری، چیقاریله رق ماده مضبطه‌ده كوستریلدیكنی وجهله موجود خرج تعرفه‌سی احكامنه و بوكونكنی تشكیلاتمه اویدیریلشدر.

۴۱۸ نجی ماده‌نك مقابلنده اوچنجی نومروده [حقسز اولارق فضله مطالبده بولونوبده محاكمه ائناسنده اشبو طلبدن وازكچمه‌مش اولق] فقره‌سی وار ایدی؛ تطبیق‌اتده تقدیر مشكل اولاجغندن بحثله چیقاریلشدر.

۴۲۸ لایحه‌نك اوچنجی بابنك برنجی فصلنی [استیناف دعوی] بحثی تشكیل ایدیوردی كه یكرمی ماده‌دن عبارت ایدی. انجمن بوفصلی بوكونكنی تشكیلاتمه مجلس عالیجه قبول بیورولمش اولان قانون اخیر ایله لغوینه مبنی استیناف محكمه‌لری موجود اولمادینی و بونكه برابر كرك مالی و كرك فردی وسائط موجودیه نظراً احیاسنه امكان بولونمادینی جهتله قبل التشكیل آنلر حقنده وضع احكام ایله مك فائده‌سز و محذوری بر حشو اولاجغندن بحثله بزجه غیر مسلم بر طاقم مطالعات ایله علماً وجودی محتاج مناقشه اولمایان واك مساعد بر زمانده توركیه‌نك دوت بش مهم مركزلرنده برر استیناف محكمه‌سهنك تشكیلنه نه مالی و نه فردی ملاحظه‌لر مانع اولامایاجغندن و معاصر اوروپا حقوقی آن حكومتز معاصر تشكیلات عدلیه‌دن محروم اولارق بونلری لایقيله تطبیق ایتمیره‌مه‌یه جكندن ایر كیج استیناف تشكیلاتنك احیاسنه مجبوریت

حاصل اولاجنندن و محکمه تمیزك حال حاضری كافی تأمینانندن معدود اولامایا -
جنندن بر ماده ایله موقهٔ مرعیی تأخیر ایدیلک وایلك فرصته احیا اولنق
اوزره استیناف فصلنك طی ایدلمه سی ایجاب ایدر ایدی .

۳۳ انجمن عدلیه مضبوطه سنه کوره تمیز فصلی ، تشکیلات حاضریه و مملکتک
احتیاجاتنه توفیق ایدیلش و محکمه تمیزك مساعیدنی بلا لزوم هدره سائق اولاجق
أصول و طریقلر قالدیر یلشدیر .

۳۴ لایحه اعتراضات ابتدائیه نك و طرفیندن برینك تحلیفی کبی نهائی اولمایان
قرارلرک مستعجلاً قابلیت تمیزیه سی قبول ایله نقض حالنده نقطهٔ منقوضه دن
صوکره کی معامله و قرارلرک نقضك دائرهٔ شمولنده ایسه غیر معتبر عد اولونماسنی
و تحلیفه دائر ویریلن قرارك تصدیق حالنده تمیز قرارینك تبلیغی تاریخندن
اعتباراً بر هفته ظرفنده حکمی ویره ن محکمه یه مراجعتله حق تحلیفی استعمال
ویا یمینك اجرا اولونابیلمسنی ترویج ایتیش ایدی ، انجمن بوماده لری چبقار منشدر .
نهائی اولمایان مقرراتك نتیجه ایله معاً تمیزی حالنده طرفیندن برینك مشکل بر
موقعده قالارق قرار محکمه یه بالاضطرار مطاوعت ایلسنی و بالتیجه متضرر اولماسنی
مؤدی اولوب غیر نهائی مقرراتك تمیزنده دعوانك سورونجمه ده قلماسی کیفیتی
بر محذور اولارق سرد اولونابیلیر ایسه ده بر طرفدن تمیز واقع اولقله برابر
دیگر طرفدن محاکمه نك تأخیر ایدیله یه چکی تصریح ایدیلدیکنه کوره او محذورده
مندفع اولاجنه بناءً تأمین حق وعدله خدمت ایدن بواسولك قبولنده فائده
ملحوظ اولدینی مطالعه سننده بولوندیغمندن بوجهله تعدیلده اصابت کور میورم .

۳۵ ۴۳۶ نجی ماده نك صوکنده لایحه ده « اشبو تقریر اوزرینه هانکی کونده
تدقیقات و مرافعه نك اجرا اولوناجنی رئیس جانبندن اشارت اولوندقن صوکره
صورتلری رئیس ده داخل اولدینی حالده دیگر اعضا لره توزیع اولونور . »
فقره سی وار ایدی که بونکله محکمه تمیز اعضا لرینك هر برینك فراداً تدقیق
و مطالعه ایله مجبوریتلری تأمین اولینیور ایدی ؛ بوده طی اولونمشدر .

لایحه ده طلب اوزرینه ویا رأساً محکمه تمیزده مرافعه علیه صورت مطلقه ده

ایدی؛ انجمن یالکز بوشانما و آریله، حجر و نسبه متعلق دعوای ايله قیمتی بیک لیرایی تجاوز ایدن آلاق و عین دعوایرینه حصر ايله مشدر.

۳۷ تصحیح قرار بحثده ۴۳۸ نجی ماده نك لایحه ده کی مقابلنده تصحیح قرارک مرجعی محکمه تمیز حقوق هیئت عمومی سی کوسریش ایدی؛ انجمن کافی السابق دائرة خصوصیه ویر مشدر. امثالیه ثابتدر که دوائر خصوصیه کندی قرارلرنده کی خطالرینی اندر اولارق تصحیح ایدرلر. هیئت عمومی حالنده تصحیح قراردن فائده بکله نیلیدی.

۳۸ اموال دولتک حجز اولونا ماماسی بحثده لایحه ده [خان و آبارتمان و چفتلک کی وظائف عمومی دولتک ایفاسنه مختص اولمیان اموال غیر منقوله نك واردات و حاصلاتی و دولت سرمایه سیله متشکل و ماهیت رسمیه یی حائر اولارق تجارت و یا انحصار یا خود شرکت معامله لرینی ایضا ایتمکده اولان بالعموم مؤسسه لک ایشلرینی یا بقی ایچون مبرم اولمیان اموال و اشیا و ادواتی علی الاطلاق قابل حجزدر.] فقره سی وار ایدی؛ انجمن دولت کندی محکمه لرندن ویرلن اعلاماته و اونلرک تنفیذ احکامنه افراددن دهافضله حرمتکار اولوق اعتباریه اموال دولته حجز وضعنه احتیاج حاصل اولمایاجنی و اصول محاسبه عمومی قانونه احکام خصوصه وضع ایدیش اولدیغندن بحثله طی ايله مشدر.

۳۹ مظاهر عدلیه بحثده لایحه ماخذنده اولدیغی وجهله مظاهر نك استحصالی برچوق تدقیقاته تابع طومش ایدی. انجمن، عنوانیه متناسب اولاق بر طرز تسبیلاتکاری به افراغ ایلدیکندن بحثله قیود و شروطی طی و بومظاهر نك غیر حقیقی بر صورتده استحصالی تسبیل ایده بیله جک بر صورتده تعدیل ايله مشدر.

۴۰ بسیط اصول محاکمه ده ۵۰۷ نجی ماده نك (آ) فقره سی «اجرا قانونی ايله حاکمه ویریش اولان صلاحیتلره متعلق مواد» شکلنده ایدی؛ انجمن «قونقورداتو، مأجورک تخلیه سی مسئله سی و سند رسمی به مستند دعوایرده» شکلنده تصحیح ايله مشدر. سند رسمی به مستند دعوایر چوقدر. چونکه مطلق صورتده سند رسمی دیمکه کاتب عدلن مصدق سنداته برابر سندلی و طابولی مراکب و اموال غیر

منقولہ تصرف دعوالری دہ کیرمش اولور . بوحالده ، محاکمہ دعوالرک چوغی بسیط اصول محاکمہ تابع اولاجقدر . اسکیدن محاکمہ مدعوائی قراریلہ بسیط کوریر وتبلیغات تحریریه تابع طومتقندن اصحاب مصالح کبی قاجامق آرار ایدی . حالبوکه بسیط اصول محاکمہ مهم وسند رسمی به مربوط دعوالرک اصحابی ایچون بویوک خطر وتهلکه واردر . چونکه بسیط اصول محاکمہ طرفیندن بری لاسبب یوم محاکمہ حاضر بولوناماسه ۵۱۰ نجی مادهیه نظراً اوکا غیاب قراری تبلیغ ایدیلز . بناء علیه هیچ اولمازسه کاتب عدل قانوننک ۶۹ نجی ماده سنده محرراولان اعلام کبی قابلیت اجرایی بی حائر سندات رسمیه به حصر ایدیلهرک عبارہ اوصورتله تقید ایدیلش اولسه ایدی دهها موافق اولور ایدی .

نوشاتل اصول محاکمہ سنده اولمادیغندن قومیسونجه رأساً تنظیم ایدیلش اولان حاکمک مسؤلیتته دائر مبحثده حاکم واجرا ریئسندن باشقه مدعی عمومی معاونلری ومستنطق علینده تضمینات دعواسی اقامه ایدیله بیله چکی واسبابی میاننده ایجاب قانونی اولمادیغنی حالده دعوانک قصداً طول مدت اوزادیلسی و ابراز ویا ایراد اولونمایان بردلیک طرفیندن برینه تخطر ایتدیهرک بنای حکم ایدیلسی و غایت بحق وواضح نقض قرارینه معانده صورتنده اصرار قراری ویریلسی ده مستلزم تضمین کوستربلش ایدی . انجمن بونلری چیقاردیغنی کبی تضمینات دعواسنک مرجع رؤیتته وصورثبوتیه سنه دائر اولان ماده لرله عرضحالک قبولندن صوکره حاکم مشتکی عنہک مدعینک دعواسنده بولوناماسنه دائر اولان ماده بی ده چیقار مشدره .

مواد مخصوصه ده ۵۷۷ نجی ماده نک لایحه ده مقابلی [محاکم و دوائر عدلیه ده استعمالی مجبوری اوراق ودفاتر ، عدلیه وکالتنجه تنظیم اولوناجق تعالیماتنامه ایلہ معیندر .] صورتنده ایدی ؛ انجمن بونی [قانوناً استعمالی مجبوری دفترلردن ماعدل طوتیلاجق دفترلر واوراق عدلیه وکالتنجه تنظیم اولوناجق تعالیماتنامه ایلہ معیندر .] شکلنده تصحیح ایلہ مشدر . شو حالده قانوناً استعمالی مجبوری دفترلر هانکیلریدر ؟ یکی اصول محاکمہ ده بوکا دائر بحث اولمادیغندن تصحیح واقعه معنا مفقوددر . انجمنک تعدیلات سائرہ سی اهمیتدن عاری اولدیغندن خارج از تقید بر اقیلم مشدر .

هر حاليله برابر يکي اصول محاکمه حقوقيه قانوني اسکیسنه نسبةً چوق ایدر .
 واقعا تبلیغات تحریر به و تحقیقاته عاذا حکامک تمامی تطبیق بر آزمشکل وایشلری
 چوق اولان محکمه لرده دعاوینک دوچار تأخر اولماسنی موجب اولاجق ایسه ده
 ایشی چوق اولان محکمه لرده احتیاط بر ر فضله اعضا ویا اعضا ملازمی بولن دیر مق
 صورتيله محذورک اوکنه کچیلیمسی قابلدر .



حق و صورت استحصالی

بر کیمسه نك دیگر کیمسه ده لازم الایفا بر حق اولدیغنی یعنی اونده برشی یا یاقی و یا یا یاقی حق اولدیغنی زعم ایتمسندن تولد ایدن نزاع واختلافك حلیله او حقلك احقاق و استحصالی ضد دنده طرق مشروعه سنه مراجعتدن اول بر حق و وجیه ظن اولونان مدعا بهك قانوناً حق تشکیل ایدوب ایتدیكنی آراشدیروب بیلیمك اقتضا ایدر ؛ تا که بهوده کلفتلر اختیار یله شایان استماع اولمایان و قابل رد و دفع بر دعوانك نتیجه سی اولان رد و معارضه دن منع ایله محکومیه و بالنتیجه بر طاقم مصارف محاکمه و سائر ایله متضرر اولمقدن توقی ایدیلسین . بو ، احکام قانونیه و قوف ایله ، وقوفی اولانلره مراجعت ایله تأمین اولونا بیلیر .

اقامه سی قصد اولونان دعواده طرفیندن اولابیلیمك ایچون اهلیت قانونیه اولوب اولمادیغنی تعیین و خصم تثبیت ایدیلهرك آکا توجیه خصوصتده بر مانع قانونی اولمادیغنی آکلاشلدقدن و بو دعوی ایچون معین بر مرور زمان مدتی اولوب ده هنوز کچمیدیکی و بعض مراسمه تابع اولوب اولمادیغنی معلوم اولدقدن صو کره اقامه ایدیلهرك دعوانك شایان استماع اونوب اولمادیغنی حل ایتیمك صره سی کلیر .

دعوی و اهلیت دعوی

دعوی : بر کیمسه نك دیگر ند اولان حقنی حضور حاکم و یا حکمده طلب ایتسیدر . دعوا ایدنه مدعی ، دعوا اولونانه مدعی علیه و او حقه مدعا به دنیلیر . اصول حقوقیه قانوننك ۳۸ نجی ماده سی موجبجه دعوا به اهلیت قانون مدنی ایله تعیین اولونمشدر . مدعی و مدعی علیه یا شخص حقیقی اولورلر یا خود اشخاص حکمیه دن بولونورلر . ایکی طرف اشخاص حقیقیه دن ایسه دعوا به اهلیتلی اولوب اولمادیغنی قانون مدنی به توفیقاً حل ایدهرکیز . قانون مدنی به

کوره میز اولان رشید ، مدنی حقلری استعماله صلاحیتداردر . ورشد اون سکر یاشک اکاليله باشلار ، فقط اولمه کشتی بی رشید قیلار .

قانون مدنی رشید کلمه سی صغیرک مخالف مقابلی اولمق اوزره قوللامشدر . قانون مدنی به کوره اصل اولان رشیدک میز اولماسیدر : یعنی شرانک جالب و بیعتک سالب ملکیت اولدیغنی فهم و ادراک و خیر و شری تقریق ایده بیلمسیدر . اگر بعض اسباب ایله قوه میزه سی خللدار اولمش ایسه - عقل خسته لنی و عقل ضعیفلکی و سر خوشلق کبی - غیر میز تلقی اولونور .

اون بش یاشنی اکیال ایدن کوچوک کندی رضاسی و آنا بابانک موافقی ایله محکمه اصلیه جه مآذون قیلنابیلیر . میز اولمایان کوچوکلر و یابویوک اولوبده لاسبب حجر ایدیش اولانلر مدنی حقلری استعمال صلاحیتندن محرومدرلر . اقامه دعوی و مدافعه ده عقود کبی حقوق مدنیه دن بر حقه تصرف و آندن استفاده قیلندن اولدیغندن بونلر ، مدعی و مدعی علیه اولامازلر .

محجورلر و هنوز رشید اولمایان یعنی کوچوک بولونان چوجقلر میز اولسه لر دخی قانونی ممثللرینک یعنی ابوین ، وصی ، وصایت مقاملری ، قیملرینک موافقتلری اولقسزین تعهد آلتنه کیره مزلر ؛ بناء علیه مدعی و مدعی علیه اولامازلر سه ده بلا عوض یعنی مجاناً بر مالی اتهاب و اکتسابه بلا قید و شرط اهل اولدقلری کبی اتفاق کبی صرف شخصی حقوقنی طلب و استعمالده ممثللرینک اذن و موافقتلرینی استحصاله محتاج اولقسزین اهلیتلری واردر ؛ بناء علیه بو خصوصلرده اقامه دعوايه ده اهلدرلر .

بونلردن ماعدا احوالده اهلیتلری اولمایانلرک دعواسنی اقامه ویا آتی مدافعه ایتک ، حقوقی ممثللرینه عأددر . طرفیندن برینک ولی ، وصی ویا قیمی یوق ایسه محکمه عأده سندن کندیسنه نصب اولونا جق وصی ویا قیم تمثیل ایدره . ایکی طرفدن برینک وصایت آلتنه آلماسی ویا کندیسنه قانونی مشاور ویا قیم نصب ایدیلسی بر محاکمه ائناسنده طلب ایدیلیر سه اصول محاکمه نک ۲۴ نجی ماده سی موجبنه حاکم بو خصوصده قطعی بر قرار ویریلنجیه قدر محاکمه نی تعلیق ایده بیلیر .

ینه بو مادهیه کوره طرفیندن بری ایجاب قانونییه بناء شفاخانهیه قونولمش ویا اختلاطدن منع و تجرید ایدیلش اولوبده اصله ویا وکاله محکمهده بولونماسی ممکن دکل ایسه او کیمسه حقنده دعوائی تعقیب ایچون برقیم تعیین اولونجهیه قدر محاکمه تعلیق اولونور. و انسانی مرافعهده طرفیندن برینک وفاتی حالنده دیگر طرفک طلیله حاکم دعوانک تعقیبی ایچون برقیم تعیین ایده بیلیر.

دعوائیه اهلیتی اولمایان کیمسه نک توکیلهده اهلیتی اولمادیغندن آنلرک دعوالری بالوکاله تعقیب اولونماز. نتیجه مدعی ومدعی علیه اولابیلیمک ایچون رشید و غیر مجبور اولقی افتضا ایدر؛ و صرف شخصی حقوقی طلب واستعمال بوندن مستنادر.

طرفیندن بری حکمی شخصلردن ایسه: غیر قانونی یا خود آدابه مغایر بر غایه لری اولمایان و مقتضی عضولره مالک اولان شرکترلر ایله اقتصادی غایه سی اولان جمعیتلر سجل مخصوصه قیدلرینی اجرا ایتدیرمکه و اقتصادی غایه سی اولمایان دیگر جمعیتلر، جمعیت اولارق تشکل آرزوسنی اظهار ایتمکه شخصیت حکمیه و بناء علیه حقوق مدنییه التزام واستحصاله اهلیت اکتساب ایده جک لرنندن مدعی ومدعی علیه اولابیلیر.

تأسیسهده وقف ایدیلن مال شخصیت اکتساب ایدر؛ و آنی اداره ایله مکلف اولانلر، آنی تمثیل ایدرلر. اصول محاکمه حقوقیه نک ۳۹ و ۴۰ نجی ماده لرینه کوره اهلیتی حائز اولان حکمی شخصلر، قانونی عضولری واسطه سیله و ایجاب ایدن مأذونیتی استحصال ایله حرکت ایدرلر. عکسی حالده حاکم تعیین ایده جکی مدت ظرفنده شرائطک اکیالی ایچون محاکمه تعلیق مجبور اولدینی کبی دعوانک هر حالنده طرفلردن هر بری ده بونی طلب ایده بیلیر. آنحق مستعجل ایشلرده حاکم دعوانک موقه دوامه قرار ویره بیلیر. حاکمک تعیین ایتدیکی مدت ایچنده شرائط لازمه اکیال اولونماز ایسه یا پیلان معامله حکمسز عد اولونور. آنحق قانوناً دعوانک تعقیبی بر مقامک مأذونیتنه متوقف ایسه حاکم مقامی خبردار ایتک شرطیله یکی برمهلت ده ویره بیلیر. خلاصه بر

دعواده مدعی و مدعی علیه و داخل دعوا اولاییله جککر قانون مدنی موجبجه دعوايه اهلیتلیری بولونان حقیقی شخصلرله اهلیتی اولمایانلرک ولی ووصی و قییم کیی مئللری و اشخاص حکمییه دن شرکت و جمعیتلرک مدیر و یا صلاحیتدار عضولری ، و قفلرک متولی و یا مدیرلری ، دولت و شعباتی مؤسسات رسمییه ایله بلدییه و ناحیه لیرک مدیر ، مجالس اداره سی و یا وکیللری در .

خصوصیت

بر دعوا ده طرفینک یکدیگری نه خصوصیتی نه وقت موجه در ؟ قانون مدنی ایله اصول محاکمه حقوقیه ده خصم اولوب اولمایانلرک بحقی یوقدر . کندینی من له الحق عد ایدن مدعی قارشوسنده کیی من علیه الحق کوریپورسه اوکا توجیه خصوصیت ایدر . حال حاضرده [هرکیم اقرارحائنده علیه بر حکم ترتب ایدر ایسه انکار حائنده ده خصم اولور] ضابطه وقاعده خصوصیتی قالمامشدر . چونکه دولت و کوچوک و محجورین کییلرک مئللرینک و وقف دعوالرنده آری اصول محاکمه قاعده لری جاری اولامایاجغندن متولیلرک اقرارلرینک غیر معتبر اولدینی حقنده ملغا بجه و اوقاف احکامی مفسوخ در . اصول محاکمه حقوقیه ده ایسه بالاصاله ایله بالولایه و یا بالوصایه و یا خود بالتولیه اقرار آراسنده فرق یوقدر . ظاهر حال ایله مکذب اولمادجه هر دورلو اقرار هر هانکی مقری نه صفتده اولور ایسه اولسون و دائره رسمییه علیه نه ده اولسون معتبر و ملزم در .

خلاف حقیقت و اذونیت بر اقراردن دولایی مثل له متضرر اولمش ایسه مقر اولان مئلدن تضمین ضرر دعوا سی حق محفوظدر .

بوتفصیلاتدن برحق حقنده قانونک خصم اولارق تخصیص و بیان ایلدیکی احوال طبیعی مستناددر . خصوصیه متعلق قانون مدنی ، بورجلر قانونی و تجارت قانونلرنده موجود احکامی کوزدن کچیرمک فائده دن خالی اولمایاجغندن تلخیصاً بیان ایده لم :

I شخصی منفعتلرنده حقسز تجاوززه اوغرایان هر کیمسسه حاکدن تجاوزک منفی طلب ایده بیلیر .
قانون مدنی ماده ۲۴

۲ بر جمعیتک غایه سی قانونه یاخود آداب عمومیه به مغایر اولور ایسه اوجمیتک

فسخنی مدعی عمومیک ویا بر علاقه دارده طلب ایده بیلیر. ق م ماده ۷۱

۳ تأسیس ایده نک میراثچیلری و آلاچقیلیری طرفندن تأسیسنه اعتراض اولونا بیلیر. ق م ۷۵

۴ تأسیسک فسخنی ، تفتیش مقامی ویا هر علاقه دار طلب ایده بیلیر. ق م ۸۱

۵ نشانک بوزولماسندن متولد معنوی تضمینات دعواسی میراثچی به انتقال

ایتمز. ق م ۸۵

۶ علاقه دار اولان هر کیمسه ، اوله نه جک ارکک وقادیندن برینک اولنمه اهل

اولمادینی ویا اولنمک ایچون قانونی بر مانع بولوندینی ادعاسیله اعلان مدتی ایچنده

أوله نمه نک عقدینه اعتراض ایده بیلیر. ق م ۱۰۰

۷ ممیز اولمامانک ویا بر عقل خسته لغی ایله معلولیتک زوالی حالنده أوله نمه نک

بطلانی آنجق قاری ویا قوجا طرفندن دعوی ایذیه بیلیر. ق م ۱۱۴

۸ أوله نمه ده کی فسخ دعواسی میراثچیلره انتقال ایتمز. ق م ۱۲۷

قاری وقوجا ، ماللری اداره ایچون هانکی اصولی قبول ایتمش اولور ایسه اولسون

قاری خصومت اهلیتی حائزدر. شوقدر که اموال شخصیه سی حقنده اوچنجی

شخصلره متحدث دعوالرده قاری نی قوجا تمثیل ایدر.

ق م ۱۶۰

۱ مال اورتا قلعنده : ۱ — أوله نمه دن اولکی بورجلردن

۲ — قوجانک رضاسیله ایتدیکی بورجلره قوجاسی لهنه

صلح حاکمک تصویریه ایتدیکی بورجلردن

۳ — مسلك ویا صنعتک معتاد اوزره اجر اسندن متولد

بورجلردن

۴ — کندیسنه اصابت ایتمش بر میرانه ترتب ایدن بورجلردن

۵ — حقسز فعللردن متولد بورجلردن

کرك شخصاً و كرك اورتا قلعغه كبردن ماللریله زوجه مسئول اولوب کندیسنه

بولردن خصومت توجه ایدر. ق م ۲۱۶

۱۵۰ کذلک مال اور تاقلغندہ : ۱ — قاری قوجانک اولہ نمہ دن اولکی بورجلردن

۲ — قاری طرفندن برلاک ممثلی صفی ایله ایدیلن

بورجلردن

۳ — اولدیکک دوامی صرہ سندہ کنیدیسی

طرفندن ایدیلن بورجلرله قاری طرفندن

اور تاقلغنه عاڈا اولمق اوزره ایدیلن سائر بوتون بورجلردن

کرک شخصاً و کرک اور تاقلغنه کیرن ماللرایله قوجا مسؤل اولوب بونلردن

کنیدیسنه خصومت توجه ایدہر . ق م ۲۱۵

۱۱۱ قاریسنک وفاتندن صوکره حیاتده قالان قوجا اور تاقلق ماللرینه ترتب ایدہن

بورجلردن شخصاً مسؤل قالور . قوجا سنک وفاتنده حیاتده قالان قاری اور تاقلق

حصه سی ردایتمکله اور تاقلق بورجلردن بری اولور . قبول حالنده قاری مسؤل

اولقله برابر آلدیغی ماللرک آلاقلیلره تأدییه کافی کلدیکنی اثبات ایتدیکی نسبتده

مسئولیتدن بری اولابیلیر . ق م ۲۲۳

۱۱۲ چوجنی رد دعواسی ، چوجوق ایله آناسی عایینه اقامه اولونور . ق م ۲۴۲

۱۱۳ رد مدتک مرورندن اول قوجانک وفات ایتسی ویا تمیز قدرتندن محروم

اولماسی یا خود بولوندیغی برک بیلنمه مسی ویا مهرانکی برسبیدن دولای چوجوغک

دوغومندن خبردار ایدیله مسی حالنده چوجوقله برلکده میرانچی ویا چوجوق

سبیلله میراندن محروم اولانلر مدت معینه ایچنده رد دعواسی اقامه ایدہ بیلیرلر .

ق م ۲۴۵

۱۱۴ آنا ، بابانک قانونی میراثچیلرله مدعی عمومی ، نسبک تصحیحنه مدت معینه

ایچنده اعتراض ایدہ بیلیرلر . ق م ۲۵۱

۱۱۵ طایمه کیفیتنه کرک خزینہ و کرک مهرانکی علاقہ دار ، مدت معینه ظرفنده

اعتراض ایدہ بیلیر . ق م ۲۹۴

۱۱۶ اولیک خارجنده دوغان چوجوغک آناسی ، بابانک حکماً تعینی ایچون اقامه

دعوی ایدہ بیلیر . چوجوقده بوحق حائردر . دعوی ، بابا ویا میراثچیلری علیهنه

اقامه اولونور . ق م ۲۹۵

۱۱۶ نفقه دعواسی ، نفقه ایسته مک حقنه مالک اولان کیمسه طرفندن ویا او کیمسه رسمی بر مؤسسه ده اتفاق اولونیورایسه او مؤسسه یا خود مؤسسه نك تابع اولدینی اداره طرفندن اقامه اولونور . ق م ۳۱۶

۱۱۷ وصی ویا وصایت دائره لری طرفندن اوده نه مهین ضرر لرك تضمینی حقنده خزینه علیه اقامه دعوی اولونور . ق م ۴۱۰

۱۱۹ محکمه اصلیه هیئتی ، صاحب حاکمی ایله بر لکده مسئول اولدقلری تقدیرده صلح حاکمك اوده به مدیکی ضرر مقدار یله مسئول و مخاصم اولور . ق م ۴۱۲

۱۲۰ صلح حاکمی ، وصی ایله بر لکده مسئول اولدینی تقدیرده وصینك اوده به مدیکی ضرر مقدار یله مسئول و مخاصم اولور . ق م ۴۱۲

۱۲۱ تمیز قدرتی حائز وصایت آلتنده کی کیمسه و علاقده دار لردن هر بری وصینك عزائی طلب ایده بیلیرلر . ق م ۴۲۸

۱۲۲ میراثچی بر اقمسزین وفات ایدهن کیمسه نك میراثی بویوک بالار و بویوک آنالرك بابا و آنالری ایله ارکک وقیز قرنداش لری نك انتفاع حقلری باقی قالمق اوزره دولته انتقال ایده جکندن خزینه خصم اولور . ق م ۴۴۸

۱۲۳ محفوظ حصه سنه تجاوز ایله بن میراثچی به عائد تنقیص دعواسی ، افلاس حالنده ماسه سنه و بورجی اوده مکدن عجزی تقدیرنده میراث آچیلدینی زمان حجزه دائر اجرا وثیقه سنی حامل بولونان آلا جقلیرینه آلا جقلری نسبتنده انتقال ایده جکندن بونلر طرفندن اخطار اولونوب ده میراثچی طرفندن دعوی اقامه اولونماز ایسه آلا جقلیر کندی ناملرینه دعوی اقامه ایده بیلیرلر . میراث حق اسقاط اولونان میراثچی ، اسقاطه اعتراض ایتمدیکی تقدیرده ده حکم بویه در . ق م ۵۰۴

۱۲۴ میراث مقاوله سندن متحدث حق و وجیه لر خلافی شرط ایده لمش ایسه حیاتده ایکن وقوع بولان تأمینات نسبتنده منصوب میراثچینك میراثچیلرینه انتقال ایده در . ق م ۵۱۴

۲۵ ترکیه ویا بر قسمنه وضع ید ایده نلره قارشی قانونی ویا منصوب میرائجی صفی ایله راجح برحقه مالک اولدیغنه ذاهب اولان کیمسه میراث سببیه استحقاق دعواسنده بولونابیلیر . ق م ۵۷۷

۲۶ میرائجیلر ، متوفانک بور جندن متسلسلاً کفیل اولدقلرندن هر برینه خصومت توجه ایدر . ق م ۵۸۲

۲۷ میرائجیلردن بری ، میرانک آچیلما سندن اول ویا صوکره میرائجیق حقنی غائب ایتدیکی تقدیرده اوکا ترتب ایدن اعاده مکلفیتی حصه سنی آلانلره کچر . ۶۰۴

۲۸ تقسیمدن صوکره میرائجیلر ، هر برینک حصه سینه دوشن ماللر ایچون بیع حکملری موجبجه یکدیگرینه متکفل و ضامن درلر . آرالرنده تقسیم ایتدکاری آلاجلرک موجودیتی بر برینه قارشی ضامن اولدقلری کی ؛ بورسیه قبول ایدیلش اولان قیمتلی اوراق مستثنا اولق اوزره بو آلاجلیلر تقسیمده نه مقدار ایچون محسوب ایدیلشلر ایه اومقدار حقنده بور جیلرک تأدیه یه اقتدار لرندن دخی متقابلاً علی العاده کفیللر کی مسئول و مخاصم اولورلر . ق م ۶۱۴

۲۹ آلاجلی ، آلاجلک انقسامنه ویا نقلنه صراحة ویا ضمناً راضی اولمادجه میرائجیلر تقسیمدن صوکرادخی ترکه نک بور جلدن بش سنه ختامنه قدر متسلسلاً و بوتون ماللری ایله مسئول درلر . ق م ۶۱۶

۳۰ اوده نمسی کندیسنه تحمیل ایدیلشمش اولان بر بورجی یا خود بر بورجک اوده نمسی درعهده ایتدیکی مقدارندن فضله سنی اوده یه میرائجی دیگر میرائجیلره رجوع حقنی حائر در . بوحق ، اول امرده تقسیم اناسنده بورجی اوده مکی درعهده ایتشمش اولان میرائجیلره قارشی استعمال اولونور . بوندن باشقه خلافنه شرط اولمادجه هر بری حصه لری نسبتنده ترکه بور جلدی اوده مکه مکلف اوله جقلرندن مخاصم اولورلر . ق م ۶۱۷

۳۱ برشیئه مالک اولان کیمسه ، حقسز اولارق اوشیئه وضع ید ایده ن هر هانکی بر کیمسه یه قارشی استحقاق دعواسی اقامه وهر نوع مداخله یی منع ایدر . ق م ۶۱۸

۱۳۴ ملک مشترکده حصه دارلردن هربری مشترک منفعتلر ایچون دیگر حصه دارلری

تمثیل ایده بیایرلر . ق م ۶۲۵

۱۳۵ صاحبسز شیئلرله منفعتی عمومه عائد اولان مللرده دولت خصم اولور . ق م ۶۴۱

۱۳۶ بر غیر منقولک حصه دارلری اونک شایع بر حصه سنی صاتون آلان شخص

تالنه قارشى قانونی شفعه حقى دعوی ایده بیایر . ق م ۶۵۹

۱۳۷ منقولک ملکیتی دعواده ذی الیدی اوکا خصم اولور . ق م ۶۸۷

۱۳۸ صاحبسز بر مالی احراز ایدن اومال حقنده مدعی ومدعی علیه اولابیلیر . ق م ۶۹۱

۱۳۹ منقولک ملکیتی صاحبی طرفندن ترک ویا باشقه سی طرفندن اکتساب

اولونمادجه یالکزدک انقطاعی ایله ضایع اولماز . بناء علیه مالکی مدعی ومدعی علیه

اولابیلیر . ق م ۷۰۲

۱۴۰ غیر منقول اوزرنده کی قانونی انتفاع حقى ، طابو سجانه قید ایدیلشمش

اولسه بیلکه اوکا مطلع اولانلره قارشى درمیان اولونابیلیر . بعدالتسجیل هرکسه

قارشى درمیان اولونور . ق م ۷۱۹

۱۴۱ بر آلاق اوزرنده کی انتفاع حقى مطالبه دعواسی ، مالک وانتفاع ایدن

کیمسه لر طرفندن مشترکاً اقامه اولونور . ق م ۷۴۵

۱۴۲ ایراد سندنده قیمتلك لازم کلان اهتمام ایله تقدیر ایدیلشمسندن خزینه

مسئولدر . اوده قصوری اولان مأموره رجوع ایدر . ق م ۸۱۹

۱۴۳ ذی الیدک رضاسی اولمقسزین اأندن آلنان پاره یی وحامله محررسندلری حسن نیثله

اکتساب ایتمش اولان کیمسه استحقاق دعواسنده مدعی علیه اولماز . ق م ۹۰۳

بر منقوله سؤنیثله ذی الید اولان کیمسه هر زمان اولکی ذی الید طرفندن

اعاده یه اجبار اولونابیلیر . بونکله برابر اولکی ذی الیدک اکتسابی حسن نیثله

وقوع بولماش ایسه بو ذی الید کندیسندن صوکر اکی هیچ بر ذی الید علمینه

۱۴۴ استحقاق دعواسی اقامه ایده مز . ق م ۹۰۴

۱۴۵ طابو سجانه قید ایدیش اولان غیر منقوللر ایچون حق قرینه سنه استناد

ایتمک و ذی الیدک دعوالری اقامه ایله مک صلاحیتی آنجق کندی لهنه تسجیل

واقع اولان کیمسه یه عائد اولور . مع مافیه غیر منقول بالفعل کندی اقتداری داخلمده بولونان کیمسه ، غصب و تجاوز سبی ايله دعوا اقامه ایده بیلیر . ق م ۹۰۵

۱۴۶ خزینه ، طاپو سجللرینک طو توملاسندن متولد بوتون ضررلردن مسئول و خصم اولور ، اوده علی الدرجات مأمورلرینه رجوع ایدر . ق م ۹۱۷

۱۴۷ اصلاحیتدار بر مثل طرفندن دیکر بر کیمسه نامنه یاپیلان عقدک حقلری و بورجلری او کیمسه یه انتقال ایدر . عقدی یاپارکن مثل ، صفتی بیلدیرمیدیکی تقدیرده عقدک حقلری و بورجلری کندیسنه عائد اولور . شو قدرکه کندیسیله عقدی یاپان کیمسه بر تمثیل مناسبتی موجود اولدیغنی احوالدن استدلال ایده ر یاخود بونلردن بری ویا دیکری ايله عقد اجرایی کندیسنجه فرقسز بولونور ایسه عقدک حقلری و بورجلری تمثیل اولونان کیمسه یه عائد اولور . بو ۳۲

۱۴۸ باشقه سی نامنه تمثیل ، حقوق عامه دن منبعث ایسه مثلاًک درجه صلاحیتی بوباده کی احکام قانونیه ايله تعین ایدر . تمثیل ، حقوقی بر تصرفدن نشئت ایتمش ایسه صلاحیت درجه سی او تصرفله تعین ایده ر . شو قدرکه مثلاًک صلاحیت درجه سی اوچنچی شخصه بیان و تبلیغ ایدیش ایسه انحق بو بیانه اعتبار اولونور . بو ۳۳

۱۴۹ تمثیل اولونان ، کرک صراحة و کرک دلالة ویردیکی صلاحیتی دیکر کیمسه لره بیلدیردیکی حالدده بو صلاحیتی تماماً ویا قسماً رفع ايله دیکنی بیلدیر . مه مش ایسه صلاحیتک بو صورتله رفعی اوچنچی شخصلره قارشی درمیان ایده مز . بو ۳۴

۱۵۰ مثل کندی صلاحیتک ختام بولدیغنه واقف اولمادیغنی مدتیجه تمثیل ایدیلن یاخود خلفلری بو صلاحیت هنوز باقی ایتمش کی آنک معامله سی ايله آلاجلقی ویا بورجلی اولورلر . بو ۳۷

۱۵۱ کرک قصداً کرک اهل و تسبب یاخود تدبیر سنزک ايله حقسنز بر صورتده دیکر بر کیمسه یه بر ضرر ایقاع ایده ن ویا اخلاقه مغایر بر فعل ايله آخر کیمسنک ضرره اوغراماسنه بیلهرک سببیت ویره ن شخص تضمین دعوا سنده خصم اولور . بو ۴۱ ، ۴۲

۱۵۰ یا کلاش اعلانلر یا خود حسن نیت قاعده لرینه مغایر سائر حرکتلر ایله
مشتربلری تناقص ایدن یا خود بونلری غائب ایتک قورقوسنه معروض اولان
کیمسه بوفعللره ختام و بریلسی ایچون فاعلی علیه اقامه دعوا ایده بیلیر . بو ۴۸
متعدد کیمسه لر برلکده برضرر ایقاع ایتدکلری تقدیرده مشوق ایله اصل
فاعل و فرعاً ذی مدخل اولانلر تفریق ایدیلکسزین متسلسلاً مسئول و مخاصم
اولورلر . بو ۵۰

۱۵۱ باشقهلرینی استخدام ایدن کیمسه معیتده کی مستخدمین و عمله سنک خد-
مترلرینی ایفا ایتدکلری ائنده بایدقلمی ضرردن دولایی مدعی علیه و خصم اولور .
آنکده ضامن اولدینی مقدار ایله مستخدمینه حق رجوعی واردر . بو ۵۵
۱۵۲ بر حیوان طرفندن یا پیلان ضرری او حیوان کیمک ادا رسنده ایسه تضمینه
مجبور اوله جغندن خصم اولور . بر بنا ویا اعمال اولونان هر هانکی بر شیئک
مالکی ، اوشیئک فنا یا پیلما سندن یا خود محافظه ده کی قصورندن دولایی مسئول
اولدیندن خصم اولور . اونکده بوجهدن دولایی کندیسنه قارشی مسئول
اولان اشخاص علمنده حق رجوعی واردر . بو ۵۸

۱۵۳ حقلی بر سبب اولمقسزین آخرک ضررینه مال اکتساب ایدن کیمسه آنی اعاده یه
مجبور اولدیندن دعواده خصم اولاجنی کی معتبر اولمایان و یا تحقق اتمه مش بولونان
بر سببه یا خود وجودی نهایت بولش اولان بر سببه مستنداً اخذ اولونان شیئک
اعاده سی لازم اولدیندن اخذ ایدن ، مدعی علیه و خصم اولور . بو ۶۱

۱۵۴ آلا جقلی یه تأدیه ده بولونان او چنجی شخص ، باشقه سنک دینی ایچون رهن
ایدیلن شیئی رهندن قورناردینی و بوشی اوزرنده ملکیت حق ویا سائر بر
دیگر عینی حق اولدینی تقدیرده ویا داینه تأدیه ده بولونان او چنجی شخص اوکا
خلف اولاجنی بورجلی طرفندن آلا جقلی یه خبر ویرلدیکی تقدیرده تأدیه ایله دیکی
مقدار نسبتده آلا جقلینک حق لرینه قانوناً حلف و بناء علیه مدعی خصم اولور . بو ۱۰۹
۱۵۵ بر او چنجی شخصک فعلی باشقه سنه تعهد ایدن کیمسه بو او چنجی شخص
طرفندن تعهدک عدم ایفا سندن دولایی ضرر و زیان تأدیه سنه مجبور و بناء علیه
مدعی علیه اولابیلیر . بو ۱۱۰

١٥٦ کندی نامه عقد پایان بر کیمسه اوچنجی شخص لهنه بر بوریج شرط ایتش ایسه
او بورجک ایفاسنی طلب ایتک و بناء علیه مدعی اولوق حقنی حائر اولور . بو ١١١
١٥٨ آلاجقلی ، متسلسل بورجلولرک جمله سندن ویا برندن بورجک تماماً ویا
قسماً اداسنی ایسته مکده مخیردر . بناء علیه آنلردن ایستدیکنی خصم اتخاذ
ایلر . بو ١٤٢

١٥٩ رجوع حقندن استفاده ایدن متسلسل بورجلولردن هربری تأدیه ایتدیک
مقدار نسبتنده آلاجقلیک حقلرینه خلف و مدعی اولور . بو ١٤٧
١٦٥ بورجلی آلاجکک تملیک ایدیله مسی شرط ایدیلنس اولدیفنی تحریری بر مقاوله یه
استناد ایلکسزین اوچنجی بر شخصه قارشى ادعا ایدنه من ؛ بناء علیه او اوچنجی
شخص بو خصوصده آکا خصم اولماز . بو ١٦٢

١٦١ مطلوبک تملیککنده بورجلی تملیکه واقف اولدیفنی زمان تملیک ایدنه قارشى
حائر اولدیفنی دفعلری تملاک ایدنه قارشى ده درمیانه صالحدر . بو ١٦٧
١٦٢ بورجلی نقل دین متعه دینه قارشى نقل عقدندن متولد بورجلرینی ایفا
ایتمکجه متعهد علیه نه تعهدینی ایفا ایچون دعوی اقامه ایدنه من . بو ١٧٣
١٦٥ نقل ایدیلن دینه متفرع حقلری درمیان ایتک حقی ، بورجلودن یکیسنه
کجر . آلاجقلی ایله پاییلان عقددن خلافی آکلاشامادجه یکی بورجلی اولیکی
بورجلینک داینه قارشى درمیان ایدنه بیله جکی شخصی دفعلرده بولوناماز . بو ١٣٧
١٦٧ بورجی ایفا ایتمین بایع ، مشتری یه بویوزدن ترتب ایدن ضرری ضامن
اولاجقندن مدعی علیه اولور . بو ١٨٨

١٦٨ بردن زیاده کیمسه لر بریشی برلکده عاریت آلورلر ایسه متسلسلاً مسئول
ومدعی علیه اولورلر . بو ٣٠١

١٦٩ وکیل صلاحیتی خارجنده باشقه سنی توکیل ایتدکده اونک فعلندن کندی
یامش کی مسئول و مدعی علیه اولور . کذلک متعدد کیمسه لر وکالتی برلکده
قبول ایتشلر ایسه موکل بهی یا بمقله متسلسلاً مسئول و مدعی علیه اولورلر . بو ٣٩٥
١٦٧ باشقه سی نامه تصرفده بولونان کیمسه هر دورلو اهل و احتیاط سزلقدن
مسئول و خصم اولور . بو ٤١١

ایش صاحبی وکالتسز پایلان ایشه اجازت ویرر ایشه وکالت احکامی جاری
اولور و وکیل خصم اولور . بو ۴۱۵

خلاف صلاحیت ویره سی به مال صائمسی مستثنا اولمق اوزره قومیسینوچی
معامله لرده بولوندیغی کیمسه لرك تأدیه لرندن و دیگر بورجلرینی ایفادن مسئول
و مخاصم اولماز . شو قدر که قومیسینوچی صراحة کفیل اولور و یا مسئولیتی
متعارف اولور ایشه مسئول اولور . بو ۴۲۱

نقلیه جی اشیایی تسایم محله قدر ایستر کنندی کوتورسین ایسترسه دیگر
برینه نقل ایتدیرسین نقل ائناسنده وقوعه کله ن قصورلردن و عارضه لرندن مسئول
و خصم اولور . بو ۴۴۰ اونک ده نقل ایتدیردیکی کیمسه به حق رجوعی واردر .
حواله ده محال علیه ، محیل ایله اولان مناسبتندن متولد دفعلرده
بولونماز . بو ۴۵۹

برلکده و دیعه یی قبول ایده نلر اوندن متسلسلاً مسئول و خصم
اولور لر . بو ۴۶۹

عادی کفیله خصومت ، اصیل حقنده مراجعتک تمره سز قالماسنه
متوقفدر . بو ۴۸۶

متسلسلاً کفالتده آلاچقلی ، اصیل ایله کفیلدن هر برینه توجیه خصو -
متده بخیردر . بو ۴۸۷

کفیل ادا ایتدیکی شیئ نسبتنده آلاچقلینک حق لرنده اوکا خلف و بناء علیه
مدعی و خصم اولور . بو ۴۹۶

کفیل ، اصل بورجلی به عائد بوتون دفعلری ، آلاچقلی به قارشى درمیان
ایتمک حقنى حائزدر . بو ۴۹۷

عادی شرکته ، بر اوچنجی شخص ایله معامله به کیریشه ن شریک ، بو
اوچنجی شخصه قارشى یالکز کندیسی آلاچقلی و بورجلو اولور . کندیسنه
اداره وظیفه سی تحمیل ایدیلن شریک شرکتی و بوتون شریک لری اوچنجی شخصه
قارشى تمثیل ایتمک حقنى حائزدر . بو ۵۳۳

۷۸/ شرکتك نهايت بولماسى اوچنچى شخصلره قارشى اولان تعهدلىرى تعديل

ايتمز و طرز خصوصته خلل كتيرمز . بو ۵۴۱

عنوان تجارت خارج اولمق اوزره تجارتخانه ي باشقه سندن تملك ايدەن
كيمسه ، حين تملكده عكسسه مقاوله عقد و سجل تجارته تسجيل ايدىلدىكجه
تمليك ايدەنك تعهداتندن مسؤل اولامايانغندن خصوصتده توجه ايتمز . تجارت

قانونى ماده ۴۸

۸۸/ بر تجارتخانه يه تبعاً عنوان تجارتى تملك و بو عنوانه خلفيت حقى مشعر بر عبارت
علاوه ايدەن كيمسه ، آنى تملك ايدەن كيمسه نك عنوان مذكور ايله وقوع
بولمش اولان تعهداتندن مسؤل ومدعى عليه وله عائد اولان حقوقده صاحب
ومدعى اولور . بالعكس او عنوانى صفت خلفيتى مشعر بر عبارت علاوه ايتمكسز
تملك ايدەن كيمسه نك معاملاتندن دولايى تملك ايدەنك مسؤلىتى كفالت
درجه سنده دوام ايدەن جكندن بونقطه دن تملك ايدەن اشخاص ثالثه نك خصوصتى
توجه ايدەر . ت ۴۹

۷۸/ تجار مأمورى ، كنديسنه توديع ايديله ن تجارتك اجراسى ايچون ايضا ايتمش
اولديغى معاملاتدن متولد بورجلردن دولايى آمرى نامنه اقامه دعوايه صلاحيتدار
او عايله دعوى اقامه سى ده جائزدر . ت ۹۵

۸۳/ سيار تجارت مأمورلرينك دائره مآذونيتلى داخلىنده ياتمش اولدقلىرى
معاملاتدن متولد بورجلردن آمرلى مسؤل ومدعى عليه اولورلر . ت ۹۷
۸۴/ دلال قصورندن متولد ضررلردن دولايى طرفيندن هر بىنه قارشى مسؤل

وخصم اولور . ت ۱۰۸

۸۵/ بر قوللاكتيف شركتك تمديدمدتى حقنده بين الشركه اتخاذ اولونان قراره ،
او شركتك شركاسندن هر هانكى برينك شخصى داينى طرفندن اعتراض
اولونايلىر . ت ۱۵۴

۸۶/ قوللاكتيف شركه ، شركتك ديون و تعهداتندن دولايى متسلسلاً وبوتون
ماللريه مسؤل و خصم اولورلر . ت ۱۷۴ قومانديتلر جقنده ده حكم بويله در .

دیون و تعهدات شرکت کنند دولایی اول امرده شرکت علیهنه اقامه دعوی اولونور. شرکت فسخ ایدیلش و یا شرکت علیهنه تعقیباتدن ثمره حاصل اولماش

ایسه شرکا علیهنه اقامه دعوی اولونا بیلیر . ت ۱۷۵

شرکت کنند چیقان و یا چیقاریلان شریک ، کیفیتک تاریخ تسجیل و اعلانه

قدر وقوع بولان معاملات شرکت کنند اوچنچی شخصلره قارشی مسئولدر . ت ۲۰۲

حال تصفیهده بولونان شرکتی محاکمه و خارجده تمثیل حق تصفیہ

مأمورلرینه عائددر . ت ۲۲۸

بر قوماندیتک مسئولیتی ، وضع ایتدیکی و یا وضعی تعهد ایلدیکی سرمایه مقدارینی

نحاوز ایدمز . ت ۲۵۹

بر قوماندیت وفات ایتدیکی حالده ورثه سی آنک مقامنه قائم اولور . ت ۲۶۵

بر قوماندیت شرکتک اداره و تمثیلی مسئولیت غیر محدودیه تابع اولان

شرکایه عائددر . ت ۲۶۷

بر آنونیم شرکتک تأسیسی ایچون اجرا و ایفا ایتدکلی تعهدات و سائردهن

دولایی مؤسسسلر اوچنچی شخصلره قارشی مسئولدرلر ومدعی علیه اولورلر . ت ۳۱۱

آنونیم شرکتک اداره سی و خارجاً تمثیلی مجلس اداره یه عائددر . ت ۳۱۸

هیئت عمومی ، مجلس اداره اعضاسی علیهنه اقامه دعویایه قرار ویرر ایسه

شرکت نامه اقامه دعوی صلاحیتی مراقبلره عائددر . ت ۳۳۷

سرمایه سی اسهامه منقسم قوماندیت شرکتلرده مراقبلر ، قوماندیتیه شرکا

ایله قوماندیتلر هیئت عمومی سی بیننده تکون ایدن دعاویده قوماندیتلری تمثیل

ایدرلر . ت ۴۷۷

قوئوبه راتیف شرکت کنند استعفا ایدن و یا چیقاریلان شریک ، چکلدیکی سنه

حسابیه نک ختامندن اول وقوع بولان تعهداتدن استعفا سی و یا چیقارلدینی تاریخدن

اعتباراً ایکی سنه نک نهایتنه قدر مقاوله ایله معین حدود دائره سنده مسئولدر . ت ۴۹۱

لیمتد شرکتلرده حصه لک شرکتیه تأدییه اولونماش اولان قسمی کرک برنجی

حصه دارلردن و کرک آنک حصه سی دور ایتدیکی یکی حصه دارلردن طلب

اولونا بیلیر . ت ۵۰۹

۱۹۹ خصوصی شرکتلر ، شخصیت حکمیہ یی حائر دکدر ؛ اشخاص ثالثہ ایلہ وقوع بولان عقودادن متولد حققر و بورجلر شریک عاقدہ راجعدر . ت ۵۲۵
 ۱۰۰ هر کیم نام و حسابنه حرکتہ ، اذون اولمادینی بر شخصک مثلی صفیله بر پولیچهیه امضاسنی وضع ایتمش ایسه او پولیچهدن دولایی بالذات مسئول اولور . ت ۵۳۴
 ۱۰۱ بر پولیچهنک قبول و تأدیہ سی کشیده جینک تحت ضمانده در . بناء علیه کشیده جی به خصوصیت توجه ایدر . ت ۵۳۵

۱۰۲ جبرو ، پولیچهدن متولد کافه حقوقی جبرو ایدیلن شخصه نقل ایدر . ت ۵۳۹
 ۱۰۳ خلافه قید اولمادینی حالده جیرانطه او پولیچهنک قبول و تأدیہ سنه متکفلدر . ت ۵۴۰
 ۱۰۴ حاملی طرفندن پولیچهدن دولایی علیهلرنده دعوی اقامه اولونان کیمسلر کشیده جی ویا اولکی حامللر ایلہ آرالرنده جریان ایدن مناسبات شخصیه لرینی او حامله قارشنی دفع مقامنده استعمال ایدر مزلر . ت ۵۴۲

۱۰۵ آوال اعطا ایدن کیمسه کفیل اولدیغی شخص درجه سنده مسئول و خصم اولور . ت ۵۵۷

۱۰۶ بر پولیچه یی کشیده ویا قبول ویا جبرو ایدن یا خود او پولیچهیه آوال ویرن کیمسلر حامله قارشنی کفالت متسلسله صورتیله مؤلددر . پولیچه حاملی بونلرک پولیچهده کی ترتیبی نظردفته آلمغه مجبور اولقسزین جمله سی عایینه منفرداً ویا مجتمعاً اقامه دعوی حقنه مالکدر . ت ۵۷۳

۱۰۷ بالتوسط قبول ایدن کیمسه حامله ویا بالتوسط قبول هانکی مخاطبک حسابنه اولارق واقع اولمش ایسه آندن صوکره کلن جیرانطه لر قارشنی اشخاص کی مسئولدرلر . ت ۵۸۲

امره محرر بر سندی امضا ایدن بر پولیچه یی قبول ایدن شخص کی مسئولدر . ت ۶۰۷

۱۰۸ ایکی ویا متعدد کیمسلر ایچلرندن یالکیز بری ویا جمله سی حقنده تجاری ماهیتی حائر بر معامله ضماننده دیگر بر شخصه قارشنی مشترکاً تعهد آلتنه کیز دکلری صورتده مقاوله نامه ده خلافی تصریح ایدلمش اولمادجه متسلسلاً مسئول عد اولونور . ت ۶۴۲

۱۱۱۰ قانونک حکمی ویا محکمه نك اعلامی ایجابی اولارق دور مطلوب، هیچ بر
شکله تابع اولقمسزین وحق اولکی ذاتک رضاسنی اظهاره لزوم بولونقمسزین
اوچنجی شخصه قارشى درمیان اولونابیلیر . ت ۷۷۸

۱۱۱۱ بر وارن حاملی آنجق مرهون صاتیلوبده تسویه مطلوبنه کافی کلمدیکی
صورتده مدیونک ویاخود جیرانطه لرك اموالنه حق مراجعتی واردر . ت ۸۱۷
۱۱۱۲ موکلك وفاتی قومیسسیون مقاوله سنك انفساخنی موجب اولمادیغندن حقار
وبورجلر ورثه سنه انتقال ایدر . ت ۸۵۰

۱۱۱۳ نقلیات قومیسسیونجیسی نقلیه جینك اجرتی تأدیه ایتدیکی صورتده آنك حقوقی
کندیسنه انتقال ایدر . ت ۸۸۴
۱۱۱۴ نقلیه جی اشیانك کندیسنه تاریخ تسلیمندن اعتباراً مرسل الیه تسلیم
اولوندیغی زمانه قدرکجهن مدت ظرفنده اوغرا دیغی ضایعات و خسارتدن دولای
مسئولدر . ت ۹۰۴

۱۱۱۵ صوك نقلیه جی کندیسنك یاخود کندیسندن اولکی نقلیه جیلرك یاخود
مرسلك مطلوباتی استیفا ویا آمین بر محله تودیغی طلب ایتمکسزین نقل ایدیلن
اشیای تسلیم ایدرایسه مرسلك وکندیسندن اولکی نقلیه جیلرك صرف ایتدکلری
یاخود مدیون بولوندقلری مبالغدن دولای آنلره قارشى مسئول اولور . ت ۹۱۶
۱۱۱۶ نقلیه جی علیه اقامه اولوناجق تضمینات دعوالری برنجی ویا صوکنجی
نقلیه جی علیه اقامه ایدیلک لازمدر . ت ۹۱۸

۱۱۱۷ بر کیمسه شخص آخرک نام و حسابنه دخی سیغورطه عقد ایده بیلیر .
شو قدرکه او کیمسه نام و حسابنه حرکت ایتدیکی شخصی تمثله صلاحیتدار
دکل ايسه سیغورطه اجرتندن دولای بالذات مسئول اولور . ت ۹۳۵
۱۱۱۸ سیغورطه جی سیغورطه بدلی تأدیه ایتدکدن صوکره حقوقاً سیغورطه ایتدیره
کیمسه مقامنه قائم اولور . ت ۹۶۵

۱۱۱۹ مدت مقاوله ائناسنده سیغورطه اولونان مالک صاحبی هر هانکی برصورتله
تبدل ایتمش ايسه ، مقاوله ده خلافی مشروط اولمادیغی حالده سیغورطه دن متولد

حق و بورجلر ، اومالک خساری کندیسنه عائد اولدیغی تاریخدن اعتباراً صاحب
جدیده انتقال ایدر . ت ۹۷۳

۱۱۲۰ قاراده ، دکزک غیری صولرده نقل اولونان اشیانک سیغورطه سی حالده
سیغورطه جی ، خلافنه مقاوله یوق ایسه اشیانک نقلیه جی یه تسلیمی تاریخدن اعتباراً
نقلیه جی طرفندن مرسل الیه قانوناً تسلیم ایدیلش عد اولوندیغی زمانه قدر هر نه سبيله
اولور ایسه اولسون معروض قالدیغی خساراتدن مسئول و خصم اولور . ت ۹۸۳
۱۱۲۱ قانون واساس مقاوله سنه مغایر ، فسخ شر کتی موجب معاملاتنی تحقیق ایدن
شرکتلر علمینه تجارت و کالتی طرفندن فسخ دعواسی اقامه اولونا بیلیر . تجارت
تطبیق قانونی ماده ۱۳

۱۱۲۲ افلاسه ، مفلسک له و علمینده اقامه ایدیه جک دعوالرده خصوصیت آنجق
سندیکلره توجه و آنلره عائددر . شوقدر که شخصی تعلق ایدن حقوقده مدعی
ویامدعی علیه صفتیه مفلس ادعا و مدافعه ایده بیلیر . و داینک مطلوبی دیون ممتازه دن
ایسه اصحاب مطلوب مفلس علمینه منفرداً اقامه دعوا ایده بیلیر .

۱۱۲۵ هر بر سفینه صاحبی قبودانک حرکت و معامله لرندن مسئولدر . شوقدر که
قبودانک تعهداتی صاحب سفینه نك امر مخصوصیه واقع اولماش ایسه صاحب سفینه
کمینک ونولنک ترکیله اوتعهدادن قورتولابیلیر فقط قبودان سفینه صاحبی ایسه
ترک ایله خلاص اولماز . تجارت بحریه ماده ۳۵

۱۱۲۶ کفالت ارائه سی و دولتک رخصتی ایله حرب زماننده تجهیز اولونان سفینه لرک
انهای سفرده عسکر و طائفه طرفندن وقوعه کلن افعالدن دولایی سفینه صاحبی
کفالت ایتیش اولدقلری مبلغه قدر مسئول اولوب زیاده سندن مسئول اولمازلر . کذا ۳۹
۱۱۲۷ سفینه قبودانی ، انهای مأموریتنده ایتدیکی خطا لرک اک خفیلرندن دولایی
دخی مسئول و ضرر و زیان دعوالرنده مدعی علیه اولور . تجارت بحریه ۳۵

۱۱۲۸ قبودان مأموریتی باشنده و سفینه سی ایچنده بولنما مقدن ، واحواله واقف
اولمادیغی برلیمانه و بابوغاز و نه ره کیرمک ایچون قلاغوز استیخدام ایتمه مکدن ،
کمی ژورنالی ، لیبره طو دفترلرینی طو تمام مقدن ، و سفر و تحمیلدن اول کمی بی

اصولی دائره سنده معاینه استیرمه مکدن ، وسند بحری ، وسنجا براقی ، طائفه دفتری ، و تحمیلیه سندیه نول قونطورا توسنی ، ومانیفستو قائمه سنی و مکرتک تذکره و علم و خبرینی ، صحیه تذکره سنی ، اذن امرینی و تجارت بحریه قانوننک برنسخه سنی استصحاب ایتمه مکدن و کمی به طائفه تدارکی و معاش و اجرتلرینک تعییننده صاحب سفینه نک حاضر بولون دینی یرده آنک موافقتنی و رأینی آلاماقدن کرک سفینه به و کرک حمله سنه واقع اوله جق مضرتلردن دولایی مسئول و مدعی علیه اولور .

تجارت بحریه ماده ۴۳

۱۲۷ سیاحت بعیده ده کمینک کو کرته سنده محملک تحریر آراضی اولمقسزین قونیلان اتمعه به عارض اولاجق خساردن قبولان مسئول و خصم اولور . کذا ۴۴

سفینه صاحب لرینک و یا وکیل لرینک بولند قلمری محله آنلرک رضالری استحصا اتمکسزین سفینه نک تعمیرینه و یلکن و خلاط کی اشیا اشترا سنه و کمی اوزرینه قانونک ارائه ایتدیکی اصول خارجنده پاره استقراضه صلاحیتی اولمادیغندن قبولان شخصاً مسئول اولور . کذا ماده ۴۷

۱۲۸ قبولان اتمعه دن بلا موجب برشی فروخت و یا ترهین ایتش و یا اصلی اولمایان بعض آواریه و مصارفی حساب به کچر مش اولور ایسه و یا کمینک سفره نظاماً مثبت اولان عدم قابلیتندن ماعدا احوالده بلا اذن کمی بی فروخت ایدرایسه ، و بلا موجب سفری اتمام ایتز ایسه و مأذون اولدینی حالده کندی حسابنه اخذ و عطاده بولونور ایسه ، و قبولان قضا و وقوعنده اوراق لازمه و نقود موجوده و حمله نک ال قیمتیلرینی قورتارمقسزین کمی بی ترک ایدرایسه مسئول اولور . تجارت بحریه ۵۱ ، ۵۲ ، ۵۱ ، ۵۴ ، ۵۵ ، ۵۶ ماده

۱۳۰ طائفه لرك اجرت و تضمینات دعوالرینه قارشی آنلری استخدام ایده نلر خسته لقلرندن و خدمت ائساننده سقطلا نملارندن بختله دفع دعواده بولونا مازلر .

کذا ۷۷

۱۳۱ انشای سفرده وفات ایدن طائفه نک ورثه سی مورث لرینک وفاته قدر معاشی و عودت صره سنده وفات ایتش ایسه مشروط اجرتی و یا کیدیله جک لیانده

وفات ایتش ایسه بر نصفی و حاصلاتدن حصه آلق اوزره خدمته کیرمش ایسه حصه مشروطه سنک تمامی و سفینه نك سلامتی نامنه دشمنه محاربه ایدرک اولمش ایسه معاش و اجرتنک تمامی دعوا ایده بیلیرلر . کذا ۸۰

۱۱۳۲ اسارت حالنده کندیسیده بومنوال اوزره ایسته به بیلیر . کذا ۸۱، ۸۲

۱۱۳۳ طرد حالنده طرد کونه قدر اجرت دعوا ایده بیلیر . کذا ۸۶

۱۱۳۴ مقبول اولمایان سبيله طرددن دولای طائفه تضمینات دعواسی اقامه

ایده بیلیر . کذا ۸۸

۱۱۳۵ سیغورطه جی تحمیلیه سندینک فسادنی ادعا ایده بیلیر . کذا ۱۰۳

۱۱۳۶ قبودان امتعه نك تحمیلیه سندی موجبجه کمیدن اخراج اولوندیغنی مبین

کمرکدن برشهادتنامه استحصالنه مجبور اولدیغندن آمادینی تقدیرده بوندن دولای

برضرر وزیان واقع ایسه تضمین دعوا سنده خصم ومدعی علیه اولابیلیر . کذا ۱۰۵

۱۱۳۷ کمینک قیام و حرکتندن اول کیده جکی مشروط اولان محل ایله امرتجارته

دائر ممنوعیت ظهور ایدر ایسه نول مقاوله لری منفسخ اولاجغندن طرفیندن

برینک تضمین ضرر دعواسی اقامه سنه صلاحیتی قالمازو محمل بوندن دولای امتعه نك

تحمیل و تحلیله سی مصرفی تأدیه ایله مکلف و خصم اولور سفینه نك ایجار و استیجاری

صاحب سفینه و یا مجهز و یا قبودان ایله محمللر آراسنده واقع اولاجغندن بوندن

متولد دعاویده خصومت بونلره متوجه اولور . کذا ۹۲ الی ۱۳۵

امتعیه عارض اولان خسارندن قبودانه خصومت توجه ایدر .

۱۱۳۸ نول و سائرده دن دولای یولچینک دعواسی مقاوله یی عقدایدن صاحب سفینه

و یا مجهز و یا وکیللری و یا خود قبودانه قارشی اقامه اولونابیلیر . کذا ۱۳۵ الی ۱۵۰

۱۱۳۹ استقراض بحریدن متولد دعاورده خصومت مقرض و مستقرض آراسنده

جریان ایدر استقراض بحری صاحب سفینه نك بولوندیغنی محله و آنلرک رخصتیه

واقع اولماش ایسه یالکز قبودانک سفینه ده ونولنده بولونان حصه سی اوزرینه

دعوایه صلاحیتی واردر . کذا ۱۶۳

۱۴۰ بر سفینه و یا حوله سی اوزرینه هم استقراض بحری هم سیغورطه واقع ایسه

غرق و وقوعنده بعض شیرلر قورتولمش ایسه مقرضک یالکز رأس المال و سیغورطه

ایتدیکی مقدار مبلغه کوره غرامت آرا لرنده تقسیم اولونا جغندن خصومت بوقیدلر
ایله مقیددر. کذا ۱۷۴

بحری سیغورطه ده خصومت سیغورطه مقاوله سنک مضمیلری آراسنده جاریدر.
خسارات بحریه دن دولایی صاحب سفینه یه وقودانه خصومت توجه ایدر. کذا



مرور زمان

برندن برحق دعوی ایدہ جک اولان کیمسه صاحب اہلیت اولدیغی و کیمک علیہنه دعوا ایدہ جکئی تعیین ایلد کدن سو کره او حق دعوی ایچون قانوناً ویا مقاوله ایله بر مدت تعیین ایدیلش ایسه اومدنک کچوب کچمدیکئی ده تدقیق ایدوب بیامسی اقتضا ایتدیکی کبی بعض خصوصاتده اقامه دعوان اول بعض مراسم قانونیه نک تقدم ویا بعض مدتلك مرور ایتیمی قانوناً لازم کلیور ایسه او مراسمی ایفا خصوصنده ذہول ایتیمسی ایجاب ایدہر .

برنجی حالده مرور زمان احکامی کوزدن کچیرمیلیدر .

مرور زمان یا عمومی یا خود خصوصی اولور .

بورجلر قانوننده [اشبو قانونده باشقه صورتله حکم موجود اولمادیقی تقدیرده هر دعوی اون سنه لك مرور زمانه تابعدر] دیومحرر اولان ۱۲۵ نجی ماده سنده کی مرور زمان مرور زمان عمومی واکتسابی در .

مستند او خصوصی احکامه متعلق قیصه مرور زمانلرده، خصوصی مرور زمانلردر . براعتبارلده مرور زمان عادی و فوق العاده مرور زمان اولمق اوزره ایکی دورلور .

قانون مدینک ۶۳۹ نجی ماده سنده محرر اولدیغی اوزره طابو ساجلنده مقید اولمایان بر غیر منقولی نزاعمز و فاصله سز یکر می سنه مدتله و مالک صفقی ایله یدنده بولوندیر مش اولان کیمسه او غیر منقولک کندی ملکی اولمق اوزره تسجیل طلبنده بولونا بیلیر . و بوحقنه تعرض ایدہ نلر علیہنه دعوی اقامه ایدہ بیلیر . بناء علیہ طابو ساجلنده مقید اولمایان بر غیر منقولی ، بلا نزاع یعنی آرایرده دعوی تکیون ایتیمکسزین بلا فاصله یکر می سنه مالک صفقیله یدنده بولوندیر مش اولان کیمسه علیہنه هیچ بر عذر و بهانه ایله بومدنک ختامندن سو کره دعوی ایدیلہ مز . ایشته بو ، فوق العاده مرور زماندر .

كذلك قانون مدنيك ۶۳۸ نجی ماده سی موجبیه بحق بر سبب یوقایكن طابو سجدنه عهده سینه مالك صفتیه مقید بولونان بر غیر منقولی فاصله سز و نزاع سز اون سنه مدته و حسن نیتله یدنده بولونیدران کیمسه علیهنه بر کیمسه چیقوبده طابو سجدنه کی قید سبب مقبوله مستند اولمادیغندن بحثله دعوی اقامه ایسه دعواسی شو مرور زمان سببیه رد اولونور که بو، عادی مرور زماندر .

كرك ۶۳۸ و كرك ۶۳۹ نجی ماده ده کی فوق العاده وعادی مرور زمانكرك كرك حسابه سنده و كرك انقطاع وتعطیلنده آلاقی مرور زماننده جاری اولان حکملر تطبیق اولونور که آشاغیده بیان ایده جکر .

بویکی مرور زمان غیر منقولك ارتفاع حققرنده ده جاریدر . ق م ماده ۷۰۴ .
قانونلر مزده کی متفرق و خصوصی مرور زمانلر :
بر اسمك دیکشمه سندن متضرر اولان کیمسه اطلاع کونندن اعتباراً بر سنه صوکره تبدیل قرارینه اعتراضله حال سابقه ارجاعی دعوی ایده مز .
ق م ۲۶ ماده

بر جمعیتك اعضاسندن بری قانونه ویا جمعیتك نظامنامه سینه او یغون اولمایوب کندی موافقته اقترا انیمه مش بولونان بر قرار علیهنه اوکا اطلاعندن اعتباراً بر آی ایچنده محکمه یه مراجعتله اعتراض ایده بیلیر . مدت مذکورده ك مرورندن صوکره دعوی ایده مز . ق م ۶۸ .

نشانیلا مقندن متولد دعوالر ، نشانك بوزولدینی تاریخندن اعتباراً بر سنه صوکره ساقط اولور . ق م ۸۷ .

اعتراض وحقسزلغنی ادعا خصوصلریله اوله نمه نك منعی دعواسندن هر برینك مدتی اون کوندر . بومدت ، اعتراض ایچون اعلان کونندن واوله نمه نك منعی دعواسی ایچون اعتراض صاحبك حقسزلق ادعاسندن خبردار ایدلدیکی کونندن اعتباراً باشلار . ق م ۱۰۴

اوله نمه نك فسخی دعواسی حق صاحبك فسخ سبینه وقوفی ویا تهدیدك
زوالی كوندن اعتباراً آلتی آی وهر حالده اوله نمه نك اعتباراً بش سنه صوكره
مرور زمانه اوغرار . ق م ۱۱۹

زنا سبيله بوشانمه دعواسنه حق اولان قاری ویا قوجانك بوشانیلمه سبینه
مطلع اولدینی كوندن اعتباراً آلتی آی وهر حالده زنانك وقوفی تاریخندن اعتباراً
بش سنه حکمکله بوشانمه دعواسی ساقط اولور . ق م ۱۲۹

جانه قصد سبيله ویا کنديسنه پك فنا معامله ده بولوناسی سبيله بوشانمه
دعواسی قاری وقوجانك بو بوشانمه سبینه مطلع اولدینی كوندن اعتباراً آلتی
آی وهر حالده مذکور سبيلك وقوعدن بش سنه صوكره ساقط اولور . ق م ۱۳۰
مال برلكنده قاری شخصی ماللری حقه ده هر زمان قوجاسندن تأمینات
طلب ایده بیلیر سه ده قوجانك ، بورجی اوده مكدن عجزی تحقق ایده ویا افلاسنه
حکم اولونور ایسه عجزك تحقق ویا حکمك صدوری تاریخندن اولسکی آلتی آی
ایچنده قاری به ویریلن تأمیناتك ابطالی طلب ایتمه ين آلاجلینك شو طلب حق
ساقط اولور . ق م ۲۰۱

قاری قوجانك ماللری حقه ده کی اصوله متعلق تسجیل قوجانك اقامتکاهی
کاتب عدلاکجه اجرا ایدیایر . بواقامتکاهی تبدیل ایدر ایسه اوج آی ظرفنده
یکی اقامتکاهنده تجدیداً تسجیل ایتدیرمی لازمدر . بومدتك مرورندن صوكره
تسجیلك حکمی قالماز ؛ بناءً علیه اسکی سجله استناد حق ساقط اولور .

ق م ۲۳۹

نسب خصوصاتنده دوغومه اطلاع تاریخندن اعتباراً میراثچی ویا چوجوق
سبيله میرادن محروم اولانلر برآی ایچنده رد دعواسنی اقامه ایتمز لر سه بوبابده کی
حقلری ساقط اولور . ق م ۲۴۵

صراحة ویا دلالة چوجوغی طانیان یاخود بوبابده معین مدت کچد کدن
صوكره قوجا رد دعواسی اقامه ایده مز ایسه ده چوجوغی طانیق ویا مدتنده
رد ایتمه مك خصوصنده اغفال اولوندیغنی ادعا واثبات ایتدیکی حالده اغفال اطلاع

تاریخندن سوکره دخی یکیدن بر آی ظرفنده رد دعواسنی اقامه ایتمز ایسه حق
ساقط اولور . ق م ۲۴۶

آنا ، بابانک میراثچیلری ایله مدعی عمومی ، نسبک تصحیحنه مطلع اولدقلری
کوندن اعتباراً اوچ آی ایچنده اعتراض ایتمزلر ایسه بوحقلری ساقط اولور .
ق م ۲۵۱

آنا ویا چوجوق وچوجوغک وفاتی حالنده فروعی ، طانیانک بابا ویا بویوک
بابا اولمادینی ویا طانییه چوجوق حقنده ضررلی بولوندیغنی ادعاسی ویا خزینه
ویا هر هائیکی بر علاقه دارک اعتراضی اطلاعلرندن اعتباراً اوچ آی سوکره
ساقط اولور . ق م ۲۹۳

اولیلک خارجنده دوغان چوجوغک آناسی طرفندن باباسنک حکماً تعینی
ایچون طلب ودعوی چوجوق دوغمان اول ویا دوغدیغندن اعتباراً بر سنه
ایچنده اقامه اولونابیلیر . ق م ۲۹۶

مال صاحبک صاغاننده یوردی الغایه صلاحیتی اولوب بونک ایچون محکمه یه
استدعا ایله مراجعتدن سوکره محکمه جه اعلان اولونور ؛ بواءلاندن اعتباراً
ایکی آی ایچنده اعتراض ایتمین علاقه دارک حق ساقط اولور . ق م ۳۴۵

تعینی کندیسنه تبلیع ایدیلدیکی کوندن اعتباراً اون کون سوکره وصی
وهر علاقه دار قانونی معذرتی ویا تعینک قانونه مغایرتی بیان ایده مزله . ق م ۳۷۲

وصینک مسئولیتنه ویا وصایت دائره لری اعضاسنک دوغریدن دوغری یه
مسئولیتلرینه متعلق دعوالرده حساب قطعینک تودیعندن اعتباراً بر سنه سوکره
مرور زمان واقع اولور . ق م ۴۳۶

دوغریدن دوغری یه تضمین ایله مکلف اولمایوبده یالکز ضررک اوده نه
مین مقداریه مسئول اولان وصایت دائره لری اعضاسی و خزینه علپهنده کی
دعوالرک مرور زمانی ، برنجی درجه ده مسئول اولانلرک ضرری اوده یه مه یه جکری
تحقق ایتدیکی تاریخندن اعتباراً بر سنه در . ق م ۴۳۶

حساب سه‌وبینه متعلق یا خود عادی مرور زمانك ابتدارندن مقدم بیلنمسی ممکن اولمایان برسبیه مستند مسئولیت دعوالری ، دعوايه سببیت ویره‌ن حادته‌نك میدانیه چیقديغی کوندن اعتباراً برسنه صوکره استماع اولونماز وهر حالده عادی مرور زمانك ابتداسندن اعتباراً اون سنه صوکره دعوی حق ساقط اولور .
بو، فوق‌العاده بر مرور زماندر .

جرمدن معدود بر فعلدن دولای اقامه اولونا جق مسئولیت دعواسنده اگر حقوق عمومیه دعواسنك مرور زمان مدتی حقوق شخصیه دعواسنده کی مدتن فضله ایسه مرور زمان حقوق عمومیه دعواسی مدته تابعدر . ق م ۴۳۷

وصیتچی ایچون وصیتنامه تنظیم اتمك ویا ایتدیرمك امکانك حصولدن اعتباراً بر آی مرورندن صوکره شفاهی وصیتك حکمی ساقط اولور . ق م ۴۸۸

متوفی طرفندن یا پیلان تصرفلرک ابطالی دعواسی ، مدعینك تصرفه و بطلانك سببینه مطلع اولدیغی کوندن اعتباراً برسنه وهر حالده وصیتنامه‌نك آچیلماسی تاریخندن اعتباراً بش سنه کچمکله مرور زمانه اوغرار . ق م ۵۰۱

تصرفك بطلانی کرک قانونه مخالفت و آداب عمومیه مغایرتدن و کرک عدم اهلیتدن نشأت ایتسین سؤنیت صاحبی اولان مدعی عایمه قارشى ابطال دعواسی آنجق اوتوز سنه‌نك کچمسيله ساقط اولور . ق م ۵۰۱

تنقیص دعواسی ، میراثچیلر محفوظ حصه‌لرینه تجاوز ایدیلدیکنی اوکره ندکلری کوندن اعتباراً برسنه وهر حالده وصیتنامه‌لر حقنده آچیلدقلری تاریخندن ، دیگر تصرفلر حقنده میراثك آچیلماسندن اعتباراً بش سنه کچمسيله ساقط اولور . ق م ۵۱۳
 میراث بوتون میراثچیلر ایچون دفتره کچیریله‌نك ختام بولدیغی صلح محکمه‌سنجه کندیلرینه بیلدیرلدیکی کوندن اعتباراً اوج‌آی دن صوکره رد اولونا ماز . مکرکه صلح محکمه‌سی محق برسبیه مستنداً بومدن تمدید ایده . ق م ۵۴۷، ۵۴۶

آلاجقلرینی استیفا ایدمه جکلرندن جدی سبیلره بناء اندیشه ایدن متوفانك آلاجقلیلری مراجعتله آلاجقلرینی آلاماز ویا تأمینات استحصال ایده مزلرایسه ،

مورثک وفاتی تاریخندن یا خود وصیتنامه نك آجیلماسندن اعتباراً اوچ آی كچد كدن
صوكره تركه نك رسماً تصفیة سنی طلب ایده مزلر . ق م ۵۷۳

حسن نیت صاحبی ذی الیده قارشی میراث سببیله استحقاق دعواسنك مرور
 زمان مدتی ، دعواچینك كندی حقتك راجع اولدیغنه و خصمنك ذی الیدبولندیغنه
 اطلاعدن اعتباراً برسنه وهر حالده مورثك وفاتندن ویا وصیتنامه نك آجیلماسندن
اعتباراً اون سنه در . ق م ۵۷۹

تقسیمدن دولایي ضامن اولانلره قارشی دعوی حقی ، تقسیمك ختامندن
 و تقسیمك ختامندن صوكره اوده نمسی لازم كلان مطلوبلرا ایچون بولزوم تاریخندن
 اعتباراً برسنه كچمكله مرور زمانه اوغرار . ق م ۶۱۴

شفیعك بیعه اطلاعی كونندن اعتباراً برآی وهر حالده سبجله شرح ویرلدیكی
 تاریخندن اعتباراً اون سنه صوكره شفعه حقی ساقط اولور . ق م ۶۵۸

اصول حقوقیه نك ۵۷۲ نجی ماده سنده محرر اولدیغی اوزره اجراء مزایده یه
 چیقاریلان بر غیر منقول حقنده بر آباق شفعه دعواسی مرور زمانی مزایده ایچون
 یاپیلان ایلك اعلان تاریخندن باشلار .

مقاوله دن متولد اشترا و وفا حقلری سبجله شرح تاریخندن اعتباراً اون سنه
 صوكره ساقط اولور . ق م ۶۶۰

باشقه سنك منقول برمالنی نزاعسز و فاصله سز ملكمدر دیه حسن نیتله بش
 سنه یدنده بولونديران كیمسه علمیه حق دعوی ساقط اولور . ق م ۷۰۱

مالكك ، انتفاع ایدیلن شیئده یاپیلان تبدللدن و قیمت نقصانندن و انتفاع
 ایدن كیمسه نك ده پایدینی مصرفلدن و وضع ایتدیگی تأسیساتی سو كوب آلمق
 صلاحیتدن متولد حقلری ، مالك اعاده سندن اعتباراً بر سنه كچمكله ساقط
اولور . ق م ۷۲۶

ایپوته كله قیید ایدیلش غیر منقولك بر قسمی آخره تمليك و تقسیم ایدیلوبده
 تأمینات هر قسمك كندی قیمتنه كوره متناسباً توزیعنی قبول ایتمین آلاجلقی

توزیعك كسب قطعت ايتديكى تاريخندن اعتباراً بر آي ايجنده طلب ايتمايسه
الاجتك برسنه ظرفنده اوده نمسني ايسته مه م . ق م ۸۰۴

ايرادسندينك حكمسزلكنه ويره جك قراره برسنه صوكره اعتراض حق
 ساقط اولور . ق م ۸۳۹

ذي اليد تجاوزي و تجاوز ايده نيدها كچ اوكره نمش اولسه بيله غضب و يا تجاوزك
 وقوعى كونندن اعتباراً برسنه كچمكه دعوى مرور زمانه اوغرار . ق م ۸۹۷
 ينده سرقت اولونان ويا كنديسي طرفندن غائب ايديلن و يارضاى اولقمسزين
 ديكر هر هانكي بر صورتله الندن آلنان بر مقولك ذي اليدي بش سنه صوكره
 استحقاق دعواى اقامه ايده م . ق م ۹۰۲

بر عيني حقت سقوط و تسجيلي حقنده بر طلبك طابو سجيل مامورى طرفندن
 اسعافى حالنده هر علاقه دار ، ترقين علمنه حاكمه او توزكون ظرفنده مراجعت
 ايده بيلير . ق م ۹۳۴

غبن ، متضررك مضايقه حالنده بولونماسندن و يا خفتندن يا خود تجربه سزلكندن
 استفاده صورتيله وقوعه كتي ريلش ايسه عقدك فسخى ، عقد تاريخندن اعتباراً
 برسنه صوكره ادعا اولوناماز . بورجلر قانونى ماده ۲۱

اكره و يا خطا و يا حيله ايله وقوع بولان عقدده ، حيله و يا خطا نك آكلاشديغى
 و يا قورقونك زائل اولديغى تاريخندن اعتباراً برسنه صوكره فسخ عقد دعواى
 حق ساقط اولور . آنجق ضرروزيانك تضميني حق باقيدر . بو ۳۱

ضرر وزيان يا خود ضرر معنوى ناميله نقدي بر مبالغ تاديه سنه متعلق دعوى ،
 متضرر اولانك ضرره و فاعلنه اطلاعى تاريخندن اعتباراً برسنه ضررى مستلزم
 فعلك وقوعندن اعتباراً اون سنه صوكره ساقط اولور . بو ۶۰

حقسز صورته مال اكسابندن دولاي اقامه اولوناجق دعوى ، متضرر
 اولان طرفك و يرديكى استرداده حق اولديغنه اطلاعى تاريخندن اعتباراً برسنه
 و هر حالده بو حقت دوغديغى تاريخندن اعتباراً اون سنه صوكره ساقط اولور . بو ۶۶

آشاعنده كي دعوالر بش سنه لك مرور زمانه تابعدر : بو ۱۲۶

أ -- علی العموم کیرا ایلہ رأس المال فائضہ لری و معین زمانہ ردہ تأدیہ سی
مشروط عائدات

ب -- ارزاق بدلی نققہ ، اوتہل و لوقانطہ مصر فلرینہ متعلق دعوالر

۶ -- صنعتکارلرک ایشلری ، پرا کئدہ جی اصنافک و یردیکی اشیاء ارزاق ،
دوقتورلر و سائر صنعت اربابنک ایضا ایتدکلری مساعی ، آووقتلرک ، وکیللر
و کاتب عدللرک مسابکی خدمتلری ، باشقہ لرینک معیتندہ چالیشان ویا مستخدم
اولان کیمسہ لرک ، خدمتجیلرک ، یومیہ جیلرک و عملہ نک اجر تلری حقندہ کی دعوالر .
بایع دها اوزون مدت ایچون تکفل ایتہ مش ایسہ مبیعی عیبہ قارشى تکفلدن
متولد ہر دورلو دعوی ، بیعدہ کی عیب دها صوکرہ میدانہ چیقسہ بیلہ مشتریہ
تسلیم تاریخندن اعتباراً برسنہ صوکرہ ساقط اولور . بو ۲۰۷

بربنانک عیبلی اولماسندن متولد و تکفلہ مستند دعوالر ملکیتک دورندن
اعتباراً بش سنہ کچمکک ساقط اولور . بو ۲۱۵
واہبک رجوع سببہ واقف اولدینی کوندن اعتباراً برسنہ صوکرہ حق
رجوع دعواسی ساقط اولور . بو ۲۴۶

اودونچ آلان کیمسہ نک و یریلہ جک شیئک تسلیم ایدیلسنہ و اودونچ و یرہ نک دہ
اوشیئک تسلیم ایدیلسنہ دائر اولان ادعالری دیگر طرفک بو بابدہ کی تمرندن
اعتباراً آلتی آی کچمکک ساقط اولور . بو ۳۰۹

انشا ایدیلہن بر غیر منقولک قصورلی اولماسندن دولای ایش صاحبنک متعہدہ
ویا انشا آتہ اشتراک ایلہن معمار و مهندسہ قارشى حق مطالبہ سی ، تسلیم زمانندن
اعتباراً بش سنہ صوکرہ ساقط اولور . بو ۳۶۳

نقلیہ جیہ قارشى ضرر و زیان دعوالری تلف ، ضایع ، تأخر حالارندہ تسلیمک
اجرا اولوناجنی کوندن و خسار حالندہ اشیانک تسلیمی کوندن اعتباراً برسنہ
صوکرہ ساقط اولور . بو ۴۴۵

اولونجہ یہ قدر باقق عقدندہ بورجلی وفات ایدنجہ آلاچقلى آندن برسنہ
صوکرہ مقاولہ نک فسختی طلب و دعوا ایدہ مز . بو ۵۱۸

بورجلر قانوننك ۱۲۵ ، ۱۲۶ نجى ماده لرنده بيان اولونان مرور زمان مدتلى مقاوله ايله تعديل اولونماز . بو ۱۲۷

عادى آلاچق مرور زماننده مبدأ ، آلاچق معجلىت كسب ايتدىكى زماندر . آلاچق معجلىت كسب ايتىمى براخبار وقوعه تابع ايسه مرور زمان بوخبرك ويرييه چكى كوندن اعتباراً باشلار . آلاچق حقنده مرور زمان واقع اولونجه متداخل تقسيم طر حقنده دخى واقع اولور . و آلاچق حقنده مرور زمان حاصل اولونجه فائض و سائر فرعى آلاچقلر حقندهده حاصل اولور .
بو ۱۳۱ ، ۱۲۹ ، ۱۲۸

مدتلك حسابنده مرور زمانك باشلادىنى كون نظر اعتباره آلتماز و مرور زمان انجق مدتلك صوك كوفى استعمال ايدىلكسزىن كچدىكى صورتده واقع اولمش اولور . بورجلرك ايفاسى مسئله سنده بورجلر قانوننك ۷۶ و ۷۷ نجى ماده لرنده كى مدتلك حسابنه متعلق قاعده لر بورادهده تطبيق اولونور . بو ۱۳۰ اقرار و دعوى ايله مرور زمان قطع ايدىلش اولور . يعنى مرور زمانه بالغ مدتدن اول مديون دىنى اقرار ايدور ويا فائضى ويرير ويا محسوباً بر مقدار پاره تسويه ايدور ويا رهن ويا كفالت ويرير ايسه ، دايىن دعوى ويا دفع دعوى ضمنتده محكمه يه ويا حكمه مراجعت ايدور ويا اجرائى تعقيبائده بولونور ايسه ويا افلاس ماصه سنه مداخله ايله حقى طلب ايدور ايسه مرور زمان منقطع اولور . بعده مرور زمان اشبو قطع تاريخندن اعتباراً جريان ايدور . بو ۱۳۳ و ۱۳۵

دين برسندده اقرار ايدىلش ويا بر حكم ايله ثابت اولمش ايسه يكي مدت دائماً اون سندهر . بو ۱۳۵

متسلسلاً مديون اولانلردن ويا غير قابل تقسيم بردينك مشترك بورجلر اولوندىن برينه قارشى مرور زمان قطع ايدىلش اولونجه ديكر لر ينه قارشى ده قطع ايدىلش اولور . و بوسيله لر دن برييه مرور زمان اصل بورجلى يه قارشى منقطع اولونجه كفيله قارشى ده قطع ايدىلش اولور . فقط كفيله قارشى قطع ايدىلش ايسه اصل بورجلى يه قارشى قطع ايدىلش اولماز . بو ۱۳۴

بر دعوی و یا دفع دعوی ایله قطع ایدیلش اولان مرور زمان دعوی دوام
ایتدیکی مدتیجه ایکی طرفک محاکمه متعلق هر معامله سندن و حاکم هر امر
و حکمندن اعتباراً یکیدن جریانه باشلار . بو ۱۳۶

قطع ، اجرائی تعقیباتدن نشأت ایتش ایسه مرور زمان تعقیبه متعلق
هر معامله دن اعتباراً یکیدن جریانه باشلار . بو ۱۳۶

قطع ، افلاس ماصه سنه مداخله دن نشأت ایتش ایسه مرور زمان افلاسه
متعلق حکملره نظراً آلاچی یکیدن طلب ایتک ممکن اولدینی زماندن اعتباراً
یکیدن جریانه باشلار . بو ۱۳۶

دعوی و یا دفع دعوی ، وضع ید ایدن حاکم عدم صلاحیتی و یا تعمیری
قابل وشکله متعلق بر نقصان و یا وقتندن اول اقامه ایدیلش اولماسی سببیه رد
اولونش اولوب ده آراده مرور زمان مدتی ختام بولش ایسه آلاچقلی حق
طلب ایتک ایچون آتمش کونلک منضم برمدتن استفاده ایدر . بو ۱۳۷

مرور زماندن ابتداء فراغت باطلدر ؛ فقط بالآخره فراغت جائزدر .
مثلا مدعی علیه محاکمه بوندن بحث ایتمز و مرور زمان دفع دعواسنی استعمال
ایتمزسه حاکم مرور زمانی رأساً تدقیق ایده مز . بو ۱۳۹

مرور زمانه اوغرامش بر بورجک تأمیناته ربطی جائزدر . بو ۱۳۷
متسلسل بورجولردن و یا تقسیمی قابل اولمایان بر بورجک مدیونلرندن
برینک مرور زمان ادعاسندن فراغتی دیگر بورجولره واصیلک فراغتی ،
کفیلنه مؤثر اولاماز . بو ۱۳۹

مرور زمانی تعلیل ایدن اسباب :

۱ — ولایت دوام ایتدیکی مدتیجه چوجوقلرک بابا و آنالرینه قارشى اولان
آلاجقلى حقنده

۲ — وصایت دوام ایتدیکی مدتیجه وصایت آلتنده بولونانلرک وصی و یا
صلح حاکمی و یا محکمه اصلیه حاکملری ذمتنده اولان آلاجقلى حقنده [قیم
و مشاور بوندن خارجدر .]

٣ -- نكاح دوام ايتديكى مدتجه قارى قوجادن برينك ديكرى ذمتنده
اولان آلاچقلى حقنده

٤ -- ايش مقاوله سنك دوام ايتديكى مدتجه خدمتجيلرك استخدام ايده نلره
قارشى اولان الاجقلى حقنده

٥ -- مديون آلاچق اوزرنده انتفاع حقنى حازر اولدينى مدتجه

٦ -- آلاچنى برتورك محكمه سى حضورنده ادعا ايتك امكانى اولماديى مدتجه
مرور زمان جريان ايتز وجريانه باشلامش ايسه تعطيله اوغرار . وبو حالرده
مرور زمانى تعطيل ايدهن سببك زائل اولدينى كونك ختامندن اعتباراً مرور
زمان باشلار . ويا توقفدن اول باشلامش اولان ، جرياننده دوام ايدهر . بو ١٣٢
تعطيل ايله قطع آراسنده كى فرق ، تعطيله كچن مدت يكيدين باشلايان
مدته ضم ايديلير . قطعده ايسه قطعدن مقدم مرور ايدهن زمان ، مرور
زمان مدتنده حساب ايديلز .

٧ -- بوندن باشقه قانون مدنك ٥٦٥ نجى ماده سى موجبنجه دفتر طوتمه معامله
سنك دوامى مدتجه تركنك بورجلى حقنده اجراجه تعقيبات ياپيلاماز ،
يكيدين دعوى اقامه اولوناماز . وبو خصوصده مرور زمان ايشله مز . ايشته
بوده اسباب تعطيلدن ينجيسى تشكيل ايدهر .

قانون مدنك ٥٧٨ نجى ماده سىه نظراً ميراث سببيله استحقاق دعواسى
ثابت اولدقه خصم ، يدينه بولونان مالى ذى اليذك قاعده لرينه كوره دعواچيه
وپرير . خصم بودعوالرده اكتسابى مرور زمان دفعنده بولوناماز .
برده قانون مدنك ٧٦٢ نجى ماده سنده محرر اولدينى اوزره غير منقول
مكلفيتنده مرور زمان جارى اولماز .

ياپيلاجق وويريله جك شيلردن معجاييت اكتساب ايدهنلر ، تقيد ايديلن
غير منقول مالكنك شخصى بورجى اولديغندن اعتباراً مرور زمانه تابع اولور .
كذلك ٧٧٩ نجى ماده موجبنجه غير منقول بر رهنك تسجيلي آلاچق
حقنده مرور زمانك جريانه مانع اولور .

مرور زماندن استفاده ایتمک حقنه مالک اولان ذی الید بو حقدن استفاده صلاحیتنه مالک اولان اولیکی ذی الیدک ذی الیدلکی مدتی کندی مدتنه ضم ایدیلیر. ق م ۹۰۹

قانون مدینک شکل تطبیقی ارائه ایدن قانونک ۴۱ نجی ماده سی موجبنه قانون مدینک بش سنه لک ویا دها زیاده مدتی بر مرور زمان قبول ایتدیکی تقدیرده یکی قانونک مرعیتندن اول مذکور مرور زمانلر ایچون کچن مدتلر حسابنه داخل اولور؛ انجق بومرور زمانلر قانون مدینک مرعیتندن اعتباراً لا اقل ایکی سنه کچمدکجه اکل ایدلمش اولماز. آندن دون مرور زمانلر قانون مدینک مرعیتندن اعتباراً باشلار .

یکی قانون تجارتده کی مرور زمانلر :

۱ — بر تجارتخانه تبعاً عنوان تجارتی تملک ایدن کیمسه آنی تملیک ایدن کیمسهنک عنوان مذکور ایله وقوع بولش اولان تعهداتندن مسؤل اولوب بو مسؤلیت تاریخ تملیکدن اعتباراً بش سنه صوکره ساقط اولور. ت ۴۷

۲ — دلالک معامله نك انعقادی ویا عقد بر شرطه معلق ایسه شرطک تحقیقی عقبنده اولابده کی بوردروی ویرمک شرطیله ضررینی طلب حق معامله نك عقد ایدیلدیکی کوندن اعتباراً بر سنه مرور یله ساقط اولور. ت ۱۱۰

۳ — بر شرکتک کار و ضررده کی مقدار حصه لرینک تعیینی قرارینه اطلاع حصولندن اعتباراً اوچ آی کچدکدن صوکره شریکک حق اعتراضی ساقط اولور. ت ۱۴۳

۴ — قوللک تیف شرکت شرکاسندن برینک شرکتک اجرا ایلدیکی معامله تجاریه نوعندن بر معامله یاماسندن ویا عینی معامله تجاریه ایله مشغول بر شرکته شخصاً مسؤل اعضا صفتیله اشتراکندن متولد ضرر و زیان تضمینی ویا منافع حاصله نك شرکت حسابنه تأمین طلب وادعالری تاریخ اطلاعندن اعتباراً اوچ آی صوکره وهر حالده وقوع لرندن اعتباراً بر سنه صوکره ساقط اولور. ت ۱۶۹

۵ — برله شن شرکتلرک داینلرندن بری برله شمه کیفیتنه اوچ آی صوکره اعتراض ایدمز .

۶ -- آنونیم شرکتک ، مؤسسره ، مجلس اداره اعضاسنه و مراقبلره قارشی حائر اولدییی تضمینات حقیری بش سنه صوکره ساقط اولور . ت ۳۱۰

۷ -- آنونیم شرکتی مجلس اداره اعضاسندن برینک هیئت عمومیه دن مساعده آلمق سزین شرکتک موضوع اشتغالی اولان بر معامله یی کندی ویا آخری نامه یامقندن ویا عینی نوع معامله ایله متوغل بر شرکتک مسؤل اعضا اولمقندن متولد تضمینات ویا منافع مستحصله نك شرکت نامه قیدی مطالبه لری تاریخ اطلاع دن اعتباراً اوچ ای ووقوع لری تاریخندن اعتباراً بر سنه صوکره ساقط اولور . ت ۳۲۴

۸ -- حصه سنداتی بدلانسه محسوباً شرکا طرفندن وقوع بولان تأدیاتک عدم صحتندن ، توزیع و تأدییه اولونان تمتعاتک غیر حقیقی اولماسندن قانوناً طوتو- لماسی مقتضی دفاترک موجود اولماسندن ویا بونلرک صورت غیر منظمه ده طوتولماسندن ، هیئت عمومیه دن صادر اولان قرارلرک تماماً اجرا اولوناماسندن ، کرک قانونک و کرک شرکتک مقاله نامه سنک کندی لرینه تحمیل ایتدیکی وظائفک تماماً ایفا ایدیه مسندن ، سلفلرینک ظاهر اولان یولسز معامله لرینی مراقبلره بیلدیرمه ملرندن متولد شرکا و اوچنجی شخصلره قارشی اولان متسلسل مسئولیتیه استناداً اقامه دعوی حق ، موجب مسئولیت اولان سببک وقوعی تاریخندن اعتباراً بش سنه صوکره ساقط اولور . ت ۳۳۶

۹ -- مراقبلرک وظیفه لرینی حسن صورته ایفا ایتمه ملرندن متولد متسلسل مسئولیتیه استناداً اقامه دعوی حق سببک تحقیقی تاریخندن اعتباراً بش سنه صوکره ساقط اولور . ت ۳۵۸

۱۰ -- قانونک احکام صریحه سنه ویا شرکت مقاله نامه سنه مغایر اولان هیئت عمومیه قرارلری علیه تاریخ صدور لرندن اعتباراً اوچ ای صوکره محکمه یه مراجعتله اعتراض حق ساقط اولور . ت ۳۸۱

۱۱ -- بدلی تماماً تسویه ایدیه مش اولان نامه محرر بر حصه سندینک آخره دور و فروختی حالنده حامل اول و اخیر ایله آراده سندی دوراً تصرف

ایتمش کیمسه لړك متسلسلاً مسئولیتلرینه مستند دعوی هر فارغ حقنده فراغك شرکت دفترینه قیدی تاریخندن اعتباراً اوچ سنه صوکره ساقط اولور. ت ۴۱۴

۱۲ -- ضایع اولان سند ویا تحویل حامی اولدیغی ادعا ایدن کیمسه نك قانون تجارتك ۴۳۶ نجی ماده سنده محرر ایکنجی اعلان تاریخندن اعتباراً ایکی سنه صوکره حق دعواسی قالماز. ت ۴۳۷

۱۳ -- غیر حقیقی تمتعك استردادینه عائد حق دعوی ، تمتعك توزیعی ایچون مقاوله نامه ده معین مدتدن اعتباراً بش سنه صوکره ساقط اولور. ت ۴۶۴

۱۴ -- سرمایه سی اسهامه منقسم قوماندیت شرکترلده قوماندیتیه شرکادن برینك هیئت عمومیه قراری اولمقسزین موضوع شرکته آیرجه اشتغال وعین موضوعله متوغل باشقه برشرکته قوماندیتیه شرریك صفیتله دخولدن متولد تضمینات وجلب منفعت دعوالری مرا قبلرله دیگر قوماندیتیه شرکاتك مطلع اولدیغی تاریخندن اعتباراً اوچ آی و وقوعلرندن اعتباراً برسنه صوکره ساقط اولور. ت ۴۷۵

۱۵ -- تصفیه نك ختامنده شرکایه تبلیغ ایدیه جك پالانچویه قارشی بر آی ظرفنده محکمه یه مراجعتله اعتراض ایدیلر سه کسب قطعیت ایدر. ت ۲۴۶

۱۶ -- پولیچه وامره محرر سنددن متولد اولارق قبول ایدن کیمسه علمینده اقامه اولونا جق کافه دعاوی حلول وعده تاریخندن اعتباراً اوچ سنه صوکره ساقط اولور. ت ۵۹۷

۱۷ -- حاملك کشیده جی ایله جیرانطه لره قارشی اقامه ایده جی دعوالر پروتستو ویا وعده نك انقضاسی تاریخندن اعتباراً برسنه صوکره ساقط اولور. ت ۵۹۵

۱۸ -- جیرانطه لړك یکدیگری علمینده ویا بونلړك کشیده جی علمینده اقامه دعوی ، پولیچه یی تأدیه ایتدیکی یا خود کندی علمینه اقامه دعوی اولوندیغی تاریخندن اعتباراً آلتی آی صوکره ساقط اولور. ت ۵۹۷

۱۹ -- چکدرده حاملك جیرانطه لر ایله کشیده جی علمینده کی رجوع دعوالری مدت ابرازك انقضاسندن اعتباراً وجیرانطه لړك یکدیگری و کشیده جی

علیه‌نده اقامه ایده جککاری رجوع دعوالری مبلنی ایفا ویا کنسیدینک علیه‌دعوی اقامه اولوندینی کوندن اعتباراً آلتی آی مروریه ساقط اولور. ت ۶۳۴

سندات تجاریده قطع ، یالکیز قاطع حقه‌ده معتبردر . ت ۵۹۸

۲۰ -- بر فاطوره‌ی آلان کیمسه آلدینی تاریخدن اعتباراً سکز کون ظرفنده مندرجاتی حقه‌ده بر اعتراض درمیان ایتمه‌مش ایسه مندرجاتی قبول ایتمش عد اولونور . ت ۶۸۴

۲۱ -- بیع تجاریده ، میعه‌ده عیب ظهور ایتمه‌سندن ویا میبعک مقاوله ویا قانون ایله معین شرائطی جامع ویا نمونه موافق اولمامسندن دولای مشتری‌نک علیه‌نده حائز اولدینی حق دعوی ، میبعک تسلیمی تاریخندن اعتباراً آلتی آی صوکره ساقط اولور. بومدتک مقاوله ایله تزید ویا تنقیصی جائزدر. ت ۷۱۷

۲۲ -- عمومی مغازه‌لره تودیعاعده مقبوض سندلری ووارانلر ، پولیچه‌لر حقه‌ده موضوع مرور زمانه تابعدرلر . جیرانظه‌لره قارشی مراجعت ایچون مرور زمانک مبدئی امتعه و ذخائرک فروختی کونیدر . ت ۸۱۶

۲۳ -- حساب جاریدن خارج اولماسی لازم کلان ویا بغیرحق حساب جاری به ادخال اولونان قلملر ویا مکرر قیدلره متعلق دعوالر بش سنه صوکره ساقط اولور . ت ۷۹۴

۲۴ -- نقلیات قومیسینجیسنک مسئولیتی ، اشیانک مرسل‌ایله طرفندن تسلیم‌ایدلدیکی وضایع اولمش ایسه تسلیمی لازم کلدیکی تاریخدن بر سنه صوکره ساقط اولور ؛ ۸۸۴ . فقط حیلّه‌سندن منبعث ایسه بومدنده حق ساقط اولماز .

۲۵ -- حقسز اولارق آلتان نقلیه‌اجر تنک استردادی دعواسی داخل اولدینی حالده نقل مقاوله‌سندن منبعث بالعموم حقوق دعوالری بر سنه صوکره ساقط اولور . ت ۸۸۷ بومدت اشیانقلنده اشیانک تسلیمی یولجی نقلنده یولجینک مواصلقی تاریخندن باشلار . اشیانک اهل خبره طرفندن تدقیق ومعاینه‌لری ایله ضررک آکلاشیلماسنی متعاقب و اشیانک قبولندن اعتباراً نهایت سکز کون ظرفنده نقلیه‌جی علیه‌نده دعوی اولونابیلیر . ت ۹۱۹

٢٦ -- سيغورطه ايتديرهن كيمسه وضعيت ومهالڪك زياده لڪني موجب
كيفيتك ظهوريني سيغورطه جي به اخبار ايتيوبده سيغورطه جي مطلع اولور ايسه
اطلاعندين اعتباراً سڪز کون ظرفنده فسح ايتز ايسه حق فسخي قالماز. ت ٩٢٧

٢٧ -- سيغورطه مقاوله نامه سندن دوغان مراهنيكي بر دعوى اختلافه سبب
اولان حادثه تاريخندن اعتباراً ايكي سنه صوكره ساقط اولور . ت ١٠١٢

٢٨ -- ايكي قانون تجارتيك تطبيقندن اول باشلامش اولان مرور زمان مدتلي
اسي قانون احكامنه تابعدر . شوقدر كه اولجه باشلامش اولان بر مرور زمانك
بقيه مدتي ، ايكي قانونك تعيين ايتديكي مرور زمان مدتندن زياده ايسه ايكي مرور
زمان مدتي اشوقانونك موقع تطبيقه وضعندن يعني ٤ تشرين اول ١٩٢٦ تاريخندن
اعتباراً حساب ايديلهرك ختام بولديني كونده مرور زمان تمام اولمش عدا اولونور .
تجارت تطبيق قانوني ماده ١١

تجارت بحريه قانوننده كي مرور زمانلر :

١ -- سيغورطه جيلره ترك اشيا اوروپانك ويا قره وآق دكز ساحلارنده
كمي تلف اولديني تقديرده خبرك سيغورطه جي به كلديكي تاريخندن اعتباراً آلتى
آي وآسورومادهر وآفريقانك شرق طرفلرنده جزاير سائره و سواحلنده تلف
ويا غصب اولونمش ايسه خبرندن برسنه وديكر محال بعيدده ايكي سنه ظرفنده
جائز اولوب بومدتلك مروريله حق دعوى ساقط اولور . ٢٧٥

٢ -- استقراض بحري قونطوراتوسى ويا سيغورطه سندن متولد دعوالر
تاريخلرندن بش سنه صوكره ساقط اولور .

٣ -- كمينك انشا وتعميري ايجون ويريله ن كراسته ويلكن ولنكر و لوازم
سائره ايله آلتان قومانيا پاره لرينك ايفاسى وانشا وتعمير بدلاريله استخدام اولونان
عمله اجر تليريك تأديه سى دعواسى اشيانك ويريلديكندن وانشا آت وتعميراتك
ختمانندن اوج سنه مروريله ساقط اولور . ٢٧٧

٤ -- سفينه نولنك وقودان وطائفه وكميده استخدام اولونان سائر مأمور
و خدمه لرينك معاش و اجر تليريك و مأكولات اثماننك و يولجيلرك بورجلى

اولدقلری مبالغ وامتعه محموله نك تسلیمی دعوالری کینک کیتیمی مشروط اولان
محله واردیغندن برسنه صوکره ساقط اولور . ۲۷۸

۵ -- تجارت بحریه معاملاتندن متولد دین سنده ویا ممضی برورقه یه مربوط
بولنمش یا خود داین طرفندن وقتیه پروتستو و عرضحال تبلیغ ایدیش ایسه
مرور زمان خصوصی ایله دفع اولوناماز ایسه ده سند و تحویل اولیه رق یالکز
پروتستو و عرضحال تبلیغ اولونوبده داین دعواسنی اوچ سنه تعقیبسز براقش
ایسه دعواسی مرور زمان ایله دفع اولونور . ۲۸۰

۶ -- امتعه محموله خسار دیده اولدقده ویا کمی چاقدقده مدت قانونیه سی
ظرفنده پروتستو و شکایت اولونوبده آنلرک تبلیغندن صوکره ۳۱ کون ایچنده
دعوی ایچون عرضحال ویریلز ایسه حق دعوی ساقط اولور . ۲۸۲



تقدم زمان

و

مراسم مقدمه

بعض دعوالر واردرکه مسموع اولابيلملرى قبل الاقامه مدعيلرينك تقدماً
بعض مراسمی ایفا ویا دیگرینه اخبار ایتلرینه یاخود بعض مدتلك مرورینه
متوقفدر . از جمله :

غائبك قراری طلب اولونا بيلمك ايچون اولوم تهلكه سندن اك آشاغی
برسنه یاخود. غائبك صوك خبرندن بش سنه كچمش اولمق لازمدر . ق م ۱۳۲
بوشانه و آیريله دعواسنی اقامه ايچون صلحه تشبث ايدليك اوزره صالح
حاكمی حضورینه دعوت ایتدیرمك لازمدر . ا ص ۴۹۴

اوچ آیدنبرو خانیهی ترك ایدهن قاری قوجادن برینه برای مدتله حاكم معرفتيله
یاپیلاجق اخطار اوزرینه برای بیتمه دن بوشانه دعواسی اقامه اولونا ماز .
ق م ۱۳۲

مال برلکنده بر بورج سبيله آلمان بر مالک یرینه قونولماسی انجق مال
برلکنك ختامندن صوکره طلب ودعوی اولونا بیلیر . ق م ۲۰۵

وصی طرفندن همان یاپیلماسی لازم کلان موقت تدبیرلر مستثنا اولمق اوزره
کوچوك ومحجور حقنده خصومت ايچون صلح حاکمندن اذن استحصالی لازمدر .
ق م ۴۰۵

قاری قوجانك شخصی ماللرینك برلكه داخل اولدقلری تاریخدن اعتباراً
آلتی آی ظرفنده طوتولامش اولان دفتره استناد اولونا ماز . ق م ۱۹۴
نزعی تاریخندن اعتباراً بر سنه كچمدكجه ولایتك اعاده سی طلب اولونا ماز .

ق م ۲۷۶

هیچ بر عذر مقبوله مستند اولمقسزین آلا جقلری و قتیله یازدیرمایان آلا جقلیلر
دفرطومه مسئولیتی خارج اولارق میرانجی به قارشى نه شخصاً نه ده ترکه به اضافه
دعوی تعقیب ایده مزلر . ۵۶۹

ایراد سندیه تقید ایدیلش اولان غیر منقولک مالکی بهر آلتی سنه لک دوره نک
ختمندن بر سنه اول خبر ویرمدیکی تقدیرده بوسندی اشتراحتی حائر اولماز .

ق م ۸۲۰

باشقه سنک عرصه سنه تجاوز ایدن انشا آه عرصه صاحبی تجاوزه مطلع
اولدینی تاریخنن اعتباراً اون بش کون ایچنده اعتراض ایتمهش ایسه انشات
صاحبی محق بر تضمینات مقابلنده تجاوز ایتدیکی محل اوزرنده کندیسنه بر عینی
حق ویریلسنی ایسته به بیلیر؛ بناء علیه متجاوز علیه اومت ظرفنده اعتراض ایتمهش
ایسه تجاوز اولونان محله عینی حق اعطاسی طلبی رد و دفع ایده مزلر . ق م ۶۵۴

ذی الید اولمقده دوام ایدن شخص ثالث تملیک ایدن کیمسه طرفندن
خبردار ایدلمدکجه ذی الیدلکک انتقالی اوکا قارشى حکم افاده ایتمه جکندن بویه
بر دعوی اقامه سندن اول تملیک ایدن طرفندن اخبار واقع اولمق لازمدر .

ق م ۸۹۲

حاضر اولمایان بر شخصه قارشى مدت تعیین اولونمقسزین درمیان اولونان
ایجابیه قارشى وقتنده کوندریلان قبول خبری، ایجابی یاپانه کچ واریر و او کیمسه
اونکله ملزم اولماق ادعا سنده بولونمق ایستر ایسه کیفیتی در حال قبول ایده نه
بیلدیرمه ک مجبوردر . بورجلر قانونی ماده ۵

آلا جقلی متمرد اولدینی تقدیرده عقدک موضوعی اولان شینک ماهیتی ویا
ایشک نوعی تودیعه مانع اولور ویا ویریه جک شی بوزولمغه معروض ویا محافظه سی
مصرفی موجب ویا تودیعی بویوک مصرفلری مستلزم اولور ایسه بورجلی اولان
اخطارده بولونقدن صوکره صا تیره رق بدلنی حفظ ایچون حاکمک اذنی
استحصال ایده بیلیر . ب ۹۲

بورجلینک ترمردی اصولاً واقع اولمش اخبار و اخطار ایله تحقیق ایدره. ب ۱۰۱
مطلوبک تملیکنده بورجلی نقل دین متعهدینه قارشى نقل عقدندن متولد
بورجلرینی ایفا ایتدکجه متعهدعلینه تعهدینی ایفا ایچون دعوی اقامه ایدمه. ب ۱۷۳
حیوان آلم صائینده مبیعه کشف ایدیلن عیبدن بایعک مسئولیتی تسلیم واقع
اولدیغی ویا مشترینک قبضده ترمردی تحقیق ایتدیکی کوندن اعتباراً طقوز کون
ایچنده بایعه اخبار ایدیلکجه برابر اهل وقوف معرفتیه معاینه سنک اجراسی حالده
دعوی اولونا بیلیر . ب ۱۹۹

ایجارک عقدندن صوکره مأجور ، موجر طرفندن آخره تملیک یا خود
اجراء تعقیبات ویا افلاس طریق ایله کندیسندن نزع ایدیلدیکی تقدیرده مشتری
فسخی اخبار ایتدیکی تقدیرده عقدی قبول ایتمش عداولونا جغندن تخلیه دعواسنده
بولوناماز . ب ۲۵۴

مأجورده اجراسی موجره عائد تعمیراته لزوم حاصل اولدیغی یا خود اوچنجی
بر شخص مأجور اوزرنده بر حق ادعا ایتدیکی تقدیرده مستأجر کیفیت همان
موجره اخبار ایله مکلفدر عکسی تقدیرده ضرردن مسئول اولور . ب ۲۵۶
ایجار مدتک ختامندن اول معجلت کسب ایدن کیرالر تادیه ایتمه مش
اولان مستأجره موجر آلتی آی ویا دهها زیاده مدتی ایجارلرده اوتوز کونلک
ودها آز مدتی ایجارلرده آلتی کونلک بر مهل تعیین ایدرهک فسخ عقدایده جکنی
بیان و اخطار ایتزایسه فسخ و مأجوری تخلیه دعواسی مسموع اولماز . ب ۲۶۰
ایجارده صریح ویا ضمنی بر مدت یوق ایسه :

أ -- مفروش اولمایان مسکن ، یازیخانه ، تزکاه ، دکان ، مغازه ، مخزن ،
صامانلق ، آخور کبی محللر انجق محلی عادتجه معین الک یقین وقت ایچون و بوبله
بر عادتک فقدان حالده آلتی آیلق بر مدتک ختامی ایچون اوچ آی اول یا پلماسی
لازم کلان بر اخبار ایله

ب -- مفروش مسکن ، مستقل اوطه ، سکنایه مخصوص مفروشات
بر آیلق مدتک ختامی ایچون ایکی هفته اول یا پلماسی لازم کلان بر اخبار ایله

۶ -- دیگر منقول شیئر هر ایسته نیلن زمان ایچون و اوچ کون اول

یایلماسی لازم کلان براخبار ایله فسخ ایجار نمکندر . ب ۲۶۲

معین برمدتله عقد ایدیلن ایجارک مدتک ختامنده موجرک معلوماتی ایله ویا مخالفتی اولمقسزین مأجورک استعمالنه دوام اولوندیغی یاخود مقاولده فسخ حقنده کوستریلن اخباری ایکی طرفدن هیچ بری یامادیغی تقدیرده خلافنه مقاوله بوق ایسه عقد غیرمعین برمدت ایله تجدیدایدیلش عد اولونور . ب ۲۶۳

معین برمدتله غیر منقولک ایجارنده موجب عقدک اجراسنی تحمل ایدیلز برحاله کتیردن سبیلر حدوننده ایکی طرفدن هر بری دیگرینه تام برتضمینات ویرمک و قانونی مهللره رعایت ایتمک شرطیله ، ایجار مدتک ختامندن اول فسخی اخبار ایده بیلیر . ب ۲۶۴

مستأجرک وفاتی حالنده کرک ورثه سی وکرک موجر بر سنه ویا دهها زیاده اوزون مدتی ایجارلرده قانونی مهللره رعایت شرطیله یقین وقت ایچون بلا تضمینات عقدک فسخی اخبار ایده بیلیرلر . ب ۲۶۵

موجر ، مستأجر طرفندن کتیریلهن اشیانک اوکا عائد اولمادیغی ایجارک دوامی انساننده اوکره نوبده اک یقین وقت ایچون عقدک فسخی اخبار ایتمز ایسه بوایشا اوزرنده حق حبسی ساقط اولور . ب ۲۶۸

برخدمت عقدی برطرفک یشادیغی مدتجه یاخود اون سنه دن فضله ایچون یایلمش ایسه ایشیجی بونی اون سنه کچد کدن صوکره هر زمان و بر آفاق براخبار مدتیه رعایت شرطیله تضمینات دخی ویرمکسزین فسخ ایده بیلیر . ب ۳۴۳

استصاعده ایش دوام ایتدیکی صیراده ، ایش صاحبک ویردیکی مالزمنه نک ویا کوستردیکی عرصه نک قصورلی اولدیغی آکلاشیلور یاخود اعمالاتک نقطه سی نقطه سنه منتظماً اجراسنی تهلکه یه قویاجق دیگر برحال حادث اولور ایسه معتمد ایش صاحبی بوندن درحال خبردار ایتمکه مجبور اولوب عکسی تقدیرده بونلرک نتیجه لرینی تحمل ایله مکلف اولور . ب ۳۵۷

قومیسونجی مالک اولدیغی حق حبسی استعمال ایله بولوندیغی محکمه

واسطه سیله اشیایی بالمزایده صاندره بیلیمسی ، امتعه سرعتله قیمتی تنزل ایده جک
اشیادن دکل ایسه اول امرده رسماً اخبار ایتمهکه ممکندر . ب ۴۲۶
نقلیه مقاوله لرنده مرسل الیه اشیایه متعلق مطالبه لری قبول ایتمز ایسه
بومقدار مبلغی محکمه وزنه سنه تودیع ایتدجکه تسلیم طلبنده بولوناماز . ب ۴۴۲
ظاهر اولمایان خسارلرده مرسل الیه ایجاب حاله کوره تحقیق ایدیلیمسی قابل
ویا لازم اولان مدت ایچنده خساره مطلع اولور و نقلیه جی پی ده همان و اشیانک
تسلمندن اعتباراً سکرز کون ظرفنده خبردار ایتمز ایسه نقلیه جی پی مسئول
ایده مز . ب ۴۴۳

تجاری ممثلرینک تمثیل صلاحیتک استردادی تجارت سبجلنه قید و اعلان
ایدیلدجکه اوچنجی شخصلره مؤثر اولماز . ب ۴۵۲
محال لهک طلبنه قارشى ویا طلبندن اول محال علیه محال بهی تأدیه ایتمه جکی
بیان ایده ر ایسه محال له درحال محیلی خبردار ایتمهکه مجبوردر ، عکس حالده
ضرر وزیان الیه مسئول اولور . ب ۴۶۰

حجز واستحقاق دعواسی وقوعنده مستودع مودعی درحال خبردار ایتمهکه
مجبوردر . ب ۴۷۰

یولجی ضررینه واقف اولور اولماز اوتلجی ویا خانجی به بیلدیرمزسه اوکا
قارشى حق ساقط اولور . ب ۴۸۰

کفیل تأدیه بی اصل بورجلی به اخبار ایتمه مسندن دولایی اصل بورجلی
ایکنجی دفعه اولارق بورجلی ادا ایده رایسه کفیل رجوع حقنی ضایع ایده ر . ب ۴۹۸

قید حیات الیه باقق مقاوله سنده ایکی طرفک ویره جککری شیئر آراسنده
قیمتجه حس اولونا جق درجده نسبتسزک بولوندیغی وفضله آلان طرف دیگر
طرفک کندیسنه تبرعه بولونمق قصدی اولدیغی انبات ایده مدیکی تقدیرده
قید حیات الیه باقق مقاوله سنی ایکی طرفدن هربری آلتی آی اول خبر ویرمک
شرطیله هرزمان فسخ ایده بیلیر . ب ۵۱۶

غير معين مدت ایچون منعقد عادی شرکتلرده شریک فسخ شرکت طلب وادعاسنی ، آلتی آی اول دیگر شریکلرینه بیلدیرمش ایسه سردایده بیلیر. ب ۵۳۶
و قانون تجارتده :

قانوناً سجل تجارتیه تسجیلی مقتضی خصوصیات تسجیل ایدیلدیکجه صورت خصوصیه ده اعلان ایدیلش اولسه بیله اوچنچی شخصلره مؤثر اولماز . ت ۳۹
دلالت مراجعتی اوزرینه عقدده مجهول قالان طرف در حال معامله نك اجراسنی طلب ایتمزسه آرتق دعواسی مسموع اولماز . ت ۱۰۵

تسجیلی اجرا ایدیله ین قوللکیتیف شرکتنک شرکادن هر برینک فسخ شرکت طلبیله محکمه یه مراجعت حتی اول امرده کاتب عدل معرفتیه دیگر شرکایه
اخطارنامه تبلیغنه متوقفدر . ت ۱۵۳

بر قوللکیتیف شرکتنک تمديد مدتی حقنده بین الشرکا ویریلن قراره قارشی شریکلردن برینک شخصی داینی اعتراض ایده بیلیمک ایچون مطلوبنک لازم الایفا
براعلامه ویا برسند رسمی یه مستند اولماسی و تمديد مدت قرارینک تاریخ تسجیل و اعلانندن اعتباراً نهایت اون بش کون ظرفنده کاتب عدل معرفتیه با اخطارنامه
شرکته تبلیغ ایتدیر یلسنه متوقفدر . ت ۱۵۴

فسخ شرکت تسجیل و اعلان ایدیلدیکجه اشخاص نالیه مؤثر اولماز . ت ۱۸۳
مدت غير معينه ایچون منعقد شرکتلرده هر شریک اقلی آلتی آی اول کاتب عدل معرفتیه کوندره جکی اخبارنامه ایله حق فسخی محافظه ایده . ت ۱۸۴
سرمایه نك وضع و تسلیمنه عائد وظیفه نك عدم ایفاسندن دولای فسخ طلبی مسموع اولایلیمک ایچون شریکه اولجه اخطار اجراسی لازمدر .

ورثه متوفا قوللکیتیف صفتیه شرکته داخل اولوب اولمایا جقلمی تاریخ وفاتدن اعتباراً اوچ آی ظرفنده بیانه مجبوردرلر . بوتاریخ قدر قوماندیتصرفتیه قالمش عد اولونورلر . آندن صوکره سکوتلریله قوللکیتیف شریک حتی
اکتساب ایده رلر . ت ۱۹۰

بر شریکک شخصی دانی مدیونك اموال ذاتیه سندن شرکته کی حصه
برچندن استحصال مطلوب ایده مدیکی حاله آتی آی اول اخبار ایتك شرطیه
شرکتك فسخنی طلب ایتك صلاحیتداردر . ت ۲۰۳

سرمایه شرکتك اصغری اونده برینه ملك اولان شرکا صوك ایکی سنه
ظرفنده شرکتك تأسیسنده ویا معاملات اداره سنده بر سو استعمالك وقوع بولدیغنی
ویا قانون ویا شرکت مقاوله نامه سی احکامنك اهمیتی بر صورتله اخلال اولوندیغنی
ادعا ایتدکری صورتده بونلری ویا پالانچونك صحتنی تحقیق ایچون خصه وصی
مراقبیر تعیننی هیئت عمومیه دن طلب ایدوبده رد اولوندقلری حاله محکمه یه
مراجعت ایده بیلمك ایچون مصارف لازمه بروجه پشین تسویه ایدیلک ومالك
اولدقلری حصه سندلرینی برباقه یه تودیع ایتلری شرطدر . ت ۳۷۸

پولیچه وامره محرر سندلرده عدم قبول وعدم تأدییه وچکلرده عدم تأدییه ،
تأدییه سی لازم کونده ویا آتی تعقیب ایدن ایکی ایش کونی وچکلرده ایلک
بش کون ظرفنده و عدم قبول حالنده قبوله عرض ایچون معین اولان مدتیر
ظرفنده کاتب عدل معرفتیه پروتستو ایدیلک لازمدر . ت ۵۶۸

حامل پروتستو کونی و مصرفسز اعاده اولوناجنی شرطی موجود ایسه
ابرازی کونی تعقیب ایدن درت ایش کونی ظرفنده عدم قبول و عدم تأدییه
کیفیتلرینی کندی جیرانطه سیله کشیده جیه اخباره مجبوردر . اخبار اولونان
هر جیرانطه دخی آلدینی خبری ایکی کون ظرفنده کندی جیرانطه سینه
کشیده جیه منتهی اولونجه یه قدر بیلدیرمه مجبوردر . ت ۵۶۹

بر تعهدك عدم ویا تأخیر ایفا سندن دولایی متعهدك دوچار اولدیغنی ضرر
ایله محروم قالدینی کاری تضمین ایده بیلمك ایچون رسماً ویا تعهدلی بر مکتوب
ارسالیه کنیدیسنه اخطار ایتك لازمدر . ت ۶۴۳

طرفیندن بری تعهدینی ایفا ایتدیکی حاله دیگر طرف تعهدینی ایفا ایتمز
ایسه تعهدینی اجرا ایدن طرف مناسب برمهیل ظرفنده ایفای تعهده دعوتی

متممّن و تعهد ایفا ایدیلدیکی تقدیرده عقدك فسخ ایديله جكنی مبین براخطارنامه
 کوندرمدجکه محکمه یه مراجعتله عقدك فسخنی طلب ودعوی ایده مز . ت ۶۶۲
 تجاری صائیشلرده مبعك بر عیب وقصوری وقانونه ویا مقاوله شرائطنه
 ویاخود نمونه یه عدم توافقی حین تسلیمنده ظاهر ایسه مشتری ایکی کون ظرفنده
کیفی بایعه بیلدیرمکه مجبوردر . ت ۷۱۴

پروتستو ایتهمش ویا پروتستو کشیده سندن صوکره اون کون ظرفنده
 اشیای مرهونه یی صائیرمغه تشبث ایتهمش اولان واران حاملی جیرانطه لره
 قارشى باجمله حقوقی ضایع ایدر . ت ۸۱۷

وکالت تجاریده موکک اموالی اوزرنده وکیلک اجرت وکالت وسائرندن
 اولان مطلوباتندن دولانی امتیاز ادعاسی ایچون وکیلک ، محکمه واسطه سیله
 موککله تبلیغ وبش کون ظرفنده امتیازه تابع اولان اشیاسی صائیره جغنی
تبلیغاته علاوه ایتسی لازمدر . ت ۷۳۸

قومیسون مقاوله سنك موضوعنی تشکیل ایدن اموالك قیمت تخمهنسی نقلیه
 مصارفنی تأمین ایتیه جك درجه ده دون بولونورایسه قومیسونجی بلاتاخر کیفیتی
 موککله بیلدیرمکه مجبوردر . ت ۸۵۲

قومیسونجی اجرا ایلدیکی معامله یی موککله بیلدیرمکه مجبور اولدینی کبی
 تعیین اولونان فیثاندن آشاغی صاتار یاخود یوقاری صاتون آلیر وموکل اشبو
 معامله یی کندی حسابنه قبول ایتک ایسته مز ایسه خبردار اولدینی آنده قرارینی
 قومیسونجی به بیلدیرمکه مجبوردر . بیلدیرمز ایسه معامله واقعه یی تصویب ایتش
 عد اولونور . ت ۸۵۸

نقلیه جینك مرسل الیهی بولاماماسی ویا مرسل الیهك اشیایی قبول ایتهمسی
 یاخود قبولده کیکمسی ، مرسل الیه ایله نقلیه جی آراسنده بر اختلاف چیقماسی
 یاخود تسلیمه مانع برسبک ظهوری حالرنده نقلیه جینك کیفیتی مرسله بیلدیرمسی
 وجوانی بکله مسی لازمدر . ت ۹۱۷

سیغورطه ایتدیرن کیمسه سیغورطه جینک مقاوله زماننده حقیق وضعیتلرینه
مطلع اولدینی تقدیرده مقاوله دن فراغت ویا سیغورطه اجر تلرینی تزید ایتمسی
موجب بالجمله خصوصاتی سیغورطه جی به بیلدیرمکه مجبوردر . ت ۹۴۸

سیغورطه ایتدیرن کیمسه سیغورطه نك تعلق ایلدیکی تهلكه نك وقوع
بولدیغی خبر آلدینی تاریخن دن اعتباراً بش کون ایچنده سیغورطه جی به اخباره
توسل ایتك مجبوریتنده در . ت ۹۵۲

خلافی مشروط اولمادیغی تقدیرده سیغورطه معامله سی دوغریدن دوغری به
سیغورطه ایتدیرن کیمسه ویا آنك وکیلله اجرا ایدیلش ایسه تاریخ مقاوله دن
اعتباراً یکرمی درت ساعت ظرفنده و مذکور مقاوله بردلال واسطه سیله یاپلش
ایسه نهایت اون کون ظرفنده سیغورطه جی مقاوله نامه یی سیغورطه ایتدیرن
کیمسه به ویرمکه مجبوردر . عکسی حالده سیغورطه ایتدیرن سیغورطه جی ویا
دلالدن ضرر وزیان ایسته به بیلیر . ت ۹۶۵

مال سیغورطه سنده سیغورطه ایتدیرن کیمسه سیغورطه اجر تتی حین مقاوله ده
ویرمه مش ایسه ویا اجرت تأجیل ویا تقسیطه ربط ایدیلش اولدینی حالده اشبو
اجرت ویا هر هانکی بر تقسیطی انقضای وعده ده تأدیه ایتمه مش ایسه سیغورطه جی
رسمی بر اخطار نامه ویا بر تعهدلی مکتوب کوندره نك بر آی ظرفنده مذکور
اجرت ویا تقسیطی تأدیه ایتدیگی صورتده سیغورطه نك منفسخ اولاجغی اخطار
ایدیر ایسه مقاوله منفسخ اولور ؛ و خلافته شرط باطلدر . ت ۹۶۸

بر سفینه نك ضبط و فروختی ایچون اعلام استحصال ایدن کیمسه اول امرده
مدیونه ایفای دین ایچون کاتب عدل معرفتیه پروتستو کشیده ایدوب ده آرادن یکرمی
درت ساعت کچمدکجه اوسفینه نك ضبط و فروخته قیام ایده مز . تجارت بحریه ۱۱
امته محموله خسار دیده اولوب ده تضمینی مراد اولوندقده قرق سکز ساعت
ظرفنده پروتستو ایدیلز ایسه دعوی مسموع اولماز . تجارت بحریه ۲۸۲، ۲۸۱
کمی چاتمیش اولوبده جاتدینی محله قبودان شکایت ایده بیله جك بر حکومت
وار ایکن قرق سکز ساعت ظرفنده شکایت ایتمه مش ایسه دعوی مسموع اولماز .

کذا ۲۸۲، ۲۸۱

مسموع اولمايان دعوالر

صراحت قانونيه مبنی شایان استماع اولمايان دعوالر واردر . بونلرک بر قسمی مدعی علیه دفع ایتسه ده راسآرد اولونور بر قسمی ده طرف دیگرک دفع و طلبی اوزرینه رد اولونور . مسموع اولمايان ادعالری بیلیمک فائده دن خالی اولمادیغندن بروجیه زیر بیان اولونور :

۱ برحقک دوغومی ایچون حسن نیت شرط قیلنان حالرده ایجاب حاله کوره کندیسندن بکله نن اهتمای صرف ایتمین کیمسه نک حسن نیت ادعاسی مسموع اولماز . ق م ۱۲

۲ بر کیمسه نک مدنی حقلرک برندن ویا آنلردن برینک استعمالندن قسماً اولسون فراغت ایلدیکنه ویا خود حریتی فراغ ویا قانون و آداب عمومیه مغایر صورته تقید ایلدیکنه استناداً اقامه اولونان دعوی مسموع اولماز . ق م ۲۳

۳ قانونک تعیین ایتدیکی احوال دن ماعداسنده مادی ویا معنوی تضمینات ناميله معین بر مبلغ دعواسی مسموع اولماز . ق م ۲۴

۴ غایه سی اقتصادکاولان جمعیتلرک تسجیل سر شخصیت حکمیه ادعالری مسموع اولماز . ق م ۵۴

۵ جمعیتلر ، نظامنامه لری موجب نه اعضادن برینک جمعیتدن چیقارماسی موجب اسبابی تعیین ایده بيله چکی کبی سبب بیان ایتمک سزین اخراج قراری ویره بیلیر ، هرایکی تقدیرده اخراج علیه نه دعوی مسموع اولماز . ق م ۶۵

۶ جمعیتدن چیقان ویا چیقاریلان اعضانک جمعیتک ماللارنده برکونا حق دعواسی مسموع اولماز . ق م ۶۶

۷ امتناع ایدن نشانی بی اولنمه ایجبار دعواسی مسموع اولماز ق م ۸۳

۸ نشانی اوله نمکدن امتناع حالنده تضمینات ویریلسی مشروط اولدیغه مستنداً تضمینات دعواسی مسموع اولماز . ق م ۸۳

- ۱۰ وفات سببیه بوزیلان نشانده استرداد دعواسی مسموع اولماز . ق م ۸۶
- ۱۱ مرجع رسمیسینده واقع ومسجل اولمایان اوله‌نمه ادعاری مسموع اولماز .
 ۱۲ اوله‌نمه منع دعواسی : ۱- شخصاً اهلیتسزلك ۲- اصول وفروع وقارده شلر
 ایله بر کیمسه ایله عموجه ، دای ، خاله و تیزه سی آراسینده ۳- اوله‌نمه فسخ
 ویا وفاته یاخود بوشانه ایله زائل اولمش اولسه بیه قاری ایله قوجانك اصول
 و فروعی وقوجا ایله قارینك اصول وفروعی آراسینده ۴- اولادلق ایله اولاد
 ایدینه و بونلردن بریه دیگرینك قوجا ویا قاریسی آراسینده ایسه ۵- زوج ویا
 زوجهدن بریسی اولی بولونیور ایسه مسموع اولوب بونلر خارچنده اوله‌نمه یی
 منع دعواسی مسموع اولماز . ق م ۹۲
- ۱۳ بطلان نکاح دعواسی : ۱- قاری قوجادن بری اوله‌نمه مراسمنك اجرایی
 زماننده اولی ایسه ۲- قاری قوجادن بری اوله‌نمه مراسمنك اجرایی زماننده بر
 عقل خسته‌لنی ویا دائمی برسبب نتیجه‌سی ممیزدکل ایسه ۳- قاری قوجا آراسینده
 قانوناً ممنوع بردرجهده قان ویا صهریت خیصملنی وار ایسه مسموع اولوب بو
 درت سبب خارچنده اوله‌نمه‌نك بطلانی دعواسی مسموع اولماز . ق م ۱۱۲
- ۱۴ اوله‌نمه‌نك فسخی دعواسی : ۱- قاری ویا قوجادن بری اوله‌نمه رضایی
 اولدیغنی خطاء بیان ایتمش ایسه ۲- بولونماسی اونکله برلکده یشامغی کندیسسی
 ایچون چکلمز برحاله قویاجق درجهده اهمیتلی بروصف حقنده خطایه دوشه‌رك
 اوله‌نمش ایسه ۳- قاری ویا قوجا دیگرینك ناموس وحییتی حقنده کرک بالذات
 اونك طرفندن کرک اونك معلوماتی ایله اوچنچی بر شخص طرفندن اغفال
 ایدیلرک عقدہ راضی اولمش ایسه ۴- دعواچینك ویاسلنك صحی ایچون وخیم
 بر تهلمکه عرض ایدن بر خسته‌لق کندیسندن کیزلنمش ایسه ۵- کندیسنك
 ویا یقینی اولان بر کیمسه‌نك صحت و حیات وناموسنه قارشی وخیم و او زمانده
 موجود ویا قریب بر تهلمکه تهدیدی آلتنده اوله‌نمش ایسه ۶- اوله‌نمه‌لری آنا
 و بابالرینك ویا وصیلرینك اذننه متوقف اولانلر ، اوله‌ندکلری تقدیرده ولی
 ووصیلرینك اوله‌نمه دعواسی مسموع اولوب بو اسباب خارچنده اوله‌نمه‌نك
 فسخی دعواسی مسموع اولماز . ق م ۱۱۶، ۱۱۷، ۱۱۸

۱۵ ولی و وصیلرینک اذنی آلمقسزین اوله ندکدن صوکره وصایتدن قورتولوش اولان قاری ویا قوجا علیهنه ویا قاری کبه قالمش ایسه اوله نهمه یی فسخ دعواسی مسموع اولماز . ق م ۱۲۰

۱۶ قانونی و قضائی مدتلر ایچنده اوله نهمه یی ممنوع اولان کیمسه نك اوله نهمه نك فسخی دعواسی مسموع اولماز . ق م ۱۲۲

۱۷ بلدییه رئیس ویا وکیل ویا کویده اختیارهیئت حضورنده عقد ایدیش اولان اوله نهمه قانونی شکلره رعایت ایدلمه مش اولماسدن بحثله فسخی دعواسی مسموع اولماز . ق م ۱۲۳

۱۸ عفو حالنده زنایه مستنداً بوشانمه دعواسی مسموع اولماز . ق م ۱۲۹

۱۹ قاری ، ماللرینک اداره سی قوجاسنه براقش اولسه بیله مال آریاغنده نه قوجاسنک افلاسنده نه ده قوجاسی علیهنده قونولان حجزده کندی آلاچقلردن دولایی امتیاز ادعاسی مسموع اولماز . ق م ۱۸۸

۲۰ مال اورتاقلغنده تبرع طریقله اکتساب ایدلمش اولوب ده مال اورتاقلغندن خارج قالماسی تبرع ایدمه نك آرزوسی مقتضاسی اولان یا خود قانوناً محفوظ ماللردن

عدایدیلن ماللرک اورتاقلغده داخل اولدیغنه دائر دعوی مسموع اولماز . ق م ۲۱۱

۲۱ مال اورتاقلغنه ترتب ایدن بربرجی اوده مک ایچون بوماللردن آلان مبلغنک

یرینه قونماسی حقنده قاری قوجانک یکدیگرندن دعواسی مسموع اولماز . ق م ۲۱۹

۲۲ قاری قوجاسنک افلاسی حالنده ویا اورتاقلق ماللری اوزرینه حجز موضوع

اولدیغی تقدیرده شخصی ماللرینک نقداً بالغ اولدیغی مقداری ایسته یه بیلیر .

قارینک بو آلاچقنک یاریسی ممتازدر . بو امتیازک باشقه سنه دوری و امتیازدن

بعض آلاچقلرک لهنه فراغت ادعاسی مسموع اولماز . ق م ۲۲۰

۲۳ حیاتده قالوب ده میراثدن محروم بولونان قاری ویا قوجانک اورتاقلق ماللردن

ادعا ایدیه بیله چکی حق بوشانما حالنده حائز اولدیغی حقلردن فضلّه سنه متعلق دعوی

مسموع اولماز . ق م ۲۲۱

۲۴ بربرلری ایله اولنهمه یی وعدایدوب ده برینک وفاتی ویا اولنهمه اهلینک زوالی سببیه

اوله نهمه یی آنا بابادن دوغان چوجقلرک نسبی ، چوجق رشید ایسه رضاسی

آلماقجه تصحیح دعواسی مسموع اولماز . ق م ۲۴۹

۲۵ اولاد ایدینهن کیمسه نك اولادلقدن اون سكرز یاش بویوك اولماسی اولادلق ایدینه دعواسنك ردینی موجب اولور . ق ۲۵۳

۲۶ قاری و قوجان برینك اولاد ایدینه سی ویا اولادلق اولماسی دیکرینك رضاسی اولمادقجه ، و محجور ایله کوچوك ممیز اولسه بیله آنا و بابانك ویا حاكمك موافقتی اولمادقجه ، و ممیز اولان کیمسه نك رضاسی اولمادقجه ، اولاد ایدینه معتبر اولامایاجغندن بوقییل ادعالمسموع اولماز . ق م ۲۵۴ و ۲۵۵

۲۷ چوجوغلک دینی تربیه سنی تعیین آنا بابایه عائد اولوب آنا یا بابانك بوخصوصده کی حریتنی تحدید ایده جك مقاوله و شرطه مستند مدعیات مسموع اولماز . ق م ۲۶۶

۲۸ بربرلیله اوله نملری ممنوع اولانلردن ویا اولی ارکك وقادینلرك زناسندن دوغان چوجوغلک طائماسی دعواسی مسموع اولماز . ق م ۲۹۲

۲۹ آنانك كه قالدینی زمان عفتسزلکی ثابت ایسه چوجوغلک بابالق دعواسی مسموع اولمایوب رد اولونور . ق م ۳۰۲

۳۰ آنا كه قالدینی زمان اولی ایدیه بابالق ادعاسی ، چوجوغلک نسبی صحیح اولمادیغهدا حاكمك حکمی لاحق اولمادن مسموع اولماز ق م ۳۰۳

۳۱ ارکك وقیز قورنداشلر حال رفاهده بولونمادقجه ، کندیلرندن نققه طلب و ادعاسی مسموع اولماز . ق م ۳۱۶

۳۲ بوتون شریکلرك ویا مثللرینك امضالرینی حاوی رسمی بر سند ایله تأسس ایتسی لازم کلان عائله شرکت اموالندن شرکت دوام ایتدیکی مدتجه شریکلرك حصه طلبی دعواسی مسموع اولماز . ق م ۳۲۶

۳۳ بو شرکتك تقسیم و تصفییه سی مناسب اولمایان بر زمانده طلب و ادعا اولونماز . ق م ۳۳۳

۳۴ وصی وصایتی آلتنده کی کیمسه نك مالنی هبه ویا وقف ایده مه یه جکی کی آنك حسابنه کفالت دخی یا پامایاجغندن بواحواله استناداً دعواده مسموع اولماز . ق م ۳۹۲

کلا غیر منقولک آلم ، صایم و ترهینی و دیگر بر عینی حق تأسیسی ، علی العاده ایشلمه و اداره احتیاجلری خارجنده منقولانک آلم و صایمی ، علی العاده اداره احتیاجلری خارجنده انشات ، اودونچ ویرمه و آلمه ، قامیو تعهدی آلتنه کیرمک ، بر سندن فضله مدتله اراضی و اوچ سنه و آندن فضله مدتله عقار ایجار استیجاری ، وصایت آلتنده بولونان کیمسه نك بر صنعت و یامسلك ایله اشتغالنه مساعدنه ، وصی طرفندن همان یاسیلماسی لازم کلان موقت تدبیرلر مستثنا اولمق اوزره خصومت ، صاحب ، تحکیم و قونقورداتو عقدی ، اولنجه مقاوله سی عقدی ، میراث تقسیمی ، بورج اوده مکدن عجزیانی ، وصایت آلتنده بولونان کیمسه نك حیاتی اوزرینه سیغورطه عقدی ، چیراقلق مقاوله سی عقدی ، وصایت آلتنده کی کیمسه نك بر تربیه و یا معاونت مؤسسه سنه قونولماسی ، وصایت آلتنده بولونان بر کیمسه یه یکی بر اقامتگاه اتخاذه خصوصاتنده وصینک صلح حا کندن اذن استحصال ایتمی لازم اولدیغندن بومثللو احوالده بواذن استحصال ایدیللمش ایسه عقد غیر نافذ اولاجغندن آکامستنداً اقامه اولونان دعوا دخی مسموع اولماز . ق م ۴۰۵

۲۴ وصایت آلتنده بولونان کیمسه نك اولادلق اولماسی و یا باشقه برینی اولادلق ایدینه سی ، وطندا شلق حقنی اکتساب و یا آندن فراغت ، اقتصادی بر تشبثک اکتسابی و یا تصفییه سی ، و وصایت آلتنده کی کیمسه نك شخصی مسئولیتنی و یا مهم بر سرمایه تخصیصی ایجاب ایتدیره ن بر شرکته کیرمسی ، قید حیاته معاش و یا ایراد اعطاسنه و یا قید حیات ایله انفاقه دائر مقاوله عقدی ، میراث قبول و یاردی و یا بر میراث مقاوله سی عقدی ، کوچوکک مأذون قیلنماسی ، وصی ایله وصایت آلتنده بولونان کیمسه آراسنده عقد اولونان مقاوله لرك تصدیق خصوصاتنده محکمه اصلیه نك دخی مساعدنه سی لازم اولدیغندن بومساعدنه استحصال ایدلمک سزین وقوع بولمش ایسه آکابلاستناد دعوا دخی مسموع اولماز . ق م ۴۰۶

۱۷ میراثچیلرك درجات و حصه لری قانون ایله معین اولدیغندن بوکا مغایر اولان دعوالر مسموع اولماز . ق م ۴۳۹ - ۴۴۸

۲۵ رشید اولمیان بر کیمسه نك یابدینی میراث مقاوله سنه استناداً دعوی مسموع اولماز . ق م ۴۵۰

۳۹ خطأ، حيله، تهديد ويا جبر تأثيری آلتنده ياپيلان اولومه باغلی تصرفلر باطل اولدقلری کبی بوقییلدن اولومه باغلی تصرفه استناداً دعوا دخی مسموع اولماز. ق م ۴۵۱

۴۵ میراثچی بولوندیغی تقدیرده آنلرک محفوظ حصه لری مقدارندن یعنی فروع ایچون درتده اوچدن، بابا ویا آنا ایچون نصفدن، ارکک وقیز قرنداشلر ایچون درتده بردن قاری وقوجا ایچون قانونی میراثچیلر ایله اجتماع حالنده میراندن ملکیت حق اولان مقدارک تمامی ویا کندیسندن باشقه میراثچی بولونمادیغی تقدیرده نصفندن زیاده سی حقنده اولومه باغلی تصرف معتبر اولوب محفوظ حصه لره تجاوز ایدنلر غیر نافذ ومحل نزاع اولدقلرنده فضله حقنده دعوی غیر مسموع اولور. ق م ۴۵۸

۴۶ میراث حقندن بحق اسقاط اولونان کیمسه نك ترکده حصه طلبی ویا تنقیص دعواسی مسموع اولماز. ق م ۴۵۸

۴۸ وصیتنده ویا میراث مقاوله سنده قانونه یا آداب عمومیه یه مغایر شرط ومکلفیتلری احتوا ایدن تصرف باطل اولدیغی کبی بوکا مسئنداً ادعا دخی مردوددر. ق م ۴۶۲

۴۳ وصیت ومیراث مقاوله سی ایله یاپیلان تبرعلر، تبرع ایدنه نك اولومه باغلی تصرفلرنده بولونمق خصوصنده کی سربستیسی صوکرادن تحدیده اوغرامش اولسه بيله فسخ ایدیه میوب تنقیصه تابع بولوندیغندن فسخ ادعاسی مسموع اولماز. ق م ۴۹۶

۴۴ اولومه باغلی تصرف، آنحق تصرف آننده اهلیق حائز اولماقندن، خطا یا حيله ویا تهديد ویا خود جبر تأثیریه یاپیلماسی، کرک دوغریدن دوغرییه وکرک محتوی اولدیغی شرطلر اعتباریه قانونه مخالف ویا اخلاقه مغایر اولماسی، شکه عائد نقصانک تحقق ایتسی، حاللرنده ابطال ایدیه بیلیر ایسه ده بواساب خارجنده اولومه باغلی تصرفک ابطالی دعواسی مسموع اولماز. ق م ۴۹۹

۴۶ میراثی برنامزده نقل ایتمه که صلاحیتی اولان بر میراثچی نصبنه داتر تصرف ،
میراثچینک محفوظ حصه سنه تعلق ایتدیکی نسبتده باطل و آکا مستند دعوی
مردوددر . ق م ۵۱۱

۴۶ قصداً و حقسنزیره متوفای اولدیره و یا اولدیرمه تشبث ایده نلر ، قصداً
و حقسنزیره متوفای اولومه باغلی بر تصرفده بولونامایاجق حاله کتیره نلر ، حبله
تهدید و یا جبر ایله متوفای اولومه باغلی بر تصرفده بولونمغه و یا بویله بر تصرفی
بوزمغه سوق ایده نلر ، متوفانک آرتق بردها یکیدن یامامایاجنی بر حال وزمانده
اولومه باغلی بر تصرفی قصداً و حقسنزیره کیزله ینلرله بوزانلر عفو ایدلمدکجه
میراثچی و موصی له اولامایاجق لرندن میراث و وصیت ادعای مسموع اولماز . ق م ۵۲۰

۴۷ مدت ردک ختامندن اول علی العاده اداره نک و میراثه عائد ایشلری ادامه نک
استلزام ایتدیکی بر معامله یی یاپان و ترکدن برمالی ذمتنه کچیره و یا کتم ایدن
میراثچی ، میراثی رد ایتک حقندن محروم اولاجقندن بو مثللو احوالده حق
رده استناداً ادعا مسموع اولماز . ق م ۵۵۰

۴۸ موجودی بورجه یمین ترکمنک آلاچق لیلری اوله نمه ائناسنده عادت اوزره
ویریلن یا خود تربیه و تعلیم ایچون صرف اولونان شیرلک استردادینی هیچ بر صورتله
دعوی ایده مزلر . ق م ۵۵۸

۴۹ میراثچیلردن برینک مخالفی حالنده اصل و مقصد اعتباریله بر کل تشکیل
ایدن اشیانک تقسیمی و عائله اوراق ایله خاطره تشکیل ایدن اشیانک صاتیلماسی
طلب و ادعاسی مسموع اولماز . ق م ۵۹۲

۵۰ اعاده یه تابع تبرعلرک مقداری ، اعاده ایله مکلف میراثچینک میراث حصه سنک
بالغ اولدینی قیمتدن زیاده اولوبده بو زیاده نک میراثچی یه قالماسنک متوافجه
مقصود اولدینی ثابت اولدینی احوالده تنقیص حق محفوظ ایسه ده زیاده نک
اعاده سی دعواسی مسموع اولماز . ق م ۶۰۶

۱۰ میرانده اعاده دن معتاد اولان هدیه لر مستثنا اولدیغندن اونلرک اعاده سنه متعلق
دعوا دخی مسموع اولماز . ق م ۶۰۹

میراثچیلردن بریله حصه سنک تملیکنه دائر اوچنچی برشخص آراسنده عقد ایدیلش اولان مقاوله اوچنچی شخصه ، تقسیمه مداخله حقنی و یرمه یه جکندن شخص ثالثک بویله بردعواسی مسموع اولماز . ق ۶۱۲

برکیمسه نك صاعغنده میراثچیلردن برینک دیگر میراثچیلر ویا اوچنچی برشخص ایله اوکیمسه نك میراثی حقنده وکندی اشتراك وموافق اولقسزین یابدینی مقاوله لر باطل و حکمسنز اولدیغندن بوکا مستنداً دعوا دخی مسموع اولماز . انحق بوکا استناداً وقوعبولان تسلیات استرداد اولونابیلیر . ق ۶۱۳

تقسیم حقنی حقوقی بر تصرفله اون سنه دن فضله بر مدت ایچون برطرف ایدیله مز . وبویله بر مقاوله یه استناداً دعوا دخی مسموع اولماز . ق ۶۲۷

طابو سجنه کوره صاحبسنز برشی حاله کلدیکی آکلاشیلامایان مسجل بر غیر منقولک اشغال طریقله اکتسابی دعوی اولنسه مسموع اولماز . ق ۶۳۵

اراضینک یرندن قایماسندن دولایی حدودینی تعدیل دعواسی مسموع اولماز . بوتقدیرده انحق بر غیر منقول اوزرینه کجمش اولان طوبراق و سائر حقنده انفاضه واختلاطه دائر اولان حکملر دائره سنده اقامه دعوی اولونابیلیر . ق ۶۳۷

بر اوك مختلف قاتلری اوست حقنی تشکیله موضوع اولامایاجغندن بویله بردعوی اقامه اولنسه مسموع اولماز . ق ۶۵۲

الکتریق ، غاز و صوکی شیئرک مجرالی تأسیس حقنی ، قومشولوق مناسبتلرینه متعلق حکملر ایجابندن اولمادینی تقدیرده ارتفاق حقنه مستنداً تأسیس ایدیلش اولمادقجه باشقه سنک عرصه سنی عینی بر حقله تقید ایدمه یه جکندن بوتقدیرده عینی برحق طلبی ایله دعوی شایان استماع اولماز . ق ۶۵۳

آغاچلر و اورمانلر اوزرنده اوست حقنی تأسیسی ممنوع اولدیغندن بویله برحقندن بخله دعوی اقامه اولنسه مسموع اولماز . ق ۶۵۵

حیوانلر حقنده ملکیتی محافظه مقاوله لری یعنی باشقه سنه نقل ایلدیکی ملکیتی ناقلاک عهده سنده حفظ ایچون پایلان مقاوله لر ممنوع اولدیغندن بوکا استناداً دعوا دخی مسموع اولماز . ق ۶۸۸

لقطه مسكون برأوده ويا عمومى بردائره ومؤسسده بولونوبده اوصاحبنه
ويا مستأجره ياخود او دائره و مؤسسهي محافظه ايدنه ويريلش ايسه بونلر
بولان كيمسهنك يرينه قائم ايسه لرده اكراميه يه مستحق اولمايا جقنلردن اكراميه
دعوا ايدنه مزملر . ق م ۶۹۵

منقولك ملكيتى صاحبي طرفندن ترك ايديلمكجه ويا باشقه سى طرفندن
اكتساب اولونما دجه يالكر يذك انقطاعى ايله ضايع اولمايا جقندن منقول ذى اليدينك
مجرد انقطاع يدينه استناد ايدنه دعوى مسموع اولماز . ق م ۷۰۲

ارتفاق حقندن استفاده ايدنه غير منقولك يكي احتياجلرى ، ارتفاقك
تحميل ايتديكي كلفتك آغيرلاشديرلما سنى ايجاب اتميه جكندن منله الارتفاقك
تزايد احتياجلندن بحثله من عليه الارتفاقندن تزديد كلف حقنده كي دعواسى ،
مدعى عليه معارض بولون دجه مسموع اولماز . ق م ۷۱۲

مال صاحبي موافقت اتمكجه بوس بوتون خراب اولان ملكى ، تكرار
ياپدير مق حقنده انتفاع حقى صاحبنك ادعاسى مسموع اولماز . ق م ۷۲۲

انتفاع حقى صاحبي مالك عادت اوزره استعمالندن متولد قيمت نقصانندن
دولايي تضميناتله مكلف طوتولمايا جقندن مال صاحبنك بوكا متعلق دعواسى
مسموع اولماز . ق م ۷۲۴

انتفاع حقى محافظه شرطيله برمالى هبه ايدنه كيمسهنك تأمينات طلب
ودعواسى مسموع اولماز . ق م ۷۳۳

مؤبد برارتفاق حقنه مربوط اولمق اوزره تأسيس ايديلهن غير منقول مكلفيتى
اشترا ايديله ميه جكندن بووجهله بر دعواده مسموع اولماز . ق م ۷۶۰

ايپوتهك ويا ايپوتهكلى بورج سندی و ایراد سندی شكندن غيرى برشكده
غير منقولك رهنى ممنوع اولديغندن دعواسى دخى مسموع اولماز . ق م ۷۶۵
تقسيم كيفيتى طابوده كوستريلش اولما دجه بر غير منقولك پارچهلرى رهن
ايله تقيد ايديله ميه جكندن اوصورتله رهن ادعاسى مسموع اولماز . ق م ۷۶۹

مالکک قصوری اولقمسزین رهنک قیمتدن دوشمسی اوزرینه آلاجقلی
قیمتک تنزلنه مانع اولاجق ویا بوتنزی ازاله ایده جک تدبیرلی یاپایلیر ایسه ده
راهندن آنجق تأمینات ویا تأدیات ایسته به بیلیر ؛ یوقسه یابدینی تدبیرلردن دولایی
واقع اولان مصرفلرینی راهندن شخصاً طلب ودعوی ایده مز. ق م ۷۸۲

مالکک مرهون اولان غیر منقولی باشقه عینی حققرایله تقید ایتک صلاحیتدن
فراغتی معتبر اولمادیغی جهتله بوکا مستند دعوا دخی مسموع اولماز . ق م ۷۸۴
بورجلی بورجی تأدیه ایتدیکی صورتده آلاجقلی به مرهون اولان غیر
منقولی تملک ایتک صلاحیتنی ویره ن هر دورلو مقاوله باطل اولدیندن آکا
استناداً دعوا دخی شایان التفات اولماز . ق م ۷۸۸

۱ — صاندینی غیر منقول اوزرنده ثمنی تأمین ایچون بایع ، ۲ — تقسیمدن
منبعث مطلوبات ایچون اولجه بینلرنده مشترک اولان غیر منقول اوزرنده میراثچیلر
وحصه دارلر ، ۳ — بر غیر منقول اوزرنده کی انشآت ویا عملیاتده مالز مه ویره رک
ویا ویره یه رک چالشمش اولملری حسبیه مالک ویا متعهد ذمتنده تحقق ایده ن
آلاجقلی ایچون او غیر منقول اوزرنده بومتعهد وایشجیلرک قانونی براییوته ک
تسجیلانی طلب ایده بیله جککاری وبو حقک بر مقاوله ایله ترک واسقاطی قانوناً معتبر
اولمادیغی جهتله بویولده فراغه مستند بر دعوی ویا دفع دعوا دخی مسموع
اولماز . ق م ۸۰۷

ایپوته کلی بورج سندی تقدیر ایدیش اولان قیمتی متجاوز مقدار ایچون
تأسیس اولوناماز و بویله بر ادعاده مسموع اولماز . ق م ۸۱۳
ایراد سندی شخصی بروجیه تولید ایده مه یه جکندن و ذاتاً آلاجک جهتی ده
احتوا ایتدیکندن او سنده استناداً شخصی بروجیه دعواسی مسموع اولماز .
ق م ۸۱۷

ایپوته کلی بورج سندی و ایراد سندی نه بر شرطی نه ده مقابلنده بر شی
اعطاسی قیدینی احتوا ایده مه یه جکندن آکا استناداً بر شرطدن بحثله بر شی طلب
وادعا اولوناماز . ق م ۸۲۳

برایپوته کلی بورج سندینک ویا ایراد سندینک احتوا ایتدیکی آلاچق کرک
حامله کرک نامه محرر اولسون سند ایله برلکده اولقمیزین تملیک و ترهین
ایدیله مویه جکی و او آلاچقده دیگر هر هانکی بر صورتله تصرف اولونامایاجنی
جهتله بوشکلده بردعوا دخی مسموع اولماز . ق م ۸۳۷

ایپوته کلی بورج سندینک ویا ابرا سندینک احتوا ایتدیکی آلاچق تملیکی
ایچون سندک تسلیمی قانوناً مشروط اولدیغندن بلا تسلیم سند دور مطلوب
دعواسی مسموع اولماز . ق م ۸۳۸

منقولک رهنده رهن ، مرهونی فعلاً و حصراً کندی یدنده بولوندیردجه
مرتین ایچون رهن حق ثابت اولامایاجنی کبی بواساس دائره سنده دعواسی ده
مسموع اولماز . ق م ۸۵۳

مرتین رهنک رضاسی اولماقجه مرهونی باشقه سنه رهن ایدمهیه جکندن
بویولده برحق حبس ادعاسی ده مسموع اولماز . ق م ۸۵۶

مرتین آلاچقنی تماماً استیفا ایتدکجه مرهونی ویا بر قسمی اعاده ایتدکجه
مکلف طوتولامایاجندن دعوا دخی مسموع اولماز . ق م ۸۵۸

بورجک وعده سنده اوده نمه می تقدیرنده مرتینک مرهونه مالک اولماسی
متضمن هر شرط باطل و بوقیل دعوالر غیر مسموعدر . ق م ۸۶۳

ماهیتلری اعتباریله نقده تحویلی قابل اولمایان شیئلر اوزرنده حبس حق
قوللانیلاماز و بوحق حبس دعواسی مسموع اولماز . ق م ۸۶۵

آلاچق و سائر تملیکی قابل اولان حققر اوزرنده رهن تأسیس ایدیه بیلیر
ایسه ده سنده ربط ایدیه نلرده سندکده تسلیمی مشروط اولوب بوتقدیرده
سندی تسلیم ایدیه مش ایسه دعوی مسموع اولماز . ق م ۸۶۹

رهن ویرمش اولان بورجلی شخصاً مسئول اولامایاجندن رهن مقابلی
اقراض مؤسسه لرینک ، رهن اولان بورجلینک شخصاً مسئولیتنی مستلزم دعوالر
مسموع اولماز . ق م ۸۷۹

ذی الیدلکک استعمالی موقت بعض احوال دن دولایی ممتنع یاخود منقطع
اولور ایسه ذی الیدلک اضاعه ایدیلش اولماز . بناءً علیه بویولده اضاعه ید دفع
دعواسی مسموع اولماز . ق م ۸۸۹

بر کیمسه ، شخصی یاخود ملکیتدن غیری عینی برحقه مستنداً منقول بر
شیئک ذی الیدی ایسه او حَقِّ موجودیتی اصل ایسه ده بو قرینه یی ذی الید
او شیئی کندیسینه ویرمش اولان کیمسه یه قارشى درمیان ایتسه مسموع
اولماز . ق م ۸۹۹

ذی الیدک رضاسی اولمقسزین آلدن آلمان پاره یی و حامله محرر سندلری
حسن نیتله اکتساب ایتش اولان کیمسه علمبنده استحقاق دعواسی مسموع
اولماز . ق م ۹۰۳

حسن نیتله ذی الید اولدیغی شیئده موجودیتنه قانع اولدیغی حقنه موافق
صورته استفاده ایدن کیمسه او شیئی اعاده ایله مکلف طوتولدیغی کیمسه یه
قارشى بو یوزدن تضمینات اعطاسنه مجبور اولمادیغندن علمبنه بویله بر تضمینات
دعواسی مسموع اولیوب حسن نیتله ذی الید اولان کیمسه ، کَرک ضیاعدن کَرک
خساردن مسئول اولمایاچغندن دعوا دخی مسموع اولماز . ق م ۹۰۶

هیچ کیمسه ، طاپو سچلنده مقید اولان بر کیفیتک کندیسینه مجهول اولدیغی
یولنده بر ادعا درمیان ایده من . ق م ۹۲۸

بر عینی حق ، طاپو سچلنه یولسز اولارق قید ایدیلش ایسه ، بونی بیله ن
ویا بیلیمسی لازم کلان شخص ثالث بو سچله استناد ایدرک دعوی اقامه ایتسه
مسموع اولماز . ق م ۹۳۲

قبول ایچون بر مدت تعیین ایده رک آخر کیمسه یه بر عقدک یا یا ماسنی تکلیف
ایدن کیمسه بو مدتک ختامنه قدر ایجابندن دونه من ، بو مدت بیتمه دن اول
قبول خبری کندیسینه یتشمنز ایسه ایجاب ایله باغلی قالماز . و قبول ایچون بر مدت
تعیین اولونمقسزین حاضر اولان بر شخصه قارشى واقع اولان ایجاب در حال

قبول اولونمادیغی تقدیرده آنی یاپان باغلی قالماز . بو احکامه مخالف مدعیات مسموع اولماز . بورجلر قانونی ۳-۴

ایجابی درمیان ایدن کیمسه بو باده کی حقوقی محفوظ اولدیغی صراحة بیان ایدر یاخود عقدی التزام ایتمه مک نیتنده اولدیغی کرک مقتضای حالدن وکرک ایشک خصوصی ماهیتندن استدلال اولونور ایسه ایجاب لزوم افاده ایتمز و تعرفه و جاری فیات ارسالی ایجاب تشکیل ایتمز. عکسنه ملابس ادعالر مسموع اولماز . بو ۷

ایکی طرف قانوناً بر شکل مخصوصه تابع اولمایان بر عقدک خصوصی رشکده یاپیلما سی قرارلاشدر مشر ایسه عقد تقرر ایدن شکده یاپیلاما دجه ایکی طرف بونکله التزام اولوناما یا جغندن بر طرفک بوکا مخالف التزام ادعاسی مسموع اولماز . بو ۱۶

تحریری دین اقرارینه استناد ایله آلا جقلی صفتی اکتساب ایدنه قارشی بورجلی طرفندن مواضعه ادعاسی درمیان اولوناما ز . بو ۱۸

قانونک صورت قطعیده امر ایلدیکی قواعد حقوقیه و اخلاق و یا عمومی انتظامه یاخود شخصی حکملره متعلق حقلره مغایر بولونان شرط و مقاوله لر غیر معتبر و بوکا مستند دعوالر غیر مسموع در . بو ۱۹

بر عقدک موضوعی غیر ممکن و غیر محقق یاخود اخلاقه مغایر اولور ایسه او عقد باطل و عقدک محتوی اولدیغی شرطلردن بر قسمک بطلانی عقدی ابطال ایتوب یالکیز شرط لغو اولوب آنجق بونلر اولقمیزین عقدک یاپیلاما یا جفی مجزوم بولوندیغی تقدیرده عقد تمامیه باطل اولاجغندن شرطک و یا عقدک صحقی حقنده سرد ایدیلن مدعیات مسموع اولماز . بو ۲۰

عقد یاپیلور ایکن اساسلی بر خطایه دوچار اولان طرف او عقد ایله التزام اولوناما یا جغندن بویولده بر عقده مستنداً دعوا ده مسموع اولماز . بو ۲۳

عقدک یالکیز ساققرینه تعاق ایدن خطا اساسلی اولمایوب ده عادی حساب یا کلاشی کی برشی ایسه عقدک صحفی اخلاص ایتیه جکندن بوکا استناداً فسخ عقد دعواسی مسموع اولماز . بو ۲۴

خطایه دوچار اولان طرفك حسن نیت قاعده لرینه مخالف بر صورتده آکا
استناداً دعواسی مسموع اولماز . بو ۲۵

خطا کندی قصورندن ایلری کلدیکی تقدیرده مقاوله نك بوصورتله فسختندن
متولد ضرری خطا صاحبی تضمینه مجبور ایسه ده دیگر طرف خطایه واقف اولمش
ویا واقف اولماسی مقتضی بولونمش اولدینی تقدیرده تضمینات دعواسی مسموع
اولماز . بو ۲۶

دیگر طرفك حیلله سیله عقد اجراسنه مجبور اولان طرفك خطاسی اساسلی
اولماسه بیلله اوعقد ایله الزام اولونماز ، اوچنچی بر شخصك حیلله سنه دوچار اولان
طرفك یابدینی عقد لزوم افاده ایدر . شوقدرکه دیگر طرف بو حیلله واقف
بولونور ویا واقف اولماسی لازم کلیر ایسه اوعقد لازم اولماز . اکر ایکی طرفدن
بری دیگر طرفك یا خود اوچنچی بر شخصك اکر اهیله بر عقد یا بمش اولور ایسه
کندی حقنده لزوم افاده ایتمز . برحقك ویا صلاحیتك طلب واستعمالی تهدیدی
ایله مضایقه ده دوچار اولان کیمسه نك یابدینی عقد تهدید ایدن ایچون فاحش منفعتلر
تأمین ایتیمور ایسه بوتهدید اکر اه معتبر عد اولونماز بوا حکامه مخالف سردایدیله جك
مدعیات مسموع اولماز . بو ۲۸، ۲۹، ۳۰

بر کیمسه صلاحیتی اولما دینی حالده دیگر بر شخص نامه بر عقد یابدینی
تقدیرده بو شخص اشبو عقده اجازت ویرمدکجه آلاچقلی ویا بورجلی اولماز .
دیگر طرفك تمثیل ایدیله نك مناسب بر مدت ایچنده اوعقده اجازت ویروب
ویرمه یه جکنی بیان ایتسنی طلبه حق واردر . بومدت ظرفنده اجازت ویرلمدیکی
حالده او کیمسه ملزم اولماز . بناء علیه بو احکامه مخالف مدعیات مسموع
اولماز . بو ۳۸

یا ناقلا ایدن کیمسه واقع اولان کاردن حصه آلامدکجه یا خود اشتراکیله
سببیت ویرمدکجه مسئول اولماز بونك خلافته دعواده مسموع اولماز . بو ۵۰
مشروع مدافعه حالنده متجاوزك شخصنه ویا مال لرینه یا بیلان ضرردن دولایی
تضمینات لازم کلز ، وتضمینات ادعاسی مسموع اولماز . بو ۵۲

بورجلى اولمادىنى شىئى اختياريله وبرهن كيمسه خطاء كندىسنى بورجلى
ظن ايدهرك ويردىكنى اثبات ايتدكجه آنى استرداده حقى اولماياجفندن بو يولده
استرداد دعواسى مسموع اولماز . بو ۶۲

حقسز ويا اخلاقه مغاير بر مقصد استحصالى اچون ويريلن بر شىئى استرداد
دعواسى مسموع اولماز . بو ۶۵

بورجك بالذات بورجلى طرفندن ايفا ايدلمسند آلاچقلىك بر منفعتى
بولمادكجه بورجلى بورجى شخصاً ايفايه مجبور دكلدربونك خلافته دعواده مسموع
دكلدر . بو ۶۷

بورج تقسيم ايديله من ، بورجك تقسيمنه منتهى دعواده مسموع اولماز . بو ۶۹
موجود بر دين اچون قاميو تعهدنده بولونمق ويا يكي بر آلاق سندن
ويا يكي بر كفالتنامه امضا ايله مك تجديدى تضمن ايميه جكي كى مختلف قلملرك
بر حساب جارى يه مجرد قيد ايدىلسيله بورج تجديد ايدىلش اولماز بناء عليه بوقيل
مدعيات مسموع اولماز . بو ۱۱۴ و ۱۱۵

بورجلى يه اسناد اولونمايان احوال مناسبيله بورجك ايفاسى غير ممكن
اولور ايسه بورج ساقط اولور بوتقديرده دعوى مسموع اولماز . بو ۱۱۶
بر اوچنچى شخص لهنه تعهدده بولونان كيمسه دينك ديكر عاقدك كنديسنه
بورجلى اولدىنى شى ايله تقاضى دعا ايدمه من . بو ۱۲۰

توديع ايدىلش ويا حقسز آلمش ويا حيله ايله آليقونلش بولونان بر شىئك
اعاده سنه ويا بدلنه تعلق ايدن مطالبه لر ، نفقه و ايش اجرتى كى بورجلىك
وعائله سنك اعاشه سى اچون مطلق صورته ضرورى اولوب خصوصى ماهيتى
اعتباريله فعلاً آلاچقلىك آلنه ويرىلسى ايجاب ايدن آلاچقلىر ، دولت وولايت
وكويلر لهنه اولارق حقوق عامه دن نشأت ايدن آلاچقلىر آلاچقلىلرك آرزوسى
خلافته تقاضى طلب وادعا اولونماز . بو ۱۲۳

بورجلىر قانوننك اوچنچى بابنده محرر مرور زمان مدتلىرنك مقاوله ايله
تعديل ايدىلدكلرى ادعاسى مسموع اولماز . ب ۱۲۷

مرور زمان کفیله قارشی قطع ایدیلش اولونجه اصل بورجلی به قارشی قطع ایدیلشدرد ادعاسی مسموع اولماز . بو ۱۳۴
ابتداء مرور زماندن فراغت باطل اولدیغندن ابتداء ادعای فراغت مسموع اولماز . بو ۱۳۹

متسلسل بورجلیلر طرفندن وقوع بولان فراغت دیگرلرینه قارشی درمیان اولونسه مسموع اولماز و اصل بورجلی طرفندن وقوع بولان فراغت کفیله قارشی درمیان اولونسه مسموع اولماز . بو ۱۳۹

شرطه باغلی بورجلرده شرطك تحقیقندن اول یاپیلان تملیکی هر تصرف ، شرطك حکملرینی اخلاص ایتدیکی نسبتده باطل اولدیغندن او تصرفه مستند دعوا دخی مسموع اولماز . بو ۱۵۰

انفساخی مشکوک بر حادثه نك تحقیقنه تعلیق ایدیلدن عقد ، شرطك تحقیق آئندن اعتباراً حکم افاده ایتزایسه ده انفساخ ماقبلنه شامل اولامایاجغندن ماقبله تشمیل ایدیلدن انفساخ دعواسی مسموع اولماز . بو ۱۵۲

قانونه ویا اخلاقه مغایر بر فعل ویا افعال شرط اولارق تعیین ایدیلش اولان بورچ حکمسز اولغله آنی دعوی مسموع اولماز . بو ۱۵۵

شرط اولونان جزا مقدارندن فضله ضرره دوچار اولان آلاجلی بورجلینك برقصوری اولدیغنی اثبات ایتدکجه فضله سنی دعوی ایده مز . بو ۱۵۹ X
جزا ، قانونه ویا اخلاقه مغایر بر بورجی تأیید ایچون شرط ایدیلش یا خود خلافنه مقاوله اولمادیغی حالده بورجك ایفاسی بورجلینك مسئولیتنی ایجاب ایتمین احوال سببیه غیر ممکن بر حاله ککش اولور ایسه شرط اولونان جزانك تأدیه سی طلب و دعوی اولونماز . بو ۱۶۱

مطلوبك تملیکی عوض مقابلنده اجرا ایدیلشمش و تملیک ایددن آریجه تعهد ایتمه مش ایسه بورجلینك عجزندن مسئول اولامایاجغندن تضمین دعواسی مسموع اولماز . بو ۱۶۹

مبيعك اوچنچي بر شخص طرفندن ضبطنده بايع اوچنچي شخصه عائد اولان
حقى بيلهرك كيزله مش ايسه ضمان ومسئوليتنى رفع وياتحديد يولنده قرارلاشمش
اولان شرطه استناداً تضميناتدن برائت دفع دعواسى مسموع اولماز . بو ۱۸۹
صايلان شى قسماً ضبط ايديلديكى ياخود بايعك كفيلى اولديغى عيى بر مكفيله
تقييد ايديلش بولونديغى حالده مشترينك بويوزدن دوچار اولديغى ضررك تضمينى
دعواسى مسموع ايسه ده بيعك فسخي دعواسى مسموع اولماز . بو ۱۹۳

حيوان آليم صاينده بايع تحريراً كفالت ايتدكجه ياخود مشترى ني اغفال ايتش
اولمادجه تكفل ايدلمش عد اولونمايا جغندن بو وجهله تكفيله استناداً بايع عليهنه
دعوى مسموع اولماز . بو ۱۹۵

بايع مبيعك عيى مشترين حيله ايله كيزله مش ايسه بيعده تكفل حكمنى اسقاط
ويا تحديد ايدن هر شرط باطل و آكاستند دعوى غير مسموع در . بو ۱۹۶
مشترى ني اغفال ايتش اولان بايع عيىك كنديسنه وقتنده اخبار ايديله مش
اولديغى ايلرى سورهرك مسئوليتدن قورتولمايا جغندن بوشكلده بردفى مسموع
اولماز . بو ۲۰۰

بردن زياده شى ويا پارچه برلكده صايلمش اولوب ده تفرعائى عيىلى چيقديغى
تقديرده تفرعائى حقه ده كي فسخ ، مبيعك اصلنه شامل اولماز . بو تقديرده فسحك
مبيعك اصلنه ده لزوم تشميلى حقه ده برادعا مسموع اولماز . بو ۲۰۶

رسمى بر مساحيه مستنداً سجلده يازيلى اولان مقدارينى احتوا ايتديكى
تقديرده بايع تعهد مخصوص آلتنه كيرمه مش ايسه تضمين ايله مكلف اولمايا جغندن
بوشكلده تضمين دعواسى مسموع اولماز . بو ۲۱۵

هنوز اكتساب ايديله مش برحقدن فراغت ياخود برورائى رد ويا اخلاق
بروظيفه ني ايفا هبه صايللا مايا جغندن آنلرده ده احكام هبه نك تطبيقى متضمن
بردعوى مسموع اولماز . بو بو ۲۳۴

مستاجر ، ايجار مدتلك ختامندن اول معجلت كسب ايدن كيرالرى تأديه
ايتمه مش بولونور ايسه موجر آلتى آي ويا ده افضله مدتلى ايجارلرده واوتوز كونلك

ودها آزمد تلی ایجارلرده آلتی کونلک بر مهل تعیین ایدره عقدی فسخ ایده جکنی
مستأجره اخطار ایده بیلیر ایسه ده بومهلک تنقیصنه یا خود تأدیه ده تأخر حالنده
عقدک همان فسخ ایدیه بیله جکنه دائر یا پیلان مقاوله لر باطل اولوب بوکا مستنداً
اقامه ایدیه جک دعوی دخی مسموع اولماز . بو ۲۶۰

موجب عقدک اجراسنی تحمل ایدیلر برحاله کتیره سبیلر حدوشنده ایکی
طرفدن هربری اخبارایله عقد ایجاری فسخ ایده بیلیرلر ایسه ده مستأجر کندیسنه
تضمینات ویریلدکجه مأجوری ترکه اجبار اولوناما یا جغندن بلا تضمینات تخلیه
اجبار دعواسی مسموع اولماز . بو ۲۶۴

مستأجرک داینلری طرفندن حجز ایدیلمی جائز اولمایان اشیا اوزرنده
موجرک حق حبسی یوقدر ؛ بناء علیه بوقیلل اشیا ده حق حبس ادعاسی مسموع
اولماز . بو ۲۶۷

حاصلات ایجارنده مستأجر کیرایی موجرک موافقی اولمق سزین ایجارمدتنک
ختامندن صورکه مأجور اوزرنده تأثیریاتی کوریه بیله جک صورتده ایشله مهنک
طرزینی تبدیل ایدیه جکندن بویه بر طلب ودعوی مسموع اولماز . بو ۲۷۸

حاصلات ایجارنده مستأجر کیرایی وعده سی حلولنده تأدیه ایتمزایسه موجر
آلتش کونلک بر مهل تعیین ایدره ک بیریکمش اولان کیرا بو مدت ظرفنده
ویرلدیکی تقدیرده مهلک ختامنده عقدی فسخ ایده جکنی اخطار ایده بیایر ایسه ده
بومهلک تنقیصنه یا خود عدم تأدیه حالنده عقدک همان فسخ ایدیه بیله جکنه دائر
یا پیلان مقاوله لر باطل اولوب بوقیلدن بر شرطه استناداً دعوا ده مسموع
اولماز . بو ۲۸۹

مستأجر مأجور حقنده کی مجبوری اهنامی نتیجه سی اولان اصلاحات ایچون
هیچ بر تضمینات طلب ودعوی ایده مز . بو ۲۸۹

قرضده فائض شرط قیلنماش ایسه عادی معامله لرده فائض لازم کله جکندن
فائض طلب ودعواسی مسموع اولماز . بو ۳۰۷

معاملات عاديده فائضك آنايه ضم ايديلهرك برلكده تكرر فائض يوروديلسي
اولدن مقاوله ايديلس اولسه بيله باطل ودعوى غير مسموعدر . بو ٣٠٨ .
عمومى بر مقاوله ايله باغلي بولونان ايش صاحبلى ايشجىلر آراسنده ياپيلاجق
خصوصى خدمت عقدلرينك عمومى مقاوله يه مخالف حكملرى باطل وبوخالف
حكملره مستند دعوى غير مسموعدر . بو ٣١٧

قصداً ايراث ايديلهن ضرر لر بدلى مستثنا اولمق اوزره ايشجى اجرتك
تأديه سي ، ايشجينك و عائله سنك نفقه سي ايچون ضرورى بولوندينى تقديرده ،
ايشجينك موافقتى اولمق سزىن ايش صاحبي اجرتك كندى آلاجنى ايله محسوبنى
ادعا ايده مز . بو ٣٣٣

ايشجى ، عقدك ياپيلدينى زمانده رشيد دكل ايسه رقابت ممنوعيته دائر اولان
شرط باطل ودعوى غير مسموعدر . بو ٣٤٨

تحريرى مقاوله يه مربوط اولمايان رقابت ممنوعيتندن متولد دعوى مسموع
اولماز . بو ٣٥٠

ايش صاحبي ايشجينك فسخي محق كوستره جك بر قصورى يوق ايكن عقدى
فسخ ايتمش ياخود ايش صاحبنك فسخي حقلى كوستره ن بر قصورى دولاي سيله
عقد ايشجى طرفندن فسخ ايديلس ايسه ايشجى عليه ممنوعيته مخالفتدن دولاي
دعوى مسموع اولماز . بو ٣٥٢

استصاعده ياپيلان شيئك قصورلى اولماسى متعهدك صراحةً بيان ايلديكى
مطالعاه يه مغاير اولارق ايش صاحبنك ويرديكى امرلردن نشأت ايتمش بولونور
وياخود هر هانكي برسبيله ايش صاحبنه قابل اسناد اولور ايسه ، ايش صاحبي
او شيئك قصورلى اولماسندن متولد حقلى دعوى ايده مز . بو ٣٦١

ياپيلاجق شيء تخمين ايديلهن مقداردن فضله سي ومصرفى موجب اولسه بيله
متعهد بلك آرديريلماسنى ايسته يه مز ، مكر كه تخمين اولونامايان ويا تخمين
اولونوبده ايكي طرفه نظر اعتباره آلمانان حلالر ايشك ياپيلماسنه مانع اولمش
ويا صوك درجه اشكال ايتمش اوله . بو ٣٦٥

یاسیلان شی تسلیمدن اول قضارا تلف اولمش ایسه صاحبی اونی تسلیمدن
تمرد ایتمش اولمادجه متعهد نه یابدینی شیئک اجرتی ، نه ده مصرفلرینی ایستهیه مز.
بو ۳۶۸

برکیمسه کندی نام و حسابنه و آمرک مسئولیتی آلتنده براوچنجی شخصه
اعتبار ویرمک ویا اعتباری تجدید ایتک ایچون آمر آلمش ویا قبول ایتمش ایسه
مأمور وکالتی تجاوز ایتدکجه آمر کفیل کبی مسئول اولور ایسه ده اشبو مسئولیت
امرک تحریری اولماسنه متوقف اولدیغندن شفاهی امره مستنداً آمردن دعوی
مسموع اولماز . بو ۴۰۰

اعتبار ویریلن کیمسه نك بورج التزامنه اهلیتسنزلکنندن بحثله آمرک دفع
دعواسی مسموع اولماز . بو ۴۰۱

اوله نه دلالتی اجرتیه حق بخش ایتدیکندن آنی دعواده مسموع اولماز . بو ۴۰۸
آمرک امری اولمادجه قومیسوونجی مقاوله نك موضوعی تشکیل ایدن
شیلری سیغورطه ایتدیرمکه مجبور اولمادیغندن بوندن متولد دعواده مسموع
اولماز . بو ۴۱۷

قومیسوونجی کندی مأمورلرینک اجرتی حسابیه ادخال ایدهمیه جکندن
آنلری طلب و دعوی ایده مز . بو ۴۲۲

قومیسوونجی آمر طرفندن ویریلن امر استرداد ایدیش و خبر استردادده
وکالتی اجرا ایتدیکی خبرینی آمره کوندرمه دن واصل اولمش ایسه آرتق بالذات
بایع و مشتری اولامایاجغندن بوصفته دعوی مسموع اولماز . بو ۴۲۹

مرسل طرفندن بر ارسالیه مکتوبی تنظیم اولونوبده نقلیه متعهدی طرفندن
مرسل الیه ویریش ایسه ، مرسل نقلیه متعهدندن مقبوض سندی آلمش اولوبده
اونی اعاده ایده مز ایسه ، نقلیه متعهدی اشیانک تسلمی ایچون وصولی تحریراً
مرسل الیه اخبار ایتمش ایسه ، اشیا تسلیم محلته واصل اولدقدن صوکره مرسل
الیه طرفندن تسلیم طلب ایدیش ایسه مرسل اشیاسنی کیری آلامایاجغندن
استردادی دعواسی مسموع اولماز . بو ۴۳۴

توفیقاً کاتب عدل و سایر مراجع مخصوصه دن امضاسی مصدق و کالتنامه ایله اثبات اولونا بیلیر؛ و شکل مخصوصه تابعدر .

بورجرلر قانوننك ۳۸۸ نجی ماده سینه کوره وکالت وکیلک تقبل ایلدیکی ایشک یا پیلیماسی ایچون ایجاب ایدن حقوقی تصرفلری ایفا صلاحیتی شاملدر . و خصوصی بر صلاحیتی حائز اولمادجقه وکیل دعوی اقامه ایده مز ، صلح اولاماز ، تحکیم ایده مز ، قامیو تعهداتده بولوناماز ، هبه ایده مز ، بر غیر منقولی تملیک ویا برحق ایله تقييد ایده مز .

بوماده نك حکمی اصولك ۶۲ و ۶۳ نجی ماده لری ، دعوايه وکالتده تعديل و تقييد ایله مشدر . ذاتاً اصولك ۶۰ نجی ماده سی دعوايه وکالتك بعض استثنا و تقييداتله قانون مدینك عمومی حکملرینه تابع اولاجغنی قبول ایله مشدر . اصولك او ایکی ماده سینه نظراً قانوناً صلاحیت مخصوصه اعطاسنه متوقف خصوصلر مستثنا اولمق اوزره وکالت ، حکم قطعیت کسب ایدنجهیه قدر دعوانك تعقیبی ایچون ایجاب ایدن بالعموم معامله لری ایفایه و حکمك اجراسنه و مصارف محاکمه نك تحصیلله بوندن دولایی مقبوض اعطاسنه و کندیسلی علمیندهده اشبو معامله نك کافه سنك ایفا ایدیله بیلیمسینه مأذونیتی متضمندر . اشبو مأذونیتی تقييد ایده جك بوتون قیدلر دیگر طرف عندنده غیر معتبر عد اولونور .

صراحةً مأذونیت ویریله مش ایسه وکیل صلح اولاماز و آخری تحکیم ویا ابرا و دعوا دن هیچ بر صورتله فراغت ویا خصمك دعواسنی و تکلیف اولونان یمینی قبول ویا محکوم بهی قبض و حجزی فک ایده مز .

یمینك قبولی ویا ردینی بیان ایچون صلاحیت آنحق یمین ایده جك کیمسه لر طرفندن یمین تکلیف اولونان مسئلهیه اطلاع کسب ایدیلد کدن صوکره ویریلیر . قانون مدنی موجبنجه حائز اهلیت اولان هرکس وکیل اولابیلیر . فقط دعوايه وکالتده قیودات و احکام مخصوصه واردر . اصولك ۶۱ نجی ماده سینه کوره دعوايه وکالتده وکیلک بارو اولان یرلرده باروده رسماً مقید بولونان

آووقتلردن و بارو تشکلی ایتمه‌ن یرلرده اگ آشانی اوج دعوی و کیلی وار ایسه بونلردن انتخاب ایدیلک لازمدیر . بارو تشکلی ایتمه‌ن یرلرده واک آشانی اوج دعوی و کیلی بولونمایان یرلرده هر کس دیله‌دیکی کیمسه‌نی توکیل ایده‌بیلیر . آنجق شفاهی اصول محاکمه‌یه تابع اولان ایشلرده از جمله صالح محکمه‌لرنده و کیلک باروده مقید اولماسی شرط دکلدر .

وکیل موکلنک صریح اولان اولان تعلیماتنه مخالفت ایده‌مز . شوقدر که ایجاب حاله کوره موکلدن مأذونیت استحصالنه امکان اولماقله برابر شاید امکان اولوب‌ده‌استیدان اولنسه ایدی موکلک موافقت ایده‌جکی درکار بولونان خصوصلرده انحراف ایده‌بیلیر .

بوندن ماعدا حاللرده وکیل الیدی تعلیمات موکلنک علیمه اولارق مخالفت ایده‌ر ایسه بوندن متولد ضرری درعهده ایتدیکجه موکل به ایفا ایدیلش اولماز . ب ۳۸۹ وکیلک تعلیماتنه مخالف حرکته موکللی اجازت و یریر ایسه اجازت لاحقه وکالت سابقه حکمنده اولدیغندن او معامله نافذ و وکیل مسئولیتدن بری اولور . بورجلر قانوننک ۳۹۰ نجی ماده‌سی دییور که وکیلک مسئولیتی عمومی صورته ایشچینک مسئولیتنه عائد حکمنره تابعدر . یعنی ایشچی تعهد ایتدیکی شیئی اهتمام ایله ایفایه مجبوردر . قصد و یا اهل و دقتسزلک ایله ایش صاحبنه ایراث ایتدیکی ضرردن مسئول اولور . ایشچی به ترتب ایدن اهتمامک درجه‌سی عقد کوره تعیین اولونور ؛ تقدیری برکیفتدر . وکالت اجرتسز ایفا ایدیلیر ایسه حاکم تضمینات مقدارینی تنقیص ایده‌بیلیر . آووقات و دعوی وکیلاری طرفندن قصور واقع اولوب اولمادیفی مسئله‌سنی مسلکدن اولان متخصصلره تقدیر ایتدیرملیدر . وکیلک مسئولیتنه متعلق دعوانک مرور زمانی مسئولیتنه اساس اتخاذ اولونان معامله‌نی اکمال ایتدیکی تاریخندن اعتباراً اون‌سنه‌در .

دعوایه متعدد وکیل تعیین اولونمش ایسه هر بری منفرداً اجرای وکالت ایده‌بیلیر . خلافنه وقوع بولان شرط خصم‌عندنه معتبر دکلدر .

متعدد آووقات ویا دعوا وکیلاری وکالتی برلکده قبول ایتمشر ایسه بورجلر قانونک ۳۹۵ نجی ماده سی موجبجه موکل بهی یاقمقله متسلسلاً مسئولدرلر . باشقه سنی توکیلله ماذونیت حالی بوندن مستشادر .

وکیل موکلندن صلاحیت آلمش ایسه باشقه سنی توکیل ایده بیلیر . آنجق بوصلاحیتی قوللانیر کن ویریلن تعلیماته رعایت و تقید واهتمام کوسترمکله مکلفدر . وکیلک کندی یرینه اقامه ایتدیکی شخصه قارشی حائز اولدیغی بوتون حقاری موکلی دوغریدن دوغری به اوشخصه درمیان ایده بیلیر . بناء علیه طلی حالنده وکیل موکلنه توکیل ایلدیکی اوچنجی شخصک کیم اولدیغنی موکلنه بیلدیرمکه مجبوردر . وکیل موکلک طلی اوزرینه یامش اولدیغی ایشک حساسی ویرمکه ووجهتدن دولایی هر نه نام ایله اولور ایسه اولسون آلمش اولدیغی شیئی موکله تأدیه به مجبوردر . وکیل ذمتنده قالان پاره نک تمرد تاریخندن اعتباراً فائضی ده ویرمکه مکلفدر . وکیلک اصولی دائره سنده موکل بهی ایفا ایچون یاپدیغی مصرفی و ویردیکی آوانساری موکلک فائضیه برابر ویرمسی وکیلک درعهده ایتدیکی بورجلردن آنی قورنارمسی لازمدر . وکیل وکالتی ایفا دولایسیله اوغرامش اولدیغی ضرر وزیانک تضمینی موکلندن ایسته یه بیلیر مگرکه موکل بو خصوصده کندیسنک صنع و تقصیری اولمادیغنی اثبات ایده . ب ۳۹۴

برکیمسه یی برلکده توکیل ایدن متعدد کیمسه لر وکیلله قارشی متسلسلاً مسئول اولورلر . ب ۳۹۵

بورجلر قانونک ۳۸۶ نجی ماده سنک صولک فقره سنده مقاوله ویا تعامل وار ایسه وکیل اجرته مستحق اولور ، دنیلور . آووقات ویا دعوی وکیلاری ، اجر تلیرینی مقاوله ایله تعیین و تسمیه ایتمه مشلر ایسه حقانیت دائره سنده بر اجرته تعبیر مخصوصله اجر مثله مستحق اولورلر .

وکالتدن عزل و آندن استعفا بورجلر قانونک ۳۹۶ نجی ماده سی حکمنجه هر زمان جائزدر . شوقدرکه مناسب اولمایان برزمانده وکالتدن عزل و آندن استعفا ایدن کیمسه دیکرینک ضررینی ضامن اولور . عزلی موکلک وکیلنه واستغای

وکیلک موکلنه بیلدیرمسی لازمدر . خبر عزل واصل اولمادجه وکیلک تصرفی موکل حقننده نافذ اولور . عزل فعلاً وضمناًده واقع اولابیلیر ، موکل مدعا بهی مدعی علیه دن دوغریدن دوغری به استیفا ویا آنسکه صلاح اولسه وکیلک وکالتی نهایت بولش اولور .

ایکی طرف آراسنده عزل واقع اولسه بیله اجرتک تماماً تسویه سی مقاوله ایدیلسه شرط صحیح و مقاوله معتبر اولور . فقط عزل واستعفا اولماق شرطی باطلدر . شوقدرکه عزلی امکانشز قیلاجق درجه ده مجبر و آغیر بر شرط در میان ایدیلش ایسه بویه بر شرط جزائی بی حاکم ابطال ایده بیلیر .

اصولک ۶۸ نجی ماده سی ، موکلی نامنه معامله یا پشم اولان وکیل نفسی عزل ایتدیکنی ویا موکلی طرفندن عزل اولوندیغی دعوی ضبطنه قید ویا تبلیغ ایتدیریلک صورتیه تحریراً دیگر طرفه بیلدیرمدکجه استعفا وعزلک دیگر طرف حقننده حکمی یوقدر دیور .

وکالت ، عزل واستعفا ایله ، وکیل و موکلک اولومی ، اهلیتک زوالی ، افلاسی ایله ، موکل بهک ایفاسیله ، وکالت ایچون معین مدتک ختامیله ، موکل بهک ایفاسنک تمتع بر حاله کیرمسيله نهایت بولور . شوقدرکه وکالتک منتهی اولماسی موکلک منفعتی تهلیکه یه القا ایدیورسه موکل ویا میراثچیسی ویا مثلی وکالتی ایفایه دوامله مکلفدر . ب ۳۹۷ فقط بونک یعنی آووقاتک وفات وزوال اهلیتی حالنده تمادی وکالتک دعوا یه وکالتده و بناء علیه تطبیقات وساحه عملیاتده امکانی یوقدر . وکالتک نهایت بولدیغی وکیلک ویا اوچنجی شخصک معلومی اولدیغی ادعا ایدن کیمسه بونی اثبات ایله مکلفدر .

دعوی ایچون وکالتنامه اصولک ۶۵ نجی ماده سی موجبجه دعوی محکمه اصلیه ده ایسه کاتب عدل دن صالح محکمه سنده ایسه ناحیه مجلسی ، اختیار هیئتی ، ویا صالح حاکمی طرفندن مصدق اولمق لازمدر .

دوائر رسمیه وکیلرینه منسوب اولدقلری دائره آمری طرفندن اصوله موافق صورتده ویریلن وکالتنامه لر معتبردر ، آریجه تصدیقه تابع دکلدرلر .

دعوانك مرحال و جلسه سنده نتیجه حكمه قدر وكالتنامه نك اصلنى محكمه ويا طرف ديكر ايسته به بيلير و بونك كافى ويا اصولنه موافق اولمادىنى حقنده اعتراض اولونابيلير . ا ص ۶۶

مقدما بوقيلدن اعتراضات ، اعتراضات ابتدائيه دن ايدى . شمدى ايسه هر حال وزمانده درميان اولونابيلير .

ايكى طرفدن برينك وكيلى اولديغندن بحثله آنك مقامنه قائم اولمق اوزره اثبات وجود ايدن كيمسه محكمه نك ويا طرف ديكر ك طلي اوزرينه درحال وكالتنامه نك مصدق صورتى ابرازه مجبوردر ، ايتمز ايسه اونك حضوريله محكمه به دوام اولونور ؛ ووكالتنامه نك ابرازى ايجون اوكا مهلت ويريلير ؛ بومهلث ظرفنده مؤخر تاريخلى اولسه بيله وكالتنامه ابراز اولونور ايسه اجازت لاحقّه وكالت سابقه حكمنده اولديغندن اولجه ياپيلمش اولان معامله لره خلل كلز . آنلر معتبر عد اولونور . ابراز ايتمز ايسه كا ئن لم يكن عد اولونارق وكيلى فضولى اولدينى آكلاشيلان او كيمسه مصرف و ضرر و زيانله محكوم ايديله بيلير . وسوء نيتله حركتى آكلاشيلور ايسه اللى ليرايه قدر جزاى نقدى ده حكم اولونابيلير . وبوفعلى جزا قانونى موجبجه بر جرم تشكيلى ايديلور ايسه او دخی محفوظدر . ا ص ۶۷

اثنای محكمه ده مؤكلى ياننده بولونان وكيلىك بياناتى موكللى طرفندن درحال تكذيب ايديلز ايسه موكلندن صادر اولمش عد اولونور . ا ص ۶۸

هيچ كيمسه دعواسنده وكيلى تعيينته اجبار اولونماز . فقط دعواسنى بالذات تعقيب ايدن كيمسه حضور محكمه ده اطوار نالايقه ده بولونور ايسه طرف حاكمدن ياپيلاجق اخطارانده رعايت ايتمز ايسه حاكم درحال چيقارماسنى امر وايجابى حالنده وكيلى تعيينته اجبار ايدور ؛ تعيين ايتمز ايسه محاكمه غيابة اجرا اولونور . بو حال وكيلى حقنده واقع اولور ايسه بوبابده اسباب موجبّه ذكريله تعيين ايدن چكى مدت ظرفنده باشقه بر وكيلى كوندرمسنتك اصيله تبليغه قرار ويريلير ، كوندرمز ايسه محاكمه به غيابة باقيلور . ا ص ۷۰

كذلك تحقیقات حاكمی ایکی طرفدن برینك دعواسنی لایقیله تعقیب ایدمه جك اهلیتده اولمادیغنی کوریر ایسه رفاقته بر وکیل آلماسنی امر ایدمه بیلیر، اوکیسه بومره رعایت ایتمز ایسه محاکمه غیباً اجرا اولونور .

بالوکاله رد حاکم طلب واستدعاسنده وکالتنامه ده صراحت بولونمق لازمدر. اشتکا عن الحکام یعنی حاکم لک مسئولیتی حقنده اقامه ایدیه جك بالوکاله تضمینات دعوالرنده وکالتنامه ده صراحت آرانوب آرانما یا جقنه دائر اصول محاکمه ساکت ایسه ده رد حاکم قیاساً آرانمق لازم کلیر .

تحقیقات حاکنک طرفینی استجوابنده وکیل حاضر بولونابیلیر ایسه ده موکلنه توجه ایدن سؤاله جواب ویرمکدن ویا ویریه جك جوابی تلقین ویا ایما ایتمکدن ممنوعدر . انجق دعوائی تنویر ایچون کندیسنجه لزوم کوردیکی جهتلرک موکلندن صورتولماسنی حاکمدن طلبه حق واردر . دیگر طرفده عین صلاحیتی حائزدر . اص ۲۳۳

بوشنامه ایشلرنده اقامه دعوادن اول بر طرفک دیکرینی صلح حاکی حضورینه دعوت ایتدیرمسی لازمدر . اورایه اجابت آنجق بالاصاله اولابیلیر . صلح تشبثی صلح حاکنک اوطه سنده قاری وقوجا یالکز اولارق خفیاً اجرا اولونور . بناء علیه ایکی طرفدن برینك وکیلی حاضر بولونمایاجنی استدلال اولونمقدهدر . اص ۴۹۷

وکیل واسطه سیله جریان ایدن محاکمه لرده آووقات ودعوی وکیل لرینك مقبوض مقابلنده یکدیگرینه اجرا ایدمه جکلری تبلیغات معتبردر . اص ۱۱۹ وکیل واسطه سیله جریان ایدن دعوالرده تبلیغ همه حال وکیله یاپیلور . اص ۱۲۴ آووقاتلره یازمخانه لرنده تصادف اولونامازسه او محله بولونان کاتب ویا خدمتکارلرینه تبلیغ یاپیلا بیلیر . اص ۱۲۷

غیاب قرارینه وکیل سبیت ویرمش ایسه اصولک ۴۱۲ نجی ماده سی موجبینه تعیین اولوناجق یکرمی بش لیرایه قدر جزای نقدی وکیلدن آلنور .

اصولك ۴۲۲ و ۴۴۴ نجی ماده لرینه كورده سوء نیت صاحبی اولان مدعی علیه ویا برکونا حتی اولمادیفی حالدہ دعوی اقامہ ایتمش اولان ویا سوء نیتله تمیز دعوی ایدن طرف یوز لیرایه قدر جزای نقدی یه ده محکوم ایدیلہ بیلہ جک و بوحال وکیللرندن صادر اولمش ایسه جزای نقدی وکیل حقنדה تعیین اولونا بیلہ جکدره .
ینه اصولك ۴۲۱ نجی ماده سنده محرر اولدیفی اوزره سوء نیت صاحبی اولان حقمنز طرفی محکمه ، مصارف محاکمہ دن باشقه دیگر طرفك وکیلله آرالرنده تقرر ایدن اجرت وکالتك تمامی ویا برقسمی ایله ده محکوم ایدہ بیلیر ؛ مقداری حقنדה اختلاف وقوعنده محکمه تقدیر ایدہر .

یکی اصول محاکمه ۴۲۳ نجی ماده نك آلتنجی نومروسیله تقدیر اولونا جق وکالت اجرتلرینی مصارف محاکمہ دن عدایله مشدر . آنجق وکیل ایله موکل آراسنده کی مناسبت حقنדה حقوق عادیه احکامی تطبیق اولونور .

بر دعوی مناسبتیلہ ایکی طرف وکیللرینك اجرت و مصرف ادعاری مقداری هر نیه بالغ اولور ایسه اولسون اودعوايه باقان محکمه ده کوریلہ جکی یکی اصولك ۱۵ نجی ماده سنده محرردر .

بر آووقات ویا دعوی وکیلی محرمیتی کندیسینجه ملتزم و صنعتنه عائد اسرارك افشاسنی مؤدی ایسه او ایشده شهادتدن واهل و قوفلنی قبولدن امتناع ایدہ بیلہ جکلری اصولك ۲۴۶ نجی ماده سنك اوچنجی نومروسیله ۲۷۸ نجی ماده نك ایکنجی فقره سنده مصرحدر .

بر آووقات ویا دعوی وکیلی ایکی طرفدن برینك وکیلی صفتیلہ حرکت ایتدیکی دعوالرده حاکم ویا حکم صفتیلہ بولونارق او دعوايه باققدن ممنوعدر ؛ طلب ایدیلہ بیلہ بالذات استکافه مجبوردر .
اص ۲۸ و ۵۲۱

اصولك مظاهرات عدلیه باینده مظاهرات عدلیه یه نائل اولاجقلره دعوانك وکیلله تعقیبی اقتضا ایتدیکی حالدہ اجرتی بالاخره ویریلك اوزره وکیل تأمین اولوناجنی مذکور اولوب مظاهرات عدلیه یه نائل اولان کیمسه نك اقامتکاهی دعوايی رؤیت ایدن محکمه نك بولوندیفی محلدہ اولمادیفی ویا او شهرده بونك

حقوقی محافظه‌یه مقتدر وکیل بولونمادینی و کندیسنک بالذات حقوقی مدافعه ایدمه‌یه جکی آکلاشلدینی تقدیرده محکمه مناسب کوردیکی ذاتک بالوکاله حرکت ایتسنی امر ایدمه‌یه جکی ومظاهرت عدلیه‌یه نائل اولان کیمسه ایچون تعیین ایدیه‌یه وکیل کندی اجرت ومصرفی علیه‌یه حکم ویریش اولان دیکر طرفدن دوغریدن دوغری‌یه طلب واستحصاله مأذون اولدینی ذکر ایدیشدر . اص ۴۶۷ و ۴۷۲

استطراد — ۱

آورقاتلر

۳ نیشان ۳۴۰ تاریخی محامه قانونیه ۱۸ شوال ۱۲۹۲ تاریخی دعوی وکیللری نظامنامه‌سی تعدیل ایدیلدیکی کبی ۶ کانون اول ۹۲۶ تاریخی آووقاتلق قانونیه‌ده محامه قانونی تعدیل ایدیشدر .

بعدالتعدیل احکام مرعیه‌یه نظراً آووقاتلق ، بالعموم مسائل حقوقیه‌ده اصحاب مراجعته شفاهی ویا تحریری اعطای رأی ومستدعیات ولوایح وهر نوع اوراق تنظیم ومحکمه‌لر ، حکم‌لر و بالجمله دائره ومجلسلر حضورنده اشخاص حقیقیه وحکمه‌یه عائد حقوقی بالوکاله تعقیب ودعوی ومدافعه ایتکی مسالک اتخاذ ایله مکدر .

آووقات اولابیلیمک ایچون :

۱ — تورکیلی اولوق

۲ — جنایت ویا مخل ناموس وحیثیت برجنجه ایله محکوم ویا سؤ شهرته

معروف ومشتهر اولماق

۳ — تورکیه دارالفنونی حقوق مدرسه‌سندن مأذون اولوق یاخود اجنبی

بر حقوق فاکولته‌سندن مأذونیت رؤسنی حائز اولوب‌ده حقوق مدرسه‌سی پروغراملرینه نظراً نقصان قالان درس‌لردن بالامتحان اهلیتینی مثبت تصدیقنامه‌یی حامل بولونمق

۴ — افلاس ايتس ايسه اعاده اعتبار ايتس اولق

۵ — اولجه مأموريتدن عزل ايديش ايسه جواز استخدام قراري آئيش

بولمق

۶ — مدت ملازمتي اڪال ايتس اولق

لازمدر . ملازمت ، عدليه وڪالتنك تنسيب ايده چكي بر محكمه ده ايكي سنه خدمت عدليه ده بولومق صورتيه ايفا ايديلير . مڪتب ملكيه دن مأذون اولوب ده حقوق فاكولته سنك ويا مڪتبك مڪتب ملكيه ده او قومادقلى درسلىردن بالامتحان اهليتنى مثبت تصديقنامه استحصال ايده رك ملازمت مدتي اڪال ايده نلر بالاده كي شرائطي حائز ايسلر آووقات اولابيليرلر .

بر محله آووقاتلى ايده نلرك عددى يدى به بالغ اولديغى تقديرده باروتشكىلى مجبوردير . باروتشكىل ايده نلرلر ده هر هانكي بر بارويه داخل اولمايانلر آووقاتلى ايتمكدن ومحاكمه آنلرى قبولدن ممنوعدر .

مجالس رسميه منتخب اعضاقلرى ايله بالعموم مؤسسات خيريه وماليه وتجاره هيئت اداره ، مجالس علميه اعضاقلرندن ، دوائر رسميه دعوى وڪالتندن ، دارالفنون ومكاتب عاليه مدرسو معلملى ايله مكاتب حقوق واقتصاد واجتماعات معلملكارندن ماعدا هيچ بر خدمت وصف آووقاتلى ايله اجتماع ايده مز . آووقاتلر بالذات هر نوع معامله تجاربه اجرا سندن ممنوعدرلر .

هر بارونك هيئت عموميه جانبندن منتخب بر رئيس ثانى واوچدن اونه قدر اعضادن مركب بر مجلس انضباطى اولور . مجلس انضباطك ، آووقاتلرك امور وحديث مسلكيه لرينه متعلق انضباطى تعيين واشبو قانون ايله نظامنامه داخلى احكامنه وآداب مسلكيه به عدم رعايتلرندن دولاي حقلىرند تحريراً اخطار ، حضور مجلسده توبيخ ، برآيدن بر سنه به قدر موقتاً آووقاتلى يامقدن منع وترقين قيددن عبارت اولان مجازات ابتهاهيه يى ترتيبه صلاحيتي واردر .

مجلس انضباط نصفندن بر زياده سيله اجتماع ايده بيلير . تساوى آرا وقوعنده رئيسك طرفى ترجيح اولونور .

بارو تشکیل ایدن برلرده محلی مدعی عمومیهسی آووقتله حقنده بالاده کوستریلن مجازات انتباهیه ترتیبی بارودن طلب ایده بیلیر. بارونک طلب تاریخندن اعتباراً اون بش کون ایچنده برقرار ویرمسی لازمدر. بومدت ایچنده برقرار ویریلدیکی و ویریلسنه مانع اسباب تحریراً بیلدیریلدیکی تقدیرده مدعی عمومی عین طلبی محکمهیه درمیان ایدر. محکمهجهده سالفالذکر مجازات انتباهیه ترتیب اولونابیلیر.

مجلس انضباطک مقرر اتندن تحریراً اخطاره متعلق قراری قطعیدر. حضور مجلسده توبیخ و موقتاً آووقتلقندن منع و ترقین قیده متدائر اولانلر علمنه محکوم آووقات و تعیین معاملیه محل اولمادیغنه متعلق بولونانلر علمنده محلی مدعی عمومیلری قرارک تاریخ تبلیغندن اعتباراً بر هفته ظرفنده اعتراض ایده بیلیرلر. تدقیقات اعتراضیه محکمه رئیسک و محکمه دوائر عدیده منقسم ایسه رئیس اولک ریاستنده درت اعضادن متشکل هیئت حضورنده اجرا و مجلس انضباط طرفندن کوندریلهجک بر اعضانک ایضاحاتی و محکوم آووقتک مدافعات و معترض مدعی عمومی اولدینی تقدیرده مطالعاتی استماع اولونارق قراره ربط ایدیلیر. اشبو تدقیقات غیرعلنی و مقررات قطعیدر. اعتراض وقوعندن اعتباراً بر هفته ظرفنده قرار اعطاسی مجبوریدر.

آووقتلقندن موقتاً منع ایدیلنلر مدت ممنوعه ظرفنده وقیدی ترقین اولونانلر مؤبداً تورکیه داخلنده آووقتلق و دعوی وکالتی ایده مزلر. کیفیت علاقه دارانجه معلوم اولمق اوزره اعلان اولونور.

اوصاف و شرائط قانونیهی حائر و بارو تشکیل ایدیلن محللرده اجرای محامات ایتمک طالب اولانلر اول امرده بارویه تحریراً مراجعت ایدرلر. بارو بومراجعت اوزرینه برآی ظرفنده قبول و یا عدم قبول حقنده کی مدلل مطالعه نامه سنی عدلیه وکالتنه کوندرمکله مکفدر. بارو برآی ظرفنده مطالعه نامه سنی وکالتنه کوندرمدیکی و یا مطالعه نامه سنی عدم قبولی متضمن اولدینی تقدیرده وقوع بولاجق استدعا اوزرینه مستدعینک شرائط و اوصاف مطلوبیهی حائر اولدینی

عدلیه وکالتنجه تحقیق ایده رایسه رخصتنامه اعطا اولونور. بوصورتله رخصتنامه استحصال ایدن آووقتلكده بارویه قیدی مجبوریدر .

بش سنه مدتله حاکم صنفنده خدمتی مسبوق اولانلر و حقوق فاکولته سسنده ویا مکتبنده اوقونان درسلدن بالامتحان رخصتنامه یی حائز اولارق بش سنه مدتله اجرای وکالت ایده نلر آووقات اولورلر .

لاأقل اون سنه مدتله رخصتنامه سز اولارق محاکمه مستمراً دعوی وکالتی یاپانلر بالامتحان آووقتلق حققی حائز اولورلر .

آووقتلق قانوننک حین نشرنده رخصتنامه یی حائز اولانلر باروتشکل اتمه یی یرلرده دعوی وکالتی ایده بیلیرلر .

بش سنه مدتله مستمراً رخصتنامه سز دعوی وکالتی یاپانلر بالامتحان بو حق حائز اولورلر .

بش دعوی وکیلی بولونمایان یرلرده عدلیه وکالتنجه تثبیت ایدیله جک شکله امتحان ویره نلر اوکی محالدرده دعوی وکالتی ایده رلر .

بالاده ذکر کی کچن شرائطی حائز اولوبده ایکی سنه دیوان تمیز عسکری اعضا ومدعی عمومیلککرنده ومعاونلککرنده وشورای دولت رئیس واعضامدعی عمومی ومعاون و ملازمککرنده ودوائر ومؤسسات رسمیه حقوق مشاورلکنده ویا امور محاکم مدیریتنده ویاخود مشاور عدلیلککرنده بولونانلر آیریجه ملازمته تابع دکلردر .

اولجه اجرت ومعاشله مأمورایکن آووقتلق مسلیکنه سالک اولانلر ایله دوائر رسمیه ده حقوق مشاوری ویا وکیلی صفتیه ایفای وظیفه ایدن آوقاتلر هر نه صورتله اولورایسه اولسون اثنای مأموریتلرنده وضع یدایتمش بولونقلری ویا اعطای رأی ایلدکاری مواد متعلق دعاوی یی قبولدن ممنوعدرلر .

کذلک آووقاتلر حکم ومصلح صفتلریله وضع یدایتمش اولدقلری خصوصاً ده وکالت درعهده ایده مهیه جککاری کی برطرفک وکیلی اولدقلری ایشده عزل

واستعفادن سوکرده دخی طرف دیکرک وکالتنی قبول ویا ایفا ایده مز لر. بومنوعیتلر او آووقاتلرک شریکترینده شاملدر .

آووقات ویا دعوی وکیلی ایله موکل آراسنده عقد ایدیله جک مقاوله نامه لرده اجرت وکالتک مقطوع اولارق تسویه سی لازمدر . مدعا بک مقدار ی اوزرینه یوزده اعتباریله اجرت تخصیص ویا حاصل دعوا ده اشتراک معناسنی تضمین ایده جک شرطلر وضعی ویا خود دعوائی قسماً ویا تماماً صاتون آمش کی احکام درجی صورتلریله عقد اولونان مقاولات کأن لمیکن در .

اساس دعوا یه متعلق قرار ایله برلکده محکمه جه تقدیر و محکوم علیه تحمیل اولونا جق اجرت وکالت ، مساعی مصرفیه نظراً مواد حقوقیه ده محکوم به بیک لیرایی تجاوز ایتدیکی تقدیرده یوزده اوننی ، تجاوز ایتدیکی تقدیرده بیک لیرادن فضله سی ایچون یوزده بشی چکه مز . آنجق منع معارضیه قرار ویریلدیکی تقدیرده اجرت وکالتک تقدیرنده مدعا به اساس اتخا ذ اولونور . قیمتی غیر معین دعاوی حقوقیه ایله مواد جزائی ده دعوانک اهمیت و مساعینک قیمتی نسبتنده تقدیر و تعیین اولونور .

آووقاتلر درعه ده ایتدکلری دعاوینک اجرت و مصرفه قارشی موکلرینه عائد اوله رقیدلرنده بولونان اموال و نقود اوزرنده حق رجحان خصوصیی حائر درلر . آووقاتلر انشای مرافعه ده و رسمی بر خصوص حقنده رؤسا و حکامه مراجعتلرنده کسوة مخصوصه یی لابس اولملری مجبوویدر .

هر بارونک عدلیه وکالتندن مصدق بر نظامنامه داخلی اولاجقدر . بارو اولمایان یرلرده دعوی وکیللرینک امور انضباطیه سنه مدعی عمومیلرک طلبیه محلی محکمه اصلیه لرنده باقیلور .

۱۲۹۲ تاریخی دعوی وکیللری نظامنامه سنک ۱، ۲، ۳، ۴، ۵، ۶، ۲۰ نجی ماده لری ۳۴۰ تاریخی محامات قانونیه ملغادر . دردنجی ماده سی رخصتنامه ایچون آلینا جق بش لبرالق خرچدن بحث ایده ر. ۷ و ۸ نجی ماده لری محاکمه وکالتنامه لرک ابرازی احکامندن باحث اولوب یکی اصول حقوقیه نک ۶۶ و ۶۷

نجی ماده لریه معدلدر . ۹ و ۱۰ نجی و ۱۱ نجی ماده لری و کالتنامه لرك صورت تنظیمی ایله شمول و صلاحیتلری حقنده اولوب بورجلر قانوننك ۳۸۱ نجی و اصولك ۶۲ و ۶۳ نجی ماده لریه كذلك معدلدر . اصول محاکمه حکامدن تضمینات یعنی شکایت دعواسنده و کالتنامه لرده صراحت بولماسی لزومی بیانده ساکت اولوب دعوی وکیللری نظامنامه سنك ۱۱ نجی ماده سنده ایسه بر محکمه هیئتک مجموعی ویا ایچندن بری حقنده اشتیكا ایچون و کالتنامه و مأذونیت صریحه بولونماسی لزومی مصرح اولماسنه و حکم مذکور دیگر بر ماده ایله تعدیل ایدیلدیکنه نظراً حکمی مرعی و باقی اولق ایجاب ایدر .

و کیلک موکله حساب و یرمسی لزومندن باحث اولان ۱۲ نجی ماده بورجلر قانوننك ۳۹۲ نجی ماده سیله معدلدر .

۱۳ نجی ماده نك و کیلک اھمال و تیکاسلندن موکلك ضرر دیده اولماسی حالنده موکلك دعواسی اوزرینه ضرر و زیان و مصارف سائر سنك و کیله تضمین ایتدیریه جکندن باحث اولان فقره سی بورجلر قانوننده دخی موجود ایسه ده یاریم لیرادن اوچ لیرایه قدر جزای نقدی ایله محکومیتی و اجرای و کالتدن موقتاً منع صورتیله ده مجازات انبایه اجرا ایدیه جکی حقنده کی فقره باقیدر . و جزای تقدینك بش ایله ضربی مقتضیدر .

۱۴ نجی ماده و کیلک موکلدن مصارفی استیفا ایدنجه یه قدر یدنده بولوناجق آچیه و سنداتی توقیفه صلاحیتی اولدیغنه دائر و حکمی مرعیدر .

۱۵ نجی ماده و کالتک نه صورتله ختام بولاجغنه متدائر اولوب بورجلر قانوننك ۳۹۷ نجی ماده سیله معدلدر . نامناسب بر زمانده استعفادن وقوع بولاجق ضرری و کیلک تضمین ایدیه جکی حقنده کی ۱۶ نجی ماده یرینه بورجلر قانوننك ۳۹۶ نجی ماده سی قائم اولمشدر . حضور محکمه ده قولاً ویا فعلاً نامناسب احوالده بولونان وکیل حقنده اصول محاکمه ایله ایدیلغندن بوندن باحث اولان ۱۷ نجی ماده ملغادر .

۱۸ نجی ماده وکیلک نزدنده بولونان اوراق وسندات اصلیه نک صورتلرینی اخراج واعطا حالنده اصللرینه مطابقندن دولایي مسئول اولاجقلرندن باحث وحکمی باقیدر .

۱۹ نجی ماده وکیللارک درعهده ایده جکلری دعاوی یه دائر قلمه آلدقلری محررات مسوده لرینی عینله محافظه وموکلرلیه اولان محاسبه لرینه مخصوص مصدق دفتر طومتغه مجبور اولدقلرینه دائر اولوب حکمی مرعی وباقیدر . بارو نظامنامه داخلیری ایله آووقاتلر بو دفتری مجلس انضباطه تصدیق ایتدیرمکده در .

۲۰ نجی ماده دن ۲۷ نجی ماده یه قدر اولان موادی دعوی وکیللرینک اجرتلرینک صورت تحدید وتحصیلنه متعلق اولوب اشبو احکام بورجلر قانوننک ۳۸۶ نجی ماده سنک صوک فقره سی واصولک ۴۲۴ نجی ماده سی و ۳۴۰ تاریخی محامات قانوننک ۱۰ نجی ماده سی احکامیه برلکده جاری اوله رق مرعیدر .

۲۷ نجی ماده دعوی وکیللرینک تنظیم و ابراز ایده جکلری اوراقک پوله تابع اولدیغندن باحث وباقیدر .

استطراد ۲

امطام جزائیة

آووقات ودعوی وکیللری حقنده کی قانون جزامزده کی احکام جدیده :
قانون مذکورک ۲۹۴ نجی ماده سننده آووقات ویا دعوی وکیلی خصم طرفیه اوپوشه رق ویا سائر حیلله و دسیسه لره سلوک ایده رک کنیدیسه ویریلن دعوایه ضرر ایراث ایلریا خود عین دعوی ده خصم طرفنه یاردم ایدرایسه اوچ آیدن اوتوز آیه قدر حبس ومسلكک تعطیلنه ده شامل اولمق اوزره موقتاً خدمات عامه دن ممنوعیت جزالریله برابر اوتوز لیرادن ایکی یوز الی لیرایه قدر آغیر جزای نقدی ایله جزالاندیریلیر .

اگر آووقات ویا دعوی وکیلی عین دعوا ده برطرفه وکالت ایتدکن صوکره او وکالتدن چکیله رک دیگر طرفک وکالتی درعهده ویا او طرفه یاردم ایدر

ایسه آلتی آیه قدر حبس اولونور. ویا اوتوز لیرادن یوز اللی لیرایه قدر آغیر جزای نقدی آلنور.

و ۲۹۵ نجی ماده سنده قبول ایتدیکی بر دعواده شاهدک واهل خبره ویا تر جانک ویا مدعی عمومینک ویا قرار ویره جک حاکمک صحابتنی استحصال ایتک ویا خود بونلره مکافات ایله مک بهانه سیله موکلندن پاره وسائر اشیا آلان آووقات ویا دعوی وکیل ایکی سنده بش سنده قدر حبس وایی یوز لیرایه قدر آغیر جزای نقدی به و مسلک و صنعتده شامل اولمق اوزره موقتاً خدمات عامه دن ممنوعیت جزاسنه محکوم اولور.

آووقات و دعوی وکیللری مسلک ایجابی اولارق بعض اسراره واقف اولاجقلرندن افشا سنده ضرر ملحقوظ اولان اشو اسراری مشروع بر سببه مستند اولقمیزین افشا ایده رلر ایسه قانون جزانک ۱۹۸ نجی ماده سی موجبجه اوچ آیه قدر حبس واللی لیرایه قدر جزای نقدی به محکوم اولور لر. اکر ضرر واقع اولمش ایسه جزای نقدی اللی لیرادن آزا اولماز. بو خصوصده تعقیبات، شخصی دعوی اقامه سنده متوقفدر.

وکالتنامه، یا کاتب عدل حضورنده رأساً تنظیم ویا خارجه ده تنظیم اولونوب امضاسی کاتب عدله تصدیق ایدیلیر. ممالک اجنبیه ده تنظیم ایدیلوبده تورکیه شهنبدری طرفندن مصدق اولان وکالتنامه خارجه وکالتنک تصدیق اوزرینه محاکمه قبول اولونور.

وکالتنامه نمونه لری

۱ — رأساً تنظیم ایدیلیمه وکالتنامه عمومی نمونه سی

زیرده موضوع مهر و امضادن اسم و اقامتگاهم مستبان اولدینی اوزره بن بک اوغلی ایکنجی کاتب عدلی مأموریمه مخصوص اوطه ده ذاتی فلان و فلان نام مقبول الشهاده شهود شهادتیه تعریف اولونان [یا خود شخصی معروف اولان] ... ده

مقیم ... صنعتنده فلان افندی شهود عدول مذ کوره حاضر اولدینی حالده تقریر کلام ایله له وعلیهده اقامه اولنش واولونا جق هر نوع دعوی ده مدعی ومدعی علیه ومداخل صفتیله اقامه وتعیب دعوی ومدافعهیه [صلح و ابرایه ، اخذ وقبضه ، فک حجزه ، فراغت وقبول دعوایه ، تحکیمه ، قبول یمینه ، ردحا کمه وحا کملردن تضمینات دعواسنی اقامهیه صلاحیتدار اولمق] وخصوصات مذ کوره نك متوقف اولدینی امورك کلیسی ایفا ایلک [و دیگرینی توکیله مأذون اولمق] اوزره ... ده مقیم ... باروده مقید آووقات [ویا دعوی وکیلی] ... افندی بی توکیل وکندیسنه عمومی وکالت اقتدارینی تودیع ایلدیکنی بیان وایجاب ایدن عمومی وکالتنامه نك تنظیمی طلب ایتیمکه اشبو وکالتنامه عمومی اولوجهله تنظیم وشهود مزبوریه ایله مومی ایله ... افندی حضورلرنده بعدالقرائه افادات مشروحیه موافقتی تصدیق اولوندقدن صوکره ... نسخه اولارق تحریر وجهله مر طرفندن امضا قیلنمشدر . س س نه امضالر

پارانتز ایچنه آلتان فضله صلاحیتلرک بر ویا یرقچی ویا هپسی ویریلشمش ایسه درج ایدیلز .

۲ — رُأماً تنظیم ایلدیلمیه مخصوصی وکالتنامه نمونه سی

زیرده وضع ایلدیکم مهر وامضادن اسم واقامتکاهم مستبان اولدینی اوزره بن استانبول دردنجی کاتب عدلی دائرهمه ... ده مقیم و ذاتی فلان و فلان تعریفلریله معرف ... صنعتنده ... افندی شاهدان مومی الیهما حضورنده تقریر کلام ایله فلان ذمتنده بدل ایجاردن مطلوب اولان ... لیرانك تحصیلی حقنده علیهنه ... محکمه ده اقامه ایلدیکم (ویا ایده جکم) (یاخود ... ده مقیم ... طرفندن علیهنه اقامه ایده جکی ویا ایتدیکی) ، (ویاخود فلان ایله فلان آراسنده فلان محکمه ده متکون فلان دعوایه مداخل صفتیله) اقامه دعوی (ویا مدافعه سیله) (صلح و ابرا ، فراغت وقبول دعوایه ، اخذ وقبضه ، فک حجزه ، قبول یمینه ، تحکیم ورد حا کمه وحا کم علیهنه تضمینات دعواسی اقامه سنه صلاحیتدار اولمق)

(و آخری توکیله مأذون اولوق اوزره) خصوص مذکورک متوقف اولدینی امورک کلیسی ایفایه ... ده مقیم آووقات (ویا دعوی وکیلی) ... افندی بی توکیل ایلدیکی بیان ایتمهکه تنظیمی تکلیف اولونان اشبو خصوصی وکالتنامه تنظیم ومومی الیه الیه شاهدان مومی الیه حاضرینده بعدالقرائه مطابق تصدیق ایلدیکدن صوکره جمله من طرفندن امضا وتختیم قیلندی . ل س نه امضال

۳ — خارجیه تنظیم ایلمه طاب عملره مصره عمومی وکالتنامه نمونه سی

له وعایمهده اقامه اولونمش واولونا جاق بالجمله دعاوی حقنده مدعی ومدعی علیه و مداخل صفتیه دعوی و مدافعه یه و آنلرک ایجاب ایتدیردیکی کافه معاملاتی ایفایه (صلح و ابرایه ، فراغت و قبول دعوا یه ، اخذ و قبضه ، فک حجزه ، تحکیم ورد حاکمه و حاکم علیه نه تضمینات دعواسی اقامه یه ، آخری توکیله مأذون اولوق اوزره) طرفندن ... ده ... خنده ... نومرولی یازنخانه ده آووقات (ویا دعوی وکیلی) ... افندی بی وکالت عامه الیه وکیل نصب وتعیین ایلدم . ل س نه امضال

... ده مقیم ... اصنافندن

...

اشبو عمومی وکالتنامه ده موضوع امضا مومی الیه ... افندی بی اولدینی شخصلری معروف ومقبول الشهاده فلان وفلانک افاده وشهادتلیله تحقق ایتمهکه (یاخود شخص وهیتی معروف اولمغله) تصدیق قیلندی . ل س نه

استانبول ایکنجی کاتب عدلی

امضا ...

۴ — هزارجبره تنظیم ابراهیمه طائب عدلرله مصره
مخصوصی وکالتنامه نموده سی

فلان یرده مقیم (س) ایله ... خصوصه متعلق میانه مزده موجود اولان
اختلافدن دولایی ... محکمه اصلیه سنه مراجعتله اقامه دعوی ایتک و دعوانک
ایجاب ایلدیکی کافه معاملاتی ایضا ایتک اوزره ... ده ... خانه ... نومرولی
یازیخانه ده آووقات ... افندی بی توکیل ایلدم . ل . سنه

امضا

... ده ... نومرولی خانه ده

... اصنافندن ...

اشبو خصوصی وکالتنامه ده موضوع امضا فلانک اولدینی فلان و فلان نام
مقبول الشهاده معرفانک افاده و شهادتلیله تأید ایتمکه تصدیق قلندی .

ل . سنه فلان کاتب عدلی

وکالتنامه مراغه یه عائد اولمایوبده یالکز تبلیغ و تبلیغه عائد ایسه یالکز
اوصلاحیتی متضمن اولارق تنظیم اولوناجق وکالتنامه له وعاییده واقع اولاجق
کافه تبلیغاته عائد ایسه عمومی و برمعین دعوانک تبلیغاتی حقنده ایسه خصوصی
اولور .

وکالتنامه بر قید ایله مقید اولابیلیر . مثلاً حکمی شو قدرمدت دوام ایتک
اوزره یاخود مثلاً ۱۹۲۸ سنه سندن اعتباراً معتبر اولق اوزره دنیلک صورتیله
بر زمانه مضاف اولابیلیر .

شو قدرکه اصول حقوقیه نک ۶۲ نجی ماده سنده دعوا یه وکالتک قانوناً
تناول ایلدیکی ماذونیت خصوصاتی تقیید ایده جک قیدلر درج اولونور ایسه

اوقيدك ديكړ طرف عندنده حكم واعتبارى اولماياچنى محرردر. بناً عليه بوجهتلك
كاتب عدلار طرفندن موكلره افهامى مناسب اولور .

كاتب عدلار ، كاتب عدل قانوننك ۲۸ نجى ماده معدلهسى موجبجه رأساً
تنظيم ايده جكلرى وكالتنامه لرى عيناً دفتر مخصوصه قيد ايده جكلردر . بونك
اصللرني وبراى تصديق كتير يله جك وكالتنامه لرى بهمه حال ايكي شاهده امضا
ابتدیرملری لازمدر .

توكيل ايده جك اولان كيمسه نك كاتب عدل نژدينه كله مه يه جك قدر بر
معذرت مقبولهسى وار. ايسه كاتب عدل ومعاونلرى اخذ تقرير ايچون محله
كیده بيليرلر. بوتقدیرده درت ليرا خرج عزيمت وغيبوت ايده جكلرى بهر ساعت
وكسورى ايچون برر ليرا اجرت حضور آلورلر . كیده جك اولان ، كاتبلردن
برى ايسه بومقدارك نصفى آلور. كاتب عدلر آلاچقلرى هر نوع اجرت ايچون
مقبوض ويرمكله مكلفدرلر .

رأساً تنظيم ايديش وكالتنامه ايله خارجده تنظيم ايديلوب كاتب عدله
تصديق ابتدیرلرهن وكالتنامه آراسندهكى فرق ، برنجيلر ، كاتب عدل قانوننك
۶۶ نجى مادهسى موجبجه موثوق ومعمول به اولوب ساخته لىكلرى ثابت
اولونجه يه قدر مضمونلر يله بلا بينه عمل اولونور ؛ ايكنجىلك درجه موثوقى
تاريخ وامضايه منحصر اولوب ورقة مصدقه نك مندرجات سائره سنه شامل اولماز .

وكالت عموميه نك بهر امضاسى ايچون يوز ومدعا بهى مذكور اولمايان
خصوصى وكالتنامه لك بهر امضاسى ايچون اوتوز غروش آلور . رأساً تنظيم
اولونالردن آريجه قرقر غروش اجرت تحرير آلور .

وكالتنامه عموميلر يوز غروش وكالتنامه خصوصيلر الى غروش رسم تغايه
تابعدر .

تور كيه خارجنده بولونان كيمسه لك تور كيه يه كوندره جكلرى وكالتنامه لك
محل تنظيم وتصديق تور كيه شهنذرلريدر .

ممالك اجنبیهده نوته رلرك وسائر مراجع مخصوصه رسمیهك محلی اصوله
توفیقاً تنظیم ویا تصدیق ایده جکری وکالتنامه لر تورکیه محاکم ودوائرنده معمول
به اولابیلیمك ایچون امضاك تورك شهبندر ویا مأمور سیاسی طرفندن مصدق
اولسی و او تصدیقده خارجیه وکالتنك دائره مخصوصه سی طرفندن مصدق
اولمسی و تورکیه کاتب عدل لری معرفتیه ترجمه ای دیلد کدن صوکره ابرازی
لازمدر .

محاکم صلحیهده ابراز اولونا جق وکالتنامه لرک ناحیه مجلس ویا اختیارهیئت
طرفندن مصدق اولمسی کافی ویا هر هانکی بر صلح حا کمنه تصدیق ایتدیر یلک
ویا محاکمه به با قاجق اولان صلح حا کمنه وکالتی ضبط ایتدیر مک جائزدر بونلر
ایستیر لسه مؤکلک شخصی تعریف ایتدیره رک تصدیق ایده رلر وهویتلری
کندیلرنجه معلوم ایسه تصدیق حقنده یالکمز مهر رسمیلریله امضالری کفایت
ایدهر .



وظیفه‌دار محکمه

بر دعوانك اقامه‌سندن اول تأمل ایدیلسی اقتضا ایدن مسائلك اكمهملرندن
بری ده‌وایشی رؤیته‌هانی محکمه و یاد اثره‌نك وظیفه‌دار اولدیغنی تعیین ایتك کیفیدر.
اصول محاکمه حقوقيه‌نك برنجی ماده‌سنه‌نظراً محکمه‌لرك وظیفه‌لری تشکیل
محاکم قانونیه معیندر .

وظیفه ، یا ذات مصلحت اعتباریه یا خود مدعاهك مقدار و قیمتته کوره تعیین
ایدرد . مثلاً ، بر جزا دعواسی ذات مصلحت اعتباریه حقوق محکمه‌سی وظیفه‌سندن
خارج و تشکیل محاکم قانونی موجبینجه محاکم اصلیه‌نك جزا دائره‌لرینه عائد اولور .
و معاملات تجاریه‌دن منبعت و یا بین‌التجار متحدت بر دعوانك رؤیتی محکمه
تجارتیه عائد و حقوق دائره‌لرینك وظیفه‌سندن خارج اولور . بونی تعیین ایدن
تجارت قانونیدر .

یا خود قوانین اداره ، مالیه و خصوصیه ایله حلی بعض مراجع ادارهیه و یا
شورای دولته عائد اولان اختلافاتك تدقیق محاکم حقوقيه و تجاریه‌نك وظائفی
خارجنده قالور ؛ بونی اوقوانین مخصوصه تعیین ایدرد .

ایشته بونلر ذات مصلحت اعتباریه وظیفه مسئله‌سی تشکیل ایدرد .

تشکیل محاکم قانوننده محکمه‌نك وظیفه‌سی مدعاهك مقدار و یا قیمتته
کوره تعیین ایدیلش ایسه اشبو قیمت و یا مبلغ محکمه‌نك وظیفه‌سی تعیینده
اساس اولور .

استطراد - تشکیل محاکم قانونی بزده هله صوك سنه‌ارده برچوق تعدیلاته
اوغرامش ؛ متفرق اوافق توفك قانونلرله واقع اولان تعدیلات ایله اصل تشکیل
محاکم قانونی احکامی همان همان قالماش کبیدر .

دیگر قوانین عدلیہ دن اول بالخاصہ اصول محاکمہ قانونندن مقدم احکامی
 برچوق سنہلر ایچون مستقر برتشکیلات محاکم قانونی وجودہ کتیرلملی ایدی ؛
 بویاسیلمادقچہ ، عصری قانونلرہ موافق تشکیلات وجودہ کتیریلدکچہ یکی قانونلردن
 مطلوب اولان فوائدحقیلہ اقتطاف اولونامایاجقدر . اگر اصول محاکمہ دن اول
 اوروپائی برتشکیلات عدلیہ اولسیدی انجمن عدلیہ یکی اصول محاکمہ نک مأخذی
 اولان نوشتاہل اصول محاکمہ سندن برچوق خصوصانده اوزاقلاشدیریحی تصحیحات
 یامغہ واصل محاکمہ تشکیلات حاضرہ یہ اویدیرمغہ مجبور اولمازدی . حالبوکہ
 تشکیلات حاضرہ نک برچوق تأمینادن و اساسات علمیدن محرومیتی اعتباریلہ
 سقامتی قابل تأویل و انکار دکدر . از جملہ فردی و مالی اولارق غیر وارد
 برطاقم ملاحظانہ مستنداً طریق استینافی حذف ایتیمکده قطعاً اصابت یوقدر .

وظیفہ مسائلی تشکیلات محاکم ایلہ معین اولونجہ قانون مذکورک تعدیلاتدن
 صوکرہ کی حالنہ سریع بر نظر عطف اقتضا ایدرہ . بو صورتلہ اصول محاکمہ
 حقوقیہ نک برنجی مادہ سنی آز چوق آکلایابیلیرز .

۵ حزیران ۱۲۹۵ تاریخلی محاکم نظامیہ تشکیلات قانونی برنجی مادہ سندنہ
 (محاکم نظامیہ ایکی نوعدر بری جزا دیکری حقوق محکمہ لریدر . اشبو جزا
 و حقوق محکمہ لری دہ ایکی درجہ در . بریسی بدایت دیکری استیناف محکمہ لریدر .
 بونلرک فوقندہ درسعادندہ بر محکمہ تمیز واردر . مواد جزائیہ دن جنجہ
 وقباحتلہ قابل استیناف اولان حقوق دعوالری ایکی درجہ دہ یعنی بدایہ و استینافاً
 وجنایت دعوالری حقندہ لاحق اولان حکملر قابل استیناف اولمایوب انجق
 تمیزاً رؤیت اولونور . حقوق و قباحت دعوالری دوائر صالحیہ معرفتیلہ
 تسویہ اولونابیلیر .) دیوردی . محاکم شرعیہ نک الفاسی قانونیلہ (نظامیہ)
 وصی و ۴۶۹ نومرولی قانونک (تورکیہ جمهوریتندہ اولاً صورت تشکل
 و درجہ صلاحیتی قانون مخصوصہ تابع محاکم اصلیلہ ثانیاً بولوندقلری قضائک
 نامیلہ توسیم و بر رئیس و درت اعضادن مرکب محاکم جنائیہ واردر . بونلرک
 فوقندہ یالکز محکمہ تمیز بولنور) دیو محرر اولان برنجی مادہ سیلہ لغو

ایدیلد کدن صوکره ۶۶۹ نومرولی قانونک بوبرنجی ماده سی ده ۸۲۵ نومرولی و ۲۶ نیشان ۹۲۶ تاریخی و جزا قانونک مرعیه و ضمه دائر اولان قانونک ۳ یکرمی بشنجی ماده سیله [تورکبه جمهوریتنده اولا صلاحیتی درجه سی قانونیه معین صلح محکمه لری ثانیاً بولوندیغی قضانک نامیه آکیلان و بر رئیس ایله ایکی اعضادن ترکیب اولونان اصلیه محکمه لری واردر. بوزلرک فوقنده تمیز محکمه سی بولنور] شکنده تعدیل ایدیلشدرد.

تشکیلات محاکم قانونک ایکنجی و اوچنجی و دردنجی و بشنجی ماده لری اختیار و ناحیه مجلسلرندن عبارت اولان دوائر صلاحیه وظائفندن باحث اولوب بو ماده لر صلح حاکم لری قانونی و کوی قانونی ایله ملغا اولدیغی کبی یکی اصول محاکمه حقوقیه نک ۵۸۱ نجی ماده سیله صلح حاکم لری قانونک مواد حقوقیه سی ملغادر.

تشکیلات قانونک آلتنجی ماده سی [هر قضاده بر بدایت محکمه سی واردر عدلیه نظارتنک تنسیب ایده جکی هر موقعده برده تجارت محکمه سی بولنور] دییوردی؛ بونک یینه ۶۶۹ نومرولی قانونک [ایجاب ایدن یرلرده محاکم اصلیه متعدد دوائر تقسیم اولنور. بوتقدیرده دوائر رؤسانک بری رئیس اول دیگرلری رئیس ثانی عنواتی حائز اولور. متعدد دوائر منقسم اولان محکمه لرده اتواع مصالحه کوره وظائفک دوائر بیننده توزیعی عدلیه و کالته عائددر.] ایکنجی ماده سی قائم اولمشدر.

تشکیلات قانونک بدنجی ماده سی قضا بدایت محکمه لرینک هانکی موادی رؤیت ایده جکنی مبین اولوب ماده مذکوره ۶۶۹ نومرولی قانونک اوچنجی ماده سیله ملغا ایدی، بوماده دخی مارالذکر ۸۲۵ نومرو قانونک ۲۶ نجی ماده سیله [اصلیه محکمه لری، صلح محکمه لرینک صلاحیتلری خارجنده قالان بالجله حقوق جزا و تجارت دعوالرینی اصول و قانونه توفیقاً قابل تمیز اولمق اوزره کورر] صورتنده تعدیل ایدیلشدرد.

حال حاضرده وصیت و وراثته و حجرو فک حجره و اثبات رشد ووصی عزل نصبه و بوشانما دعوالرندن اول طرفینی صلاحه ترغیه، و صیلره اذن اعطاسنه

ترک لک تجریر و تقسیمه و حصص ارثیه نیک تعینته دائر خصوصات ایله اوچوز لیرایه قدر مقدار و قیمتده بولونان منقول و غیر منقول عین دعوالرینک رؤیتی صاحب حاکم لیرینه عائددر .

۷ تشکیلات قانوننک ۸ نجی ماده سی قضا بدایت محکمه لری قباحت و جنبه درجه سنده بولونان جرائمی بدایه و ناحیه مجلس لرینک قابل استیناف اولان قرارینی استینافاً تدقیق و حکم ایدیه جکندن بحث ایدیور ایدی . بوماده [استیناف محاکمی وظائف ماغادر .] دیه ن ۶۹۹ نومرولی قانونک طقوزنجی ماده سیله ماغا و قضا محکمه لری جنایاتک تحقیقات اولیه سی اصول محاکمه جزائییه و ۱۶ نجی ماده یه توقیفاً اجرا ایتدیره رک مضبوط لر تنظیم ورأس لوا بدایت محکمه سینه ارسال ایدیه جکنه دائر اولان ۹ نجی ماده سی ۶۹۹ نومرولی قانونک [محاکم جنائییه تشکیل اولونمایان یرلرده جنایت دعوالری استثناء محاکم اصلیه ده کوریلیر . انجق بو تقدیرده هیئت موجوده ، ایکی اعضا ملازمی ده ا علاوه اولونور . مواد جنائییه یی رؤیتله مکلف اولان محاکمک دائره قضائییه لری عدلیه و کالتنجه تعین ایدیلیر .] دیه محرر اولان دردننجی ماده سیله ماغا ایسه ده اشبو دردننجی ماده ده ۸۲۵ نومرولی قانونک ۲۷ نجی ماده سیله [جزا قانونی حکمنجه اعدام و مؤبد سورکون جزالریله علی الاطلاق آغیر حبسی و بش سنه دن فضلّه حبس جزالرینی مستلزم جرملره عائد دعوالر اصلیه محکمه لرینک جزا دائره لرنده و موجود هیئته ایکی ملازم ده ا علاوه سیله کوریلیر . جزا دائره لرینک تعددی حالنده بونلردن بری منحصرأ اودعوالری رؤیتله مکلف قیلیر .] شکنده تعدیل و بالاخره آغیر جزا دائره لرینک اعضالرینک عددی دردنن ایکی یه تنزیل ایدیلشدور .

۸ تشکیلات قانوننک تجارت محکمه لرینک اعضای دائمه و تجارتدن اعضای موقته دن صورت تشکله دائر اولان اوننجی ماده سی و بوکا معطوف ذیل قانون تجارتک ۸ نجی ماده سی ۲۹ مارت ۹۲۶ تاریخنده [تجارت محکمه لرنده بر رئیس و ایکی اعضادن مرکب اولان هیئت دائمه ایله رؤیت دعوی اولونور .] صورتنده تعدیل ایدیلشدور .

تشکیلات قانوننک ۱۱ و ۱۲ و ۱۳ نجی ماده لری قضا محکمه لرینک هانکی موادی قابل استیناف اولمق وهانکی لری قابل استیناف اولماق اوزره رؤیت ایده جگنی مبین اولوب بالاده بیان اولوندینی وجهله ۴۶۹ نومرولی قانونک ۹ نجی ماده سیله حکملری قالمامشدر .

۱۴ نجی ماده سی [قضا محکمه سی بر رئیس ایله ایکی اعضادن مرکب] اولاجغنه دائر اولوب سالف الذکر ۸۲۵ نومرولی قانونک ۲۵ نجی ماده سیله معدلدر .

۱۵ نجی ماده ده محکمه نک رئیس و اعضاسنک وظائف اصلیه سی محاکمک نظامات داخلیه سیله معیندر دینلیور . بوباده کی احکام اصول محاکمه قانونلرنده در .

۱۶ نجی ماده ده اعضادن بری محکمه نک باش کتاتی وظیفه سی ایفا و دیگری جنایاتک تحقیقات اولیه سی و احضارنک استنطاقی اجرا ایده جگنه دائر و ۱۷ نجی ماده سی کاتبلردن و وظائفندن باحث اولوب هراییکی ماده ۴۶۹ نومرولی قانونک بشنجی و ۸۲۵ نومرولی قانونک ۲۸ نجی ماده لريله معدلدر .

۱۸ و ۱۹ نجی ماده لری اجرا مأموری ، معاونی و اجرا مباشر لرینه دائر ایدی . ۴۶۹ نومرولی قانونک ۷ نجی ماده سیله [لزوم کوریلن یرلرده اجرا ریاستی ایله اجرا مأمورینه عائد حقوق و صلاحیتی وصفت حا کمیقی حائز اولمق ومنحصراً اجرا معاملاتیه اشتغال ایتک اوزره بر اجرا رئیس ایله بر باش معاون بولونور .] صورتنده تعدیل ایدیلش و حقوق اصول محاکمه لری قانوننک ۵۷۹ نجی ماده سیله ده صالح اجرا وظیفه سنک عدلیه و کالتنک تنسیبیه صالح حاکملرینه تفویض اولونابیله چکی صورتنده بوتعدیلات توسیع ایدیلشدر .

۲۰ نجی ماده قضا محکمه لرینک دواثره صورت تقسیمه دائر اولوب ۴۶۹ نومرولی قانونک ، مندرجاتی یوقاریده کچن ایکنجی ماده سیله معدلدر . ۲ مارت ۱۹۲۷ تارخیلی و ۹۸۱ نومرولی اوج ماده لک بر قانون ایله ۸ نیشان ۳۲۰ تارخیلی قانونک بشنجی ماده سنه مدعی عمومی و مستنطق غیوبتنده رئیس ویا حاکمک تنسیبیه بولنردن برینه عائد وظیفه نک محکمه باش کاتبه کوردیر یله جکی وایجاب ایدن یرلرده اصلیه و صاجیه صلاحیتی حائز اولمق و آیری آیری حقوق و جزا دعوالرینی رؤیت ایتک

ولزومنده بری دیکرینه عائد وظیفه لری کورمک اوزره متعدد حاکم بولوندریله .
بیله جکی صورتنده مواد قانونیه علاوه ایدیلشد .

۲۱ نجی ماده قضاالرده رئیسک غیوبتنده آکادملی اعضانک و اعضایده باش
کاتبک و کالت ایده جکی و ۲۲ نجی ماده تجارت محکمه لرینک وظائفی و صورت تشکیل
و ترتیبی قانون مخصوص ایله معین اولدینی محرر و ۲۳ و ۲۴ و ۲۵ نجی ماده لری لوا
محکمه لرنده کی استینافه متعلق اولوب ۶۹ ۴۶۹ نومرولی قانونک طقوزنجی ماده سی
ایله مفسوخ و اعضا ملازم لرینه دائر اولان ۲۶ و ۲۷ نجی ماده لری ۴۶۹ نومرولی
قانونک بشنجی و بالاخره ۸۲۵ نومرولی ۲۶ نیشان ۹۲۶ تاریخلی قانونک ۲۸ نجی
ماده سیله معدلدر .

۲۸، ۲۹، ۳۰، ۳۱، ۳۲، ۳۳، ۳۴، ۳۵، ۳۶، ۳۷، ۳۸، ۳۹ نجی ماده .
لرینی تشکیل ایدن استیناف فصلی یوقاریده سویله دیکمز وجهله و تمیزدن باحث
اولان دردنجی فصلی ماده ۴۰ دن ۴۳ قدر ۳۰۳ تاریخنده ۱۰ ماده لک برقانون
ایله مفسوخ و اشبو ۱۰ ماده لک قانونک دردنجی و بشنجی ماده سی ۴ نیشان ۳۲۳
تاریخنده و سکزننجی ماده سی کانون ثانی ۳۲۰ تاریخنده و ۷ حزران ۳۳۶ تاریخنده
۴ نومرولی قانون ایله و ۱۴ تشرین ثانی ۳۳۹ ده ۳۷۱ نومرولی قانون ایله و ۸
نیشان ۳۴۰ تاریخنده ۴۶۹ نومرولی قانونک سکزننجی ماده سیله واک نهایت ۱۰
مایس ۹۲۶ تاریخنده ۸۳۴ نومرولی محکمه تمیز تشکیلاتنک توسیعنه دائر قانون
ایله تعدیلاته اوغرا مشدر .

بناءً علیه حال حاضرده تمیز محکمه سی ، اوچ حقوق و اوچ جزا دائره سندن
متشکل و هر برینک وظیفه سی تشکیلاتنک توسیعنه دائر اولان قانون و اصول
محاکمه حقوقیه قانونیه معین اولوب تمیز دائره لرندن هر بری بر رئیس و آلتی
اعضادن ترکیب و بش ذات ایله تشکیل ایده . تمیز هیئت عمومیه سنده کوستریله جک
احتیاج اوزرینه اوچ قدر احتیاط اعضادخی بولونابیلر . دائره رئیس لرینک فوقنده
بر برنجی رئیس و باش مدعی عمومیلک رفاقتنده باش معاون ایله لزومی قدر معاون
بولونور . برنجی حقوق دائره سی ایکنجی و اوچنجی حقوق دائره لرینک وظیفه لری

خارجنده قالان حقوق و تجارت دعوالرینه ایکنجیسی عینی حقار مستنا اولق اوزره شخصی و عائلیه و میراثه متعلق حقوق ایشلریله حقوق و تجارتده علی الاطلاق نقل دعوی و تعیین مرجع خصوصانه و اوچنجیسی یکی اصول محاکمه حقوقیه موجبجه صاحب محکمه لرنجه کوریلن حقوق و تجارت ایشلرینه متعلق حکم و قرارلری تمیزاً تدقیق ایدر . برنجی جزا دائره سی جزا قانوننده اعدام و مؤبد و موقت آغیر حبس و مؤبد سور کون و بش سنه دن فضله حبس و خدمات عامه دن مؤبداً ممنوعیت جزالرینی مستلزم جرملره عائد حکم و قرارلرک مرجع تمیزیدر . ایکنجی جزا دائره سی ، برنجی جزا دائره سنک وظائفی خارجنده قالان جرملره عائد و یا بودعوالره متفرع بالمله حکم و قرارلرک تمیزاً تدقیق و جزاده نقل دعوی و جزا تطبیق قانوننک ۳۶ نجی ماده سی موجبجه تعیین مرجع خصوصاتی ، اوچنجی جزا دائره سی ده قباحث دعوالریله بوتون خصوصی قانونلرده جزایی موجب فعللره و تصحیح سن و قید و اسم و تمغا جزای تقدیمی دعوالرینه متدائر مقررانک مرجع تمیزیدر .

محاکمه لری تمیزه مودوع حاکم و والیرک محاکمه سی فعلک ماهیتنه کوره مماثل فعللرک مرجع تمیزی اولان دائره یه عائد و اورادن صادر اولاجق حکملر جزا هیئت عمومیه سنده تمیز اولونور .

تمیز برنجی رئیس هیئت عمومیه لره ریاست و بو هیئتلره مودوع وظیفه لری تنظیم و اداره ، اعضای دائره لره توزیع ولدی الحاجه ایشی نسبتاً آزا اولان دائره نک بر اعضاسنی ایشی جوق اولان دائره یه موقتاً سوق و محکمه تمیزک انتخاباتنه متعلق ایشلری حقنده و کالتله مخبره ایدر . دائره رئیس و اعضالری برنجی رئیسک کوستره چکی لزوم اوزرینه هیئت عمومیه وظیفه سنده برنجی رئیسه معاونت و معذرتنده رئیسلرک الاقدملیسی آکا و کالت ایدر .

محکمه تمیز هیئت عمومیه سی جزا و حقوق اولق اوزره ایکی قسمدر . جزا هیئت عمومیه سی جزا و حقوق هیئت عمومیه سی حقوق دائره لردن تشکیل ایدر . هر ایکی قسمده کندی عدد مرتب لرنک اوچده ایکی سنک اجتماعیه نصاب مذاکره

و موجودك اوچده ايكيسنك اتفاقيله نصاب اكثریت حاصل اولور . هیئت عمومی ده اكثریت تأمین اولونامایان مسائله او قسمه منسوب اولوب مذاکره به اشتراك اتمه مش اولان اعضا جلب اولونور ؛ بو صورتده ثلثان اكثریت تأمین قابل اولاماز ایسه هرايکی هیئت عمومی دعوت اولونارق اكثریت مطلقه ایله قراره ربط اولونور .

تمیزك ايكی دائره سی ویا بر دائرهنك ايكی قراری آراسنده بر برینك عینی مسئله ده تضاد و مباينت کوریلدیکی ویا تقرر ایتمش بر اجتهادك تبدیله احتیاج حاصل اولدیقی تقدیرده برنجی رئیس متباین اعلاملری ویا اجتهادك تعدیلنه سائق اولان سبیلری متضمن اوراقی جلب و تلخیص و نسخهلرینی تکثیر ایله اجتماعدن لاقول اوچ کون اول هیئت عمومی به توزیع و اجتماع کوننی ده تعیین ایدهر ؛ علاقه دار دائره دخی اعضاسندن برینی اودائرهنك نقطه نظرلرینی تشریح و مدافعه به مأمور ایلر . هر قسمك اوچده ايكيسيله تشکل ایدهنك هیئت عمومی ده وجزا ایشلری باش مدعی عمومینك ده حضوريله تدقیق اولوندقدن صوکره نتیجه ده بو موجودك اوچده ايكيسنك اتفاقيله اتخاذ اولوناجق قرار مائل ایشلرده مابه الامثال اولور . بو مسئله لره برنجی رئیس باش مدعی عمومینك ویا علاقه دار دائره لرك سوقيله مطلع اولایيله چکی کی رأساً دخی وضع ایدهر .

محکمه تمیز قرارلرینه قارشى جزاده تصحیح قرار اصولی بو قانون ایله وضع اولونارق ، حکم و قرارك ذات و ماهیتنه دوغریدن دوغری به مؤثر اولوق اوزره تمیز لایحه سنده ویا تبلیغ نامه ده درمیان اولونان بر خصوصك تمیز اعلامنده مسکوت عنه قالماسی حالنده جاریدر ؛ بو طلب باش مدعی عمومی به عاندر . تدقیقاتی اصل اعلامی ویره ن خصوصی دائره اجرا ایدهر . محلی مدعی عمومیلری مدلل مطالعاته مستنداً باش مدعی عمومینك نظر دقتی جلب ایدهر لر . فقط موجب تصحیح کورمز لر ایسه اعلامك حکمفی تأخیر ایدهر مز لر .

جزا دائره لرندن برینك قرارینه قارشى باش مدعی عمومی اعلامك کندیسنه تودیعی تاریخندن اعتباراً ايكی هفته ظرفنده جزا هیئت عمومی سه نه اعتراض حقفی حائزدر .

ایشته بو احکام تشکیلات محاکم قانوننک تمیز فصلی مقامنه قائم اولمشدر .
 تشکیلات محاکم قانوننک بشنچی فصلنی تشکیل ایدن حکامدن باحث ۴۳ ،
 ۴۴ ، ۴۵ ، ۴۶ ، ۴۷ ، ۴۸ ، ۴۹ ، ۵۰ ، ۵۱ ، ۵۲ ، ۵۳ ، ۵۴ نجی ماده لری حال
 حاضرده مرعی اولان ۳ مارت ۹۲۶ تاریخلی و ۷۶۶ نومرولی [حاکم لقانونی]
 ایله مفسوخدر .

مذکور حاکم لقانونی حاکم لری ایکی صنفه تقسیم ، و برنجیسنده : محاکمه
 اجراسنه مأمور حاکم لره اجرا رئیس لری و معاون لری و مدعی عمومیلره معاون لری
 و مستنظقر ، هیئت تفتیشیه رئیس ، عدلیه مفتش لری ، ذات ، حقوق ، جزا
 ایشلری مدیر لری داخلدر . ایکنجی صنفده ، تمیز حاکم لریله باش مدعی عمومی
 و وکالت مستشاری داخلدر . بو قانون برنجی صنف حاکم لرینی آلتی درجه به
 توزیع ایلمشدر . قضا مدعی عمومی معاونلرکنندن و قضا حاکم لری باشلایان بودرجات
 برنجی مرتبه آغیر جزا ریاستی و محکمه اصلیه ریاستنه قدر کیده . ایکنجی صنف
 حاکم لری ده ۱ - تمیز اعضا لری ، وکالت مستشار لری ، ۲ - تمیز ایکنجی رئیس لری ،
 باش مدعی عمومیلک ، ۳ - تمیز برنجی رئیس لری اولوق اوزره اوج درجه ده
 کوستریلشددر .

بوقانونه کوره حاکم لک صنفه داخل اولابیلیمک ایچون ۱ - تورک اولوق ،
 ۲ - یکریمی یاشنی بیتیرمش اولوق ، ۳ - عسکر لکنی یامش ویا تأجیل ایدیش
 اولوق ، ۴ - ساری خسته لری ویا باشقه برعلقی اولماق ، وظیفه سنی کورمکه مانع
 سقط لقی اولماق ، ۵ - محکمه لردن وریلن قطعی اعلامله آغیر حبس ویا او
 درجه ده بر جزا ایله ویا ناموس و حیثه دو قونور بر جرمدن یا خود وظیفه
 مأموریتی سوء استعمالدن دولایی حبس اینه محکوم ویا سؤ حال حال ایله دیله
 دوشمه مش اولوق ۶ - دارالفنون حقوق فاکولته سنندن ویا حقوق مکتبندن مأذون
 اولوق ، ویا خود اجنبی بر حقوق فاکولته سنندن مأذونیت رؤسنی حائر اولوبده
 حقوق فاکولته سی و مکتبی پروغرام لری نه نظراً نقصان قالان درس لردن بالامتحان
 اهلیتی کوستریر بر تصدیق نامه آلمش بولونمق ، ۷ - بر محکمه یاننده ضبط کتباتی
 وظیفه سنی الک آشاغی آلتی آی یامق صورتیله تطبیقات کورمش اولوق شرطدر .

بو قانونده اوزاق محملرده ایفای وظیفه ایده جک حا کلمره ویریه جک ضم معاش و مدت تقاعدیه لرینه یاپیلاجق مدت ضم لرندن ، مرکز مدیریتلرنده ، مبعوثلقده ، اجنبی حقوق مکتبلرنده و تحصیلده بولونانلرک نه قدر مدت قدم لرینه ضم اولوناجغنه دائر ایضاحات واردر .

بوندن باشقه حا کلمرک انتخاب و ترفیع و تلطیف و تحویل لریه انتخاب انجمننک صورت تشکل و وظائفندن تقدیر و انضباط معامله لریه اصول تحقیق و محاکمه لرندن بحث ایتمکده در .

تمیز محکمه سی حکومت مرکزینه اولندقدده بو انتخاب انجمننه تمیز اعضا لرندن بری ریاست ایده جک و تمیز اعضا لرندن اوچ ذات ایله مستشار هیئت تفتیشیه رئیس ، ذات ، حقوق و جزا ایشلری مدیر لرندن مرکب اولاجقدر . حال حاضرده مستشارک ریاستنده بالاده کی وکالت دوائر مدیرانندن مرکبدر . انتخاب قرارلری وکیل طرفندن اسباب موجب سر دیله رد اولونابیلیر . تمیز حا کلمکی منحل اولدقدده محکمه تمیز هیئت عمومی سی طوبالانارق عدلیه وکیلنک کوندردیکی آلتی نامزد ددن اوچ ذات آروب مضبطه ایله بیلدیریر . وکیل بونامزدلرن برینی ترجیح ایله تصدیق عالی یه عرض ایده در . تمیز دائره لری ریاستلرندن بری منحل اولدقدده باش مدعی عمومی ده داخل اولدیغی حالده هیئت عمومی طوبالانارق اوچ نامزد اراثه ایلر وکیل بونلردن برینی سه چهره . تمیز باش مدعی عمومی سی ، وکیل تمیز حا کلمری ایچندن بالذات تعیین و تصدیق عالی یه عرض ایده در . تمیز باش رئیس ، عدلیه وکیل ایکنجی رئیس لر ایله باش مدعی عمومی آراسندن انتخاب ایده در .

بر حا کمک وظیفه مأموره سندن دولایی تحت محاکمه آلمانسی اول امرده عدلیه وکالتلندن ویریه جک امر اوزرینه تحقیقات اجرا سنه متوققدر مع هذا مفتش لر تفتیش صرا سنده حا کلمرک مخالف قانون افعال و حرکاتنه مطلع اولورلر سه مأذونیت استحصال ایتمکسزین تحقیقات اجرا ایده بیلیرلر . اوراق تحقیقه وکالت کوندربیلیر . تحقیقات صرا سنده شکایت ایدیلن حا کمک توقیفنه لزوم کوریلیر

ایسه منسوب اولماد قلمری آغیر جزا محکمه سنجه ویا اکی یقین آغیر جزا محکمه سنجه توقیف ایدیله بیلیر . وکالتجه اوراق تدقیق ایدیلد کدن صوکره لزوم یا منع محاکمه قرار ی ویریلک اوزره بولوندیغی آغیر جزا محکمه سی دائره سنه اکی یقین بولونان دیگر بر آغیر جزا محکمه سنه کوندریلیر . بومحکمه ، اوراق اوزرنده تدقیقات یابارق برهفته ایچنده قرارینی ویریر . لزوم محاکمه سنه قرار ویریلیر ایسه آغیر جزا محکمه سی حاکملرندن ایسه تمیز محکمه سنه دکل ایسه منسوب اولدیغی آغیر جزا محکمه سنه سوق اولونور .

حاکملرک شخصی جرملری حقنده کی تعقیبات و تحقیقات مظنون علیه آغیر جزا محکمه سی حاکملرندن ایسه اکی یقین آغیر جزا محکمه سی مدعی عمومی ومستنطقه ، دکل ایسه منسوب اولدیغی آغیر جزا محکمه سی مدعی عمومی ومستنطقه و محاکمه لری ده مافوق یعنی تمیز محکمه سنه عائددر .

تمیز حاکملرندن برینک وظیفه و مأموریتنه تعلق ایدن جرمندن دولایی مستنطق صفتیله تحقیقات اجرایی عدله وکالتجه تنسیب ایدیله جک تمیز رئیس لرندن برینه و مدعی عمومیلک وظیفه سی باش مدعی عمومی به عائددر . باش مدعی عمومی حقنده ایسه مدعی عمومیلک وظیفه سی دائره رئیس لرندن بری طرفدن ایفا اولونور . تمیز حاکملرینک جرائم شخصیه لری حقنده ده بواصول جاریدر . جرم مشهود احکام عمومی به تابعدر . بونلر حقنده تحقیقات نتیجه سنده تمیز جزا دائره سنجه لزوم محاکمه قرار ی ویریلیر ایسه اوراق دیوان عالی به سوق ایدیلک اوزره وکالته کوندریلیر . حاکملرک جرملرینه افراد اشتراک ایتمش ایسه حاکملرک مرجع محاکمه و اصول تحقیقنه تابع اولورلر .

ایشته بواحکام تشکیلات محاکم قانوننک بشنجی فصلی مقامنه قئم اولمشدر . تشکیلات محاکم قانوننک مدعی عمومیلر دن باحث اولان ۵۶ ، ۵۷ ، ۵۸ ، ۵۹ ، ۶۰ ، ۶۱ ، ۶۲ ، ۶۳ ، ۶۴ نجی ماده لری ده سالف البیان قوانین ایله تماماً معدلدر .

مدعی عمومیلرک دعاویٰ حقوقیه ده کی وظائفی مبین ۶۵، ۶۷، ۶۸، ۶۹، ۷۱، ۷۰، ۷۲ نجی ماده لری ۴۹۲ نومرولی قانونک ۱۲ نجی ماده سیله الغا ایدیلشدور. آنلردن یالکز ۶۶ نجی ماده نك مدعی عمومینک حقوق محکمه سندن، اوراق طلب ایده بیله جکی حقنده کی فقره ایله مأمور بولوندیغی محکمه دن صدور ایدن حکملرک اجراسنه نظارت ایده جکلرینه دأر اولان ۷۳ نجی ماده نك حکمی باقیدر .

تشکیلات محاکم قانوننک مدعی عمومیلرک حقوق دعوالرنده کی حق ووظیفه لرینه متعلق اولان ماد-لرینک الغاسیله مدعی عمومیلرک حقوق عمومیه یه ، دولته ، قاصرینه ، غائبه ، بر محل اهالیسنه ، عمومه متعلق تأسیساته ، وجوه بره دأر وصیتلره ، حکامک احوالنه و آنلرک تضمینات دعوالرنده ، وظیفه وصلاحیت مسأئلنده بولونمق ومطالعہ بیان ایتمک اصولی قالدیریلشدور .

آنحق بوالغادن صوکره نشر ایدیلن قانون مدنی ایله مدعی عمومیلر بعض حقوق ایشلرنده یکیدن بعض صلاحیتلر اکتساب ایتشلردور .

ازجمله قانون مدینک ۷۱ نجی ماده سیله بر جمعیتک غایه سی قانون یاخود آداب عمومیه یه مغایر اولور ایسه مدعی عمومی اوجمیتک فسختی طلب وادعا ایده بیلیر .

ینه ۱۱۳ نجی ماده سنده [اوله نمه بطلان دعواسی مدعی عمومی طرفندن رأساً اقامه اولونور .] دنیلیور .

کذلک ۲۴۵ نجی ماده سنک صوکره فقره سنده [اوله نمه دن اول قادین کبه قالدینی تقدیرده ، قوجا طانیس اولسه بیله مدعی عمومی ، اونک باباسی اولماسی احتمالی بولمادیغی دعوی واثبات ایده بیلیر .] دنیلمشدور .

و ۲۵۱ نجی ماده سنده [آنا و بابانک قانونی میراثچیلری ایله مدعی عمومی ، نسبک تصحیحنه مطلع اولدقلری کوندن اعتباراً اوج آی ایچنده اعتراض ایده بیلیر .] دنیلمشدور .

بناء علیه خصوصات مذکورہ حقنده محکمه حقوق حضورنده مدعی عمومیلر مدعی اولابیله جکلری کبی صادر اولاجق احکامه قارشی میزده اولابیلملری اقتضا ایده .

بوندن باشقه نفوس قانونه توفیقاً تصحیح اسم و قید و سن دعوالرنده حضوری مشروط اولدینی کی محاکم حقوقیه ده رؤیت ایدیه کلان تمغار رسمی جزای نقدیلرینه متعلق مسائلده ده مطالعه سی آنور . بوصولیتلری ، حکملری هیچ بر قانون ایه الغا ایدیه مش اولان خصوصی قانونلره مستنددر .

تشکیلات محاکم قانونک صوک مبحثی اولان عدلیه مفتشالرنک صورت انتخابلریله وظیفه لرینه متدائر ۷۴ نجی ماده دن ۹۴ نجی ماده یه قدر اولان موادی ، عدلیه هیئت تفتیشیه سی نظامنامه سیله توسیع اولمش و حال حاضرده نظامنامه مذکور تطبیق ایدیلکده بولمشددر .

ایشته تشکیلات محاکم قانونی ایه تعدیل ایدیلن موادینک یرینه قائم اولان مواد و احکام بوندن عبارتدر . کورلیور که موجود قوانین اینجده بوندن ده یامالیسی یوقدر .

شیمدی وظیفه بخننه عودت ایده لم :

یکی اصول محاکمه نک برنجی ماده سی موجبجه محکمه نک وظیفه سی مدعاهک قیمتته کوره تعیین ایدیلش ایسه اشبو قیمت ، دعوانک اقامه ایدیلدیکی کونده کی قیمتته او کونه قدر تحقق ایدن فائض و مصرف و تفرعاتی دخی علاوه ایدیلک صورتیله مدعابه پاره ایسه بونک مقداری و قیمتی بیلدیریلش برشی ایسه طرفینک تصادق ایلدیکی قیمتی و قیمتته اوزلاشامازلر ایسه دعوایی کوره جک اولان محکمه نک تقدیر ایتدیکی ویا ایتدیردیکی قیمتی اساس اولور .

شو قدر که افلاس و حجز معاملاتندن دولایی اقامه ایدیه جک استحقاق دعوالری حقنده کی احکام باقیدر . بونلر ده مدعاهک قیمتته باقیماز . ماده اص ۲۰۱ بر دعواده مدعابه ، متعدد اشیا ویا مختلف مبالغ کی بردن زیاده ایسه مقدار و قیمتلرنک مجموعی اساس و تعیین وظیفه ده قسطاس اولور .

مدعابه برطرفک برینی ایفا ویا استیفاده مخیر اولدینی ایکی ویا فضله شیدن بری ایسه بونلردن هانکیسمک قیمتی فضله ایسه یالکز او نظر دفته آنور .

مثلاً بر کیمسه دیکری ایله اولان بر معامله سی ایجابی اولارق اوکا اوچیوز اللی لیرا قیمتند بر آرابه ویرمک یاخود ایکی یوزاللی لیرا قیمتند بر آت آلمق آراسند حق خیار ی وار ایسه آتی دعوی ایتسه دخی وظیفه دها فضله اولان اوچیوز اللی لیرایه کوره حل اولونور. فقط حق خیار معین بر مبالغ ایله قیمتی معین بر شیئه تعلق ایلدیکی حالده محکمه نك وظیفه سنی تعیینده یالکیز مبالغ اساس اتخاژ اولونور. یوقاریده کی مثالزده آت یرینه ایکی یوز اللی لیرا مبلغ دیمش اولسه ق محکمه نك وظیفه سی فضله اولان آرابه قیمتند کوره دکل ، پاره اولان ایکی یوز اللی لیرایه کوره حل ایدیلک لازم کلیر . ماده ۳

آلاجنک بر قسمی دعوی اولونور سه : مدعا به آلاجنک صوگ قسمی ایسه محکمه نك وظیفه سنی تعیینده مدعا بهک قیمت ومقدارینه باقیلیر . مثلاً بر سنه لک بدل ایجار اولمق اوزره مستأجر دن بیک ایکی یوز لیرا آلاجنی اولان موجر ، صوگ ایکی آیلق اولان ایکی یوز لیرای دعوی ایدیور ایسه صلح محکمه سنه عائد اولور. صوگ ویا ایلک قسم اولدیغندن بحث اتمه یرک بیک ایکی یوز لیرایه محسوباً علی الاطلاق ایکی یوز لیرا دعوی ایدرایسه ویا مدعا به ایلک آیلرک بدل ایجارندن اوچ آیلنی یعنی بیک ایکی یوز لیرا دن اوچیوز لیرای دعوی ایدیور ایسه باقیلور : بورجک تمامی یعنی بیک ایکی یوز لیرا سی حقنده مدعی علیهک بر نزاع واعتراضی یوق ایسه یالکیز مدعا به اوچیوز لیرا تعیین وظیفه ده اساس اولور . فقط بیک ایکی یوز لیرا نك تمامی ده مدعی علیه طرفندن معترض فیه ومنازعه علی ایسه آلاجنک تمامی نظر اعتباره آلنور . ماده ۱ ص ۴

مقابل دعوانك قیمتی اصل دعوانك قیمتندن چوق ایسه مثلاً صلح محکمه سندم اقامه اولونان ایکی یوز لیرالق بر بارکیر دعواسنه قارشى اوچیوز اللی لیرالق بر آرابه دعواسی متقابلاً اقامه اولونور ایسه مقابل دعوانك قیمتی اساس اولور ورؤیتی صلح محکمه سنك وظیفه سندن خارج اولور . ماده ۱ ص ۵

برملکک دیگر ملکه قارشى ارتفاق حق دعوی اولوندیغی تقدیرده وظیفه اشبو حقلک متعلق اولدیغی ادعا اولونان ملکه تأمین ایتدیکی زیاده قیمتله دیگر

ملکه ایراث ایلدیکي نقصان قیمتدن هانکیسی چوق ایسه اونکله تعین ایدهر .
مثلا محمد افندینک احمد افندی علیه اقامه ایلدیکي حق مرور کبی برحق ارتفاق
دعوا سنده باقیلور : محمد افندینک خانه سی حق مرور سز بیک لیرا دکرند
اولوب حق مرور تأمین ایتد کدن صو کره بیک بشیوز لیرا بر قیمت احراز ایتسنه مقابل
واحد افندینک عرصه سی، علیه حق مرور اولقسزین درتیوز لیرا و ضررینه حق
مرور تأسس ایلد کدن صو کره ایکی یوز الی لیرا قیمتند اولاجنی بالتصادق
ویا تقویم ایله تعین ایدهر ایسه مدعابه حق ارتفاق مدعی به تأمین ایلدیکي منفعت
فضله اولدیغندن فضله بشیوز لیرا لاق قیمت محکمه نك تعین وظیفه سنده اساس
اتخاذ اولونور و صلح محکمه سنده اقامه ایدیلش ایسه صلح حاکمی باقاماز . ماده اص ۶

رؤیت و تدقیق بر محکمه به و اداره مقام لرندن برینه عائد بر دعوی محکمه به
عرض اولونور ایسه طرفین اذا ایتسه لر بیله محکمه وظیفه دار اولمادیغنه رأاً
قرار و بر مکله مکفدر . و محکمه اصلیه وظیفه دار اولمادیغنی رأساً نظر اعتباره
آلمازه عند التیمیز طرفین سرد ایتسه بیله محکمه تمیز دوغریدن دوغری به
بوجهتی سبب نقض عد ایده بیلیر . چونکه وظیفه مسائلی انتظام عامه مسائنند .
وظیفه ادعاسی، محاکمه بیتنجه به قدر درمیان ایدیه بیلیر . و محکمه اصلیه حضورنده
سرد ایدیلسه بیله طرق قانونیه ده طرفین وظیفه مسئله سنی سرد و اتیان ایده بیلیر .
بر دعوی محکمه اصلیه ده حکماً حل ایدیلد کدن صو کره دعوانک صاحب
محکمه سنک وظیفه سی داخلنده اولدیغندن بحثله مافوق محکمه سنده اعتراض
اولونا ماز . چونکه دعاوینک اصلاً مرجع رؤیتی محاکم اصلیه در . صلح محکمه سی
محاکم استثنائی نددر ؛ محکمه اصلیه نك صلاحیتی ده واسعدر .

فقط صاحب محکمه سی محکمه اصلیه عائد اولان بر دعوایی رؤیت ایده میه جکندن
ختم محاکمه دن صو کره ده بوااعتراض سرد ایدیه بیایر . ۱ ص ماده ۷

صلح حاکم لری مقدار ویا قیمتی اوچیوز لیرایه قدر اولان آلا جق و منقول
و غیر منقول عین دعوا ریله ایجار مدتی ختم بولش اولان مأجورک تخلیه سنه دائر
طلب لری و قانوناً مصرح سائر دعوا لری رؤیت ایدهر . ۱ ص ماده ۸

تخلیه مأجوره متعلق ایضاحات [بسیط اصول محاکمه] بحثنده کله چکدر.

قانون مدینک صالح حاکمرینه تحمیل ایلدیکی وظائف :

قانون مدینک ۱۰۷ نجی ماده سنه نظرأ اوله نمک اعلانمز اجرایی ویا مدتلرینک تنقیصی صالح حاکمک مساعده سنه متوقفدر .

قانون مذکورک ۲۰۰ و ۲۱۴ نجی ماده لری موجبجه برقادین بر میراثی آنجق

قوجاسنک رضاسیله ردایده بیلوب قوجاسی راضی اولمازسه قاری صالح محکمه سنه مراجعت ایده بیلیر. قانون مدینک ۲۲۵ نجی ماده سنده زوجیندن برینک وفاتی حالنده حیاتده قالانک

متوفان اولان چوقولریله مال اورتاقلغه دوامی صالح حاکمک تنسیبیه متوقف

اولدینی و ۲۲۸ نجی ماده ده اورتاقلقدن چیقماق صلاحیتی کوچوک چوققلرنامه صالح حاکمی طرفندن استعمال اولوناجنی محرر اولدینی کی قانون مدینک

۳۴۷ ، ۳۵۴ ، ۳۵۵ ، ۳۵۷ ، ۳۶۲ ، ۳۶۳ ، ۳۶۴ ، ۳۶۵ ، ۳۶۹ ، ۳۷۰ ،

۳۷۲ ، ۳۷۴ ، ۳۷۵ ، ۳۷۶ ، ۳۷۷ ، ۳۸۰ ، ۳۸۱ ، ۳۸۲ ، ۳۸۳ ، ۳۸۴ ،

۳۸۵ ، ۳۸۷ ، ۳۸۸ ، ۳۹۶ ، ۳۹۷ ، ۴۰۰ ، ۴۰۱ ، ۴۰۲ ، ۴۰۳ ، ۴۰۴ ،

۴۰۵ ، ۴۰۷ ، ۴۰۸ ، ۴۲۲ ، ۴۲۷ ، ۴۲۸ ، ۴۲۹ ، ۴۳۰ ، ۴۳۱ ، ۴۳۳ ،

۴۳۴ ، ۴۳۵ نجی ماده لری موجبجه صالح محکمه سی وصایت عضولرندن معدود

اولان وصایت دائره لردن برنجی مرتبه ده بولونماسی اعتباریله صالح حاکمرینک

وصایت امورنده وظائف معینه سی واردر. اصلیه محکمه لرینک وصایت ایشلرنده

وظیفه لری قانون مدینک ۳۴۹ ، ۳۵۰ ، ۳۵۲ ، ۳۶۰ ، ۳۷۲ ، ۳۷۴ ، ۳۸۸ ،

۴۰۶ ، ۴۱۳ ، ۴۱۴ ، ۴۱۶ ، ۴۲۱ ، ۴۲۷ ، ۴۲۹ نجی ماده لرلیه معیندر .

۴۷۹ و ۴۸۴ نجی ماده لری موجبجه صالح حاکمی رسمی وصیت سندی

تنظیم ایدر واصلاتی ویا صورتی حفظ ایله مکلفدر . و ۴۸۵ نجی ماده ده محرر

اولدینی اوزره ال یازیسیله یازیلش وصیتنامه لری احجایی آچیق ویا قاپالی اولارق

برای حفظ صالح حاکمه تودیع ایده بیلیر .

قانون مدینک ۳۱ ، ۳۸ ، ۸۵ ، ۹۴ ، ۹۶ ، ۱۰۳ ، ۱۲۴ ، ۱۳۲ ، ۱۳۶ ،

۱۴۳ ، ۱۴۷ ، ۱۴۸ ، ۱۵۰ ، ۱۹۰ ، ۲۴۹ ، ۲۹۸ نجی ماده لرنده مطلق اوله رق

حاکم و محکمه تعبیر لرینک صالح حاکم لرله اصلیه حاکم و محکمه لرندن هرا یکسینه مصروف اولدیغنده تردد ایدیلدیکندن عدلیه وکالتنجه ۳ تشرین اول ۹۲۶ تاریخنده بوجه آتی تعمیماً ایضاح ایدیلشدیر: مذکور ماده لر احکامی غائبک، نسب، بوشانما، اولمنه ک بطلانی، اولمنه ک منعی دعوی و مال آریاغنده قاری قوجانک مصرفه اشتراکی کی خصوصاته و احوال شخصیه ک تصحیحی و نشانک بوزولماسندن متولد معنوی تضمینات دعوالرینه متعلق اولوب ۶۶۹ نومرولی قانونک اوچنجی ماده سی موجبنجه خصوصات مذکورده ک فصل ورؤیتی اصلیه محکمه لرینه مودوع اولدینی کی نفوس قانونک ۱۱ نجی ماده معدله سی حکمنه قیاساً احوال شخصیه ک تصحیحی دعوالرینک رؤیتی کذلک محاکم مذکورده عائد بولونمش و نشانک بوزولمسندن متولد تضمینات دعواسنک دخی وظیفه و صلاحیتی قانون مخصوصله معین صالح محکمه لرنده کورلسی قانون مذکور احکامیه قابل تألیف بولنماش اولدیغندن مواد مذکورده محرر حاکم و محکمه تعبیرندن اصلیه محکمه لرینک مراد ایدیلدیکنک، قیم و وصی تعیینندن باحث ۲۹۸ نجی ماده ده محرر محکمه دن دخی قانون مذکورک ۳۶۳ و ۳۷۶ نجی ماده لر صراحتی وجهله صالح محکمه لر مقصود بولوندیغی عدلیه وکالتندن ۳ تشرین اول ۹۲۶ تاریخنده برای تنویر تعمیماً محاکمه تبلیغ قلمشدیر.

میراث ایشلرنده ترکه ک محافطه سی، تمهیر، تحریر و دفتر طوتمه، ترکه ک رسماً اداره سی، میراثچیلر ایچون اعلان، اثبات وراثت، وصیتنامه ک کشادی، تبلیغی، وثیقه اعطاسی قانون مدینک ۵۳۱ نجی ماده سندن ۵۳۹ نجی ماده سنه قدر اولان ماده لر کوره صالح حاکم لرینه عأددر. کذلک رد میراثک تسجیلی، تبلیغی، رد مدتک تمديد و تعیین ۵۴۹، ۵۵۲، ۵۵۳، ۵۵۴، ۵۵۵ نجی ماده لرده محرر اولدینی وجهله صالح حاکم لرینک وظائفنددر. ترکه ک رسماً تصفییه سی، تقسیمی، مزایده سی ۵۷۴، ۵۹۱ نجی ماده لر موجبنجه صالح حاکم لرینه عائد وظیفه لر جمله سندندر.

و بورجلر قانوننك ۲۶۹ نجی ماده سنده محرر اولدیغی اوزره موجرك حبس حقه استناداً كبرالك تأمیننه مقتضی مقداره مستأجر ك اشیا سنی حبس ایتدیرمی ایچون مرجع ، صلح محكمه سیدر .

و بورجلر قانوننك ۳۱۸ نجی ماده سنده نظراً كوچوكلر و محجورلر ایله یاییلان تحریری چیراق مقاوله لرینك معتبر اولابیللمه سی صلح حاكمك موافقته مقترن بولونماسیله ممكن اولدیغندن اذن اعطاسنك مرجعی صلح محكمه سیدر .

اعاده ید ، حق مرور و شرب كبی علی الاطلاق بوندن اول صلح محكمه لرینه عائد اولان و بر غیر منقوله تعلق ایدن دعوالردن مدعا بهك قیمته كوره اوچیوز لیرا و یا ده تقصان قیمتند بولونانلر صلح محكمه لرینه عائددر .

اصول محاكمه نك ۵۶۹ و ۵۶۸ نجی ماده لرند محرر اولدیغی اوزره تقسیم وازاله شیوع دعوالری صلح محكمه لرینك وظائفی جمله سنددر .

افلاس معاملاتى مستثنا اولق اوزره مدعی بهك قیمت و مقداری اوچیوز لیرا و آندن آز اولان تجارت دعوالرینك ده رؤیتی صلح محكمه لرینه عائد رد افلاسك مستثنا اولماسی آنده ژورقومیسری تعیینی ضروری اولوب صلح محكمه سی منفرد حاكم ایله اداره اولندیغندن اووظیفه یی ایفا ایدمك حاكم دیگر اولماسندن و افلاس معاملاتنك خصوصیت حالیه باشلی باشه بر اصوله تابع اوله رق و احكامك مرجع رؤیتی معین اولوب هنوز الغا ایدیللمسندن نشأت ایتمكده در .

بوتفصیلات خارجنده صلح محكمه لرینه قوانین خصوصیه ایله بعض وظائف ویریلش ایسه آنلریده رؤیت ایله مكلفدر . و قوانین مخصوصه ایله بعض موادك رؤیتی مجالس و دوائر اداره یه ویریلش ایسه او قانونلر موجبجه اوایشلر محاكم اصلیه نك وظائفندن خارج قالور .

از جمله شورای دولت قانوننك ۱۵ نجی ماده سنك ۴ نومرولی فقره سنده نظراً شورای دولت اداری دعوالری رؤیت ایدر . و ۱۹ نجی ماده سنده ۱ - رؤیتی محاكم عدلیه نك وظیفه سی خارجنده بولونان مسائل حقنده کی اداری معاملات و مقرراتدن دولایی حقوقی مختل اولانلر طرفندن اقامه اولونان دعوالر ،

۲ - خدمات عمومی بدن برینی ایفا مقصدیه عقد ایدیلن مقاوله لردن دولایی عاقدلر آراسنده تگون ایدن اختلافلر ۳ - اداری قرارلرک تعیین معناسی ، ۴ - اداری مقررات و معاملات حقنده صلاحیت و شکل و اساس و مقصد جهت لردن بریله قانونه یا خود نظامه مخالفتندن دولایی ابطالی ایچون علاقه دارلر جانبندن اقامه ایدیلن اداری دعوالردن وکیللرک ، والیرلرک مقررات و معاملات عاقدلر اولانلر ۵ - اداری مقاملر آراسنده وظیفه و صلاحیتندن متولد اختلافلر شورای دولته تدقیق ورؤیت اولوناجنی و ۲۲ نجی ماده - سنده دعاوی هیئت علمیه سنک رؤیت ایده جکی دعاوی : ۱ - اداری مقام و هیئت لردن صادر اولان معامله و قرارلر حقنده صلاحیت و شکل و اساس و مقصد جهت لردن بریله قانون و یا خود نظامه مخالفتندن دولایی علاقه دارلر طرفندن اقامه اولوناجق ابطال دعوالری ، ۲ - اقتصاد و نافع ایشلری امتیازاتی حقنده کی اختلافات ، ۳ - معادن تصرف و رخصت امتیازاتی حقنده کی اختلافانن عبارت اولدینی و ۲۳ نجی ماده سنده قانوناً معین مرجع قضائیی اولمایان اداری دعوالرک بدایه صورت قطعیده شورای دولته کوریلر جکی محررذر .

محاکم عدلیه ایله شورای دولته شو دعاوی اداره دائره سی آراسنده سلبی و یا ایجابی اختلاف وقوعنده حل ایچون بر مرجع کوستریلدیکنه کوره تعیین مرجع حقنده صوک سوز محکمه تمیزک اولمق کرکدر .

۱۸ مارت ۳۴۰ تاریخلی کوی قانونی موجبجه اختیار مجلسلری ۱ - اون لیرایه قدر اودونج پاره دعوالرینی ، ۲ - اون لیرایه قدر آلم و صاتم و ایجار واجرت و سائر دن آلا جق دعوالرینی قابل تمیز اولماق اوزره قطعی صورتده باقار . و اون لیرادن یوقاری الی لیرایه قدر اودونج پاره دعوالرینی و اون لیرادن یوقاری آلم ، صاتم ایجار ، اجرت و سائر دن آلا جق دعوالردن ایکی طرفی صالحه چالیشورلر . اوزلاشامازلر ایسه و اختیار مجلسنی تحکیم ایده رلر سه عرف و عادتلرینه کوره قرارلرینی ویریرلر . و حکم صقیله حل ایتدکلری مواده قابل تمیز دکلدر .

بناءً علیه بوقانون موجبینجه کویلیر آراسنده متحدث الی لیرایه قدراولان دعوالرده اولا اختیار مجلسنه مراجعت ایتدکجه هیچ برکوبلی دیگر بر کوبلی حقنده بر محکمه یه کیده مز.

بعض قوانین خصوصیه ایله محاکمک وظائفی تعیین ایدر دیمش ایدک، بوکا مثال : رسم ممعا قانونه مستند جزای تقدیلرک مرجع اعتراضی محاکم اصلیه نک حقوق دائره لیدر .

کومروک تعرفه قانونه مذیل ماده خصوصیه کوره مال صاحبیه رسومات اداره سی آراسنده بر مالک تعرفه نک هانکی قسمنده داخل اولدیغنه دائر تحدث ایدر جک اختلافک معین بر حکم قومیسوینده حلی مقتضی اولوب مذکور قومیسویندن صادر اولان مقررات قطعی ونهائی اولدیغندن آندن صوکره تدقیق ورؤیتی محاکم عدلیه نک وظیفه سندن خارج اولور .

وراثت وانتقال ویرکیسی حقنده کی ۷ نیسان ۹۲۶ تاریخلی قانونک ۷ نجی ماده سی موجبینجه ویرکواداره سنک جزاء تعیین وتبلیغ ایدر جکی ویرکوضمندن دولایی مرجع اعتراض صالح محکمه سیدر وقرار قابل تمیز دکلدور .

نته کیم برچوق قوانین خصوصیه مالیه ده محررا احکام جزائیه نک مرجع تطبیقی صالح محاکمی کوسترلمشدر .

اموال غیر منقوله نک تحدید وتحریرینه دائر ۷ شباط ۳۲۸ تاریخلی قانون موجبینجه تحدید وتحریر ائناسنده تحدث ایدر اختلافات قاداترو محکمه وحاکی طرفندن حل و حکمه ربط اولونور . بومقرراته قارشی اون بش کون ظرفنده محکمه اصلیه ده اعتراض اولونور .

عدلی ، اداری ومالی بوقوانین خصوصیه دن ماعدا محاکم اصلیه نک وظیفه وصلاحتیلرینی تقیید ایدر نئردن بریده معاهداتدر . مثلاً تورکیه جمهوریتی کرک لوزان معاهده سیله و کرک مثلاً لهستان ایله منعقد معاهده و مقاوله کبی دها خصوصی مقاوله لرله احکام شخصییه موادنده یعنی نکاح ، اشتراک اموال زوجین ، طلاق ، تفریق ابدان ، جهاز ، ابوت ، بنوت ، تبنی ، اهلیت شخصییه ، رشد ،

وصایت ، قیملک ، حجر و اموال منقولیه متعلق وصیت و یا توارث و یا خود تقسیم و تصفیة ترکه و علی الاطلاق حقوق عائله مسائلندہ تبعه اجنبیه نك منسوب اولدقلری مملکتندہ متشکل محاکم ملیه و یادیکر دوائر ملیه نك حصراً صلاحیتدار اولاجغنی قبول ایتیش ایسه خصوصات مذکورہ نك رؤیتی تورکیه محاکمک وظیفه لرندن خارج قالور .

۳۶۷ نومرولی و ۱ تشرین ثانی ۳۳۹ تاریخی درت ماده لک بر قانون مخصوصه کوره رؤیتی بر محل محکمه و یا دائره عدلیه سنه عائد اولان دعادی و مصالحی دیگر محل محکمه و یا دائره عدلیه سنده موقتاً رؤیت و حکام و مستنظفلر و حاکم معاونلری ایله مدعی عمومیلره وظیفه اصلیه لرینه علاوه وظائف سائره عدلیه بی دخی کذلک موقتاً ایفا ایتدیرمکه عدلیه و کیلی مأذوندر . بو قانونه ۲۵ تموز ۳۳۲ تاریخی قانون ماخادر .

وظیفه نمونه لری

۱

مدعینک دعواسنه قارشى مدعى علیک محکمه نك رؤیت دعوايه
وظیفه دار اولمادیغی اعتراضی محتوی لایحه سی

... محکمه اصلیه سی ریاست علییه

مدعی : ... ده مقیم ... تجاردن ... اوغلی ...

مدعی علیه : ... ده مقیم ... معدنجی ... اوغلی ...

تبلغک موضوعی : دعواى مقامه نك رؤیتی محکمه نك وظیفه سی خارجنده اولدیغنه واساسه دائر نستختین جواب لایحه سیدر .

... ده مقیم ... طرفندن محکمه علیه لرنده علیهمه اقامه اولونان دعوانک

طرفه ۱ سنه تاریخننده کوندریلن استدعا صورتنک مآلنه نظراً بهرطونی اون بش لیرایه اولمق اوزره زونغولداغک ... معدندن و حرمنده موجود بیک طون لاره کومور صاتمئی تعهد ایدهرک ائماننه محسوباً کندیسندن اوچبیک بشیوزلیرا

پاره آلدیغم حالده مشروط مدت ظرفنده بیک طونی اکیال ایتدیگمعدن . . . لیرا
 ضرر وزیان ایله برابر مبلغ مأخوذ کده طرفدن استردادینه متداثر اولوب هر نه قدر
 قانون تجارتک ۱۹ نجی ماده سنک برنجی فقره سنه کوره معدن صاحبک چیقاریلش
 جوهر موجودی بیع ایتسی امور عادیهدن ایسه ده ماده مذکور نک اوچنجی
 فقره سنده چیقاریلش جوهر لری شکل آخره افراغ ویایع ایچون صنایع و تجاری
 بر مؤسسه شکل و اهمیتنی حائز دایمی بر مؤسسه کشاد ایتسی ایسه بر مؤسسه یه حائد
 معاملاتک معاملات تجاریهدن اولاجنی محرر اولماسنه و مستند ادعا اولوب بر صورتی
 طرفه تبلیغ ایدیلش اولان مقاله نامه نک کرک مقدمه سنده و کرک امضا محملرند
 و کاتب عدلاک تصدیق شرحنده . . . خانک . . . قاتنده کی دائرة مخصوصه سنده
 معدنچیلکله اشتغال ایده کلدیکم مصرح و مدعی جانبدن مصدق بولونماسنه و ربطاً
 تقدیم ایلدیکم تجارت و صنایع او طه سنک قیدیه سجل تجارتده محرر و غزیه لر
 ایله اعلان اولونان مؤسسه مک عنوانندن ده آکلاشیله جنی اوزره متصرف اولدیغم
 معدن جوهر لری نه منحصر اولماق اوزره علی الاطلاق معدن کوری تجارتیه متوغل
 دایمی بر تجارت مؤسسه سی صاحبی اولدیغمه و ادعا اولونان تعهدی متضمن مقاله
 دخی بونام ایله واقع اولماسنه بناءً معروض فقره قانونیه یه و اصول محاکمه حقوقیه نک
 برنجی ویدنجی ماده لری نه توفیقاً دعوانک وظیفه جهندن ردینه قرار ویریلسنی طلب ایدرم
 و اشبو وظیفه اعتراضم وارد کوریلدیکی تقدیر ده اساس دعوا یه جواباً ده مقاله یی واثمانه
 محسوباً اوچ بیک بشیوز لیرا مأخوذ ایمی منکر دکلم. آنحق تعیین اولونان مدت ظرفنده
 واقع اولان شدتلی فورطنه لردن دولای زو نغولداغه واپور و شاپلرک اوغرایا ماماسی
 سببیه متباقیسی تحمیل اولونامادینی ویداقتدار مده اولمایان بوموانع مجبره نک فسخ
 مقاله یی موجب ضرر روزیانی مستلزم اولامایاجنی و مانعک زوالندن صوکره کورلری
 کوندر دیکم جهته استرداد ثمن ادعاسی ده وارد اولامایاجغدن اشبولایحه جوابیه مک
 اصلنک دوسیه ده حفظیه صورتنک مدعی یه تبلیغندن صوکره محاکمه مزک اجراسنی
 و معروضات آنفه یه استناد ادعوا سنک ردینه قرار ویریلسنی استدعا ایلرم اقدیم . . . سنه
 . . . ده مقیم معدن
 . . . تجارندن

مدعینک ، بولایحه یه جواب لایحه سی

... محکمہ اصلیه سی مقرونہ داسه سی ریاست علیہ سنہ

مدعی : ... ده مقیم ...

مدعی علیه : ... ده مقیم ...

تبلیغک موضوعی : دعوی مقامه نك رؤیتی محکمہ اصلیه لرینك کویا
وظیفه لری خارجنده اولدیغنه وتأخر تعهدك اسباب مجبره دن نشئت ایلدیکنه
دائر مدعی علیه طرفندن اعطا اولونوب بر صورتی طرفندن تبلیغ قلنان جواب
لایحه سنه قارشی جوابدر .

اولا — وظیفه ادعاسی وارد دکلدر . بن تاجر اولمادیغم کبی مدعی علیه ک
تاجر اولماسی ده مسئله ده حائز تأثیر دکلدر . مقاوله نامه ده محرر اولدینی اوزره کندی
معدنندن خرج وموجود بیک طون کوموری کندی معدنك محصولی اولارق
صائمشد . بر ترلا صاحبی ناصل که تاجرده اولسه آنک حاصلاتی شکل آخره
افراغ ایتمکسزین صاتار ایسه معامله سی معامله عادیه اولیور ایسه بر معدن
صاحبی آیریجه تجارت ایتمسه دخی کندی معدنك خرج وموجود جوهرینی
صاتار ایسه معامله عادیه دن اولور . مومی الیه ک تجارت صفت عارضه سنك حادثیه
تعلق یوقدر . چونکه مؤسسه تجاریه سنك متنوع اولان معاملاتندن بری اولمق
اوزره توصیفنه امکان اولمادیغندن وضعیت آنحق قانون تجارتك ۱۹ نجی ماده سنك
برنجی فقره سنه تماس ایدر . استعمال ایلدیکی عنوانك وتجارت اوطه سنده کی
قیدك بر کونا تأثیری اولماز . بناء علیه وارد اولمایان وظیفه اعتراضك ردینی
طلب ایلم .

اساس دعوا یه دائر اولان جوابه کلنجه : لیانه واپورلرک هر نه سببیه
اولورسه اولسون اوغرایاماماسی عذر مقبول اولماز . چونکه فورطنه لر سببیه
واپورلرک اوغرایاماماسی آنحق بر هفتة دوام ایتمش اوندن اولکی اوچ کون

ظرفنده ایسه بلا مانع تحمیل وسوق ممکن بولونمش اولدیفندن و بوجهتک محل
مذکور لیان اداره سندن استفساری حالده تحقیق ایده چکندن محاکمه مرکز
اجراسیله دعوی عرضحالده طلب ایلدیکم وجهله محکوم ایدیلسنی استدعا ایدرم
افندم . ل . سنه ... ده مقیم ...

محکمه نك قراری صورتی

تورك ملتی نامنه اجرای قضا ایدهن ... محکمه اصلیه سی حقوق دائرة سنك
... ده و ل سنه تاریخی جلسه سنده اعطا ایلدیکی حکمدر .
رئیس : اعضا ... اعضا ... بکالر
مدعی : ده مقیم ... افندی
مدعی علیه ... ده مقیم معدن تاجارندن ...

فقره حکمیه

مدعی ... افندی دعوا سنده مدعی علیه ... افندی ایله مبرز ل سنه
تاریخی مقاله موجبجه زونغولدا قده واقع ... متصرف اولدینی معدنندن
مخرج لاوه معدن کومورندن بهر طونی اون بش لیرادن بیک طون کومور
اشترا ایدهرک بدلنه محسوباً اوچبیک بشیوز لیرا تسویه ایتمش و کومورک ل سنه
تاریخنه قدر استانبوله تسلیمی مشروط بولونمش اولدینی حالده مدت مذکور نك
ختمانندن برهفته صوکره استانبوله سوق ایدیلدیکندن طولانی شرط مقاله یه
عدم رعایتدن ناشی مقاله نك فسخیله ... دن ... لیرا ضرر و زیان مقدار یله
اثمانه محسوباً مأخوذی اولان اوچ بیک بشیوز لیرانک مع مصارف تحصیل واستردادینی
طلب ایتمکده و تعاطی اولونان لوایح دعواده مدعی علیه ادعا اولونان معامله یه
وصفنه نظراً معاملات تجاریه دن منبعث اولان بو دعوانک رؤیتی حقوق
محکمه سنك وظیفه سندن خارج اولدینی و بوکا قارشى مدعی ایسه مدعی علیه

قصد و صفتی نه اولورسه اولسون کندی اراضی و معدنندن خرج و موجود جوهره متعلق اولمق اعتباریه معاملات عادیه نوعندن اولارق قانون تجارتک ۱۹ نجی ماده سنک برنجی فقره سنه تماس ایلدیکنی بیان و ادعا و تحقیقات حاکمک سوقیه معین کونده علناً اجرای محاکمه اولونارق طرفین بونلری تکرار ایتملیله بوخصوص حقه طرفینک باشقه دیه جکری اولمادیفی اکلاشیلدقدن صوکره ختام محاکمه بیلدیریلهرک ایجابی مذاکره اولوندقده مدعی علیه معدن تجارتیه اشتغال و کندی معدنندن استخراج ایلدیکی جواهر معدنیه پی ده دیکر لرلیله معاً قصد تجارتله فروخت و بو معاملات ایله دائمی صورتده توغل ایتمک اوزره بر مؤسسه تجاریه صاحبی بولوندیغی کرک مقاوله ده مندرج توصیفانه و کرک مبرز تجارت اوطه سی و سجل تجارت قید صورتلریله مستبان بولوندیغنه مبنی قانون تجارتک مذکور ۱۹ نجی ماده سنک صوک فقره سی وجهله دعوانک مستندی بولونان معامله معاملات تجاریه دن اولمغله مدعی علیه صفتی نظراً اعتباره آلهرق رؤیتی تجارت محکمه سنه عائد و حقوق دائره سنک وظیفه سنندن خارج بولوندیغنه بناءً اصول محاکمه حقوقیه قانونک ۲۷ نجی ماده سنه توفیقاً دعوانک وظیفه جهتندن ردینه و اوراق دعوانک ... تجارت محکمه سنه ارساله سا سنه تاریخنده و جاهاً و متفقاً ویریلن قرار یوم مذکورده طرفینه علی الاصول تفهیم قلندی محکمه مهری

وظیفه اعتراضک ردینه دائر نمونه

ایجابی لدی المذاکره : ... ده مقیم ... طرفندن تصنیع و ... دائره ابراز و اوزرینه معامله یوروتیلهرک استعمال اولونان و محکمه مزده آچدیغی بر دعوانک استنادکاهنی تشکیل ایدن سا سنه تاریخلی و [.....] مضمونی حاوی بر قطعه مبايعه سندینک ساخته لیکی ... ده مقیم ... طرفندن ادعا و ابطالنه قرار اعطاسی طلب اولونماسندن ناشی یاپیلان تبلیغات تحریریه ده مدعی علیه وکیلی ... طرفندن ویریلان لایحه ده و تحقیقات حاکمک محاکمه ایچون تعیین اولونان کونده علناً جربان محاکمه ده دخی شفاهاً ساخته لک ادعاسی موکلنه

برجرم عطف اتمک ماهیتند اولوب قانون جزانک ۳۴۵ نجی مادهسی موجبجه
مستلزم جزا اولماسنه ومستلزم جزا اولان افعالک مرجع محاکمهسی کرک اصول
محاکمه جزائیه و کرک تشکیلات محاکم قانوننه نظراً محاکم جزائیه عائدو حقوق محاکمک
وظیفه سندن خارج بولوندیغندن ردی طلب اولونمش ایسه ده اصول محاکمه حقوقیه نک
۳۱۴ نجی ماده سنده محرر اولدیغی اوزره رسمی و غیر رسمی هر نوع سندانک ساخته لیکنی
ادعا ایدن کیمسه اصل دعوائی رؤیت ایدن محکمه ده بوا دعاسنی کرک دعوائی
اصلیه و کرک دعوائی حادثه صورتیه اقامه ایده بیله جکی جهتله سرد اولونان
وظیفه اعتراضی غیروارد اولدیغندن ردیه دوام محاکمه به بالاتفاق قرار ویریلدی.

اعضا اعضا رئیس
... ..

محکمک راءاً اتخاذ ایلمیکی عرم وظیفه قراری

ایجابی مذا کره اولوندی : مدعی احمد افندی جانبدن مدعی علیه محمد
و محمود افندی لرله صغیر مصطفایه اضافه و صیسی علی افندی علیه اقامه اولنوب
مدعی عامک مورثلری متوفاهمدی افندینک اولومه باغلی تصرف ایله کندیسنه
وصیت ایلمیکی یدی یوز الای لیرانک ... صلح محکمهسی طرفندن رسماً تصفیه
ایدیلکده اولان ترکّه متوفادن تحصیلنه دائر بولنان دعوانک رؤیتی قانون
مدینک ۵۷۴ و ۵۷۵ نجی مادهلری موجبجه متوفانک صوک اقامتکاهی صلح
محکمه سنه عائد و محکمه مزک وظیفه سندن خارج اولدیغندن دعوانک وظیفه جهتندن
رأساً ردینه و اصول محاکمه حقوقیه قانوننک ۲۷ نجی ماده سینه توفیقاً اوراق
دعوانک مذکور صلح حاکمکنه ارسالنه ... سنه تاریخنده و جاهاً و متفقاً
قرار ویریلدی .

اعضا اعضا رئیس
... ..

صلح حاکمک عرم وظیفه دائر قراری

ایجابی تأمل اولوندی . مدعی ... نک مدعی علیه ... دن طلب و دعوی ایلمیکی
نمن میعدن ایکی یوز سکسان بش لیرایه قارشى مدعی علیه اقامه ایلمیکی عین

عقد بیعیدن متولد درت یوز لیرالق ضرر و زیان دعوای متقابله سنک رؤیتی
 اصول محاکمه حقوقیه نک سکننجی ماده سیله قانون مذکورک [متقابل دعوانک
 مقدار و یا قیمتی اصل دعوانک مقدار و یا قیمتندن چوق ایسه متقابل دعوانک
 قیمتی اساسدر.] دیو محرر اولان بشنجی ماده سنه بناء رؤیتی محکمه مزک
 وظیفه سنندن خارج و محکمه اصلیه عائد اولدیغندن دعوانک وظیفه جهتمندن
 ردیه قانون مذکورک ۲۷ نجی ماده سنه توفیقاً اوراق دعوانک طاقیله
 ... محکمه اصلیه سنه ارسالنه — سنه تاریخنده و جاهاً قرار و یریلهرک طرفینه
 تفهیم قلندی . — سنه ... صالح حاکمی

... مهر



صلاحیتدار محکمه

بردعوائی رؤیتہ وظیفہ دار محاکم متعدد ایسہ عرض اولونا جق دعوائی رؤیتہ موقع وبعض احوال سببیلہ ہانکی محکمہ نک صلاحیتدار اولدیغنی تعیین ایتمک اقتضا ایدہر .

ذات مصلحت اعتباریلہ محاکمک تعیین وظائفی انتظام عامہ مسائلندہر . صلاحیت ایسہ ، صرف مدعی علیہ عائد بر حقدہر ؛ بو حقدن ابتداء و انتہاء فراغت جائزدر . یعنی مقاولہ ایلہ صلاحیتدار محکمہ تعیین اولونا بیلیر و بوتعیین معتبردر . حالبوکہ وظیفہ دار اولمایان بر محکمہ مقاولہ ایلہ مرجع رؤیت اولقی اوزرہ طرفینجہ قبول ایدیلش اولسہ دینہ محکمہ رؤیتندن امتناع ایدہر .

وظیفہ محاکمہ نک ہر حال ودرجہ سندہ درمیان اولونور ودرمیان اولونماسہ دہ رأساً تدقیق و حل اولونور . صلاحیت ایسہ حلی سرد واتیانہ متوقف اولقلہ برابر اعتراضات ابتدائیہ جملہ سندن اولدیغندن اساسہ کیریشلمہ دن اول اتیان ایدیلک ایجاب ایدہر .

یکی اصول محاکمہ حقوقیہ موجبجہ ہر دعوی اقامہ ایدیلدیکی تاریخندہ مدعی علیہک قانون مدنی بہ توفیقاً اقامتکاهی عد اولونان محکمہ سندہ باقیلور ؛ بور ضابطہ در . بونک خارجندہ صلاحیت یا انتخابی یاخود اختیاریدر ویاخود بعض اسباب و ضرورتلرہ مستنداً استثنائیدر .

[اقامہ ایدیلدیکی تاریخندہ] قیدندن مقصد ، اقامہ دعوان صوکرہ مدعی علیہ اقامتکاهی تبدیل ایدر ایسہ بوتبدل مدعی بہ مؤثر اولمایاغنی افادہ در ؛ بوتقدیردہ اقامہ اولونان دعوی دوام ایدہر و اقامہ سی تاریخیلہ تشکیل طرفین اولوندیقی تاریخہ قدر واقع اولان اقامتکاه تبدیلندن دولایی مدعی علیہک صلاحیت اعتراضی مسموع اولماز .

قانون مدنی اقامتگاهی ، بر کیمسه نك یرلشمك یتیله اوطوردینی یر دیه تعریف ایتشدرد .

قانون مدنی احکامنجه بر کیمسه نك عین زمانده بردن زیاده اقامتگاهی اولماز ؛ آنجق تجاری وصناعی مؤسسهلر بوندن مستنادر .

اقامتگاه ایله مسکن ماهیه آیری ، آیری شیئلردرد . اقامتگاه اصول محاکمه قانوننك طرز استعمالنه نظراً بر شخص حقیقی ویا حکمینك مرکز معاملهسی یرلهشمك یتیله اوطوردینی محلدر . مسکن ایسه مجرد ساکن اولدینی یردر . قانون مدنیمزه کوره براقامتگاهك دیکشمسی ، یکیسنك اتخاذینه متوقفدر . بر کیمسه نك اولجه براقامتگاهی موجود اولدینی تعیین ایدیلهمدیکی یاخود ممالك اجنبیهده کی اقامتگاهی ترك ایتکله برابر تورکیده هنوز یکی براقامتگاهه صاحب اولمادینی تقدیرده الیوم ساکن اولدینی محله اقامتگاهی نظریله باقیلور .

منتخب اقامتگاه : محکمه نك صلاحیتی انتظام عامه اساسنه بناءً تعیین ایدیلهمش اولان حالدرده بر شخصك حقیقی اقامتگاهی باشقه بر محله اولسه دخی بر مقاوله نامه ایله اختلاف وقوعنده مرجع محاکمهی تعیینده اساس اتخاذ ایدیلک وهر نوع تبلیغاتی اورایه ایفا ایتدیرمك مقصدیله قبل الحاکمه براقامتگاه انتخاب وارائه ایلدی جائزدر . برده اثنای محاکمهده تعیین ایدیلهرك کوستریله ن اقامتگاه ، منتخب اقامتگاهدر . حکماً اقامتگاه ؛ قوجانك اقامتگاهی فعلاً اولماسه دخی قارینك و آنا بابانك اقامتگاهی ولایتلری آلتنده کی چوجوغلک ، و محکمه نك بولوندینی یر وصایت آلتنده کی کیمسه نك اقامتگاهی عد اولونور که بوده حکماً اقامتگاهدر .

اقامتگاهی بللی اولمایان کیمسه نك قاریسی ویا قوجاسندن آیری یاشامغه مأذون اولان قادین کندیسنه آیری براقامتگاه اتخاذیده بیلیر .

مکتبه دوام ایچون بر یرده بولونمق ویا بر تربیه مؤسسسه سنه ، بر خسته خانهیه ودارالعجزیه ویا بر جزا مؤسسسه سنه قونولمق اقامتگاه اتخاذینی تضمن ایتمز .

قانون مدنینك ۴۹ نجی مادهسی موجبنجه حکمی شخصك اقامتگاهی ، نظامنامه سنده خلافنه حکملر بولونماقجه معامله لرینك تدویر اولوندینی محلدر .

صلح حاکمک اذنی اولمادجه وصایت آلتنده کی کیمسه اقامتگاهنی دیکشیدیره مزه . اقامتگاه دیکشیدیرلیدیکنده صلاحیت یکی اقامتگاهک وصایت دائره لرینه کچر؛ و یکی اقامتگاه اعلان ایدیلیر . ق م ۳۶۲

اصول محاکمه حقوقیه قانونی بالاده کی ، هر دعوی مدعی علیه اقامتگاهی محکمه سنده رؤیت اولونور قاعدرسی که تشکیلات اساسیه قانوننک ۸۳ نجی ماده سیله ده مؤیددر وضع ایله کدن صوکره بو قاعده نک استثنالری نه برر ، برر کوسترمکده در .

مدعی علیه متعدد و سبب دعوی متحد و یا یکدیکرینه مرتبط ایسه و قانون مدعی علیه لک عمومی حقنده مشترک صلاحیتی حائر بر محکمه تعیین ایتمهش ایسه دعوی ، مدعی علیه لردن برینک اقامتگاهی محکمه سنده اقامه اولونور . اتحاده مثال : اوچ کیشینک بر کیمسه یه قارشی متحداً تجاری برعهدهده بولونمالری حالنده مدعی آنلردن برینک اقامتگاهی محکمه سنده دیکر لرینه ده جلب ایتدیره بیلیر . ارتباطه مثال : بر مدعینک تصدیق حجز دعوا سنده مدیون ایله برلکده مدیونک مالی و یا آلاجنی بولونان بر شخص نائی ده جلب و دعوت ایتدیرمسی کبی که شخص ثالث حقنده کی دعوی ایله مدیون علیه نه کی دعوی آراسنده اتحاد یوق ایسه ده ارتباط و علاقه واردر .

ایشته بوموادده مدعی علیه لردن یالکیز بری حقنده اقامتگاه محکمه سی قاعده سنه رعایت اولونمش و دیکرینک ، مدعی علیه کندی اقامتگاهی محکمه سندن غیری بر محکمه یه کیتیمی بالضروره تجویز ایدیلشدر .

آنجق هر هانکی بر کیمسه نک باشقه سنه اذیت و مشکلات ارا نه ایتک قصد و غرضنه قانون و محکمه آلت اولامایاجندن دعوانک مجرد مدعی علیه لردن برینی کندی محکمه سندن باشقه بر محکمه یه کتیرمک مقصدیله تصنیع ایدیلدیکی قرینه حالیه و یادلائل سائر ایله آکلاشیلور ایسه محکمه عدم صلاحیت قراری ویرر . ا ص ۹ قانون بعض احوالده مدعیلری مدعی علیه اقامتگاهی محکمه سیله معین دیکر بر محکم محکمه سنه مراجعتنه بخیر بر اقصشدر .

ازجمله اصولك ۱۰ نجی مادہ سنہ كورہ بر دعوی [مقاولہ نك اجرا اولوناجنی ویا خود مدعی علیہ ویا وکیلی دعوی زمانندہ اورادہ بولونمق شرطیلہ عقدك وقوع بولدینی محل محکمہ سندہ ده] باقیلابیلر .

چونکہ مقاولہ نك اجرا اولوناجنی یعنی برشیک اعمال ویا تسلیم اولوناجنی محلدہ بولونوب تسلیم ایتیمکی اساساً قبول ایتیم اولان مدعی علیہ ایچون او محل محکمہ سندہ حاضر بولونمق بر کلفت اولمادینی کبی محل عقد باشقہ یر اولوبده دعوی زمانندہ مدعی علیہ ویا وکیلی اورادہ حاضر ایسه او محل محکمہ سندہ حاضر بولونمقدن متضرر اولمایاچقلرندن و بر عقدك اثباتی محل عقد ویا مقاولہ نك محل اجرا سندہ ده قولا یلقله ممکن اولدیغندن بواکی حالدہ و محل عقد ایچون حضور شرطیلہ قانون ، مدعی یه حق خیار بخش ایتیمکی فائده لی کورمشدر .

بعض دعوالر ایچون اصول محاکمہ قانونی معین محاکمہ لری منحصراً و بعضیلری مدعینک مخیر لکی ایله صلاحیتدار قیلمش و او دعوالر ده مدعی علیہ لرك اقامتگاهلری اساسندن عدول ایلمشدر ؛ اولنرده شودر :

ترکەنك تقسیمه و قسمتک بطلان و فسخنه و میراثچیلر آراسنده ترکەنك اداره سنہ عائد اعالر بهمہ حال متوفانك اقامتگاهی محکمہ سندہ کوریلر . چونکہ ترکیه متعلق کافہ معاملانك مرکزی مورثك صوك اقامتگاهیدر . اورادہ او ترکیه متعلق تقسیم ایله قسمتک بطلانی وسائرہ کبی میراثچیلر آراسنده تیکون ایدہ جك دعاوینك حلی ده قولا یلقله ممکن اولور .

ترکەدن بر مال حقنده استحقاق دعواسی متوفانك اقامتگاهی محکمہ سیه ترکەنك تحریر و تثبیتی زمانندہ مال نرده بولونور ایسه اورا محکمہ سندہ دخی اقامہ اولونابیلر ؛ مالک بولوندینی یر اثبات مدعا ایچون حائر سهولتدر .

اصول محاکمہ یه کورہ وراثتک اثباتنه ، میراث حصہ لرینك تعیینه متدائر دعوالر میراثچیلرک هر برینك بولوندینی محل محکمہ سندہ دخی رؤیت اولونابیلر .

حجز احتیاطیدن صوکره جز قرارینك مستندی اولان آلا جق دعواسی جز قرارینی ویرن محکمہ دهده اقامہ اولونابیلر . مدعی علیہک محجوز مال لرینك

بولوندینی یر مدعی علیه یا بانجی اولمادیغندن مدعی ایچون ایسه حجز احتیاطینک تصدیق دعواسیله معاً آلاجق ادعاسنک بر محکمه ده رؤیت ایتدیریلسنده فائده ملحوظ اولدیغندن قانون مدعیرلی مخیر بر اقسدر .

غیر منقوله متعلق ملکیت دعوالری قاعده اولارق مدعا به غیر منقولک بولوندینی محل محکمه سنده اقامه اولونور . غیر منقوله متعلق ارتفاق ، ولوموقت اولسه بیله ذی الیدلک ، حق حبس کی دعوالر ایله سببی نه اولور ایسه اولسون غیر منقوله راجع بر عهد ویا منقول اوزرنده بر حقه دائر اولان دعوالر ده ده حکم بویله در . زیرا او محل محکمه سنجه غیر منقولک کشف ومعاینه سی ، دعوا به شهادت و تحقیقات ده قولا یقله یاپیلیر .

مدعا به بردن زیاده غیر منقوله عائد ایسه ایچلرندن برینک بولوندینی محل محکمه سنده اقامه اولونور .

قانون ، دعوای اصلیه نك اقامه اولوندینی محکمه بی دعوای متقابله بی ده باقمه صلاحیتدار قیلمشدر .

بر دعوی مناسبتیه ایکی طرف وکیللرینک اجرت و مصرف ادعای مقدرجه صالح محکمه لرینک رؤیت ایده بیله جکی مواددن اولسه دخی فرعک اصله تبعی و اصل دعوای رؤیت ایده ن محکمه او دعواده کی وکیلک مساعیسی ده ای تقدیر ایده جکی ملاحظه سیله اصل دعوای باقان محکمه ده کوریله جکی تصریح ایدلمشدر .

تورکیه داخلنده معلوم اقامتگاه ای اولمایانلر علیهنده کی مال دعوالری نه تورکیه ده ساکن اولدقلری محل محکمه سنده و تورکیه ده معلوم مسکنلری ده یوق ایسه بالضروره مالنک ویا منازع فیه شئک ویا مطلوبانک رهن کی تأمیناتی وار ایسه مرهونک بولوندینی محل محکمه سنده باقیلیر . مسکنی اولمایانک مالی و منازع فیه شیء ویا مال مرهون کی تأمیناتی ده بولونماز ایسه مدعی دیلدیکی یرده اقامه دعوی ایده ر .

تورکیه ده اقامتکاهی بولونمايان تورک تبعه سی، تورکیه ده ساکن دکل ایسه احکام شخصییه نقطه سندن تورکیه ده کی صوگ اقامتکاهی محکمه سنه و صوگ اقامتکاهی ده یوق ایسه آنقره محکمه سنه تابعدر .

احکام شخصییه دن منبعث اولمایان دعاوی سائر مدعی علیه صوگ اقامتکاهی یوق ایسه معین بر محکمه یه تابع دکلدر .

حقیقی ویا حکمی بر شخصک مختلف محللرده شعبه لری وار ایسه شعبه نك افلاس دعواسی مستثا اولق اوزره - چونکه مرکز اداره نك بولوندیغی محل محکمه سنه عائددر . - شعبه نك بولوندیغی محل محکمه سنه دخی اقامه اولونابیلیر .

شرکت و جمعیتلرک و تأسیسلرک کندی ایشلرینه متعلق اولق اوزره اعضاسی علیه و اعضانک بوصفله یکدیگری علیه اقامه ایده جکلری دعاویه آنجق شرکت یا جمعیت یا خود تأسیسک مرکز اداره سی عداولونان اقامتکاهی محکمه سنه باقیلیر .

سیغورطه مقاوله سندن متولد تضمینات دعواسی سیغورطه اموال غیر منقولیه ویا معین بر یرده قالماسی مشروط اموال منقولیه متعلق ایسه اواموالک بولوندیغی محل محکمه سنه ده اقامه ایدیه بیلیر . یعنی مدعیسی سیغورطه قومپانیاسنک مرکز اداره سنک ویا عاقد شعبه سنک بولوندیغی محل محکمه سیله اموال غیر منقوله ویا اموال منقوله مستقره نك بولوندیغی محل محکمه لرندن برنده اقامه ده مخیردر .

سیغورطه وضعیت ایجابی مستقر اولمایان امواله متعلق ایسه تهلیکه نك حادث اولدیغی محل محکمه سنه ده باقیلا بیلیر .

سیغورطه حیاته متعلق ایسه سیغورطه اولونان شخصک اقامتکاهنک بولوندیغی محللرده ده اقامه اولونابیلیر . یکی اصول محاکمه نك مرعیه وضعندن صوکره بو احکامه منافی سیغورطه مقاوله سنه قونیلایق شرطلره اعتبار اولونمایا جقدر .

بحری سیغورطه لر دن متولد دعاوی ایچون بویه بخیرلک یوقدر . اولنلرک مرجع محاکمه سی قومپانیانک مرکز اداره سیله مقاوله نك اجرا اولوناجنی ویا سیغورطه قومپانیاسنک وکیلی بولونمق شرطیه عقدک وانه اولدیغی محل محکمه سیدر .

فعلدن متولد دعوی فاعلک اقامتکاهی محکمہ سیلہ اوفعلک وقوع بولدیغی محل محکمہ سندن برنده اقامہ سنده مدعی مخیردر .

مأمور ، عسکر ، مکتب طلبہ سی ، عملہ ، چیراق و خدمتچی کبی اقامتکاه اصلیلرندن خارج برمحله موقتاً ساکن بولونانلرک اورادہ کی اقامتلی ، مشغو- لیتلرینه کوره اوزونجه برزمان دوام ایدہ بیلہ جک ایسہ بونلر حقندہ آلاجق واموال منقولہ دعوالری بولوندقلری محل محکمہ سنده دخی باقیلا بیلیر .

اصول محاکمہ حقوقیہ نک صلاحیت بحثندہ کی احکامی تشکیلات اساسیہ ، قانون مدنی ایله سائرعدلی قانونلرک ومعاهدہ لرک صلاحیت حقندہ وضع ایتدکلری احکامی اخلال ایتیز .

قانون مدنی وتجارندہ صلاحیتہ متعلق احکام بروجه آتیدر :

غائبک قراری ایچون صلاحیتدار حاکم ، غائبک تورکیہ دہ کی صوک اقامتکاهی حاکمیدر . اگر غائب تورکیہ دہ هیچ اقامت ایتمه مش ایسہ نفوس سچلندہ مقید بولوندیغی و بوقید یوق ایسہ پدرینک مقید بولوندیغی محل حاکمیدر .

ق م ۳۱

اولہ نمہ نک منعی دعواسی ، اعلان طلبنک واقع اولدیغی محل حاکمی حضور- رندہ اقامہ اولونور . ق م ۱۰۳

اولیلکک فسخی ، بوشانما دعوالرینک مرجع محاکمہ سی دعواچینک اقامتکاهی حاکمیدر . ق م ۱۳۶

نسبک تصحیحی ایچون صلاحیتدار حاکم دعواچینک اقامتکاهی حاکمیدر . ق م ۲۵۰

اولاد ایدینہ معاملاتتی رؤیت ، اولاد ایدینہ کیمسہ نک اقامتکاهی حاکمہ عائددر . ق م ۲۵۶

اولاد طانیمہ نک مرجع اعتراضی ، طانینان کیمسہ نک مقید بولوندیغی نفوس اداره سنک بولوندیغی محل محکمہ سیدر . ق م ۲۹۱ و ۲۹۴

بالباق دعواسی ، مدعینک دوغوم زماننده تورکیه ده کی اقامتگاهنک بولوندینی محل محکمه سیدر . ق م ۲۹۹

آناوچوجوغنک اقامتگاه کی تورکیه خارجنده اولوبده علیهنه بالباق دعواسی اقامه اولونان تورکده اجنبی بر مملکتده ساکن ایسه ، دعوی آنک تورکیه ده مقید بولوندینی محل محکمه سی حضورنده اقامه اولونابیلیر . ق م ۳۰۰

نفقه دعواسی ، مکلفک اقامتگاه کی محکمه سنده اقامه اولونور . ق م ۳۱۶ وصایت ایشلرنده صلاحیت ، کوچوک ویا محجورک اقامتگاهنده کی صالح واصلیه محکمه لرینکدر . ق م ۳۶۱

قیم ، قیملق آلتنه آلیناجق کیمسه نک اقامتگاه کی صالح محکمه سی طرفندن تعیین اولوتور . ق م ۳۸۰

ماللرک اداره سیله مکلف اولان قیم ، اوماللرک اک بیوک قسمی نروده اداره ایدیلور ایسه ویا تمثیل ایدیلن کیمسه نک حصه سنه نروده اصابت ایتمش بولونیور ایسه ، اورانک صالح محکمه سی طرفندن تعیین اولونور . ق م ۳۸۱

وصی ووصایت دائره لرینک اعضاسی ایله خزینه علیهنده کی تضمینات دعوالری علی العاده ضرر وزیان دعوالرینی رؤیت ایدن محکمه ده اقامه اولونور . محکمه اصلیه هیئتنک علاقهدار اولدقلری تضمینات دعوالری اک یقین دیکر بر محکمه اصلیه یه کوندریلیر . ق م ۴۱۳

میراث بالجله ماللره شامل اولمق اوزره متوفانک صوک اقامتگاه کی محکمه سنده آچیلور . اولومه باغلی تصرفلر ، ابطال ، تنقیص ، میراثک تقسیم ، میراث سببی ایله استحقاق دعوالری ده بو محکمه ده کوریلیر ، ۵۱۸

متوفا ، اقامتگاهنک غیری بر محله وفات ایدر ایسه بو محل صالح حاکمی ، متوفانک اقامتگاه کی صالح حاکمه کیفیتکی خبر ویرمکله برابر کندی دائره سنده کی ماللرک محافظه سی ایچون لازم کلان تدبیرلری یاپار .

نقلیه مقاوله سندن منبعث و خساردن متولد نزاع وقوعنده ایکی طرفدن برینک طلبی اوزرینه اشیانک بولوندینی محل محکمه سی ، اواشیانک یدامینه تودیغه

ولزومنده اشیانك حالى تثبيت ايتدكدن صوكره صاتيلاسنه قرار ويره بيلير .
بورجلر قانونى ماده ۴۴۴

بر آنونيم شركتتك تشكلى تصديق ، مركز شركتتك بولوندينى محمله تجارت دعوالرينى رؤيتله مكلف اولان محكمه يه عاؤدر. تجارت قانونى ماده ۲۹۹
آنونيم شركتلك هيئت عموميه يى فوق العاده اجتماعه دعوت ايجون سرمايه شركتتك لاقول اونده برينه حصه دار اولانلرك طلبى مجلس اداره ومراقبلر طرفندن نظر اعتباره آلماندينى حالده حصه دارانك مراجعت ايده جكي محكمه ،
مركز شركتتك بولوندينى محمله كى محكمه تجارتدر . ت ۳۶۹

قانونك احكام صريحه سنه ويا شركت مقاوله سنه مغاير اولان هيئت عموميه قرارلرينك مرجع اعتراضى شركتتك بولوندينى محمله كى تجارت محكمه سيدر .

ت ۳۸۱

بر آنونيم شركتتك حصه سندنده ويا تحويلنده يدى زائل اولان كيمسه نك اثبات ملكيت مرجعى ، شركتتك بولوندينى محل صلح محكمه سيدر . ت ۴۳۶
بر سند تجارى ويا واران ايله مقبوضى ضايع ايدهن صوك حامل ويا آنكله برحق اثبات ايده جك اولان كيمسه نك بوسندك ابطالى حقنده مراجعت ايده جكي محكمه ، سذك تأديه اولوناجنى محمله كى تجارت محكمه سيدر . ت ۶۳۶ و ۸۱۸
بيع تجاريدنه مشترى مبيعه برعيب كشف ايتديكى ويا ميبى سائررهانكى برسبيدن دولايى مقاوله ويا قانون ايله معين شرائطى غير جامع ويا خود نمونه موافق كورمديكى صورتده درحال مراجعتله كشف ومعاينه سنى اجرا ايتديره جكي محكمه ، مبيعك بولوندينى محمله كى تجارت محكمه سى و يوق ايسه صلح محكمه سيدر . ت ۸۱۷
صلاحيتدار اولمايان بر محكمه ده عليه دعوى اقامه اولونان كيمسه اساسه كيريشمزدن اول بوابده اعتراضده بولونماز ايسه او محكمه نك صلاحيتنى قبول ايتمش عد اولونور . شو قدر كه منحصرأ ايكي طرفك آرزولرينه تابع اولمايان مسائل بوندن مستنادر . مثلاً وصايت ايشلرنده صلاحيت ، قاصرينك اقامتكا-هنده كى صلح واصليه محكمه لرينكدر . بصلاحيت طرفينك آرزولريله قابل تبديل

اولمادیغندن محکمه بو نوع دعوالرده ختام محاکمه یه قدر رأساً ویا ایکی طرفدن برینک طلبی اوزرینه عدم صلاحیت قراری ویریر .

محکمه نك صلاحیتدار اولمادیغنی ادعا ایدن طرف صلاحیتدار محکمه بی بیانه مجبوردر .

اساسه کیریشمزدن اول سردی مقتضی اولان و اعتراضات ابتدائیه جمله سندن بولونان صلاحیت اعتراضی اساسه جواب ایچون تعیین اولونان مدته مدعیه تبلیغ اولونور . آنک دخی جوابی آلدقدن سوکره صلاحیت مسئله سی اساس دعوائی رؤیته صلاحیتدار حاکم ویا محکمه طرفدن حل وقراره ربط اولونور . حادثه شکلنده حلی لازم کلان صلاحیت ادعای محکمه یه کلکسزین تحریراً درمیان اولونایلیر .

مدعی علیه صلاحیت اعتراضی محکمه یه کلکسزین تحریراً سردایلش و محکمه ده حاضر بولونماش ایسه قرار صورتی کندیلرینه بیلدیرمک اوزره اتخاذی تاریخنندن اعتباراً نهایت اوچ کون ظرفنده محکمه قلمنه تودیع ایدیلیر ؛ قلمده مباشر معرفتله ویا محل آخرده ایسه بالاستنا به تبلیغ ایلر .

اتخاذ ایدیلن قرار ، صلاحیت اعتراضی شو ویا بو اسبابدن دولایی وارد اولمادیغندن ردینه دائر ایسه مدعی علیه اساس دعوائه لایحه سنده جواب ویرمهش ایسه تحقیقات حاکمک تعیین ایده جکی مدت ظرفنده لایحه ایله جواب ویرمی لزومنه قرار ویریلیر . بو قرار اساس دعوانک حله دائر اولان قرار نهائی ایله برلکده قابل تمیز اولور .

قرار ، صلاحیت اعتراضک قبولیله دعوانک رؤیتنه صلاحیتدار اولمادیغنه متعلق ایسه بوتاریخنندن اعتباراً اون کون ظرفنده مدعی صلاحیتدار محکمه یه مراجعتله مدعی علیه تبلیغات یاپدیرماز ایسه برنجی دعوی اقامه ایدیلمهش عد اولونور .

عدم صلاحیت سببیه رد اولونان دعوانک بوآراده مرور زمان مدتی ختام بولمش ایسه صلاحیتدار محکمه ده مدعی حقنی طلب ایتمک ایچون آلتمش کونلک منضم برمدتن استفاده ایدر . بورجلر ۱۳۷

صلاحیت اعتراضك قبولیله دعوانك ردی قابل تمیزدر .

بورایه قدر بیان ایلدیکمز احکام ، علی العاده اصول محاکمیه تابع مواده جاری اولوب صالح محکمه لرنده و شفاهی اصول محاکمیه تابع اولان مواده صلاحیت اعتراضی اساس دعوايه کریشمزدن اول شفاهاً بیان صورتیله اولور ؛ و دعوی حادثه کی در حال و شفاهاً حل و فصل اولونور . مکرکه حاکم صلاحیت اعتراضك حلی ایچون دلیل ابرازینه لزوم کوریر و بو دلیلک همان ابرازی قابل اولمازسه ، اووقت باشقه کونه تعلیق اولونور . قرار ضبط کاتبه یازدیریلیر ، یاخود قیصه بر مدت ایچنده حاکم طرفندن یازیلوب محکمه قلمنه تودیع ایدیلیر .

سریع اصول محاکمیه تابع مواده [حجر ، رفع حجر و متسارع الفساد و اشیايه متعلق دعوالر کی] مدعی علیه جوابنده صلاحیت کی ابتدائی اعتراض لرینی اساس ایله برلکده در میان ایتمک مجبوریتنده در ؛ فقط صلاحیت اعتراضی اساسدن اول تحقیق و حل اولونور .

بسیط اصول محاکمیه تابع اولان قونفور داتو ، مأجورک تخلیه سی مسئله لرنده و سند رسمی به مستند دعوالرده و قانوناً حاکمک ایکی طرفک ایضاحاتی استماع ایتمکدن صوکره و یا استماع ایتمکسزین محکمه خارجنده قرار ویرلمسی لازم کلان مسئله لرده صلاحیت ادعالری حقنده علی العاده اصول محاکمه قاعده لری تطبیق اولونور .

صلاحیتدار بر محکمه نك بر دعوايه باقماسنه فعلی و یا حقوقی بر مانع جیقیدینی و یا ایکی محکمه نك قضائی حدود لرینک شمولنده تردد اولوندینی و یا ایکی محکمه نك عین دعوانك (وثیقه صلاحیتدار اولدیغنه و یا اولمادیغنه دائر اتخاذ ایتمک لری ایجابی و یا سلبی قرار لر کسب قطعیت ایتمکی تقدیرده تعیین مرجع ایچون مافوق محکمه سنه مراجعت اولونور . اصلیه محکمه لرینک مافوقی ، تمیز محکمه سیدر . تعیین مرجع حقنده تدقیقات اوراق اوزرینه اجرا اولونا بیلیر .

صلاحیت نمونه لری

صلاحیت اعتراضی محتوی رابعه هوایه نمونه سی

استانبول محکمه اصلیه سی برنجی حقوق دائره سی ریاست علیه سنه
 مدعی : ... ده مقیم ... صنعتی اربابندن ... اوغلی ...
 مدعی علیه : ... ده مقیم ... صنعتی اربابندن ... اوغلی ...
 تبلیغ موضوعی : محکمه نك دعواى مقامه یی رؤیته صلاحیتدار اولمادیغنه دائر
 بر صورتی مدعی یه تبلیغ ایدیک اوزره ابتدائی اعتراضی محتوی عرضالدر .

... ده مقیم ... افندی طرفندن محکمه علیه لرینه تقدیم ایدیلوب بر صورتی
 ۱- سنه تاریخنده طرفه تبلیغ اولونان و ترلا سنه کویا طرفندن واقع تجاوزک
 منعی طلبنی متضمن اولان استدعا صورتی مندرجانه نظر آ طرفندن تجاوز ایدیلدی
 ادعا اولونان ترلا چتالجه قضاسی داخلنده ... نام چفتلکده کائن اولوب کرچه
 اقامتگاهم استانبولده ایسه ده غیر منقوله متعلق دعوارک مرجع رؤیتی مدعا به
 غیر منقولک بولوندیجی محل محکمه سی اولدینی حقوق دعوالری اصول محاکمه سنک
 ۱۳ نجی ماده سی حکمی اقتضاسندن اولماسنه مبنی دعوانک رؤیتنه محکمه علیه لری
 صلاحیتدار اولمادیجی جهتله اساس دعوایه جواب ویرمهک مجبور اولمقسزین
 دعواسنک صلاحیت نقطه سندن ردینه قرار ویریلسنی طلب واستدعا ایلم اقدم .
 ۱- سنه استانبول ... محله ده ... نومرولی

خانه ده اصحاب املا کدن

...

بر صلاحیت اعتراضه مدعی نك هوایه

استانبول محکمه اصلیه سی برنجی حقوق دائره سی ریاست علیه سنه
 مدعی : ... ده مقیم ... صنعتی اصحابندن ... اوغلی ...
 مدعی علیه : ... ده مقیم ... » » ... اوغلی ...

تبلیغ موضوعی : مدعی علیه طرفندن محکمه یه ویریلوب بر صورتی طرفه تبلیغ قیلان لایحه ده مندرج صلاحیت اعتراضک غیر ورد اولدیغنه دائر جوابدر .

واقعا مدعی علیه حق مرور ادعایله تجاوز ایلدیکی ترلام چتالجه قضایی حدودی داخلنده ایسه ده دعوانک سبب نشائی وماهیق بر ترلانک حق تملک وتصرفی اولمایوب غیر منقول مذکور اوزرنده مدعی علیه توهم ایلدیکی شکلده حق مروری اولوب اولمادیغنک حل وفصلی طلبندن عبارت اولماسنه ودعوانک مدعی علیه اقامتگاه محکمه سنده رؤیت اولونمق اصل بولونماسنه مبنی غیر وارد اولان صلاحیت اعتراضک ردیه اساس دعوايه جواب ویرمه مجبور طوتولماسنی طلب واستدعا ایلم .

استانبول ... ده مقیم

ل س نه

...

بو بایمه کی قرار

ایجابی لدی المذاکره : حقوق دعوازی اصول محاکمه لری قانوننک ۱۳نجی ماده سنده مصرح اولدینی اوزره حق مرور کبی ارتفاق حقلرینه دائر اولسه ده غیر منقوله متعلق دعوا رک ، غیر منقولک بولوندینی محل محکمه سنده اقامه سی لازم کله جکنه مبنی مدعی علیه بو خصوصه دائر اولان ابتدائی اعتراضی وارد اولغله دعوی مقامه نک عدم صلاحیت نقطه سندن ردیه ل س نه تاریخنده قرار ویریلدی .

دیگر بر صلاحیت اعتراضی

نازلی قضاسی محکمہ اصلہ سی حقور دأرہ سی ریاست علیہ نہ

مدعی : آیدینک ... محله سی اہالیسندن وزراعدن نظام اوغلی احمد
مدعی علیہ : مرکزادارہ سی از میردہ پونطہ دہ آیدین شمندوفر قومپانیاسی
مدیری ...

تبلیغک موضوعی : قومپانیا علیہ نہ اقامہ ایلدیکی دعوانک رؤتی محکمہ نک
صلاحیتی خارجندہ اولدیغہ دائر نیستین صلاحیت اعتراضنامہ سیدر .
آیدینک ... محله سی اہالیسندن وزراعدن نظام اوغلی احمد امضاسیہ
محکمہ علیہ لرینہ ویریلوب بر صورتی از میر محکمہ اصلہ سی واسطہ سیلہ طرفزہ
کوندریلہن دعوی عرضحالی مندرجاتہ نظراً بر ہفتہ مقدم آقشام پوستہ سنی
یابان وما کنیست حلیمی افدینک اداره سندہ بولونان آیدین شمندوفر قومپانیا۔
سنک ۸۷ نومرولی لوقوموتیفندن صچرایان قیغلمجیملردن مدعینک کذرکاھدہ
بولونان ترلاسنده کی بغدایلری یانماسندن دولای بیگ لیرانک قومپانیامزدن تحصیلی
طلب ودعوی اولونمقدہ ایسہ دہ آیدین شمندوفر قومپانیاسنک مرکزادارہ سی
نفس از میردہ کائن اولماسنہ ودعوی ایسہ تضمیناتہ و بناء علیہ ذمتہ متعلق بولونماسنہ
مبنی رؤتی از میر محکمہ سنہ عائد اولدیغندن دعوانک صلاحیت نقطہ سندن ردینہ
قرار اعطا بیورولماسی جواباً طلب واستدعا اولونور افندم . ۱۰ سنہ
از میردہ پونطہ دہ آیدین قومپانیاسی مدیری
...

مدعینک بوکا جوابی

نازلی محکمہ اصلہ سی حقور دأرہ سی ریاست علیہ نہ

مدعی : آیدینک ... محله سی اہالیسندن وزراعدن نظام اوغلی احمد
مدعی علیہ : آیدین شمندوفر قومپانیاسی نامہ مدیری ...

تبلیغك موضوعی : آیدین محكمه سنك رؤیت دعوايه صلاحیتدار اولمادیغنه
دائر مدعی علیه طرفندن ویریلوب بر صورتی طرفه تبلیغ قلنان عرض حاله نستخین
جوابنامه در .

ا سنه تاریخی و نومرولی دعوی عرض حاله مدعی علیه آیدین
شمندوفر قومبانیه سی مدیرینك ویردیکي جواب ا سنه تاریخنده طرفه
تبلیغ قلنمش اولدیغندن جوابی تشکیل ایدن صلاحیت اعتراضلرینه شویله
جواب ویریرم :

هر نه قدر هر دعوانك مدعی علیهك اقامتگاهي محكمه سنده اقامه سی بر قاعده
ایسه ده بو علی الاطلاق اولمایوب حقوق دعوالری اصول محاکمه لری قانونك
۲۱ نجی ماده سنده محرر اولدیغی اوزره حقسنز بر فعلدن متولد دعوانك اوفلك
وقوع بولدیغی محل محكمه سنده ده اقامه سنه جواز ویریش اولماسنه و فعل احراق
ترلانك كائن اولدیغی نازللی قطعه سی داخلنده ایقاع ایدیلسنه مبنی رؤیتنه محكمه
علیه لری صلاحیتدار اولمغله غیر وارد اولان صلاحیت اعتراضلرینك ردیله اساس
دعوايه جواب ویرمه كه دعوت اولونمالرینه قرار ویریلسنی طلب واستدعا ایلم .
ا سنه آیدینك . . . محله سنندن
وزراعدن . . .

قرار صورتی

ایجابی تدقیق اولوندی : فعل احراقك نازللی قضایی حدودی داخلنده
ایقاع ایدیلدیگی ادعا اولونماسنه و حقوق دعوالری اصول محاکمه لری قانونك
۲۱ نجی ماده سنه نظراً مدعی علیه قومبانیانك صلاحیت اعتراضی غیر وارد اولمغله
ردینه و اساس حقنده . . . کون طرفندن جواب ویرمسی لزومك مدعی علیه
تبلیغه قرار ویریلدی . ا سنه

صلاحیت اعتراضک ردینہ دائر دیگر برقرار صورتی

ایجابی مذاکرہ اولوندی : مدعینک جهت قرضدن بشیوز لیرا آلاچق دعواسنه قارشی مدعی علیه ایلك جلسه محاکمده اساسه جواب ویرہ رک مدعاہ ذمتی و مبرز سند زیردہ کی امضایی انکار ایلد کدن صوکرہ تطبیقات اجراسی ایچون محاکمہ نک تعلیق اولوندینی بو کون مدعی علیه طرفندن توکیل ایدیلش اولان آووقات ... افندی کلہ رک مؤکلنک ازمیتدہ مقیم اولدیغنی بیان ایله دعوانک صلاحیت نقطہ سندن ردینی طلب ایلمش ایسہ دہ مدعی علیه اصیل صلاحیت اعتراضی درمیان ایتمکسزین اساسه جواب ویرمش اولدیغندن موکلی طرفندن بو وجهله محکمہ نک صلاحیتی قبول ایدیلد کدن صوکرہ وکیلنک شواعتراضی حقوق دعوالری اصول محاکمہ لری قانوننک ۲۳ نجی مادہ سی موجبہ آرتق مسموع اولامایاجغندن اعتراض مذکورک ردیلہ تطبیق خط وامضا معاملہ سنک قرار سابق دائرہ سندہ دوامتہ قرار ویریلدی . ل سہ

صلاحیت اعتراضک ردینہ دائر دیگر برقرار نمونہ سی

ایجابی تذکر ایدیلدی : مدعی آووقات . . . بک اقامہ ایلدیکی اجرت وکالتدن یوز الی لیرا مطلوبنک تحصیل دعواسنک ایلك جلسه تحقیقندہ مدعی علیہک ، اقامتکاهی ادرمید اولدیغندن بحثلہ دعوانک صلاحیت نقطہ سندن ردی لازم کلدیکنہ دائر اولان اعتراضی ، مبرز اجرت مقاولہ نامہ سندہ وکالتک استانبولده اجراسی واجرت وکالتک استانبولده تأدیہ سی مشروط بولوندیغنه نظر آمدعینک استانبول محکمہ سندہ اقامہ دعوادہ حقوق دعوالری اصول محاکمہ لرینک ۱۰ نجی مادہ سی موجبہ مخیر اولماسنه مبنی غیر وارد اولان اعتراض مذکورک و مبلغ اعتباریلہ دعوانک صلح محکمہ سنہ عائد اولدیغنه دائر اولان وظیفہ اعتراضی ده قانون مذکورک ۱۵ نجی مادہ سندہ محرر اولدیغنی اوزرہ اجرت وکالت دعوالری مقداری نہیہ بالغ اولورسہ اولسون اودعواہ باقان محکمہ دہ کوریلہ جکی ومنشأ ادعاہ بو محکمہ دہ ایفا ایدیلن بر

و کالتک اجرتنه متعلق بولونماسی اعتباریله کذلک غیروارد اولدیغندن بوعتراضنک ردیله مدعی علیک اساس دعوايه جواب ویرمسی لزومنه قرار ویریلرک تفهیم قلندی . ل . سنه

بردعوانک صلاحیت جهنمده رأساً ردیه قرار نمونسی

تورک ملتی نامنه اجرای قضا ایدن ، استانبول محکمه اصلیه سی اوچنجی حقوق دائره سنک ل . سنه تاریخنده ایاصوفیه ده واقع دائره سنده انعقاد ایدن جلسه سنده اتخاذ ایلدیکی قراردر .

رئیس بک اعضا بکلر

قسطنطونینک جیده قضا سنک محله سنده مقیم مرانغوز اصنافندن احمد اوسته طرفندن زوجه سی عایشه خانم بنت مراد غایبنده محکمه مزده اقامه اولونان فسخ نکاح دعوا سنک تحقیقات حاکمک مورود تقریری اوزرینه مدعی علیها مزبورده نک غایبنده جریان ایدن محاکمه سنده مدعی صالح تشبثی حقنده صالح حاکمکنه مراجعت ایدرک تشبثک عقیم قالدیغنه دائر اولان علم و خبری ایله نفوس تذکره سنی و اوله نه عقدی حقنده کی بلدی و نفوس قیدلرینی ابرازدن صوکره زوجه مزبورده نک سببیت ویردیکی تحملسوز امتزاج سزلق حقنده مدعینک ارئه ایلدیکی شهودک استماعنه مباشرت قیلمش ایسه ده لدی التدقیق مدعینک اقامتکاهی قسطنطونینک جیده قصبه سنده اولدیغی کرک نفوس کاغندن و کرک افاده سندن آکلاشلما سنه وقانون مدینک ۱۳۶ نجی ماده سنه نظراً بوشانمه دعوا الرنده صلاحیتدار محکمه دعوا جینک اقامتکاهی محکمه سی اولوب هر نه قدر محکمه یه کله یین مدعی علیها نک صلاحیت حقنده ولو تحریری اولسون برکونا اعتراضی مسبق دکل ایسه ده حقوق دعوا لری اصول محاکمه لری قانونک ۲۳ نجی ماده سنده منحصرراً ایکی طرفک آرزولرینه تابع اولمایان مسائل بوندن مستنادر ؛ محکمه بو نوع دعوا لره ختام محاکمه قدر رأساً و یا ایکی طرفدن برینک طلبی اوزرینه صلاحیت قرار ویریر

دیه محرر بولوندیغنه بناء دعوانك عدم صلاحیت جهندن ردینه ل سنه تاریخنده
قرار ویریلهرك اصولاً تفهیم قلندی .

محکمه مهری

ل

تمیز ایکنجی حقوق دائره سنك

تعین مرمع قراری

... ده مقیم ... طرفدن معطی تعین مرجع استدعاسی مطالعه اولوندی .
خلاصه مندرجاتی ... ده کائن ... دیمکله معروف و ... قضایه مربوط چفتلکه
خود بخود تجاوزله یدمشروعی ازاله ایدن ... ده مقیم ... افندی علیهنه دعوی
اقامه سنه مجبوری حاصل اولمش ایسه ده هر غیر منقوله متعلق دعوانك مرجع رؤیتی
حقوق دعوالری اصول محاکمہ لری قانوننك ۱۳ نجی ماده سی موجبنه غیر منقولك
بولوندیغی محل محکمه سنده اقامه سی ضروری اولوب مدعا به غیر منقولك مربوط
بولوندیغی ... قضاسنده کی تشکیلات عدلیه اخیراً لغو ایدیلهرك یرینه سیار صالح
حاکمی اقامه ایدیلش اولماسنه و مقدار قیمتہ نظرأ بودعوانك رؤیتی محکمه اصلیه به
عائد اولماسنه مبنی تحث ایدن اشبوحقوقی مانعدن دولایی وظیفه دار محکمه نك
قانون مذکورك ۲۵ نجی ماده سنه توفیقاً تعین مرجع صورتیلہ تعینی محکمه تمیزه
عائد اولدیغندن مرجع دعوانك تعینی طلبندن عبارتدر .

خصمنك جوابنامه سنك زبده مالی ده : هیئتمزك مدعی به محکمه تعین وارانہ سی
صلاحیتی موجود و متصور اولامایاجغنه و هر هانکی ایکی محکمه آراسنده کی
صلاحیت اختلافندن صورکه تعین مرجع جائز اولابیلہ جکنه دائردر .

تدقیقات لازمه بالاجرا ایجابی مذا کره اولوندقده : طلب واقع سالف البیان
اصول محاکمہ حقوقیه نك یکرمی بشنجی ماده سنه مستند و مسموع اولماسنه بناء
مدعا به غیر منقولك بولوندیغی محلہ ک یاقین اولان و محکمه اصلیه تشکیلاتی بولوفان
... قضاسی محکمه اصلیه سنك بودعواده مرجع محاکمہ اولاجغنه ل سنه
تاریخنده بالاتفاق قرار ویرلدی .

محکمه مهری

مظاهرات عدليه

بر دعوی اقامه ایتک و حکمه ربط ایتدیرمک ایچون خرج تعرفه سی موجبجه اول و آخر بعض مصرفله قاتلامق مجبورتی واردر . حق وعدلک پاره ایله استحصالی معقول و موافق دکل ایسه ده حقسنز دعوالرله محاکمک اشغالنه میدان ویرمه مک و بویوزدن محکمه نك اختیار ایلدی بی مصارفه قارشولق اولق وایلروده حقسنز چیقاجق طرفدن استرداد ایدیلک اوزره مصارف محاکمه ناميله برپاره آلق ضرورتی واردر .

بی قدرت اولانلرک پاره سنزلقدن حققرینی احقاق واستحصال ایدمه ملری ده موافق معدلت اولماز . بناء علیه بی قدرت اولانلر حقنده مظاهرات عدليه بنحش اولونمشدر .

یپی اصول محاکمه حقوقیه کوره کنديسیله عالمه سنی معیشتجه اهمیتلی ضرورته دوشورمکسنزین مصارف لازمه بی قسماً ویا تماماً ایفادن عاجز اولان کیسه لرله مؤسسات خیریه ، ادعا ومدافعه لرنده ویا اجرائی ویا احتیاطی تدبیرله مراجعتلرنده حقلی اولدقلرینه دائر دلیل کوستیرلر ایسه مظاهرات عدليه نائل اولابیلرلر . دعوی ومراجعترلرینک حقلی اولوب اولمادیغنک لازم التدقیق اولماسی مصرفسنز اولارق حقسنز دعوالر اقامه سنه محل بر اقامق ایچوندر .

بومظاهرات قاعده تورک وطنداش لرینه عاندر . اجنیدلرک مظاهرات عدليه مزه نائل اولابیلملری متبوعلری دولترجه معامله متقابله نك جاری اولدیغنک اثبات ایدیلسنه ویا عهداً مظاهرات عدليه نائیلتری قبول ایدیلش اولماسنه متوقفدر .

مظاهرات عدليه :

- ۱ — پایلاجق بالجله مصارف محاکمه دن موقه معافیت
- ۲ — شاهد واهل خبره مصارفی دولترجه آوانس اولارق ویریلک
- ۳ — مصارف محاکمه ایچون تأمیناندن استثنائیت

۴ — تبليغات اجرت و مصرفلرنده مؤجلت

۵ — دعوانك و كيلله تعقيبى اقتضا ايتديكى حالده اجرت بالاخره ويريلك اوزره و كيل تايمين اولونمق

۶ — اجرا دائره لر نجه آلان بالعموم خرچلر تاجيل ايديلك و مصارف آوانسى اولارق دولتيجه ويريلك

۷ — بالعموم پول رسومندن موقتاً معافيت

۸ — كاتب عدلك تنظيم ايدهجى بالجمله اوراق و صورتلرينك خرچ و رسومندن موقتاً معافيت خصوصلر بنى تايمين ايدهر .

مظاهرت عدليه ، دعوانك اقامه ايديلهجى محكمه دن تحريراً ويا شفاهاً طلب اولونور . اشبو طلبده ، دعوانك خلاصه سيله استناد ايديلهجك اسباب ثبوتيه نك نهدن عبارت اولدينى بيان ايديلك لازمدر . بونكه برابر محلى بلديه سندن ويا هيئت اختياريه سندن آلمش برشهادتنامه ويريلير . شهادتنامه ده طالبك صفت و صنعتيله ثروتك و دولته و يرمكنه اولدينى و يركينك مقدارى وعائله سنك حال و وضعيتى و دعوى مصارفينى تسويه قدرتى اولمادىنى يازملق لازم كلير .

مظاهرت عدليه طلبنه دائر اوراق تمغا و سائر رسومندن معافدر .

اشبو طلب اوزرينه محكمه جه شفاهى مرافعه جريان ايتمكسز ين قبول ويا رد حقنده قرار اتخاذا اولونابيلير . محكمه لزوم كورير ايسه بو خصوصه قرار و يرمه دن اول تشكيل طرفين ايله و شفاهى اصول محاكمه توفيقآده قرار ويره بيلير .

مظاهرت عدليه طلبنك قبول ويا ردينه دائر اتخاذا اولونان قرارلر قطعى اولوب عليه نه هيچ برطريق قانونى به مراجعت اولوناماز .

مظاهرت عدليه انئاي محاكمه ده ده طلب اولونابيلير . بو طلب قبول ايديلير ايسه اولجه باييلمش اولان مصارفه تشميل ايديلز . رد ايديله ن مظاهرت طلبى يكي سبب ظهورنده تكرر ايديله بيلير .

قبول اولندقدن صوکره مظاهرت عدلیه طلبنک اساساً وارد بولونمادینی ویا بالآخره سببک زائل اولدینی محکمه جه تحقیق ایدر ایسه مظاهرت عدلیه نک قبولی حقیقه کی قرار رفع اولونور .

دیگر طرفک محکومیتی حالنده مظاهرت عدلیه قرارندن دولایی استیفا اولونامایان بالجمله مبالغ ، اعلامک اجراسنده بونکله محکوم اولان طرفدن اول باول و صورت ممتازده تحصیل اولونور .

مظاهرت عدلیه نائل اولان کیمسه نک اقامتکاهی دعوائی رؤیت ایدن محکمه نک بولوندینی محله اولمادینی ویا اوشهرده بونک حقوقی محافظه مقتدر وکیل بولونمادینی وکندیسنک بالذات حقوقی مدافعه ایدمه یه چکی آکلاشیلدینی تقدیرده محکمه مناسب کوردیکی ذاتک بالوکاله حرکت ایتسنی امر ایدر . بووکیل کندی اجرت و مصرفی علینه حکم ویریش اولان دیگر طرفدن دوغریدن دوغریه طلب واستحصال ایدمه بیلیر .

مظاهرت عدلیه طلبنه دائر عرضحال نمونه سی

استانبول محکمہ اصلیه سی برنجی حقوق دأرہ سی ریاست علیہ

ربطاً تقدیم ایلدیکم وعده سی حلول ایتش بر قطعه دین سندی موجبجه جهت قرض عایدن دولایی ... ده مقیم ... اصنافندن ... ذمتده یدی یوز اللی لیرا مطلوب اولوب اداسندن امتناع ایتمکده اولان مدیون مرقوم علینه محکمہ علیہ کزده دعوی اقامه وتعیب ایله حکم استحصال واجراسنک متوقف اولدینی مصارف وخرج ورسومی قسماً بیله تسویه واعطایه مالاً قدرتیاب اولامدینمی وطقوز کشیک برعائله می قایقجیلک ایتمکله آنجق کیندیره بیلیمکده اولدینمی و بو اوغورده قایغمی صاندیغمده بنم وعائله مک معیشتی اهمیتلی ضرورته دوشه جکنی وعهده مده هیچ بر ملک اولمایوب کیرا ایله اسکان عائله ایتدیکمی

مبين مراجع لازمه دن مصدق استحصال ايلديكم شهادتنامه دخي مربوط
بولونديغندن اشبو دعواندن دولايي تماماً مظاهرات عدليه نائليتمه قرار اعطا
بيورولماسني استدعا ايلرم اقدم . س . سنه ده مقيم قايتجي
تورك تبعه سندن

...

مظاهرات عدليه حقنده شهادتنامه نمونه سي

... ده مقيم تورك تبعه سندن قايتجي ... نك ينده كي سند موجبنجه ... ده
مقيم . . . ذمتنده مطلوبی اولان يدي يوز الی ليرانك تحصيلنی دعوی ایچون
مقتضى خرج و مصارف رسميه يي اعطادن بالکليه عاجز اولديني جهتله مظاهرات
عدليه استحصالنه تشبث ايده جکندن دولايي وضعيتنی مبین بر قطعه شهادتنامه
اعطاسی طلب اولونديغندن مقیم بولونديني محله هيئت اختياريه سييله ويرکو
اداره سندن اجرا قلنان تحقيقات وتدقيقات نتیجه سنده مرقومك . . . محله نك
... سواقنده ... نومرولی خانه نك برنجی قاتنده اون ليرا بدل ايجار مقابلنده
اوطوردینی و انفاقنه مجبور اولديني زوجه و اولاد و آناسيله معاً افراد عائله سنك
طقوز کيشی به بالغ اولديني و قايتجیقله آنلری مشکلاته کچينديره بيلديکی و باشقه
هیچ برشيله اشتغال ایتدیکی کبی عهده سنده برکونا ملکی مقید بولونمادیني
وسنوی ... عروش قزانچ ویرکوسنه تابع بولونديني بناء علیه بی قدرت و دعواسنده
مظاهرات عدليه نائليته اهل اولديني اکلا شلمغله اشبو شهادتنامه اعطا قانندی .
س . سنه . رئیس . . . نجی بلديه دائره سی

...

مظاهرات عدليه طلبنك قبولنه دائر محکمه نك قراری

... ده مقیم قايتجي . . . طرفندن معطی اشبو عرضحال و مربوطاتی
شهادتنامه ایله دعوانك اسباب ثبوتیه سی تشکیل ایدن دین سندی مطالعه
وتدقیق اولوندی .

مستند دعوی اولان سند اصولی دائره سنده تنظیم و کاتب عدلدن تصدیق ایدیلش اولماسنه و شکلاً معنون و مرسوم اولارق ثبوت حقه کفایتی کورونمکده و مستدعینک قسماً بیله مصارف محاکمه ایله شاهد و اهل خبره مصارفی و تبلیغات اجرت و مصرفلرینی و اجرا خرجلر بیله مصارف ضروریه بی و بالعموم پول رسوم ایفادن عجزی، اصولی دائره سنده یاپیلش تحقیقاته مستند مربوط صلاحیتدار بلدیله دائره سنک شهادتنامه سی مندرجاتندن آکلاشلماسنه مبنی محکمه مزده مستدعینک اقامه ایده جکی اشبو دعوادن دولای تماماً مظاهرت عدلیه نائلیته متفقاً قرار ویرلدی. ا س نه کاتب اعضا اعضا رئیس

مظاهرت عدلیه طلبنک ردینه دائر محکمه قراری

مظاهرت عدلیه طلبنه دائر اولان اشبور خجال ایله مربوطاتی تدقیق و مطالعه اولوندی .

هر نه قدر مستدعینک بی قدرت اولدیغی اصولاً اجرا قیلنش اولان تحقیقاته مستنداً ... دائره بلدیله دن معطی شهادتنامه مآلندن مستبان اولمقده ایسه ده مدعینک اسباب ثبوتیه سی شهود شخصیه دن عبارت وحادثه مدعابه نظرأ شهود شخصیه استماعی جای نظر اولوب خصمی طرفندن دعوانک انکاری حالنده مستدعینک دعواسنی قازانماسی مشکوک اولماسنه و محتمل الاستیفا اولمایان برحق ایچون مستدعیله مظاهرت عدلیه بخشی جائز اولامایا جغه بناءً علی اصول خرجنی ویره رک دعوی اقامه سنده مختار اولق اوزره مظاهرت عدلیه طلبنک ردینه بالاتفاق قرار ویرلدی. ا س نه اعضا اعضا رئیس

ویریلش مظاهرت عدلیه قرارینک رفعنه دائر قرار


ایجابی لدی المذاکره ... ک ... علیه محکمه مزده اقامه ایلدیکی دعوادن دولای ا س نه تاریخی قرار ایله مظاهرت عدلیه نائلیت قراری ویریلش ایسه ده

مدعينك بوكره محكمه يه ويرديكي حجز احتياطي استدعاسنده نائل اولديني مظاهرات
عدليه نك تأمينادن ده استثنائيت بخش ايده جكني بيلمه مسندن ، مالك اولوب امانه
... بانقه ده بولونان اونيفيه اسهامندن . . . يني توديع ايده جكني بيان ايتمسنه
ولدي السؤال من القديم بيك ليرالق اسهامه مالكييتي افاده ايتمسنه ميني استحصال
مظاهرات ايده ركن بو ثروتي كتم ايلديكي وبومقدار اسهامدن يالكز برينك
فروختي ويا بر قاچنك ترهيني حالنده دعوي مصارفني تدارك ايده بيله جكي تظاهر
ايتلس اولديغندن مقدما حقنده ويريله ن مظاهرات عدليه قرارينك رفعنه متفقاً
قرار ويريلدي . ۱ سنه اعضا اعضا رئيس

...

...

...



تأمينات

بعض احوالده و بعض کيمسه لر ايچون بر دعوی اقامه سی تأمينات ارايه سنه متوققدر .

بر دعوا ده و يريله جك تأمينات محكمه نك تقدير ايده جي نقد و يا محكمه جه قبول اولونا جق اسهام و تحويلات و يا غير منقول رهن و يا خود معتبر بر بانقه كفالتی و يا كاتب عدل دن مصدق سندله كفيل ارايه سی صورتيله اولور .

تأمينات ، قانونی بر حقدن زياده طرف ديكر ك شخصى بر حق اولديغدن ايكي طرف تأميناتك نوع و شكلى ، اختلاف و دعوانك حدوشدن مقدمه هر هانكي بر مقاوله نامه لر نه تصريح ايده بيلير لر . بو تقديرده محكمه تأميناتى مقاوله لری موجبجه تعيين ايده ر . مكر كه بعض احوالده تأمينات ارايه سی غير شخصى ملاحظه لر دن متولد اولوب ده قانوناً معين باشقه شكلده تأمينات ارايه سی ايجاب ايده ؛ احوالده تأميناتك شكل و نوعی مقاوله ايله تغيير اولونا ماز .

تور كيه ده قانون مدنی موجبجه اقامتكاھى اولمايان مدعى و يا دعوايه مداخله ايده ن کيمسه ديكر طرفك محتمل ضرر و زيانيله مصارف محاكمه سنه مقابل بالاده كوسترلديكي وجهله تأمينات كوسترمكه مجبوردر .

بوقاعده تحقيقات و محاكمه اشناسنده اقامتكاھى بر اجنبى مملكته نقل ايده نلر حقنده ده جايردر . شو حاله كوره اعطای تأمينات لزومى تور كيه ده اقامتكاھى اولمايان تورك و طنداشلرله اثنای محاكمه ده اجنبى بر مملكته اقامتكاھى نقل ايتمش اولان توركلره شامل اولدينى كي تور كيه ده اقامتكاھى اولمايان و اقامتكاھى نقل ايده ن اجنيلرده شاملدر . انجق معاهده موجبجه بر اجنبى تأمينات ارايه سندن معاف ايسه و يا تأمينات ارايه سندن معافيتى تور كيه ده اموالى بولماسنه و يا مقابله بالمله متوقف ايسه اولبايده كي معاهده احكامى محفوظ و مرعيدر .

تأمینات اراٹھسی لازم کلان احوالده اراٹھ ایدیلهمش اولماسندن دولای
 اراٹھسی لزومنه دائر محکمه قراری استحصال ایلک یاخود دعوانک ردینی طلب
 ایتک دیکر طرفک حقیدر .

فقط بوقیلدن اعتراضات ، اعتراضات ابتدائیه دن اولوب دعوانک اقامه سنی
 متعاقب اساسه کیریشمزدن اول ویا اقامتگاهنی اجنبی برملکته نقل ایده نلر حقنده
 نقل کیفیتک طرفه بیلدیریلسنی متعاقب درمیان ایدیلک لازمدر . عکس حالده
 هر ایکی صورتده تأمینات طلبی حق ساقط اولور .

حاکم طرفندن تعیین اولونان مدت ظرفنده وقرار دائره سنده تأمینات
 ویریلز ایسه ویرمهین طرف محاکمه ده حاضر بولونماش عد اولونور .
 تأمیناتک کافی ویا معتبر اولوب اولمادیغی حقنده کی اختلافلر دعوائی تحقیق
 ایدن حاکم طرفندن حل اولونور .

ارائه تأمینات حقنده حاکم قراری

ایجابی لدی التأمل : مدعی اقامتگاهنی ترسته ده بولونان . . . نام شرکتک
 وکیلی آووقات . . . افندی طرفندن مدعی علیه قومیسو نجی بدروس مانوقیان افندی
 علیه اقامه اولونان مانیفاطوره ائمانندن سکز بیک لیرا آلاحق دعواسنک لایحه
 جوابیه سنده مدعی علیه ، مدعینک تورکیه ده اقامتگاهنی اولماسی سببیه اول امرده
 محتمل ضرر و زیانیله مصارف محاکمهیه مقابل تأمینات اعطاسی لازم کله جکنی لایحه
 جوابیه سنده بیان وایلک جلسه تحقیقیه ده اساسه کیریشمه دن اول دخی تکرار
 درمیان ایلمسنه و مدعینک تورکیه ده اقامتگاهنی اولمادیغی وکیلی طرفندن دخی
 مصدق بولونماسنه مبنی اصول محاکمه حقوقیه نک ۹۷ نجی ماده سی موجبنه
 مدعی علیه محتمل ضرر و زیانیله مصارف محاکمهیه مقابل بشیوز لیرانک لیرانک
 تأمین ایدیلسی لزومنه قرار ویریلدی ۱ سنه تحقیقات حاکمی

تأمیناتك كافی ربا معتبر اولوب اولمادیغی حقنده طرفینك ائتمه فرینك
صورت ملی حقنده تحقیقات ماكنك قراری

ایجابی تأمل اولوندقده : ویریلن قرار دائره سنده مدعی . . . شرکتك
تأمینات اولارق ابراز ایلدیکی مانیفاتوره تاجارندن . . . ده مقیم افندیك مصدق
امضاسنی محتوی کفالتنامه حقنده مدعی علیه وکیل . . . افندی شرکتك بیک
لیرالق کفالت آنچه سنی محکمه وزنه سنه ویا محکمه امرینه بر بائقیه ده بو ایتیمی
لازم کلوب اعتبار اوزرینه مؤسس بر کفالتنامه ك کافی اولامایا جغنی بیان ایله
شکلنه اعتراض ایتکده ایسه ده اصول محاکمه حقوقیه قانوننك ۹۶نجی ماده سنده
کاتب عدلن مصدق کفیل ارأئه سنك جوازی مصرح بولونماسنه بناءً اعتراض
مذکور غیر وارد اولمقله ردیله دوام محاکمه یه قرار ویرلدی .

ل س نه تحقیقات حاکمی

...

تأمینات حقنده کاتب عدلن مصدق کفالتنامه نمونه سی

مرکز اداره سی ترسته ده . . . سوقاقده . . . نومرولی تجارتخانه ده اولوب
تورکیه ده اقامتگاه ی اولمایان . . . نام شرکتك استانبولده مارپوچجیلرده . . . خانه
مقیم قومیسوونجی تورک تبعه سنندن بدروس مانوقیان افندی علیه استانبول
محکمه اصلیه سی ایکنجی تجارت محکمه سنده اقامه ایتدیکی سکز بیک لیرالق
آلاجق دعواسنده حقسنز چیقدفنی تقدیرده مدعی علیه بو یوزدن ترتب ایده جك
ضرر زیان ومصارف محاکمه سنه مقابل بشیوز لیرالق تأمینات ارأئه سی محکمه جه
قرار کیر اولدیغندن اولوجهله ومدعی شرکت دعواسنده حقسنز چیقار ایسه
مدعی علیه بدروس مانوقیان افندی یه بو یوزدن ترتب ایده جك ضرر و زیان
ومصارف محاکمه مقابل اولق اوزره بن زبرده وضع الامضا بشیوز تورک لیراسنه
قدر کفیل وضامن ل س نه . . . ده مقیم مانیفاتوره تاجارندن

...

بالاده کی امضا . . . مقیم تجاردن . . . افندیك امضاسی اولدیغنی و کفالتی
معتبر اولدیغنی تصدیق ایده رز . س . سنه

شاهد

شاهد

. . . ده مقیم تجاردن ده مقیم تجاردن . . .

اشبو کفالتنامه زیرینه کفیل اولارق وضع امضا ایدن مانیفاطوره تجاردن
. . . افندی او طه مزده برنجی صنف تاجر اولارق مقید اولوب مکفول بهی
ادایه بالغاً مبالغ قدرت تجاریه سی اولدیغنی تصدیق اولونور . س . سنه

رئیس استانبول تجارت و صنایع

اوطه سی

. . .

اشبو کفالتنامه زیرنده کی امضا کفیل مومی الیه . . . ک اولدیغنی و کفالتک
معتبر اولدیغنی بر منوال مشروح مقبول الشهاده شاهدان طرفندن بیان اولونمقله
برابر برنجی صنف تاجر اولارق اوطه ده مقید بولوندیغنی و کفالتک شایان اعتبار
بولوندیغنی استانبول تجارت و صنایع اوطه سنجه ده تأیید اولونمسنه بناءً عیناً دفتر
مخصوصه بالقید تصدیق قلندی س . سنه امضا استانبول

. . . دردنجی کاتب عدل

اساسه کیریش کرده صورکه تأییدات مقننه سرد ایبرده اعتراضک
ردینه دار قرار نمونه سی

ایجابی دوشونولدی : لیونده کائن . . . نام فابریقه نک و کیلی آوقات . . .
طرفندن استانبولده محمود پاشاده . . . مغازه ده قازمیرجی . . . افندی علیه
اقامه اولونان بش بیک لیرا اشیای میعه اثمائی دعواسنک برنجی جلسه سنده
مدعی علیه و کیلی لایحه جوابیه سی مائی ایضاح و موکلنک بورجنه محسوباً
موکلنک تأدیاتی اولدیغنی و بوجهی اثبات ایده مهیه جکرندن بو خصوصه یمین

توجیه ایده جکله ایهده دعوانک صلاحاً تسویه سی مأمول اولدیغندن محاکمه نك
بر قاج کون صوکره به تعلیقی طلب ومدعی وکیل موافقت ایتمکله یوم معینه
طرفین وکیللری بالورود آرالرنده صلح یاپیلامادیغنی متحدآبیان ایتدکن صوکره
دیه جکی مدعی علیه وکیلندن صورلدقده مدعی شرکتک استانبولده اقامتکاهی
بولونماسنه مبنی موکلنک ضرر و زیان و مصارف محاکمه سنه مقابل محکمه نك
تعیین ایده جکی مقدارده تأمینات اراؤه سی لازم کلدیکندن اشبو تأمینات اراؤه
ایلدیککی تقدیرده دعوانک ردینه قرار ویریلنی طلب ایئتس ایهده حقوق
دعوالری اصول محاکمه لری قانوننک ۹۸ نجی ماده سی موجبجه اساس دعوايه
کیریشلدکن صوکره اعتراضات ابتدایه دن معدود اولان تأمیناته متعلق اعتراض
مسموع اولامایاجغندن اعتراض مذکورک ردینه قرار ویریلدی لـ سنه

دیگر بر قرار

ایجابی تأمل اولوندی و . . . آراسنده محاکمه ائناسنده مدعینک
تورکیده کی اقامتکاهی رومانیابه نقل ایلدیککی خبر آلان مدعی علیه مدعیدن
تأمینات آلتیاسنی طلب ایتمکله مدعی وکیلنه موکلنک ، مدعی علیه ک محتمل ضرر
و زیاننه و مصارف محاکمه یه مقابل سکز یوز لیرالق تأمیناتک اراؤه ایتمسی لزومی
تفهیم و بو خصوصده کندیسنه اون بش کون مهل اعطا اولندقدن صوکره
محاکمه نك معلق اولدینی . . . کونده طرفین وکیللری . . . و . . . بالورود مدعی
وکیلنک قرار دائره سنده تأمینات اراؤه ایدوب ایتمه جکی صورلدقده موکلندن
بو خصوصده جواب آلامادیغنی افاده ایئتس و تزئید مهلی موجب بر معذرت
سرد ایله مه مش اولسنه بناءً حقوق دعوالری اصول محاکمه سنک ۹۹ نجی
ماده سنه توفیقاً مدعینک محاکمه ده حاضر بولونماش عد اولونماسنه قرار ویریلدی .

تحقیقات حاکمی

لـ سنه

احتیاطی تدبیرلر

و

مهمز احتیاطی

دعوی اقامه‌سندن اول برحقك تأمین استیفاسی ضمننده و بورجلینك مال قاجیرماسنه مدان و یرمه‌مك وثبوت حقه مدار اولق ایچون مدعینك محکمه‌یه مراجعتله مستعجلاً بعض تدابیر اتخاذینی طلبه مساع و یریلشدر .

اصول محاکمه حقوقيه‌نك ۱۰۱ نجی ماده‌سی موجبجه حاکم ایکی طرفدن برینك طلبله دعوانك اقامه‌سندن اول ویا صوکره معین حال و شکلرده احتیاطی تدبیرلر اتخاذینه قرار و یره‌بیلر . اونلرده شودر :

۱ — منقول و غیر منقول ماللرك عینی ، منازع فيه ایسه بونك حجز ویا ید عدله تودیعی .

۲ — منازعه‌لی شیئك محافظه‌سی ایچون لازم کلان هر درلو تدبیرلرك اتخاذی .

۳ — قانون مدنی ایله معین حاللرده نفقه تقدیری .

۴ — آریلق ویا بوشانما دعواسی اوزرینه قانون مدنی موجبجه ایجاب ایدهن موقت تدبیرلرك اتخاذی .

منازع فيه عین غیرمنقول اولوبده محاکمه نتیجه‌سنه قدر مدعی علیه‌ك اونو آلدن چیقارماسنه مانع اولق ایسته‌نیر و عین منازع فيه دائر مقدمه‌بینه ارانه اولونور ایسه محکمه او عین غیرمنقولك حجزینه قراری و یریر و نتیجه‌ محاکمه‌یه قدر آخره صائنامق اوزره قیدینه اشارت ایدیلک ایچون طابو اداره‌سنه یازیلیر .
حجز اولونان عین منازع فيه منقولاتدن ایسه یا بر یرده حبس و توقیفنه یاخود ید عدله تودیعه‌نه قرار و یریلیر .

غیر منقول قیبلندن اولان سفائن و معادنك حیزنده کیفیت حیز، لیمان ویا معادن اداره لرینه اشعار اولونور .

بعضاً محکمه، منازعه لی شیئك محافظه سی ایچون تدابیر سائره اتخاذ ایدره؛ مثلاً منازع فیه بر سوری قویون ایسه اونلرك رعی و حفظی و سودلرینك صاعلقدن صوکره صاتیلار ق ائماننك حفظی کبی محکمه تدابیر اتخاذ و بکچی، چوبان، اداره مأموری کبی اقتضا ایدن معتمدلری تعیین ایدره .

محکمه بر بوشانمه دعواسنك حلنه قدر زوجه سیله چوجوقلرینی بلا نفقه ترك ایدن زوج علیهنه مناسب مقداره نفقه تقدیر و تأمین ایدره .

قانون مدینك ۱۳۷ نجی ماده سی موجبیه حاکم بوشانمادعواسنك حلندن مقدم بالخاصه قادینك اسکان و انفاقنه قاری قوجانك مالی مناسبتلرینه و چوجوقلرك محافظه سنه متعلق موقت تدبیرلری اتخاذ ایلر .

بوشانما ویا آیریلق دعواسی اقامه اولندقدن صوکره قاری قوجان هری بری دعوی دوام ایتدکجه دیکرندن آیری یاشامق حقنی حائر اولدیغندن قاری قوجان بری طلب ایدره و آیری یاشامق کیفیت حقنی اولور ایسه حاکم هانکیسی طرفندن دیکرینك اعاشه سی ایچون نه مقدار معاونتده بولونیلاجغنی تعیین ایدره . ق م ۱۶۲

قوجا، عائله وظیفه لرینی اهل ایدره ایسه قاری قوجانك ماللرینی اداره خصوصنده قبول ایتدکلری اصول نه اولورسه اولسون حاکم، قاری وقوجانك بورجولورینه بورجلرینك تمامینی ویا بر قسمنی قاری به اوده مه لرینی امر ایدره . ۱۶۳

قاری قوجان بری عائله وظیفه لرینی اهل ایدره یا خود دیکرینی تهلکه یه، خجالتیه ویا ضرره معروض بر اقیرایسه متأثر اولان طرف حاکمك مداخله سی و اتخاذ تدابیر ایلمسی طلب ایده بیلیر . بوتقدیرده حاکم قباحتلی اولان طرفه وظیفه لرینی اخطار ایلر؛ و بواخطار ثمره سز قالور ایسه برلکك منافعی صیانه قانونده معین تدبیرلری اتخاذ ایدره .

آنا ویا بابانك باشقه سیله اوله نمنسی ، باشقه یره کیتمنسی ، اولوم کبی برحالك
تخدشده حاکم راساً ویا آنا بابادن برینك طلبی اوزرینه حادثه نك اقتضا ایتدیکی
تدبیرلری اتخاذ ایلر .

بوشانمه ویا آریلق وقوعنده حاکم آنا و بابایی دیکلد کدن صوکره حق
ولایتك استعمالنه و آنا بابا ایله چوجوقلر آراسنده کی شخصی مناسبتلره دائر
اقتضا ایدن تدبیرلری اتخاذ ایدر .

قاری قوجادن بری اوله نمنك کندیسنه تحمیل ایتدیکی وظیفه لری ایفا
ایتمه مک مقصدیله دیگر برنی ترك ایتدیکی و یا بحق بر سبب اولمق سزین اوینه دوئمده کی
تقدیرده آریلق الك آز اوج آی سورمش ودوام ایتمکده بولونمش ایسه دیگر
بوشانما دعواسنده بولنمان مقدم حاکمه مراجعتله ، دیگر طرفه برآی ظرفنده
اوینه عودت ایتمنی اخطار ایتدیریر . بواخطاری حاکم عدالایجاب اعلان
صورتیله ده یاپار .

بوتون بونلر ، احتیاطی تدابیر جمله سندندر .

ذکر ایتدیکمز خصوصاتدن ماعدا قانون مدینك تصریح ایلدیکی احواله
حاکم احتیاطی وموقت تدبیرلر اتخاذ ایدر از جمله :

آنا و بابا وظیفه لرینی ایفا ایتدکلری تقدیرده حاکم ، چوجو غك حمایه سی
ایچون مقتضی تدابیری اتخاذ ایلر . ق م ۲۷۲

چوجو غك بدنی ویا فکری تکاملی تهلیکده بولونور ویا چوجو غك معناً
متروک برحاله قالور ایسه حاکم چوجو غی آنا و بابادن آلاق بر عائله نزدیکه
ویا بر مؤسسه یه یرلشدیره بیلیر .

چوجو غك شرتلکی حسیله آنا بابانك امرینه قارشى کلکده تمرد ایدر
ایسه مؤثر باشقه بر اصلاح چاره سی بولونمادینی تقدیرده عین تدبیرلر آنا بابانك
طلبی اوزرینه حاکم طرفندن اتخاذ ایدیلیر . مصرف لرینی آنا بابا و چوجو غك
تسویه دن عاجز ایسه دولتجه تأدیه اولونور . ق م ۲۷۳

آنا بابا اداره وانتفاع حقارینک کندیلرینه یوکلندیکی وظیفه لری یامادق لری صورتده حاکم چوجوغک منفعتی محافظه ایچون مقتضی تدبیرلری اتخاذ ایدر. ق م ۲۸۵ و سینک تعیینندن اول بعض ایشلرک کوریلسی ضروری ایسه صلح محکمه سی لازم کلان تدبیرلری یاپار. از جمله حجر ایدیلرک کیمسه بی مدنی حق لری استعمالدن موقتاً منع و آکا بر مثل تعیین و اعلان ایدر. ق م ۳۷۰

تاخرده تهلیکه وار ایسه صلح محکمه سی وصی به موقتاً ایشدن آل چکدیره بیلیر. ایجابنده وصی بی توقیف و ماللرینی حیز ایتدیره بیلیر. ق م ۴۳۰ صلح محکمه سی، عزله توسل و انضباطی جزادن ماعداد و وصایت آلتنده کی کیمسه نک منفعتی ایچون مقتضی تدبیرلری ده اتخاذ ایله مکلفدر. ق م ۴۳۱

متوفانک صولک اقامتکاهی صلح حاکمی، ترک نک محافظه سی و حق صاحب لرینه وصولی تأمین ایچون لازم کلان تدبیرلری دوغریدن دوغری به یانمغه مجبوردر. بو تدبیرلر بالخاصه قانونده معین حالرده ترکیبی مهرله مک، دفتره کچیرمک، دوغریدن دوغری به اداره، و وصیتنامه لری آچق کبی شیئلردر. متوفا اقامتکاهنک غیری محله وفات ایدر ایسه بو محل صلح حاکمی، متوفانک اقامتکاهی صلح محکمه سنه کیفیتی خبر ویرمکله برابر کندی دائره سسنده کی ماللرک محافظه سی ایچون لازم کلان تدبیرلری یاپار. ق م ۵۳۱

غیر منقولک رهنده مالک طرفندن، مرهونک قیمتی دوشوره چک بر فعل ویا اهل و قوعنده آلاچق لی حاکمدن بورجلی به لازم کلان تنبیهاتک یاییلماسنی ایسته به بیلیر. و آلاچق لی، لازم اولان تدبیرلری اتخاذ ایتک اوزره حاکم طرفندن مآذون قیلینا بیلیر. و تاخرده تهلیکه موجود اولدینی تقدیرده بو تدبیرلری آلاچق لی کندیلکندن اتخاذده صلاحیتداردر. بو اوغورده کی مصرف لری مالک کندیسنه بورجلی اولور. ق م ۷۸۰

نشر مقاوله سسنده اثری آتام ایتزدن اول مؤلف اولور ویا اکمال قابلیتی ضایع ایدر و یا خود تقصیری اولمق سزین اثری اکمال ایتک امکانشزلیکنده بولونور

ایسه نشر مقاوله سی منفسخ اولور ایسه ده مقاوله تماماً ویا قسماً محق و ممکن بولونور ایسه حاکم مقاوله نك محافظه ایدیلسنه مساعده و بونك ایچون ایجاب ایدن تدبیرلر ك اتخا ذینی امر ایده بیلیر . بورجلر ماده ۳۸۴

قانون تجارتك ۶ نجی ماده سی موجبجه بر تاجر آخر بر تاجر ك بحق استعمال ایتدیكى اسم و علامتله التباسه میدان ویره بيله جك صورتده اسم و علامت استعمال ایدر ایسه بونده بر کونا قصورنی اولماسه بيله محکمه علاقهدار اولان تاجر ك طلبی اوزرینه مذکور التباسی دفع ایده جك تدابیرك اتخا ذینی امر ایده بیلیر .

کذلک قانون تجارتك ۶۳۸ نجی ماده سی موجبجه بر سند تجاری بی ضایع ایدن صوك حامل ویا آنکله بر حق اثبات ایده جك اولان کیمسه بوسندك ابطالنی طلب ایچون سندك تأدییه اولونا جفی محله کی تجارت محکمه سنه استدعایله مراجعت و قابل ایسه ضایع اولان سندك صورتنی عرفخانه ربط ویا اساسلی محتویاتی درج و سندك حاملی اولدیغنی نه صورته اثبات ایده جکنی علاوه ایدوبده محکمه طالب ابطال اولانك بیان ایتدیکی خصوصاتی کافی کوریر ایسه ضایع سند، قبول ایدیلنس بر پولیچه ایسه قبول ایدنه و قبول ایدیله مش بر پولیچه ایسه کشیده جی ایله مخاطبه و امره محرر بر سند ایسه ممضیسنه و چك ایسه مخاطبه بدلك تأدییه ایدیلسنی تحریراً اخطار و دیلرسه اشعار اخیره قدر محفوظ قالمق شرطیله بدل سندك محکمه وزنه سنه تودیعنده مختار اولدیغنی امر و تنبیه ایتکله برابر محکمه سند محتویاتی و قرق بش کون ظرفنده سندك محکمه یه ابرازی لزومی و ابراز ایدیلدیکی تقدیرده بومدتك ختامنده سندك ابطالنه قرار ویره جکنی اوج دفعه رسمی و غیر رسمی غزته لر ایله اعلان ایتك تدابیرنی اتخا ذیلر .

ینه قانون تجارتك ۷۱۲ نجی ماده سنده محرر اولدیغنی اوزره مبیع مقاوله ده کوستربنه شرائطه موافق و مقاوله ده صراحت اولمادیغنی صورتده شرائط قانونیه بی جامع ایسه مشتری مقاوله ویا عرف ایله معین مدت ظرفنده مبیعی تسلیم ایتکله مجبور اولوب تسلیم ایتدیکی تقدیرده بایع ممکن ایسه کیفیتی مشتری یه

بعد الاخطار دعاوی تجاریه بی رؤیتله مکلف محکمه یه ویوق ایسه صالح حاکمه مراجعتله مصارفی وخساری مشتری یه عائد اولقی اوزره میعی محافظه ایتمک ایچون همان برید عدل ارانه سی کبی تدابیرک اتخاذه می ایسته یه بیلیر ؛ محکمه مشتری بی جلب ایتمک سزین درحال برید عدل تعیین ایدر . میبعک ماهیتی تودیعه غیر مساعد ویا مبیع متسارع الفساد ویا خود محافظه سی قیمته نظراً فضله مصارف ویا ارضیه اجرتی تأدیسه سنه متوقف ایسه محکمه مأمور مخصوص یعنی نائب محکمه معرفتیه ویا مزایده علنیه ایله صادره بیلیر .

وقانون تجارتک ۷۱۹ نجی ماده سی موجبنه مشتری میعه بر عیب کشف ایتمیکی ویا میعی هر هانکی بر سبدن دولایی مقاوله ویا قانون ایله معین شرائطی جامع ویا نمونه موافق کورمدیکی صورتده درحال میبعک بولوندیغی محله دعاوی تجاریه بی رؤیتله مکلف محکمه یه ویوق ایسه صالح حاکمه مراجعتله اهل خبره معرفتیه میعی کشف ومعاینه ایتمیره بیلیر . محکمه ، کشف ومعاینه نک تأخیرنده مضرت ماحوظ بولوندیغی حالده بایع حاضر بولماسه دخی احتیاطاً کشف ومعاینه یابدیریر .

کذلک قانون مذکورک ۷۳۶ نجی ماده سنه نظراً سیف صائش ایله صائیلان امتعه نک کمی یه حین تحمیلنده کی حالی ، وزن ووصفی بایع کیده کشف ومعاینه ایتمیره چکی مشروط ایسه بایع محکمه یه مراجعتله اهل خبره تعیینی وکشفی طلب ایدر ایسه غایبنده اولسه حاکم کشف ایتمیریر .

وینه قانون مذکورک ۸۲۰ نجی ماده سنده مصرح اولدیغی وجهله عمومی مغازه لره تودیعاتی مبین مقبوض سندی ویا واران ضایع اولدقه حاملی بووثاقه مالکیتی اثبات وکفالت کوسترک صورتیه مغازه نک بولوندیغی محله دعاوی تجاریه بی رؤیتله مکلف محکمه دن استحصال ایده چکی اذن اوزرینه کیفیتک محلی غزته لرله اعلاندن ومخالفت ایچون تعیین اولوناچ مدتک مرورندن صوکره بر نسخه ثانیه آلابیلیر . ضایع اولان وارانلر مدتی حلول ایتمش ایسه حاملک

طلبی اوزرینه محکمه عین وجه ایله دینک تسویه سنه ده اذن ویره بیلیر و داینه
مغازنک بولوندیغی یرده بر اقامتگاه تعیین ایتدیریر .

وکیل تجاری قانون تجارتک ۸۲۶ نجی ماده سنه توفیقاً موکل حسابنه قبض
ایتدیکی اشیانک اثنای سفرده خسارزده اولدیغنه دائر علامت ظاهره کوره جک
اولور ایسه موکلک نقلیه جی علمینده کی حق دعواسنی تأمین ایچون صلاحیتدار
محکمه یه مراجعتله خساری کشف ویا عندالایحاج بیع ایتدیریر .

کذلک اشیا نقلنده ، اشیانک حین ایصال وتسلیمنده خسارزده اولدقلرینه
دلالت ایده جک خارجاً هیچ بر علامت و اشارت بولماسه دخی مرسل ایله
بولرک حال ووصف لرینی نقلیه جینک حضوریه در حال بالذات معاینه ایتک ویا خود
محل تسلیمده معاملات جاریه یی رؤیتله مکلف محکمه یه مراجعتله معاینه ایتدیرمک
حقنی حائزدر ؛ نقلیه جی ده بوحقی حائزدر . ت ۹۱۷

نقلیه جی مرسل الهی بولاماز ویا مرسل ایله اشیایی قبول ایتمز ویا قبولده
کچیکیر ایسه ، نقلیه جینک کیفیتی مرسله بیلدیرمسی ممکن اولماز ویا مرسلک جوانی
کچیکیرسه ویا اجراسی غیر ممکن بعض تعایات ویرمش ایسه نقلیه جی اشیانک
واصل اولدینی محله کی صلاحیتدار محکمه یه مراجعتله اشیانک ید عدله تسلیمنی
ایسته یه بیلیر ؛ و اشیا متسارع الفساد اولور ویا حفظی ممکن اولماز ویا حفظ
مصارفی فضله اولور ایسه محکمه معرفتیه صاندیریر ویا تداییر سائره اتخاذ
ایتدیریر . ت ۹۱۹

ایشته بوتون بوامله ، محاکمک ، طلبه بناء ویا رأساً اتخاذ ایده جکی احتیاطی
وموقت تداییر جمله سندندر .

کله لم حجز احتیاطی یه :

معجل اولان آلاچفک مقابلنده رهن اولماز ویا بولنان رهن آلاچفک
مجموعنی تأدیه یه کافی کوریلز ایسه بورجلونک آلاچق لری وکندی ویا اوچنجی
شخص نزدنده بولونان منقول و غیر منقول مال لرینک زیرده کی حالرده احتیاطاً
حجزینه قرار ویریه بیلیر :

۱ - بورجلونك معین اقامتگاهی یوق ایسه

۲ - تعهداتدن قورتولمق ایچون بورجلونك ماللرینی کیزله مسی ویا قاجیرماسی ویا قاجاسی ویا قاجغه حاضر لئماسی

۳ - ماهیتی اعتبارینه درحال ویریلیسی ایجاب ایدن بر بورج ایله بورجلو بولونان کیمسه نك کلوب کچیجی ویا بازار وپنیرلرده معامله یاپان کیمسه لردن اولماسی

۴ - بورجلونك تورکیده اقامتگاهی بولونماسی .

بولردن بورجلونك اقامتگاهی اولماسی و تعهداتدن قورتولمق ایچون ماللرینی کیزله مسی ، قاجیرماسی ، قاجاسی ، قاجغه حاضر لئماسی حالنده وعده سی کلمه مش اولان آلاچقدن دولاییده حجز احتیاطی طلب اولونابیلیر . و برنجی حاله مستنداً وضع اولونان حجز احتیاطیده بورج ، بورجلویه قارشى معجلیت کسب ایدر .

بورجلر قانوننك ۷۴نجی ماده سنده مندرج اولدینی وجهله اجل مشروط اولمادیغی ویا ایشك ماهیتدن آکلاشیلما دیغی تقدیرده بورجك همان ایفا ودرحال اجراسی طلب اولونابیلیر .

وتجارت قانوننك ۶۵۷نجی ماده سنده محرر اولدینی اوزره زمان اجراسی مقاوله نامه ده کوستریله مش اولان برتعهد تجارینك ایفاسی هر زمان طلب اولونابیلیر . شوقدرکه عرف جاری یه و معامله نك ماهیتنه کوره برتعهد وقت عقددن اعتباراً معین بر مدتک مرورندن صوکره قابل ایفا ایسه اشبومدتك انقضاسندن اول متعهد ، ایفای تعهده اجبار ایدیله مز .

حجز احتیاطی ایچون سبب اولارق یوقازیده کوستردیکمز اسباب وخصو- صاندن باشقه ، تأخیرنده تهلیکه اولان ویا مهم ضرر اولاجنی آکلاشیلان حاللرده تهلیکه ویا ضرری دفع ایچون حاکم ایجاب ابدن احتیاطی تدبیرلرک اجراسنه قرار ویره بیلیر .

دعوی اقامه سندن اول حجز احتیاطی قراری محکمه طرفندن ویریلیر .

حجز احتیاطیدن ماعدا طلب اولونان احتیاطی تدبیرلرک ال آز مصرفله واک چابوق نروده ایفاسی ممکن ایسه اشبو تدبیرلره او محل محکمه سی طرفندن دخی قرار ویریله بیلیر .

دعوی اقامه سندن صوکره بالعموم احتیاطی تدبیرلره تحقیقاته مأمور حاکم طرفندن قرار ویریلیر . و تدبیرلرک محل اجرایی دائرة قضایی خارجنده ایسه بالاستنباه یادییر ؛ یعنی تحقیقات حاکمی احتیاطی تدبیرک دیگر بر محله ده آاز مصرفله و ده چابوق ایفاسی قابل کوریر ایسه بو خصوصده قرار ویریلک اوزره او محل حاکمی نائب تعیین ایده بیلیر .

حاکمکن احتیاطی تدبیره قرار ویریلسی عرض حال ایله طلب اولونور . بونک اوزرینه در حال و مستعجلاً ایکی طرف دعوت ایدیلیر . و بر طرف کلمه بیله اقتضا ایدن قرار ویریلیر .

مستعجل ویا مدعینک حقوقی در حال محافظه ضرورتی اولان حالرده هر ایکی طرف دعوت ایدیلمکسزین دخی احتیاطی تدبیره قرار ویریله بیلیر .

اتخاذ اولونان احتیاطی تدبیر لدی الایجاب قوه مسلحه استصحابیلده اجرا دائره لرینجه تطبیق اولونور .

حجز احتیاطیدن ماعدا احتیاطی تدبیرلرک تطبیق و اجرایی محکمه باش کاتبه ویا کاتبلردن برینه ده تودیع اولونا بیلیر .

قرارک صورتی علاقه دارلره اجرا ائناسنده و بولونمازلر ایسه تطبیقی متعاقب تبلیغ اولونور . غیاباً ویریلش اولان احتیاطی تدبیر قرارلرینه اعتراض جائزدر . فقط اجرانک تأخیرینه قرار ویریلدکجه اشبو اعتراض اجرانک تأخیرینی مستلزم اولماز .

اعتراض عرض حال ایله اولور و اوراق ثبوتیه سی عرض حاله ربط اولونور . احتیاطی تدبیره اعتراض یا حجزک یولسزلنی یعنی حجزی جائز اولمایان برشیئک حجز ایدیلمسندن ویا اسباب حجزک بولونماسندن ویا تأمیناتک آلتناماسندن ویا

نقصان و یا عدم کفایه سندن عبارت اولور یا خود اساساً بورجی اولمادیغنه و یا ادعا ایدیلدیکی قدر اولمادیغنه و یا مرور زمانه و یا دعوانک مسموع اولمادیغنه متعلق اولابیلیر .

اعتراضدن اول اصل دعوی اقامه ایدیش ایسه اعتراض عرضحالی تحقیقات حاکمه تودیع اولونور . احتیاطی تدبیره باشقه بر محل حاکمی بالاستنباه قرار ویرمش ایسه اعتراض اورایه ویریه بیلیر .

اعتراض وقوعنده حاکم ایکی طرفی دعوت وهربری استماع ایتدکن صوکره قرارینی تعدیل و یا تبدیل و یا رفع ایده بیلیر .

شوقدرکه ایکی طرفدن بری و یا ایکیسی کلز ایسه اوراق اوزرینه تدقیقات اجراسیله قرارینی ویرر .

اساس دعوی و یا تصدیق حجز دعواسی : احتیاطی تدبیر قراری دعوی اقامه سندن اول ویریش ایسه ، تطبیق ایدیش اولسون اولماسون قرارک ویریلدیکی تاریخدن اعتباراً اون کون ظرفنده اساس حقنده دعوی اقامه سی لازمدر . احتیاطی تدبیرک اتخاذینه متعلق اوراق اساس دعوی دوسیه سیله برلشدیریلیر . بو مدتده مدعی دعواسنی اقامه ایلدیکنی مثبت اوراقی قراری تطبیق ایدن مأموره ابرازله دوسیه سنه وضع وقید ایتدیره رک مقابلنده علم و خبر آلمغه مجبوردر . عکس تقدیرده احتیاطی تدبیر بر کونا مراسمه حاجت اولمقسزین کندیلکنندن قالقار . اقتضاسنه کوره وضع اولونان تدبیرک فعلاً قالدیرماسی احتیاطی تدبیری تطبیق ایدن دائره و یا مأموردن طلب اونابیلیر .

تأمینات : احتیاطی تدبیر قرارینی طلب ایدن طرف بوندن دولایی دیگر طرفک و اوچنچی شخصک دوچار اولماسی محتمل ضرر و زیانلرینه مقابل تأمینات ارائه سنه مجبوردر . ایجاب حاله کوره محکمه و یا حاکم بوجبوریتی رفع ایده بیلیر .

احتیاطی تدبیر قرارینی طلب ایدن دولت و یا مظاهرت عدلیه یه نائل کیسه ایسه تأمینات ارائه سی لازم کلز .

علمنه احتیاطی تدبیره قرار ویریلش اولان طرف تأمینات کوسترین ایسه ایجاب حاله کوره بوتدیر تبدیل ویا رفع اولونا بیله جکی کبی وضعیت و شرائطک تبدیلی ثابت اولور ایسه احتیاطی تدبیرک تأمیناتسز اولارق تعدیل ویا رفعی ده جائزدر .

اساس دعوی حقننده محکمه طرفندن ویریلن قرارک تفهیم ویا تبلیغ اولونماسنی متعاقب احتیاطاً اجرا قیلنمش اولان تدابیراورته دن قالقار . آنجق محکمه، حکمک اجراسنی تأمین ایچون اشبو تدبیرک تعیین ایده جکی مدت ظرفنده دوامنه قرار ویره بیلیر .



هجزى جائز اولمايان شيلئر

بعض شيلئرلر احتياطاً دخى هجزينه مساغ قانونى يوقدر . بناءً عليه بونلره هجز وضع اولوناماز . اولونمش ايسه هجزك فكى اقتضا ايدەر .

بونلرى اصول محاكمه حقوقيه اجرائى هجزلرده شامل اولمق اوزره دردنجى باندە بر تفصيل بيان ايتشدر . فقط بورج هجزى قابل اولمايان شيلئر بدلندن نشأت ايلمش ايسه يالكيز اوبورج ايچون قابل هجزدر .

هجزى جائز اولمايان شيلئر آشاغيدە كيلردر :

۱ — بانقلره ويا سائر مؤسساته ويا حقيقى و حكيمى شخصلره اقراض و توديع ايديلهن مبالغ ايله آليناجق فائض خارج و مستثنا اولمق اوزره چاليشمغه قدرتى اولمايان، يا خود باشقه واسطه تعيشى بولونمايان بورجلينك اعاشه و اداره سى ايچون تقدير اولوناچق واردات و حاصلاتى ،

بونك تقديرنده بورجلونك وفاق و اعاشه سنه مجبور اولدينى اقربا و تعلقاتنك بوتون ماللىرى و بونلرك واردات و حاصلاتى نظره آلنور .

۲ — بورجلى طرفندن كنديسنه يارديم ايديلديكى تقديرده حال و وضعى و احوال سائر دولاييسيله چاليشمغه قدرتى اولماسندن، معيشتى تأمين ايدە جك باشقه واسطه سى بولونماسندن ضرورته دوشه جك اولان قارى ويا قوجه سيله اصول و فروغنك اعاشه سى ايچون تقدير ايديله جك واردات و حاصلاتى؛ بونده ده بورجلونك وفاق و اعاشه سنه مجبور اولدينى اقربا و تعلقاتنك بوتون ماللىرى و واردات و حاصلاتى تدقيق اولونور .

۳ — يوقاريدە بيان اولونان كيمسه لرك اجتماعى وضعيتلىرى سن و صحتلىرى و محلى عادت نظردقته آلنمق صورتيله اكبرم احتياجلرينه تقابل ايدە جك كيجه لك

کوندوزلك ، قیشلق یازلق ، چاشیر ، الیسه ویاتاق ایله قاریولا وبر اوطه ومطبغ وسفره وحام لوازمی ؛

بو اشیا قیمتلی اولوب ده مادونی آلدقدن صوکره بورجه پاره قالماسی قابل ایسه حجز اولونابیلیر ؛ بوتقدیرده محجوز اموال صاندلیغنده بدلدن مبرم اشیا بدلی بورجلویه ترك ایدیلیر .

۴ — بورجلونك یوقاریده کوستریلهن کیسه لرك بر آیلق وموسمك ذخیره تدارکی ضروری اولان یرلرده موسمك اولارق اتفاق ایچون ذخیره وتسخین ایچون محروقات ویا بونلرك بدلی ؛

۵ — بورجلونك حالنه مناسب اولوب آلاچقلییه رهن ایدیلشمش ویا تأمینات کوستریلشمش اولان مسکنی ؛

بورجلونك عائله سی افرادینه وخانهك موقع ووسعت وقیمته کوره مسکنك مادونیه اکتفا قابل ایسه مسکنك حجز وفروختی جائزدر . بوصورده حالنه مناسب برمسکن بدلی بورجلویه ترك اولونور .

بر دکان دروننده ویا اوستنده بولونان اوطه لر ومسکنه لازم اولمایان باغچه وسکنا اتخاذه صالح اولاجق ابنه دن عاری عرصه مسکن عد اولونماز .

بورجلینك حیاتنده میراثچیلرله برابر اقامت ایتدیکی مسکنده وفاتندن صوکره میراثچیلرك هپسی ویا بعضیسی باشقه مسکنلری اولمادیغندن دولایي مجبوراً اقامت ایدیورلر ایسه بومسکن دخی بورجلونك بورچندن دولایي صاتیلاماز ؛ مکرکه مادونیه اکتفا قابل اولای ؛ او وقت مادونك بدلی ترك ایدیلک اوزره صاتیلابیلیر .

قانون مدینك احکامنه توفیقاً مؤسس عائله یوردی ومشمعلاتی قانون مذکورک ۳۴۱ نجی ماده سی موجبنجه [محکمه معرفتیه اداره حق مستثنا] قابل حجز دکدر .

استنطراذ :

زراعت ویا صنایعه تخصیص ایدیلش اولان بر غیر منقول و مشتملاتیه معاً
مسکنلر ، عائله یوردی اتخاذ اولونابیلیر . ق م ۳۳۷

عائله یوردی اتخاذ اولونان غیر منقولک بویوکلکی ، برعائله نك اعاشه سنه ویا
اقامتیه مقتضی درجه دن فضله اولاماز . فقط غیر منقولک اوزرنده بر عینی حقل
موجودیتی و صاحب نك متباقی ثروت نك درجه سی عائله یوردی نك تأسیسه مانع
دکلر .

حق سبیلره استناداً موقت بر زمان ایچون محکمه نك ویره جکی مساعده
مستثنا اولمق اوزره ملک صاحبی ویا عائله سی یورد اتخاذ ایدیلن غیر منقولی و غیر
منقولک تخصیص ایدیلدیکی صنعی بالذات ایشله تمکک یا خود مسکنده بالذات اقامته
مجبوردر . ق م ۳۳۷

عائله یوردی تأسیس ایتک ایسته یین کیسه ، آلاجلیلرک وعلی الاطلاق
تأسیسدن ضرر کورملری ملحوظ اولانلرک ایکی آی ایچنده اعتراضی در میان
ایتملرینی اول امرده محکمه معرفتیه رسماً اعلان ایتدیریر . محکمه بواعلاندن
باشقه یورد اتخاذ ایدیلرک یر کندیلرینه تأمینات کوستریلش اولان آلاجلیلره
کیفیتی صورت مخصوصده تبلیغ ایدر . ق م ۳۳۸ . اعلان مدتی ایچنده شخص
ثالثلر طرفندن اعتراض اولونمادینی یا خود وقوع بولان اعتراض حقسنز اولدینی
آکلاشیلور ایسه مسکن ویا دیگر غیر منقول یورد اتخاذی ایچون مقتضی
قانونی شرطلری جامع ایسه - بو عندالافتضا کشف ایدیلیر - تأسیسه مساعده
اولونور .

مدت ایچنده اعتراض ایدن آلاجلیلرک علاقه لرینک کسیلدیکی اثبات
ایدیلرکجه تأسیسه مساعده ایدیلر . بورج ، اعتراض ایدن آلاجلی لهنه مؤجل
اولسه بیلر عائله یوردی تأسیس ایتک ایسته یین بورجلوهان اوده یه بیلیر . ق م ۳۳۹
محکمه نك تأسیس مساعده سی طابو سجلنه قید و رسماً اعلان اولونور . قید
واعلان اولونمادجه عائله یوردی تأسیس ایتش اولماز . ق م ۳۴۰

آندن صوکره یورد نامینات کوستریله مز ؛ کیرایه ویریه مز ؛ آخره فراغ اولوناماز . ق م ۳۴۱

محکمه ، محتاج اولان و قبوللرینه مانع بولونمایان اصول و فروعی وارکک و قیز قرداشلرینی ده یورده قبول ایتمی ایچون طلب و قوعنده یورد صاحبنی اجبار ایده بیلیر . ق م ۳۴۲

قابل حجز اولمایان عااله یوردی صاحبنک بورجی اوده مکدن عجزی تحقق ایده رایسه آلاقلیلر محکمه یه مراجعت ایده رک یوردک تخصیص ایدیلدیکی غایه خلل کله مک شرطیله یورد اتخاذا ایدیلن مسکن و یا دیگر غیر منقولی ، کندی حسابلرینه اداره ایتمک اوزره برمدیره تودیع ایتدیره بیلیرلر . ق م ۳۴۳

آلاقلیلر بورجی اوده مکدن عجزه دائر الیرنده بولونان و تبقه لرک تاریخی صیراسیله وافلاسلده کی ترتیبه کوره حقلرینی آلورلر . ق م ۳۴۳

عااله یوردی مال صاحبنک اولومندن صوکره دوام ایتمز . مال صاحبی اولونجه طابو ساجلنده کی قید ترقین ایدیلیر . مکرکه صاحبی اولومه باغلی بر تصرفله میراثیلیره کچمسی شرط قیلمش اوله . ق م ۳۴۴

صاغلغنده مال صاحبی یوردی الغا ایده بیلیر . الغا ایچون عرض حال ایله محکمه یه مراجعت ایده ر ؛ استدعا محکمه جه اعلان اولونور . و اعلان تاریخنندن اعتبار آئیکی آی ایچنده اعتراض ایدیلدیکی و یا ایدیلن اعتراضک حقسزلفی آکلاشلدیغی تقدیرده قیدک ترقینه اذن ویریلیر و طابو مأمورلغنه یازیلیر . ق م ۳۴۵]

۶ - مسلیکی یالکز زراعت و معیشتی ده بوکا منحصر اولان بورجلونک و اولکی نومرولرده کوستریله ن کیمسه لرک علی العاده اعاشه و اداره لری ایچون کفایت ایده جک مقدارده حاصلات کتیره بیله جک اراضیسی ؛

۷ - مسلیکی یالکز زراعت و معیشتی ده بوکا منحصر اولان بورجلونک ایشنه مخصوص اولوب بالذات قوللاندیغی الکزوملی آلات و ادواتی ، چفت حیواناتی ایله بونلرک تفرعاتی و آخور حیوانانندن یالکز بریسی ، اوچ قویونی و یا کچیسی ،

کومس حیواناتندن اون دانه سی و بر اقیلا جی حیوانلرک اعاشه لرینه کافی حبوبات و صامان ؛

بو حیوانات . تعدد ایسه تفریقی بور جلویه عائددر؛ شوقدر که اک قیمتایسنی آیراماز .

۸ - بور جلونک مسلك و صنعتنه کوره لازم اولوب بالذات قوللان دینی حین حجزده اوچوز لیرادن فضله قیمتی اولمایان ماکنه آلات و تفرعاتی ایله بوز لیرادن فضله قیمتی اولمایان کتابلری ؛

بونلرک قیمتلری بوندن زیاده ایسه معین مقدار لر بور جلی به ترك ایدیلک شرطیله قابل حجزدر . آنجق مسلكنه مخصوص متعدد جلدلی برکتابک قیمتی نه اولور ایسه اولسون حجز اولونماز .

فابریقه موجود ماکنه و آلاتک یکدیگرندن آریلایسی حالده عینی ایشک ایفاسی قابل اولماز ایسه هیئت عمومیه سنک حجزی جائز دکلدر . فقط متعدد ماکنه لردن مرکب فابریقه ده کی هر دستگاه عینی ایشی ایفایه منفرداً صالح ایسه بونلرک بردن زیاده سنک حجزی جائزدر .

بو صوک فقره نك حکمی زراعت ماکنه لر یله آلات و ادواتی حقننده جاریدر .

۹ - مسلكی زراعت و معیشتی ده بوکا منحصر اولان بور جلونك تحت تصرف و استیجارنده کی اراضی به آندینی تخم لردن و یا اشبو اراضیده موجود آغا جلرک حاصل اولوب هنوز طوبلانق حالنه کله یں حاصلات و میوه لر و ییچیلمه مش اولان محصولات ایله حاصلاتندن اراضیسی ایچون حجزك تطبیق اولون دینی سنه نك ویر یلمه مش ویرکیسنه تقابل ایددن مقداری ؛

۱۰ - دولت مأمور لر یله مستخدمینك و مؤسسات رسمیة تجاریه مأمور لرینك رسمی البیسه سی و عسکر لرک تدارکی اصولدن اولان حیوانی، سلاحی و سائر تجهیزاتی ؛

۱۱ - مدالیله و رسمی علامتله ؛

۱۲ - عمومی و یا خصوصی بودجه لردن و یا خود حقیقی و یا حکمی اشخاصدن خدمت مقابلی اولسون اولماسون معاش، تخصیصات، اجرت ، اکر امیه، معیشت

مقابلی ایراد ویا فائض ویاخود قید حیات شرطیله تخصیصات کبی هر نه نام ایله اولورسه اولسون برآیده آلتان پاره‌نک ربغندن زیاده‌سی ؛

فقط قاری قوجه واصل و فروغ و سائره ایچون تقدیر ایدیلش اولان نفقه‌دن دولایی برآیده آلدینی پاره‌نک اوچده بری حجز اولونابیلیر .

نفقه ایله دیگر بر بورج برلشیر ایسه بو اوچده برک ایکیمی نفقه‌یه وبری دیگر بورجه تخصیص اولونور .

قانون مدینک ۱۶۳ نجی ماده‌سی موجبجه قوجا، عائله وظیفه‌لرینی اهماال ایدر ایسه قاری قوجانک ماللرینی اداره خصوصنده قبول ایتدیگلری اصول نه اولورسه اولسون حاکم قاری وقوجانک بورجلولرینه بورجلرینک تمامی ویا بر قسمتی قاری‌یه اوده‌ملرینی امر ایده بیله‌جکندن بو خصوصده یوقاریده‌کی تقييدات جاری اولماز .

۱۳ — بالعموم اموال دولت ؛

۲۴ — بلدیله‌رک منافع وخدمات عمومیه‌یه مخصوص اموال وایشیاسیله بالجمله

رسومی ؛

بلدیله‌رک رسومدن ماعدا ماللری وواردات خصوصیه‌لری حجز اولونابیلیر .
بورج استملاک یاخود آلاجقلینک مالیه انشا ایدیلش اولان بر شیئک بدلدن نشأت ایتمش وبلدیله‌رک حجزی قابل ماللریله واردات بورجه کافی دکل ایسه بلدیله‌نک حجز وضع اولوندینی سنه ظرفنده یاپیلماسی اهم والزم اولمایان ایشلر ایچون قارشولق اولان رسومی‌ده قابل حجزدر .

۱۵ — منافع عمومیه‌یه خادم اولدینی دولتجه مصدق تأسیسلر ایله جمعیات خیره‌نک ایشلرک ماهیتنه کوره لزومی ماللریله مصرفلری ایچون الزم وارداتی؛

۱۶ — عبادتخانه‌لرله لوازم عبادتدن اولوب فرده ویا اوقافه عائد بالعموم ماللر؛

بونلردن منقول مال، قیمتی و بدلدن معتاد اولانک تدارکی قابل ایسه اومقدار بورجلی‌یه ویریلک شرطیله حجز اولونابیلیر .

۱۷ -- بورجلونك ویا افراد عائله سنك رسملرینی حاوی تابلور و آلوملر
ونشان یوزوکاری ؛

۱۸ -- جیروسی قابل سندلر ؛

بو نوع سندلر ضایع اولمش ویا حامل افلاس ایتمش ویا تداولدن قالدیغی
محکمه قراریه اعلان ایدیش ایه حجزی جائزدر .

۱۹ -- نفقه دن ماعدا بورجلر ایچون ملازم ثانی یه قدر عسکرلرک وموقع
حربده بولونان ضابطلر ایه منسوبین عسکریه نك معاشلری ؛

۲۰ -- سفره حرکتیه حاضر اولان ویا حال سفرده بولونان بالعموم کیلر
سپردن منع صورتیه حجز اولوناماز . او سفره مخصوص لوازم سفریه ایه
مرتباتك اجر تدرینه تقابل ایده جك مقدارده کی نول بدلیده حجز اولوناماز .

برکینك سفره حاضر اولماسی حجزك وضع اولوناجنی کوندن اول حرکتی
معتاد اوزره اعلان ایتمش ، اوراق مروریه سنی آلمش اولقله برابر کمی دروننده
یولجی ویا حموله بولونقله تعین ایدر . سفردن منع صورتیه حجز اولونان
برکینك هرناصل ایه سفره موفق اولماسی حال سفرده بولوندیغنی استلزام ایتمز .
۲۱ -- بورجلونك یکانه معیشت واسطه سی اولان صندال کی اوافق

مراکب بحریه و لزوملی اشیاسی ،

۲۲ -- طبع ایدیلشمش اولان بالعموم آثار فکریه و قلمیه ،

نسخه لری بیتمش اولان آثار فکریه و قلمیه صوك عددینه قدر باصیلمق
وبردفعه لاق طبع مصرفی آلاچقلى طرفندن تأدییه ایدیلک شرطیه قابل حجزدر .

۲۳ -- علامت فارقه و اختراع براتلری قیدلرینه اشارت صورتیه و بونلرک
آخره دور وفروختی حالنده آنجق بدللری قابل حجزدر .

۲۴ -- قوانین ونظامات مختلفه حجزی جائز اولمادیغنی تصریح ایدیش
اولان اموال و اشیا ،

۲۵ -- وطن اوغورنده اوله نلرک عائله لرینه و بو اوغورنده یارالانمش اولانلر
ویریلن نقدی وعینی مکافاتلر وتخصیص اولونان معاش و ایرادلر ،

۲۶ — فقر و ضرورت و یا خسته لق سببیه و یرلن اعانه لر ،

۲۷ — نفسه قارشى ایقاع اولونان، فعللر سببیه کندیسنه و یا عائله سنه حکم اولونان تضمینات ، الحق بورج ، بورجلیک و یا عائله سنک اعاشه سی ایچون اشترا ایلدیکی مل و یا تداوی اجرتیه علاج بدلندن نشأت ایلش و یا خود نفقه ایه تضمینات و ۲۵ و ۲۶ نومرولرده کوستریلن مکافات و معاشک اوچده بری قابل حجزدر .

۲۸ — قانون مدنی موجبجه متمم جزء لرله تفرعاتندن معدود اشیا آریجه حجز اولوناماز .

قانون مدینک تعریفه کوره ، محلی عرفه کوره بر شینک اساسلی بر عنصرینی تشکیل ایدن ، او شیء تلف و یا تخریب یا خود تغییر ایدیلدجه آندن آریلماسی قابل اولمایان جزؤلر ، او شینک متمم جزؤلریدر .

تفرعاند محلی عرفه کوره و یا مالکک صریح آرزوسنه نظراً بر شینک ایشله دیلسی و یا محافظه سی و یا آندن استفاده اولونماسی ایچون دائمی بر طرزده تخصیص اولونان و استعمالده اوشیئه تابع قیلنن و یا طاقیلان و یا اونسکه برلشدیریله منقول اشیا اصل شینک تفرعاتیدر .

فقط اصل شیئه ذی الید بولونان کیمسه نك استعمالنه موقه تخصیص ایدیلن و یا آنحق او کیمسه نك استهلاک ایتسی ایچون مخصص و یا اصل شینک خصوصی ماهیته بابانجی اولان یا خود اوشی ایه محافظه ایچون و یا بیع و یا ایجار ایدیلک مقصدیه برلشدیریله منقول اشیا تفرعات صفتی آلاماز . ق م ۶۱۹ ، ۶۲۱ ، ۶۲۲

اصول محاکمه حقوقیه اشاعیده کیلری تفرعاتدن عد ایه مشدر :

۱ — چیفتلیکلرک اداره و احتیاجنه کافی دمیر باش اشیا

۲ — چیفتلیکلرک اداره و احتیاجنه کافی حیوانات و تخملق

۲ — آری قووانلری وهنوز تکمل ایتمه مش اولان بالدر

۴ — فابریقه وجیفتملیکلرک دوام اعمالاتنه مخصوص قزغان وانبیق وفوچی
وتضیق ماکنه لری

۵ — علی العموم زراعته مخصوص محملرده کی احتیاج نسبتنده کوبره
وصامانلر.

مادونیلله اکتفا قابل اولان اشیایی تعیین وتفریقده حاکم ویا اجرا رئیس لزوم
کوریر ایسه اهل خبره نك مطالعه سنه ده مراجعت ایده ر؛ وهر حالده حق تقدیرینی
قطعی لزوم واحتیاجه کوره وایکی طرف ایچون ایجاب ایده ن نصف و عدالت
دائرة سنده استعمال ایله مکلفدر.

قانون مدینک ۱۶۵ نجی ماده سنده محرر اولدینی اوزره قاری قوجا اوله نه نك
دوامی مدتجه قانوناً معین احوال خارجنده یکدیگرینه قارشی جبری اجرا
طلبنده بولوناماز. بناءً علیه یکدیگری نك مالنه حجز احتیاطی ده وضع ایده مزلر.
فقط قاری قوجان بری علمینه بر شخص ثالث طرفندن اجرا تعقیباته باشلامش
اولور ایسه دیگری کندی حقندن دولایی حجزه اشتراك ایده بیلیر. ق م ۱۶۶
قاری وقوجان بری حجز صورتیله آخر کیمسسه طرفندن تعقیباته دوچار
اولورده ماللری بورجی ایفایه کافی کلدیکی تقدیرده دیگرنده آلاچقلمی
معجلیت کسب ایده ر و حجز ایده بیلیر. ق م ۱۶۷

قانونی وقضائی مال آیریلنك تنفیذی ایچون هر زمان جبری اجرا و بناءً علیه
حجز جائزدر.

کذلک حاکم قراریله قاری قوجان برینه اعاشه ایچون معین معاونت
مقدارینك تحصیلی حقنده دخی حجز جائزدر. ق م ۱۶۸

آنا و بابا ایله برلکده یاشایان وعوضندن صراحةً فراغت ایتمکسزین کندی
سعی ویا وارداتی عالیه تخصیص ایده ن رشید اولاد، بوتخصیصدن دولایی آنا
وباباسندن، علملرینه واقع حجزه احتیاطاً اشتراك ایله برحق طلب ایده بیلیر.

ترکه آچیلدیغی زمان بورجی موجودندن زیاده اولوبده میراثچیلر طرفندن تادیه ایدیلدیکی تقدیرده فراغت ایدن کیمسه ومیراثچیلر، فراغت مقاولهسی موجبجه متوفادن، وفاتندن اول صوک بش سنه ظرفنده آلمش اولدقلری عوضدن ویا آنک حاصلاتندن ایوم یندن بونان مقدار نسبتنده آلاچقیلره قارشى مسئول اولدقلرندن اواموال اوزرینه حجز وضع اولوبایلیر. ق م ۴۷۷ ترکلرده دفتر طومه معامله سنک دوامی مدتیجه ترکه نك بورجلری حقنده

اجراجه تعقیبات یاپیلامایاچغندن حجز احتیاطی ده یاپیلاماز. ق م ۵۶۵

مستأجرک مأجوردن چیقمق یاخود مأجور داخلنده بولونان اشیانی آلوب کوتورمک تشبهنده بولوندیغی تقدیرده ماجر حبس حقنه استناداً کیرالرک تأمینده مقتضی مقدارده اشیانی صلح حاکمی حبس ایده بیلیر. بواشی کیزلیجه یاخود جبراً نقل ایدیلش ایسه کوتورلدکلری تاریخندن اعتباراً اون کون ایچنده پولیس قوتیله یکدن مأجوره اعاده اولوبایلیر. بورجلر قانونی ۲۶۹ ماده

قوئوبه راتیف شرکتمده کی برشریکک شخصی داینلری آتحق اوشریکه عائد فائض وتمتعلى وشرکتک انفساخنده اوشریکه تسویه ایدیهلک حصه یی حجز ایده بیلیرلر، اموال شرکتدن برشی حجز ایده مزلر. تجارت قانونی ۴۹۷

عمومی مغازه لره مودوع امتعه و ذخائر [واران ایله مقبوض سندینک ضیاعی یاخود ارث ویا افلاس سببیه وقوعه کلهن اختلافات حاللری مستثنا اولق اوزره] احتیاطاً دخی حجز اولوناماز. ت ۸۰۹

بورجلونک اوچنچی شخص نژنده ویا ذمتنده بولنان اموال و آلاچغی قابل حجزدر. آتحق اوچنچی شخص حجزک تبلیغی تاریخندن اعتباراً سکز کون ایچنده حجزی طلب اولونان اموال ویا بورج حجزک تبلیغندن مقدم اخذ ویا استهلاک اولونمش ویا کندیسنک صنع وتقصیری اولمقسزین تلف اولمش ویا آلاچق بورجلویه ویا اونک امر ایتدیکی محله ویریلش ایسه بونی حجز مأمورینه ویا حجز تدابیرینی اتخاذایدن محکمه یه خطاباً محرر برقطعه بیاننامه ایله بیلدیرمهک مجبوردر.

بیلدر ایسہ اوچنچی شخص حقندہ حجز وسائر تدابیرك اتخاذنن صرف نظر اولونور . بیلدرمز ایسہ حجزی طلب اولنان اموال ویا آلاچق اوچنچی شخص نزدندہ ویا ذمتندہ موجود عد اولونارق اموالک اعادہ سی ویا بورجک تسویہ سی قابل اولمادینی تقدیردہ قیمتک اعطاسیلہ محکوم ایدیلر .

حجزی طلب ایدن کیمسہ بیاننامہنک خلافی اثبات ایتک حقنی حائرر . باشقہ بیاننامہنک خلافی اثبات اولوندینی تقدیردہ اوچنچی شخص تضمیناتلہ محکوم اولدقدن باشقہ خلاف حقیقت بیاناندہ بولونمق جزاسیلہدہ محکوم اولور . بوحکم خلاف حقیقت بیاناندہ بولونان مأمورین حقندہدہ تطبیق اولونور . آلاچقلى طرفندن بورجلونک اوچنچی شخص ذمتندہ آلاچقلى حجز ایدیلد کدہ اجرا رئیسى طرفندن محجوز مبلغ آلاچقلى به تخصیص ایدیلد کدن صوکره دیگر آلاچقلىر تخصیص اولونان مبلغدہ حجزه اشتراك ایدہ مز . ا ص ۴۶۳، ۴۶۴

احتیاطی تدبیرلر و حجز احتیاطی مستدعیات

ومقررانی نمونہ لری

- ۱ -

احتیاطی تدبیری متضمن قرار نمونہ سی

ایجابی بالذاکره . . . ده مقیم . . . افندی علیهنده زوجہ سی . . . خانم طرفندن اقامہ اولونان بوشامہ دعواسنک جریان ایدن محاکمہ سنده زوجہ مزبورہنک وکیل آووقات . . . بک موکلہ سی ، دردست رؤیت اولان بوشامہ دعواسنک نتیجہ سنہ قدر سکنا و نفقہ یه اشد احتیاجلہ محتاج اولوب بونلری تأمین ایدہ جک کافہ اسبابدن محروم اولدیغندن مسکن کیراسیلہ نفقہ سی ایچون مقدار کافی مبلغک مدعی علیہ زوجدن اخذ و تأمین و مال اورتاقلنی اصولنی قبول ایتمش اولدقلری جهتلہ نتیجہ محاکمہ یه قدر موکلہ سنک متضرر و حقوقی مختل اولماسی

محمل اولدیغندن اموال موجوده حقنده تدابیر مقتضیه‌نک اتخاذ وایفاسی طلب اولونماسندن ناشی بعده نتیجه محاکمه کوره معامله ایدیلک اوزره شمذیلک مدعیه زوجهنک اسکان وافتاقه مدار اولاجق یوز لیرانک مدعی علیهدن اخذیله مدعیه اعطاسنه واورتاقلق ماللرینک خساردن وقایه‌سی وحصالات مشترکهنک جیاتی ایله حفظنه کاتب عدلدن مصدق کفالتنامه‌سی مقابلنده مدعیه‌نک ده موافقت ایتدیگی زوج مدعی علیهنک عوجه‌سی... افندیکنک ید وعهده مسئولیتنه تودیعنه ومومی ایله طرفندن ماللرینک حالنه وحصالاته دأر برقطعه دفترتنظیمیله محکمه‌یه اعطا ایلمسی لزومنه ومعامله مقتضیه‌نک ایفاسنه قرار ویریلدی .

س سنه اعضا اعضا رئیس

...

- ۲ -

ایجابی لدی التذکر ... ده مقیم ... ایله زوجہ‌سی... میانه لرنده محکمه مزده دردست رؤیت اولان بوشانمه دعواسنک نتیجه‌سنه قدرزوجہ مزبورهنک تدارک واستیجار ایلدیگی ... ده نومرولی ... بی موقت اقامتگاه اتخاذیله حاصل اولان ضرورته مبنی آیری یاشامغه مأذونیتنه وسکنا ونفقہ بدلنی مالندن تسویه قدرتیاب اولمادیغی آکلاشیلان زوجہ مزبوریه نتیجه حکمه قدر محتاج اولدیغی... لیرایی تأمین ایچون مال برلکی اصولی قبول ایتمش اولان زوجینک بورجلولرندن... نک جلیله وعده‌سی تقرب ایدن... لیرایی زوجہ مزبوره ویریلک اوزره محکمه باش کتابتنه تودیعی لزومنک کندیسنه تبلیغنه قرار ویریلدی . س سنه

اعضا اعضا رئیس

...

- ۳ -

ایجابی تأمل اولوندی : ... وزوجه‌سی... آراسنده جریان ایدن بوشانمه دعواسنک محاکمه‌سند مرقوملردن متولیدی یاشنده‌کی ... نام چوققرلینه هرابی طرف تصاحب ایتمه‌رک ولایت وصیانتی وافتاق و تربیه‌سی بری دیکرینه

عطف و ترك ايله اورته ده بر اقد قلى آكلاش-يلىدن نتيجه محاكمه قدر
ومصر فى بعده حقمن طرفه حكم ايدىك اوزره ... ده واقع حمايه اطفال
مؤسسه سنه توديعنه بر تدبير موقت اولق اوزره قرار وىرىلىدى . س سنه
اعضا اعضا رئيس
... ...

- ۲ -

ايجابى مذاكره اولوندى . كوزل از مير ناميله ده اول كشاد ايلش اولدينى
استانبولده قالباچيلر باشنده كى دكاننده اجراى تجارت ايدن ... طرفدن ، باغچه
قابوسنده اخيراً ... طرفدن آچيلان مغازيه « كوزل از مير » نام ر لوحه سى
طافلىدىغندن ناشى مشترى لى التباس سبيله شاشيره رق بر چوق مكاتب تجارتية نك
وسپار شلرك كاه اوكا وكاه كنديسنه ورودى كى اختلاطات حصوله كلكده
بولمسنه وبويوزدن تاريخ دعوايه قدر ... لى رالى بر ضرر وزيانه گرفتار اولمسنه
مبنى تضمينى وعنوانك تبدیلی حقنده ... طرفدن اقامه اولونان دعوانك
محاكمه سنده اول امرده قانون تجارتك ۵۶ نجى ماده سى موجبجه التباس واقعى
دفع ايچون محدث ايكنجى عنوانك « كوزل يى از مير » شكلنه تبدیلی وتبديل
واقعت غزته ايله اعلان ايدىلمسى تدبيرينك اتخاذه قرار وىرىلىدى .

س سنه اعضا اعضا رئيس

... ...

- ۵ -

ايجابى تذكر اولوندى . هامبورغده ... تجارتخانه سىف اولارق صايدىنى
بيك چوال انجيرك از مير ليمانندن فلمنك باندیره لى ... نام واپوره حين تحمیلنده
مبيع انجيرلرك حال ، وزن ووصفك كشف ومعاینه سى مشروط اولديغندن
مشترينك بوراده وکیلده بولونمادیغندن غایبده طرف محكمه دن اهل خبره
تعینيله كشف ومعاینه سنك اجرا بر قطعه شهادتنامه وضبطنامه نك تنظيم واعطاسى
طلب واستدعا اولمقدن ناشى قانون تجارتك ۷۳۶ نجى ماده سنه توفيقاً از مير

تجارت اوطه‌سی مجلس اداره‌سی اعضاسندن و یمش تجارندن ... و ... و ... نك
 اهل خبره و محكمه اعضاسندن ... افندینك نائب تعینیه ... غروش اجرت
 و مصارف ضروریه اخذیه مخلنده بروجه طلب كشف و معاینه‌سك اجرا و اهل
 خبره طرفندن بر شهادتنامه اعطا اولونارق وقوع حالی مبین مخلنده بر قطعه
 ضبطنامه تنظیم و برر صورتك مستدعی‌یه اعطاسنه قرار و یریلدی .

ا س نه اعضا اعضا رئیس

جز احتیاطی استدعاسی نمونه‌سی

استانبول محكمه اصلیه‌سی در دنجی حقوق دأسه‌سی ریاست علیه‌نه

طالب حجز : ... ده مقیم ... جلب اصنافندن ... اوغلی ...

مدیون : ... ده مقیم ... چفتلك اصحابندن ... اوغلی ...

شخص ثالث : ... ده مقیم ... زراعندن ... اوغلی ...

ایوب سلطانده وزیر تکیه‌سنده ... سوقاقده ... نومرولی خانه‌ده مقیم
 چفتلك اصحابندن سلیمان اوغلی حلیم آغا ذمتنده وعده‌سی حلول ایتیش بر قطعه
 دین‌سندی موجب‌جه بیع و تسلیم ایلدیکم قویون ائمانندن مطلوبم بولونان آلتی
 یوز لیرانك تأمین استیفاسی ضمتنده اغنامی بر ایکی کون ظرفنده قاجیراجغندن
 تشکیل طرفین ایتمه‌یه رك مستعجلاً مدیون مرقومك صاحب و مالك اولوب
 الیوم بورغاز ناحیه‌سك ... کوینده واقع قشلاقده رعی ایتدیردیکی و قریه
 مذ کورده‌ده ساکن چلبی زاده خالد آغانك یداماننده مودوع بولونان اغنامندن
 یوز یکر میسك حجز و توقیفیه ید عدله تسلیمی و بو باده کی حجزنامه‌نك بر
 نسخه‌سك بالتصدیق مرقوم حلیم آغا ایله شخص ثالث خالد آغایه تبلیغی استدعا
 ایده‌رومذ کور سندایله اشبو حجز احتیاطیدن دولایی عندالمحا که حقسز چیقدیغم

تقدیرده مرقومانه ترتب ایدہ جک بالجلہ ضرر و زیان و مصارفک ایفاسنی متعهد
مصدق کفالتنامہ بی ربطاً تقدیم ایلدیکمی عرض ایلرم اقدم .

... ده مقیم ... ل سنه

مصطفی

دہم سمری صورتی

... ده مقیم مصطفی آغادن اشترا و تسلیم ایلدیکم اوچیوز قویون ائمانندن
مباقی آلتی یوز لیرا ذمتمده بورجم اولوب تاریخ سنددن آلتیش برکون ظرفنده
تأدیہ ایلہ جکمی مبین سند اعطا قلندی .

... ده مقیم ...

حلیم

کفالتنامہ صورتی

ایوب سلطانده وزیر تکیه سنده ... سوقاقدہ ... نومرولی خانده ساکن
چفتلک اصحابندن سلیمان اوغلی حلیم آغا نام کیمسه دن آلاجنی اولان آلتی یوز
لیرانک تأمین استیفاسی ضمنده مرقومک مالک اولوب بورغاز ناحیه سنک ...
کونینده خالد آغا نزدنده امانت بولونان اغنامدن یوز یکرمی رأسه حجز احتیاطی
وضع ایدهن ... ده مقیم ... دن مصطفی آغانک وضع ایلدیکی بو حجزدن دولایی
عندالحا که حقسز چیقارایسه مرقوم حلیم آغا ایلہ اشخاص نالیه ترتب ایدہ جک
بالجلہ ضرر و زیانی و مصارفنی ایفایہ اوچیوز لیرایہ قدر کفیل اولدیغی مشعراشبو
کفالت سندم اعطا قلندی . ل سنه ... ده مقیم ...

اشبو کفالتنامہ زیرینه وضع امضا ایدهن ... ده مقیم ... کوبابده کی کفالتی
معتبر اولوب اولمدیننک تحقیقی ضمنده کاتب عدل ... بک محل مزبورہ بالعزیمہ
حاضرون مواجهه سنده بو کفالتنامہ بی قرائت و مندرجاتی کفیل مومی الیه تفهیم
و طرفیندن بالقبول اقرار و تصدیق اولوندقدن صوکره زیر کفالتنامہ ده کی امضا
کفیل مومی الیهک اولدیغی و شخصی معروفز اولدیغی کبی بوبابده کی کفالتی معتبر

وشایان قبول اولدیغنه طرفین عاقیدینه ویکدیگر مزه برکونا تعلق و قراتمز اولمایارق
تصدیقاً شهادت ایدرز. س س

... اصنافندن ... اصنافندن

امضا

امضا

اشبوا مضالره کفیل مرقومک بوجه محرر اعتباری تصدیق اولونور

فلان اصناف کتخدالی

اشبو کفالتنامه زیرنده کی امضا کفیل مومی الیه ... ک اولدینی و شخصی
معروفلری بولوندینی کی بوباده کی کفالتکده معتبر و قبوله شایان اولدینی بر
منوال مشروح مقبول الشهادت شاهدان طرفندن بیان و جمعیتلری کتخداسی
طرفندن دخی تأیید اولونماسنه بناء مذکور کفالتنامه بعدالقید تصدیق قلندی .
استانبول دردنجی کاتب عدلی

مهر استعداسنک ظهرینه یازمهده من حکمه نك مهر قرارى

مستدعی مصطفی آغانک مدعی علیه حلیم آغا ذمتنده اغنام اثمانندن آلتی
یوز لیرالقی آلاجق ادعاسی محکمه یه مبرز وعده سی حلول ایتیش بر قطعه سنده
استناد الیسنه و عندالحاکمه حقمنز چیققدینی تقدیرده مدعی علیه ایله شخص ثالث
یویوزدن ترتب ایده جک ضرر و زیانلرینی تضمین ایده جکنه دائر مصدق کفالتنامه
دخی مبرز اولماسنه و کیفیت مواد مستعجله دن کوریلهرک تشکیل طرفین ایدیلنجه یه
قدر حجزی طلب اولونان اغنامک آخر محله سوق مأمول بولونماسنه و معجل اولان
آلاجقک مقابلنده رهن اولماسنه بناء تشکیل طرفینه محل اولقسزین استدعا
نامه ده بیان اولونان یوز یکریمی رأس قوبونک اصول محاکمه حقوقیه نك ۱۰۲
و ۱۰۵ نجی ماده سنه توفیقاً احتیاطاً تحت حجزه آلینه رق یدعده تسلیمنه و ...
خرج و مصرف مستدعیدن اخذینه و معامله لازمه سنک ایفاسی ضمننده استانبول
اجرا دائره سنه تودیغنه متفقاً قرار ویریلدی س س

اعضا اعضا رئیس کاتب

... ..

تشکیل طرفین ایله قرار ویرایش ایسه مثلاً [مستعجلاً جلب اولونان طرفین حضورنده استدعا وسند و کفالتنامه اوقونه رق مستدعی مألرینی تکرار ومدعی علیه سند کنديسنك ایسه ده کنديسنك ده آنده آلاجنی اولدیغندن حسابلرینك رؤیتی لازم کلدیکنی و آندن اول حجز احتیاطی وضعی طلبنك ردی اقتضا ایده جکنی بیان ایتمکله بالذا کره .. الخ] یازیلور .

قرار صورتی دائره اجرا معرفتیه تبلیغ اولونور . تبلیغ ، حین اجراده و بولونمازلرسه بعدالاجرا یاییلور . و تبلیغ تاریخندن اعتباراً اون کون ظرفنده حجزه قرار ویرن محکمه یه تصدیق حجز استدعاسی ویریلیر . بو مدت ظرفنده تصدیق حجز استدعاسی ویردیکنه دائر حجاز محکمه دن برعلم و خبر آلارق دائره اجرایه ابراز ایده ر . متحجز و یا شخص ثالث حجز احتیاطی قرار غیایسنه قارشی تصدیق حجز دعواسندن اولده اعتراض ایده بیلیرلر .

متحجزك اعتراضنامه سی

استانبول در دنجی حقوق محکمه سی ریاست علیه نه

مدعی : ... ده مقیم ... اصنافندن ... اوغلی ...

مدعی علیه : ... ده مقیم ... اصحاب املا کدن ... اوغلی ...

تبلیغك موضوعی : وضع اولونان حجزه بالاعتراض فکنه قرار ویریلی طلبنه متدائر نسختین اعتراضنامه در .

ذمتده آلتی یوز لیرا مطلوبی اولدیغندن و ماللرمی قاجیراجغمدن بحثله یوز یکریمی قویونمك احتیاطاً حجزی ... ده مقیم ... طرفندن طلب اولونماسندن دولای غیایمه اولوجهله قرار ویریلرک قرار مذکور دون اجرا ایدیش ایسه ده دین مذکور مقابلنده داین مومی الهیه بالق بازارنده ... ده بوده موجود ... تنکه پنبیرلری ترهین ایلش اولدیغمدن و اصول حقوقیه نك ۱۰۲ نجی ماده سنده موضوع حجز احتیاطینك وضعی دینه مقابل رهن بولونماسیله مقید بولندیغندن و یدمه

موجود اولوب ابرازایدہ حکم ایکنجی بر مقاوله یه نظراً وعدہ دین آلتی آی مدتلہ
تمدید قلمش اولدیغندن و اموال مذکورہ نك قاجیر یلا جغه دائر دلیل اراٹہ
ایدیلہ مدیکندن حاجزك مستعجلاً جلیله بالحا کہ حجز موضوعك فکنه قرار
ویریلسنی طلب واستدعا ایدہ رم افندم . ۱ سنہ

... ده مقیم ... دن

...

شخص ثالثك اعتراضامه‌سی

استانبول محكمه اصلیه‌سی در دنجی حقوق دائره‌سی ریاست علیہ‌سنہ

مدعی : ... ده مقیم ...

مدعی‌علیه : ... ده مقیم ...

تبلیغك موضوعی : مدعی علیہ طرفندن حجز وضع ایتدیریلان اغنام اموال
مشتراک اولدیغندن حجز موضوعك فکی طلبنه دائر عرضحالدر .

... ده مقیم ... ك ... ذمتنده کی آلا جغتك تأمین استیفاسی ضمننده مدیونك

مالی اولدیغندن بالبحث دونکی کون اجرا معرفتیه یدمده بولونان یوز یکر می
رأس قویون احتیاطاً حجز و ید عدل انتخاب ایدیلن تودیع ایدیلش
ایسه‌ده اغنام محجوزہ مذکورہ ^{مدیون} علیہ . . . ك ایکن تاریخندن ایکی آی مقدم اثمان
مقبوضه مقابلنده بکا بیع وتسليم ایدیلهرك . . . ك آنلرده علاقہ‌سی قالماش
اولدیغنی ربطاً تقدیم ایتدیکم سند مندرجاتیلہ اثبات ایدہ جکمدن طرفین ایلہ
کفیل . . . ك محکمہ علیہ‌لرینه مستعجلاً جلیله بالحا کہ حجز موضوع مذکورك
فکنه و بویوزدن واقع اولان . . . لیرالق زیانمک کفیلدن تحصیلنه قرار ویریلسنی
استدعا ایلرم افندم . ۱ سنہ

... مقیم ...

شخص ثالثك بیاننامهسی

استانبول اجراء دأرہسنہ

... ده مقیم ... ك ... ده مقیم ... ذمتندہ مطلوبی بولونان آلتی یوزلیرانك
تأمین استیفاسی ذمتندہ مدیونك مالك اولدیغی یوز یکرمی رأس قویونك
احتیاطاً حجزینه دائر استانبول محکمہ اصلیهسی دردنجی حقوق دائرہسندن
صادر اولان قرار صورتی طرفہ تبلیغ قلمشد.

حجز اولونان یوز یکرمی قویون امانتہ نزدمدہ موجود اولدیغی و حال
وصفیرینی مبین ممضی مفردات پوصلہسنك مربوطاً تقدیم قلدیغی مبین اشبو
جوابنامہ ارسال قیلندی .

امضا

ل س نه

...

دیگر صورتدہ جوابنامہ

... ده مقیم ... ك ... ده مقیم ... ذمتندہ مطلوبی اوینی ادعا اولونان
آلتی یوز لیرانك تأمین استیفاسی ذمتندہ مدیون مومی الہك یوز یکرمی قویونك
احتیاطاً حجزینه دائر ویریلن قرار اموال محجوزہنك نزدمدہ بولندیغی ظنیله
طرفہ تبلیغ قلمش ایسہدہ مدیون ایله هیچ بر مناسبتم اولمایوب نزدمدہ اوکا
عائد اغنام بولونمادیغی جواباً بیان ایلم افندم . ل س نه ... ده مقیم ...

تصدیق حجز عرضحالی نمونہسی

استانبول محکمہ اصلیهسی دردنجی حقوق دائرہسی ریاست علیہسنہ

مدعی : ... ده مقیم جلب اصنافندن ... اوغلی ...

مدعی علیہ : ... ده مقیم چفتلك اصحابندن ... اوغلی ...

تبلیغك موضوعی : مدعی علیہ ذمتندہ مطلوبم اولان آلتیوز لیرانك

مع فائض و مصارف تحصیلنه و حجز موضوعك تصدیقنه دائر نسخین دعوی
عرضحالدر .

ایوب سلطانده وزیر تکیه سنده ... سوقاغنده ... نومرولی خانه ده مقیم
نومرولی خانه ده مقیم چفتلك اصحابندن حلیم آغا ابن سلیمان ذمتنده بیع و تسلیم
ایلدیکم معلوم المقدار قویون ائمانندن ل سنه تاریخی بر قطعه سند موجبنجه
آلاجیم اولان آلتی یوز لیرانك تأمین استیفاسی ضمنتده مدیون مومی الیهك
مالی اولوب بورغاز ناحیه سنك ... کوینده خالد آغا نزدنده امانه مودوع
اغنامندن یوز یکریمی رأسنك احتیاطاً حجزی حقنده محکمه علیه لرندن ل سنه
تاریخنده قرار صادر اولدیغندن سند واستدا صورتلرینك متحجز علیه کندیلرینه
تبلیغیه مدت قانونیه طرفنده تعاطی اولوناجق لویاجدن صوکره تصدیق حجز
استدعاسنك قبولیه حجز موضوعك تصدیقنه و مبلغ مذکورك مع فائض و مصارف
محاکمه تحصیلنه قرار اعطا بیورولماسنی طلب واشبو تصدیق حجز استدعاسنی
اعطا ایلدیکمی مبین برقطعه وثیقه ویریلسنی استدعا ایلم افندم .
ل سنه ... ده ...

وثیقه نمونه سی

... ده مقیم ... طرفندن ... ده مقیم ... نك مالی اولوب ... نام شخص
ثالث نزدنده بولنان یوز یکریمی رأس قویونك احتیاطاً حجزینه دائر محکمه -
مزدن صادر اولوب ل سنه تاریخنده معامله سی و تبلیغاتی ایفا قلنان قرارك
تصدیقی و مدعا بهك تحصیلی طلبنی متضمن ل سسنه تاریخنده محکمه یه استدعا
ویریلش اولدیغنی مبین اشبو وثیقه اعطا قلندی .
ل سنه دردنچی حقوق محکمه سی باش کتاتی

اجرا دائره سی علم و خبری

ا سنه تاریخده یوزیکرمی رأس قویونک حجز احتیاطی صورتیله حجزی
 قرارینی استحصال و ایفا ایتدیره ن ... ک استانبول دردنجی حقوق محکمه سنه
 ا سنه تاریخده تصدیق حجز استدعاسی و یردیکی دوسیه سنه موضوع محکمه
 باش کتابتک وثیقه سندن آکلاشلمغله اشبو علم و خبر حاجز ... ه اعطا قلندی.
 ا سنه اجرا مأموری

...

نمدالاعتراض اوراق اوزرینه حجز قرارینک تعدیلی

ایجاب مذاکره اولوندقده ... ده مقیم ... ک باستدعا اصولی دائره سنده
 مراجعتله ... نک ... ده کی یوز یکرمی رأس قویونک احتیاطاً حجزینه قرار
 ویریلش ایسه ده مدیون طرفندن بوکره وقوع بولان اعتراض اوزرینه جریان
 ایدن محاکمه دینک مقابلنده یکرمی تنکه پیز ارتهان ایدیلدیکی و دینک
 وعده سی آلتی آی مدتله تمدید ایدیلش اولدینی اکلاشیلدیغندن مدعی طرفندن
 کفیل علیه آتی به تعلیق اولونان ضرر ویان دعواسی حق محفوظ قالمق اوزره
 حجز موضوعک فیکنه و ... مصارف محاکمه نک حاجزه عائدیتنه ا سنه تاریخده
 وجاهاً و متفقاً قرار ویریلدی . ا سنه اعضا اعضا رئیس کاتب

... ..

متحجزک تأمینات ارا نه سی مقابلنده احتیاطی تدبیرک رفی قراری

ایجابی لدی المذاکره ... ده مقیم ... طرفندن قویون ائمانندن مطلوبی
 بولونان آلتی یوز لیرانک تأمین استیفاسی ضمانتده مدیون ... ک یوز یکرمی
 رأس قویونک احتیاطاً حجزینه قرار ویریلهرک معامله متعاقبه سی ایفا ایدیلش

ایسه ده متحجز مومی الیه بو کره محکمه یه مراجعتله جانلی حیواناتک حجزی کندیسینی
خیلی متضرر ایده جکندن فائضیه دینی محکمه وزنه سنه ده بو ایده جکندن اغنام
اوزرنده موضوع حجزک فیکنی طلب ایلمش و بوکا قارشى حجزک بیاناتی شایان
التفات کوریلشمش اولدیغندن اصول حقوقیه نک ۱۱۱ نجی ماده سی موجبنجه
موضوع حجز احتیاطینک اولوجهله فیکنه و مبلغ مدعاهک مع فائض محکمه وزنه سنه
ده بو ایدیلسنه قرار ویریلدی . سا سنه اعضا اعضا رئیس

... ...



دلیللرک تثبیتی

ایکی طرفدن هر بری ایلروده اقامه ایده جکی دعواده درمیان ایدیلرکک خصوصک ویادر دست رؤیت اولان دعواده هنوز تحقیق و تدقیقه صیرا کلمه مش اولان بر خصوصک ایلروده تأمین اثباتی و دلائلک ضیاعدن وقایه سی ضمنده شاهد ، کشف ، اهل خبره و یادیکر دلیللرایله قبل الدعوی تثبیتی طلب ایده بیلیر . بواصولی تجویز و تأسیسه کی فائده غیر قابل انکاردر .

بواصول وقتیلر احکام فقهیه دن اولان کتاب القاضی الی القاضی و کتاب الشهاده علی الشهاده احکامنه بر آز بکزه ر .

قانون مدنی حکمی محفوظ قالمق شرطیلر انحق الیوم ضبط و تثبیت اولنماز ایسه ایلروده ضایع اولاجنی و یا اقامه سی متعذر و یا متعسر اولاجنی ملحوظ اولان دلیللرک تثبیتی ایسته نه بیلیر .

قانون مدنی حکمنک محفوظ اولاجنی قیدندن مقصد اسباب نبوتیه سی و کیفیت حلی طرفینک اختیارینه منوط اولمایان مسائلک استثنائیتی بیاندیر .

دلیللرک تثبیتی حقنده صلاحیتدار محکمه ، دعوی اقامه اولنماش ایسه الک سریع والک آزمصرفله دلیلک تثبیتی قابل بولونان محکمه ، ودعوی در دست رؤیت ایسه رؤیت اولوندیغی محل محکمه سی و یا صلح حاکمیر .

دلیللرک تثبیتی ناصل طلب اولونور ؟ اثبات اولونا جق وقعه ایله شاهدلرله و اهل خبره یه صوریلر الاق سؤللری و کشف و معاینه اولونا جق شیئک ماهیتی محتوی اوچ نسخهدن عبارت عرضحال ایله طلب اولونور .

عرضحال محکمه جه تشکیل طرفیندن اول تدقیق و شایان قبول کوریلیر ایسه دلیللرک تثبیتی ایچون بر کون تعیین ایدیلیر و محکمه نک قبول قراری صورتی دیکر طرفه تبلیغ و یوم تثبیت اخبار اولونور .

طرف دیگر بونک اوزرینه کندنجہ صوریلاجق سؤالری حاکمہ کوندرمک و تثبیت کوننده محکمه ده و یا محل تثبیتده بولونمق حقنی حائزدر .

مع مافیہ مستعجل اسباب بولوندینی و یا طالب تثبیت اولان مدعینک حقوقنی محافظه ایچون ضروری کوریلدیکی حالده محکمه و یا حاکم استثناءً تبلیغاتدن صرف نظر ایدہ بیلیر .

بوتقدیرده محکمه و یا حاکم تثبیت ایله دیکی دلائلی متضمن تنظیم ایدہ جکی ضبط ورقه سی صورتی در حال دیگر طرفه تبلیغه مجبوردر .

دلیلارک تثبیتی حقنده سبق ایدہ جک اعتراضات دلیلاری تثبیت ایدہن حاکم و یا محکمه طرفدن حل اولونور .

دلیلارک تثبیتی ایچون ایفا و تنظیم ایدیش اولان بالعموم معاملات و اوراق اساس دعوی دوسیه سنه مربوط عد اولونور .

دلیلارک تثبیتی خصوصنده اصول محاکمہ حقوقیه نک [شهادت] بحثنده کی احکام ایله [اهل وقوف] و [سندات] حقنده کی احکامه رعایت اولونمق لازمدر . بناءً علیه شهادتدن امتناع ایدوب ایدمه مک ، شاهدلرک هانکیسنه یمین و یریلہ جکی و هانکیلرینه یمین و یریلہ جکی ، دولت خدمتنده بولونانلرک رسماً جریان ایدہن احوال حقنده صورت استماعری ، شاهد گلز و یا سبب قانونی و المفسزین شهادتدن امتناع ایدہر و یا یمین ایتزایسه یا بیلاجق معامله ، شاهد قضا خارجنده اولور و یا محکمه یه کلکده معذور بولونور ایسه صورت استماعی ، حصر شهادت ، و صورت ادای شهادت و شاهد مصرفلرینه متعلق اصول حقوقیه نک شهادت بحثنده کی احکامی بوراده ده تطبیق اولور .

کذلک اهل وقوفک صورت انتخابی ، ردی ، بحق و یا بلا سبب مقبول ایفای وظیفه دن امتناعلری ، صورت استماعری ، اجر تلمری حقنده بحث مخصوصنده کی احکام بوراده ده جاری اولور .

سندات حقنده اصولک ۲۸۷ نجی ماده سندن ۳۳۷ نجی ماده سنه قدر اولان احکام استکتاب و تطبیق خط و امضا داخل اولدینی حالده دلائلی تثبیت حالنده ده جاریدر .

تثبیت دلائل حقنده عرضحال نمونه‌سی

استانبول محکمہ اعلیٰ عدلیہ صلیبی ایجنسی حقوقی دادرسی ریاست علیہ

حالا قاهره اولوب مقدما نشانطاشنده ... سوفاقدہ ... نومرولی خانه ده
 مقیم بولوندیغی زمان تاربخدن بر بچق سنه اول بندن استعاره ایلدیکی ... قیراط ...
 لیرا قیمتندہ بر اینجی کردانلکی قاهره یه کیده رکن ، کتیدیکی خبر آلامدیغمن
 استرداد ایدہ مدیکم کی یازدیغ مکتوبلر مده جواب ویرمهش اولدیغندن ایلک
 فرصتده اقامہ دعوی ایدہ جک ایسه مده اعاره یی انکار ایتسی احتماله منی کیفیتی
 بیلن وعقد عاریتک مجلسنده حاضر بولونمش اولان ... ده مقیم مصرلی ...
 بک ایلہ زوجہ سی ... خانم و اووقت مستعیرک خدمتندہ بولونوب شمدی شیشلیده
 فرانسز خستہ خانه سنده ... نومرولی پویونده اسیر فراش بولونان حمزه اغادن
 مومی الیہا مصرلی ... بکله زوجہ سی ... خانم بوهفته پارسہ مہی عزیمت
 بولونمالرینہ و حمزه اغانک خستہ لغی مشدد اولوب افاقت بولاماماسی چوق محتمل
 بولونماسنہ منی ایلرودہ اثبات مدعا متعذر و بلکہ مده مستحیل اولاجغندن
 مومی الیہمانک بالجب و مرقوم حمزه افندینک نائب واسطہ سیلہ خستہ خانه ده
 استشہادیلہ کندیلرینہ ؛ ل سنہ تاربخندہ کیجہ یمکدن صوکرہ ... ده واقع
 نومرولی قوناقدہ مستأجراً مقیم مومی الیہ مصرلی ... بک ... شکلدہ قیراط
 و مقداری قونیشیلار ق طرفدن بر اینجی کردانلکی اعاره و مومی الیہ طرفدن
 استعارہ و تسلیم ایدیلدیکی کوروب کورمدکلرینک کندیلرینہ صوریلہ رق شہادتلرینک
 ضبطیلہ اصول محاکمہ حقوقیہ نک ۳۷۲ نجی ماده سی موجبہ تثبیت دلائلہ قرار
 اعطا بیورولماسنی استدعا ایدہر واشبو استدعانک ایکی قطعہ صورتی ده تقدیم
 ایلرم . مشہود علیہک مصرده کی اقامتکاهی معین اولمادیغندن و حاصل اولان
 مستعجلیت سببیلہ کیفیتک بر هفته دن زیادہ تأخیرہ تحملی بولونمادیغندن
 تبلیغاندن صرف نظر بیوریلار ق طلبکم قبولہ قرار ویریلسنی رجا ایدرم افندم .
 ل سنہ ...
 ده مقیم اصحاب املا کدن

محكمه نك طلب واقعى قبول قرارى نمونه سى

ايجابى بالماذا كره : مصرلى ... بكة ... سنه تاريخنده بلامدت اعاره
ايدوب هنوز استردادينه موفق اولامادىنى ... قيراط و ... قيمتنده بر اينجى
کردانلك اعاره ايدىلىكىنى بيله شاهدلردن ايكى سنك بوكونلرده ممالك اجنيه
متهى حركت اولمالرى و برينك موت ايله نتيجه نئىسى محتمل خسته لقله خسته خانه ده
بولونما سى سبيله دعواسى اثبات ايجون فرصت حلولنده دلائل موجوده يه ظفرياب
اولونما ياجغندن و بوضورتله حقتك ظاهره اخراجى مستحيل بولوناجغندن بخله
شاهدلره صوريلاجق سؤاللىرى محتوى ... ده مقيم ... طرفندن صلاحيتدار
اولان محكمه مزه اعطا اولونان عرضحالك قبولنه و كيفيتك حائز استعجال اولماسى
سبيله اصولك ۳۷۲ اينجى ماده سنك اوچنچى فقره سى موجبنه تبليغاتدن صرف
نظر اولونماسنه و شاهدلردن مصرلى ... بكة زوجة سى ... خانمك براى شهادت
محكمه يه جلبنه و اعضادن ... بكتك نائب تعيينيله مدعى حاضر اولدينى حالد
ديكر شاهد حمزه آغالك خسته خانه ده افاده سنك اخذينه و افادات شهودى متضمن
ضبط ورقه لرينك تنظيميله بر صورتك مشهود عليه تبليغيله اصلنك دوسيه ده
حفظنه و شهود و نائب ايله ايله كاتبك مصارف ضروريه سى اولان ... غروشك
بعده حقسز چيقاجق طرفدن استيفا اولونمق اوزره مستدعي دن اخذينه ... سنه
تاريخنده متفقاً قرار ويريلى سنه ... اعضا ... اعضا ... رئيس
... ..

طرف ديكرلك بعض سؤاللك صورولماسى طئبنى

محتوى جوابنامه سى

استانبول محكمه اصليسى اينلجى حقوق داره سى رياست عاينه

موكل مصرده موقه مقيم ... بكة بر اينجى کردانلك اعاره ايتديكندن
و مستعيرك بلا خبر مصره كيتمسندن دولاي حقتده ايلك فرستده دعوى

اقامه ایده جکندن بختله کیفیتدن معلوماتدار اولوب اوروپایه متهی حرکت اولان مصرلی... بکله زوجہ سی... خانمک و شیشلی فرانسز خستہ خانہ سندہ اسپر فراش اولان مؤکلمک سابق خدمتجیسی حمزہ آغانک قبل الدعوی استشہادیلہ افاداتنک ضبط و تثبیت... دہ مقیم... طرفندن استدعا قلمسندن و کیفیتک مستعجلیتندن ناشی موکلمہ عرضحال صورتنک تبلیغندن صرف نظرلہ غیابندہ تثبیت دلائل ایدیلک اوزرہ استدعانک قبولنہ قرار ویرلدیکنی استخبار ایلدم . یدمدہ بولونان وکالتنامہ موجبہجہ مشہودعلیہ مومی الہک وکیل عمومیسسی اولدیغمدن حین استشہاددہ حاضر بولوناجمندن شہود مومی الہمہ بروجہ زیر سؤالالرکدہ صورولماسنی استدعا ایلرم اقدم .

سؤال ۱ - . بو کردنلغک مالک وصاحبی کیمدر ؟

۲ - . موکلمہ ویریلیر ایکن عاریت سوزی اولمشیمیدر ؟

۳ - قیراطدہ ... قیمتدہ اولدیغنی نہ صورتلہ بیلورسکر ؟
 - سنہ ... یازنخانہدہ آووقات

محکمہ نک تثبیت دلائلی متضمن تنظیم ایده جکی ضبطنامہ نمونہ سی

تورک ملتی نامنہ اجرای قضایہ مآذون ایاصوفیہدہ دائرہ مخصوصہ سندہ استانبول محکمہ اصلیه سی ایکنجی حقوق دائرہ سنک - سنہ تاریخندہ طوتیلان تثبیت دلائل ضبطنامہ سیدر .

رئیس ... اعضا ... اعضا ...

... دہ مقیم ... طرفندن محکمہ مزہ اعطا قیلنوب - سنہ تاریخندہ ...
 دہ مقیم ایکن الیوم قاهرہدہ نرہدہ اوطوردینی مجهول بولونان ... بک ... و ...
 و ... حاضر اولدینی حالده اعارہ ایلدیکی ... قیراطدہ و ... قیمتدہ بر ایچی
 کردانکی استرداد دعواسنی بو محکمہدہ بعدہ اقامہ ایتک اوزرہ بو کونلردہ
 تورکبدن مفارقت ایده جک اولان مومی الہما ... و ... ایلہ خستہ لفی مشد

اولمسندن دولای وفاتی محتمل بولونان شیشلی فرانسز خسته خانه سنده اسیر فراش ... آغاندن معین سؤاللرک ایرادیله شهادت لرینک ضبط و تثبیقی طلبی محتوی اولان عرض حالک قبوله قرار ویریلهرک ... و ... ه جلبنامه ارسالنه و ... آغانک نائب تعیین ایدیلان ... بک معرفتیه افاده سنک اخذینه قرار ویریلش و بالاخره مشهود علیه ... بک بوراده وکیل عمومیس بولونان آووقات ... بک طرفندن معطی عرض حالده کنیسنکده حین تثبیت دلائله حاضر بولندیریلهرق شاهد لره بعض اسئله نک ایراد اولونماسی طلب اولونماسندن ناشی بوکون مستدعی و آووقات ... افندی حاضر اولدیغی حالده تشکیل طرفین ایدیلهرک دعوتیه اجابت ابدن شاهد ... بک محکمه یه چاغردلقده اسمی ... شهرتی ... سنی ... صنعی ... محل اقامتی ... اولدیغی وایکی طرفه قرابتی و شهادتنه اعتمادی قالدیرا بیلهرک هیچ برمناسبت و علاقہ سی اولمادیغی بالسؤال اکلشلقدن و حقیقت حالی سویلشی توصیه و کنیسنه یمن ایتدیریلهرکی اخطار اولوندقن صوکره سؤالی قرار کیر اولان مستدعی ایله مشهود علیه و کیلنک صورلماسنی ایستدکلری اسئله نک بربر ایرادینه مبادرتله ... سنه تاریخنده کیجه یمکدن صوکره ... ده ... نومرولی قوناقدن مستأجراً مقیم مصرلی ... بکه ... شکلده قیراط و ... اینجی کردانلکنی مستدعینک اعاره و اونکده تسلیم ایلدیکنی کوردیکی و بو کردانلک معیری مستدعی اولدیغی کورمش ایسه ده حقیقه مالکی اولوب اولمادیغی بیلهمه یه جکنی آنجق اعاره دن مقدم کردانلکده مستدعینک ذی الید کوردیکی و حین تودیعده عاریه آلوب و بریلدیکی قونوشولمش اولدیغی و قیراط و قیمتنده طرفینک مطابق اولدقلری افاده لرندن اکلشلمش ایسه ده کنیدیلری قویوجی اولمادقلرندن قیراط و قیمتنی بیلهمه یه جکنی و بونک بالاخره اعاده ایدیلوب ایدیلدیکندن خبردار اولمادیغی و باشقه بیلمدیکی افاده ایلدی . مشهود علیه و کیلنک طلبی و محکمه نک تنسیبله شاهد یمن تکلیف ایدیلهرک اوده « شاهد صفتیه صوریلان سؤالره و یردیکی جوابلرک حقیقه مخالف اولمادیغنه و مشهودات و معلوماتندن برشی صاقلامادیغنه اللهم و ناموسم اوزرینه یمن ایدهرم » شکلنده یمن ایتدکن صوکره

دیگر شاهد ... خانم محکمه به آئینارق هویتی لدی الثبیت اسمی ... شهرتی ... سنی ... محل اقامتی ... اولدینی وایکی طرفه قرابت و مناسبتی اولمادیغی آکلاشلدقدن وعین سؤالرا ایدوعین وصایا ایفا اولوندقدن صوکره مومی الیهاده زوجی ... بکک افاده سی وجهله بیاناتده بولونارق ... سنه تاریخنده کیجه یمکدن صوکره ... ده کائن قوناقدده مستأجراً مقیم احبابلرندن ... بکه زوجیله معاً مسافرلکه کیتدکلرنده اوراده بومستدعی ... نک خانه صاحبی ... محفظه دن برانجی کر- دانلک چیقارارق ... نک او هفته یاباجنی کریم سنک ولیمه جمعیتده طاقق اوزره عاریه ووروب خانه صاحبی ده آلارق دیزینه قویدینی کوردیکی و قیراط و قیمتندن ا کلا یامازلر سده طرفین قیمت و قیراطنده مطابق قالدقلمی و بونک مستدعینک مالی اولوب اولمادیغی بیله من ایسه ده مستدعی بی بر صاحب کی واضع الید کور- دیکنی و بعده اعاده ایدیلوب ایدیلدیکنی بیله مهیه چکنی و باشقه معلوماتی اولمادیغی افاده ایله طرفینک ایراد ایلدیکنی معین اسئلیه جواب ویرمکه دیکری کی اونکده تحلیفی اجرا قلندی . هرایکی شاهدک افاده لری حضورلرنده او قونارق تصدیق و امضالری آندی . بعده خسته خانه ده نائب معرفتیه استماع ایدیلش اولان حمزه آعانک افاده سنی مبین ضبطنامه او قوندی .

مالی [.] دن عبارت اولوب ایفای شهادتدن صکره شاهدک امضاسی آلنه رق ضبطنامه تنظیم قلندیغنی میندر .

بالتیجه مستدعی وقوع حالی مبین ضبطنامه نک تنظیم و حفظ و تبلیغی طاب و مشهود علیه وکیل برده چکی اولمادیغی و موکلنک علیهنده دعوی اقامه اولوندقده حق مدافعه سنی محافظه ایلدیکنی بیان ایتملریله اشبو ضبطنامه تنظیم و طرفینه امضا ایتدیریلدکن صوکره اصول حقوقیه نک ۳۷۲ نجی ماده سی موجبنه ضبط ورقه سی صورتنک طرفینه تبلیغیه حفظنه قرار ویریلدی .

اعضا اعضا رئیس

...

تثبیت دلائل صیراسنده حاضر بولونمایان طرف دیگرک تثبیت دلائل

ضبط ورقه سنه قارشی اعتراضنامه سی

استانبول محکمہ اصلیہ سی ایلمچی حقوقہ دأرہ سی ریاست علیہ سنه

موکل ... ده مقیم ... بکه بر کردانلق اعاره ابتدکنندن بحثله بعده اقامه
دعوی ایتک اوزره وقوع حاله معلوماتی بولونان شهوددن شیشلیده فرانسز
خسته خانه سنده اسیر فراش موکلک وقیله خدمتکاری بولونان حمزه آغانک
بالتیابه استماعی طلب ایدن ... ده مقیم ... قبول اولونان استماعی طرفزه
تبلیغ اولونمادینی کبی حین استشهادده بولونمق اوزره ده خبردار ایدیلدی کمزدن
وغایمزده واقع استشهادده شاهدک موکلک خدمتجیسی بولونمش اولدینی نظر دقته
آلینارق استشهاد اولونماماسی ویا تحلیف ایدیله مه سی اقتضا ایدرکن بوندن ده ذهول
اولونماسی ونائب طرفندن بو باده طوتولان ضبطنامه نک بر صورتنک طرفلرینه
تبلیغ ایدیله مه سی مخالف اصول اولدیغندن اعتراض ایلم افندم ... ده ...
آووقات ...

دلائلی تثبیت ایدن حاکمک اشبواعتراض اوزرینه کیفیت نه صورتله

حل ایلدیکنی مین قرار صورتی

ایجابی بالندا کره ... ده مقیم ... طرفندن تثبیت دلائل اصوله توفیقاً بالتیابه
استماعی طلب اولونان شاهد حمزه آغانک حین استشهادنده دعوت ایدیله مسندن
و مستدعینک قبول اولونان عرض حال صورتنک طرفلرینه تبلیغ قیلنماماسندن
وشاهدک مین ایله استماع ایدیلسندن بحثله مشهود علیه ... نک وکیل عمومیه سی
آووقات ... بک طرفندن معطی اعتراضنامه ایله دیگر طرفک جوابی اوقوندی؛
مدعی علیه ک محل اقامتی محکمہ مزجه مجهول اولماسنه و آووقات ... بکک آنک
وکیل عمومیه سی بولوندیغنه دائر محکمہ جه بر کونا معلومات بولونماماسنه مینی


حائز مستعجلیت کوریلن بر طلب واقعہ قارشى عن الغیاب معاملہ ایفا سنہ ۳۷۲ نجی مادہ سى موجبہ محکمہ نك صلاحیتی بولونماسنه و یمینسز شهادتی ایجاب ایدن خدمتکارلق اصولك ۲۴۷ نجی مادہ سنك ۶ نجی نومروسندہ محرر اولدینی اوزره شهادت زمانندہ کی استفاده مخصوص اولوب شاهد حمزه آغانك شهادت زمانندہ مشهود علیہك مستخدمی اولمادینی طرفینك تصادق ایله نابت اولماسنه مبنی اعتراضات مسروودہ غیر وارد اولمقلہ بر موجب طلب ضبطنامہ نك برقطعه صورتك مستدعی به تبلیغنه قرار ویریلدی - سنہ اعضا اعضا رئیس

- ۶ -

... ده مقیم ... طرفندن محکمہ مزه اعطا قیلنان عرضحال اوزرینه کیفیتك مواد مستعجله دن بولونماسنه مبنی یکرمی دوت ساعت ظرفنده طرفین دعوت اولونارق مدعی علیه ... ده مقیم ... ك عدم اجابتی اوزره مدعینك عرضحال مندرجاتی تکراردن عبارت اولان افاده سى استماع اولوندی .

زبدہ طلب وادعا : ارن کویندہ ... ده واقع باغنه قومشوسى مدعی علیہك کچیلری کیره رك مهم تخریبات ایقاع ایلدکلرندن آثار ودلائلك زوالندن مقدم کشف ومعاینه سنك اجراسیله تثبیتی خصوصندن عبارتدر .

ایجابی بالذاکره اعضادن ... افندینك نائب وارن کویلی ... و ... و ... نك اهل خبره نصیله محله کیدیلهرك تخریبات مقدارینك و موجود اولدینی بیان اولونان آثار ودلائلك تثبیتله با راپور وتقریر محکمہ یه اشعارینه و (شو قدر) اجرت ومصارف ضروریه نك بعده حقمنز جیقه جق طرفه تحمیل ایدلك اوزره مستدعیدن آلماسنه قرار ویریلدی - سنہ اعضا اعضا رئیس



اقامة دعوى

و

نبذات مجربيه

اصول محاکمه عاديہ جاری اولديني احوالده يعنى شفاهي اصول محاکمه يہ تابع اولمايان موادده اقامه دعوى محکمه يہ عرضحال اعطاسيله اولور .

عرضحالك محکمه قلمنه قيدي تاريخنده دعوى اقامه ايديلس عد اولونور. خرج تعرفه سي موجبجه هر عرضحالدن قيديه خرجي استيفا اولونور ؛ و هر عرضحال تمغا و خزينه پولی اولارق اونبر غروش رسمه تابعدر .

دعوى عرضحالنده :

۱ -- ايکي طرفک و ممثلرينک اسم و شهرت و صنعت، اقامتگاه و يامسکنلريه سائر اوصاف ميژه لری

۲ -- موضوعی

۳ -- مدعينک ادعاسنک مستندی اولاق بالجمله واقع لرك صبرا نومروسي آلتنده واضح خلاصه لری

۴ -- حقوقی سيدلرك خلاصه سي

۵ -- صورت موضوعده نتيجه فدا

۶ -- مدعي و يا وكيلنک امضاسي

۷ -- خصمک نه مدته جواب ويره بيله جيکي

۸ -- هانکي محکمه يه خطاباً و يريلديکي

۹ -- مدعي دعواسني ايضاح و اثبات ايجون عرضحالنه بعض اوراق ربط ايله مش ايسه بو اوراقلک نه لردن عبارت اولديني مندرج بولونمق لازمدر .

محکمه اصلیه نك باقاجنی دعوی عرضحالی محکمه قائمه بالحواله قید ایدیلد کدن
 صوکره رئیس همان محکمه اعضاءدن برینی تحقیقات حاکمی تعیین ایدر .
 اوراق ثبوتیه عرضحالیه مربوط دکل ایسه حاکم اوراق ابرازینی مدعی به
 امر ایدر .

دعوی عرضحالیه اوراق ثبوتیه صورتلری دعوتیه ایله معاً مدعی علیه تبلیغ
 اولونور . تحقیقات حاکمی مستعجل خصوصاً درده جواب مدتی آزانته بیلیر ؛
 و بوقرارک اسباب موجب سنی دعوتیه نك اصلنه یازارق امضا ایدر .

ممالك اجنبیه ده ویا محکمه نك دائره قضاسی ویا بولوندیغی شهر خارچنده اقامت
 ایدر نرله اقامتگاهى مجهول بولونانلر حقنده یایلاجق تبلیغده هانکی کون وساعته ده
 محکمه ده بولونیللاجنی وجواب مدتی تحقیقات حاکمی طرفندن تعیین اولونور .
 اساسه جواب : مدعی علیه عرضحالک کندیسنه تبلیغی تاریخندن اعتباراً
 اون کون ویا حاکم طرفندن اسباب موجب درمیان ایدرک تعیین ایلدیکی مدت
 ایچنده اعتراضات ابتدائیه ویا اساسه جوابی یازارق محکمه قائمه تودیعیه و بر صورتی
 مدعی به تبلیغ ایتدیرمکه مجبوردر .

مدعی علیه طرفندن اعتراضات ابتدائیه درمیان ایدیلش ایسه بوجهت محکمه جه
 تدقیق و حل ایدیلد کدن صوکره تحقیقات حاکمی مدعی علیهک اساس دعوايه
 قارشى ویره چکی جواب لایحه سنی مدتی تعیین ایدر .

ایشک ماهیتی اعتباریه جواب لایحه سنک تعیین اولونان مدته تنظیمی مشکل
 ایسه ویا اسباب فوق العاده به بناء قابل اولمادیغی آکلاشیلور ایسه مدعی علیه یکی
 برمهلت ویریلیر و کیفیت در حال مدعی به بیلدیریلیر .

تعیین اولونان مدته جواب لایحه سنی ویرمه مش ویکى برمهلت ده ایسته مه مش
 اولان طرف محاکمه جلسه سنده اساسه کیریشه دن اول بو باده کی معذرتی
 بیلدیره رک مدتک تمیدیغی ایسته یه بیلیر . طلبی شایان قبول کوریلیر ایسه کندیسنه
 صورت قطعی ده اوچ کونی تجاوز ایتمه مک اوزره مهلت ویریلیر . و بوجلسه یه عائد
 مصارف محاکمه هر حاله آکا تحمیل اولونور .

مدعی علیه اساس حقنده و یردیکی جواب لایحه سنده اعتراضات ابتدائیه سنی در میان ایده بیلیر. بوتقدیرده اول امرده اشبوا اعتراضات تدقیق و قراره ربط اولونور.
جواب لایحه سی :

۱ — ایکی طرفک و ممثلارینک اسم و شهرت و صنعت و اقامتگاه و یامسکنلریله سائر اوصاف ممیزه لری.

۲ — موضوعی.


۳ — مدعی طرفدن بیلدیریلش اولان واقعهلرک هربری حقنده و یریهلرک جوابلری.

۴ — صورت موضحده نتیجه مدافعه بی

۵ — استناد ایلدیکی قانونی سبیلرک خلاصه لری.

۶ — دفع دعواسنی مثبت اوراق موجود و مربوط ایسه نه لردن عبارت اولدینی خصوصاتی محتوی اولق لازمدر.

مدعی علیه جواب لایحه سنده اعتراضات ابتدائیه مستثنا اولق اوزره دعوا ای متقابله ده داخل اولارق بالجمله اسباب ادعا و مدافعه سنی بردن بیلدیرمه کهمجبوردر.
مدعی علیه جواب لایحه سنی خصمنه تبلیغ ایتدکن صوکره اونک موافقتی اولمقسزین وایلروده کله جک اصلاح حالیه تملیک مدعابه حالی مستثنا اولق اوزره سبیلرینی تبدیل ویا توسیع ایده مز.



دعوای متقابلہ

مدعی علیہ دعوای متقابلہ سنی اساس دعویٰ حقنہ کی جواب لایحہ سندہ بیلیدر مک صورتیلہ افادہ ایدہ بیلیر .

تقاص و محسوب معاملہ سی ایلہ مدعی علیہ مدعی یہ قارشی اقامہ ایلیدی بالعموم دعوالر دعوای متقابلہ عد اولونور .

تقاص و محسوب حقنہ احکام قانونیہ — بورجلو فائض ویا مصرفلری تأدیہ ده بکیکمه مشایسه قسماً اجرا ایلیدی تأدیہ بی رأس المالہ محسوب ایدہ بیلیر . آلاجقلى آلاچقلى برقسى ایچون کفالت ، رهن ویا سائر تأمینات آلمش ایسه بورجلى قسماً اجرا ایلیدی تأدیہ بی تأمین ایلمک ویا تأمیناتی دها آئی اولان قسمة محسوب ایتمک حقنى حائر دکلدیر . بو ۸۴

بردن فضله دینلری بولونان بورجلى بورجلری اوده مک زماننده بودینلردن هانکیسنی تأدیہ ایتمک ایسته دیکنى آلاجقلى به بیان ایتمک حقنى حائر در . بورجلى بیاناتده بولونمادینى صورتده وقوع بولان تأدیہ کندیسى طرفندن درحال اعتراض ایدیلش اولمادجه آلاجقلىنک مقبوضده ارايه ایتدیكى دینه محسوب ایدیلش اولور . بو ۸۵

قانوناً معتبر بر بیان واقع اولمادینى ویا خود مقبوضده برکونا محسوب کوستریلیدیکی تقدیرده تأدیہ معجل اولان دینه محسوب ایدیلیر .

متعدد دینلر معجل ایسه تأدیہ مدیون علیهنه برنجی اولارق تعقیب ایدیلن دینه محسوب ایدیلیر . تعقیبات واقع اولمامش ایسه تأدیہ ، هانکیسنک وعده سی دها اول حلول ایتمش ایسه اودینه محسوب ایدیلیر .

هیچ بر دینک وعده سی حلول ایتمه مش ایسه آلاجقلى ایچون الک آرتأمیناتی حائر اولان دینه محسوب ایدیلیر . بو ۸۶

ایک شخص قارشولقی بر مقدار مبلغی ویا یکدیگرینه مماثل باشقه ماللری بربرینه بورجلی اولدقلری تقدیرده هر ایکی دین معجل ایسه ایکی طرفدن هربری دینی آلاجنی ایله تقاص ایده بیلیر .

آلاچقلردن بری مناع فیہ اولسه بیلہ تقاص درمیان اولونا بیلیر .

مرورزمانه اوغرامش بر آلاچق تقاص درمیان ایدیلہ جکی زمانده مرور زمان ایله ساقط اولمامش ایسه اونک ده تقاص درمیان ایدیلہ بیلیر . بو ۱۱۸ اصل بورجلینک تقاص درمیان ایتمک حقی اولدقه کفیلی آلاچقلی به تأدیده بولونمقدن امتناع ایده بیلیر . بو ۱۱۹

بر اوچنچی شخص لهنه تعهدده بولونان کیمسه دینی دیگر عاقدک کندیسنه بورجلی اولدینی شیئی ایله تقاص ایده مز . بو ۱۲۰

بورجلونک افلاسی حالنده آلاچقلیر معجل اولماسه بیلہ آلاچقلرینی مفلسک کندیلرنده اولان آلاجنی ایله تقاص ایده بیلیرلر . بو ۱۲۱

تقاص آنجق بورجلونک تقاص درمیان ایتمک قصدینی آلاچقلی به بیلدیرمسیلہ واقع اولور ؛ بو تقدیرده ایکی دین تقاص ایدیلہ بیلہ جککری آندن اعتباراً ک از اولان دینک مقداری نسبتده ساقط اولمش عداولونور . بو ۱۲۲

آشاعیده کی آلاچقلر آلاچقلیرک آرزوسی خلافنده تقاص ایله اسقاط ایدیلہ مز : ۱ — تودیعی ایدیلش ویا حقسز اولارق آلمش ویا حیله ایله آلیقونلش اولان برشینک اعاده سنه ویا بدلنه متعلق مطالبه لر ؛

۲ — نفقه وایش اجرتی کی بورجلونک وعائله سنک اعاشه سی ایچون مطلق صورتده ضروری اولوب خصوصی ماهیتی اعتباریلہ فعلاً آلاچقلینک آلنه ویریلسی ایجاب ایدن آلاچقلر ؛

۳ — دولت ویا ولایت وکویلر لهنه اولارق حقوق عامه دن نشأت ایدن آلاچقلر .

تقاص ادعاسندن ابتداء فراغت جائدر . بو ۱۲۳ و ۱۲۴

بر قوماندیت شرکتنده آلاجنی اولان شخصک ، حصه سرمایہ سنی وضع ایتمه مش ویا استرداد ایتمش اولان بر قوماندیتره بورجی وار ایسه بو شخص ،

شرکتده کی آلاجنی قوماندیره اولان بورجیه تقاص و محسوب ایده -
بیلیر . ت ۲۷۵

تقاص و محسوب جهندن باشقه برسبيله دعواى متقابله دعواى اصلیه به مربوط
ایسه ینه قبول و تدقیق اولونور .

مدعى علمك اقامه ایلدیكى دعواى متقابله قارشى مدعى تاریخ تبلیغدن اعتباراً
اون کون ظرفنده جواب لایحه سی ویره بیلیر . بولایحه مدعى علمك دفعنه جواب
مقامنده اولوب اونکله برلشدیریلیر . اشبو لایحه ده مدعى ، مدعى علیه طرفندن
متقابلاً اقامه اولونان دعوايه قارشى درمیان ایده جکی بالعموم اعتراضات ابتدائیه
ایله دعواى متقابله نك اساسنه قارشى ویره جکی جوابی یازماسی لازمدیر . مدعى
مدعى علیه قارشى ویردیكى جوابده اعتراضات ابتدائیه درمیان ایتمش ایسه محکمه جه
حل و تدقیقندن صوکره دعواى متقابله نك اساسنه جواب ویرمك ایچون اقتضا
ایدهن مدتی حاکم تعیین ایدیر .

مدعى علمك جواب لایحه سنده درمیان ایلدیكى واقعه لره قارشى مدعى اون
کون ظرفنده انکار ویا قبولی مبین ایضاحات ویرمکه مجبوردر . عین مدت
ظرفنده دفعده درمیان ایده بیلیر . بوصورتله مدعى نك ویردیكى جواب لایحه سی
درحال مدعى علیه تبلیغ اولونور .

مدعى علیه مدعى نك تبلیغ ایتدیردیكى جواب لایحه سنده اون کون ظرفنده
جواب ویره بیلیر .

تدقیق و حلی ادارى مقاملرك صلاحیتی داخلنده بولونان ویا حکملر
معرفیه حلی ایجاب ایدهن خصوصلره عائد دعوالر دعواى متقابله اولارق
اقامه اولونماز .

ایکی طرف یازی بیلمدکلری و محکمه نك بولوندیغی محله وکالتی ایفا ایده جک
کیسه بولونما دیغی تقدیرده تحقیقات حاکمی ایکی طرفك ادعا و مدافعه سنی حضور لرند
ضبط کاتبه یازدیریر .

دعوی عرضیالی وجواب لایحہلری نمونہلری

۱۰

استانبول محکمہ اصلہ سی ابکچی مقروضہ داسہ سی ریاست علیہ

مدعینک اسم اسکدارده روم محمد پاشا محلہ سندہ ... سوقاغندہ ... نومرولی
 وشہرت وصف خانہ دہ رستم اوغلی جلب اصنافندن عباس آغا
 ومحل اقامتی

مدعی علیہک اسم اسکدارده شمس پاشادہ ... سوقاقدہ ... نومرولی خانہ دہ مقیم
 وشہرت وصف ژاندارمہ آلائی کاتبیکندن متقاعد صائب بک
 ومحل اقامتی

تبلیغک موضوعی مدعی علیہ ذمتندہ ایکی قطعہ سند موجبنجہ مطلوب بولونان بشیوز
 و ات اتمانندن سکسان کہ جمعاً بشیوز سکسان تورک لیراسنک
 مع فائض تحصیلی طلبہ دائردر

دعوانک مستندی ۱ -- سہ تاریخندہ اسکدار اسکالہ سی غازیونسندہ یوزدہ طقوز
 بولونان واقعہ لک فائضہ و اوچ تقسیطدہ برسنہ ظرفندہ تسویہ ایتمک شرطیلہ بندن
 خلاصہ لری ایکی یوز لیرا استقراض ایتمش ایدی .

۲ -- مدعی علیہ خانہ مکہ لک لک تعمیرایتدیرمکدہ اولدیفی خانہ سندن
 دولایی اسکدارده ... دہ کی کراستہ مغازہ سی صاحبی ... افندی بہ
 اوچیوز لیرا بورجی اولدیفندن کفالت ایتمہ می رجا ایتدیکندن
 مبالغ مذکورہ کفالت ایتدیکم جہتلہ وعدہ سندہ تأدیہ ایتدیکندن
 الاجقینک مراجعت وتعقیب اوزرینہ بحسب الکفالہ طرفندن تسویہ
 اولونمقلہ مدعی علیہدن ٪ فائضہ طقسان برکون صوکرہ تسویہ
 ایدیلک اوزرہ سہ تاریخلی برقطعہ دین سندی آلمش ایدی .

۳ -- اسکدارده ... دہ سرمایہ سی بنم و ایشاتمہ سی اوغلم ...
 افندی بہ عائد اولان قصاب دکانندن سہ تاریخندن سہ

۱۰
۶
۳
۸

تاریخنه قدر امر و اعتبارمله مدعی علیک اشترا ایتش اولدینی
أتلردن از غیر تسویه سکسان لیرا بورجی قالمشدر .

حقوق سبیلرک
خلاصه سی

بر نومرولی واقعه تحریری اقرار و تعهدینی و امضاسنی محتوی
سا سنه تاریخی سنده مربوط ایکی نومرولی واقعه ده مبلغ مکفول به
اوچوز لیرایی کراسته جیه تسویه ایلدیکم نزدیمده بولونان مقبوض
ایله مدعی علیک بالقبول تسویه ایلدیکم مبلغ مذکور طقسان بر
کون ظرفنده تأدیه ایده جکنی ناطق سا سنه تاریخی امضاسنی
حاوی سنده مستنددر . مذکور سندلر زیرنده کی امضالری
انکار ایده رسه تطبیقات اجرایی حالنده کنديسنه عاڈیتی ثابت
اولاجقدر .

اوج نومرولی أت مبايعه سندن مطلوباتم حقنده سندی
یوقسه ده قصاب دکاننده کی دفترده مقیددر . کیفیت اشترايی ودینی
انکار ایتدیکی تقدیرده أت مبايعه ایتدیکنه و اوقدر ویا ده آاز
بورجی اولمادیغنه یمن تکلیف اولونه جقدر ،

مسکم اولان موادقانونیه : بورجلر قانوننک ۱۷، ۳۰۶،
۹۶، ۱۰۱، ۱۰۹ و ۴۹۶ نجی ماده لرله حقوق دعوالری اصول
حاکمه لری قانوننک ۲۹۹، ۳۰۸، ۳۵۴ نجی ماده لریدر .

صورت موضعه ده بناء علیه مدعی علیه موحی الیه مربوط استدعاینامه صورتنک تبلیغله
ادعا و خصمک نه ... کون ظرفنده ویره بیله جکی جوابدن صوکره جلیله حاکمه مزک
مدته جواب ویره جکی
اجراسنی و مدعا به بشیوز سکسان تورک لیراسیله بروجه محرر
فائضلری اولان ... لیرانک مصارف حاکمه ایله نصب ایده جکم
وکیلکم ... اجرت وکالتنک کنديسندن تحصیلنه قرار ویریلسنی
طلب و استدعا ایلم افندم . سا سنه امضا

اشبو عرضالہ جواب لایحہ سی نمونہ سی

استانبول محکمہ اصلہ سی الکنجی حقوق دائرہ سی ریاست علیہ

مدعی اسکداردہ روم محمد پاشا محلہ سندہ ... سوفاقدہ ... نومرولی

خانہ رستم اوغلی جلب اصنافدن عباس اغا .

مدعی علیہ اسکداردہ شمس پاشادہ ... سوفاقدہ ... نومرولی خانہ

ژاندارمہ آلائی کاتبکنندن متقاعد ضائب بک .

تبلیغ موضوع مدعینک طرفہ ۱ سنہ تاریخندہ تبلیغ اولونان دعوی عرضحالندہ

محرر مدعیاتنک غیروارد اولدیغنه دائر جوابلریمی متضمن لایحہ در .

مدعی طرفندن ۱ — صورتی طرفہ تبلیغ قلنان ۱ سنہ تاریخلی ایکی یوزلیرالق

بیلدیریلش اولان سند بنم ایسده توارنج مختلفہ ده کی تأدیاتملہ اوده نمشد . آرہ مز .

واقعہ لڑکھری

ده کی مقابل امنیہ بناء مقبوض آلتامشد . انکار ایدہ ایسہ

حقندہ جوابلر

یعنی تکلیف ایدہ رم .

۲ — فی الحقیقہ مدعی کراسـتہ جی ... افندی یہ اولان بورجہ

مارت ۹۲۷ تاریخندہ کفیل اولمش ایسده بورجلر قانوننک ...

مادہ سی موجبہ کفیلک مسئولیتی حقمده پایلاجق تعقیباتک

نمرہ سز قالدیفنک ثبوتہ متوقفدر . آلاجق کراسـتہ جی ایله

دیگر معاملہ دن دولایی یاپدیغم تقاصدن دولایی بورجم قلامشد .

بناء علیہ بورجلر قانوننک ۴۹۸ نجی مادہ سی موجبہ بکار جوع

حقنی غائب ایتشد .

۳ — ات ائمانندن بورجم یالکز یکریمی لیرا اولوب ، آنجق مال

صاحبی و عاقد مدعی دکل اوغلیدر . اوغلنک امر و وکالتی

نہ زمان ابراز ایدہ ایسہ تسویہ سنہ آمادہ یم . شوخالده فضلہ آلتمش

لیرا حقندہ دعوی اقامہ سنہ صلاحیتدار اولان اوغلنہ جواب ویر مکله

مکلفم بو خصوصده مدعینک بکا خصوصتی توجه ایدہ مز .

واضحاً مدافعه بناءً عليه مدعينك بتم ذمتهم بر كونا آلاجنی اولمادیغندن دعوانك
 ردینه و مصارف محاکمه ایله تعیین ایده جكم و کیلمك اجرتی
 اولان ... غروشك مدعی به تحمیلنه قرار ویریلسنی مدافعه طلب
 ایلرم اقدم . س سنه امضا
 ...

۳

دعوای متقابلیهی حاوی اساسه جواب نمونه سی

استانبول محکمه اصلیه سی ایلمی حقوقيه دائره سی ریاست علیه

مدعی اسکدارده روم محمد پاشا محله سنده ... سوقاقد ... نومرولی

خانه ده جلب اصنافندن رستم اوغلی عباس اغا

مدعی علیه اسکدارده شمس پاشاده ... سوقاقد ... نومرولی خانه ده

ژاندارمه آلائی کاتبی متقاعدلرندن صائب بك

تبلیغ موضوعی مدعی طرفندن محکمه علیه لینه ویریلوب بر صورتی مربوطاتی

سند صورتلریله معاً طرفه تبلیغ اولان بشیوز سکسان لیرالق

آلاجق دعواسنك ردینه و بدل ایجاردن مدعی ذمتنه مطلوبم

بولونان یوز یکریمی لیرانك تحصیلنه دائر متقابل دعوایی متضمن

اساسه جواب و دعوای متقابله لایحه سیدر .

مدعینك بیلدیر .

دیکی واقعه لرك

حقنده جوابلر

[ایکی نومرولی نمونه ده کی جوابلر یازلدقندن صوکره]

حقوق اسباب

مدعینك ذمتنه بدل ایجاردن یوز قرق لیرا آلاجقم اولدیغندن

تحصیلنه قرار ویریلسنی دعوای متقابله اولمق اوزره طلب و دعوی

ایلرم شویله که :

دعوای متقابلہ مدعینک روم محمد پاشا محلہ سندہ اقامتکاه اولارق کوستردیکی خانہ تحت تصرفہ اولوب سنہ لکی اوچ تقسیطہ ویریلک اوزرہ مومی الیہ شہری اوتوز بش لیرادن ایجار اولونمشدر . سنہ حاضرہ نک ایلمک تقسیطی اولارق معجلاً تسویہ سی مشروط اولان یوز قرق لیرایی هنوز تسویہ اتمہ مشدر . کیفیت ایجار قونطوراتویہ مستنددر . مذکور قونطوراتو سندی ربطاً تقدیم قلمنمشدر .

خلاصہ مدافعہ بناءً علیہ اصل دعوانک ردینہ ودعوای متقابلہ اولان یوز قرق لیرانک تاریخ استدعادن اعتباراً مع فائض تحصیلہ و مصارف محاکمہ نک مدعیہ تحمیلہ قرار ویریلسنی طلب واستدعا ایلرم .

امضا ل سنہ

...

مدعینک بوکا جوابی نمونہ سی

استانبول محکمہ اصلہ سی ایلمغی مقررہ دائرہ سی ریاست علیہ سنہ

مدعی ...

مدعی علیہ ...

تبلیغ موضوعی مدعی علیہ طرفندن ویریلوب بر صورتی ... تاریخندہ طرفہ تبلیغ اولونان و بدل ایجاردن یوز قرق لیرا بندہ آلاجنی اولدیغنی متضمن دعوای متقابلہ سیلہ اصل دعوانک انکارینہ دائر اولان اساسہ جواب لایحہ سی مندرجاتنک ردی اقتضا ایدہ جکنہ دائر جواب علی الجوابدر .

مدعی علیہک ۱ - ل سنہ تاریخی سندہ قارشی بر کونا مأخوذاتم مدافعانہ جوابی اولمادیغندن مدعی علیہک تکلیف ایتدیکی یمینی اجرایہ حاضرم .

۲ - بالکفاله کراستہ جی ... افندیہ اولان تأدیاتی مدعی علیہ مجیز اولارق تدین و ل سنہ تاریخی مبرز سندہ ربط ایتدکن

صوکره بورجلر قانوننک ۴۹۸ نجی ماده سنه استناد ایده مز. قالدی که
 بورجلر قانوننک ۴۱۵ نجی ماده سی حق رجوعی تأیید ایدر .
 ات اثمانتی دعوا یه صلاحیت : دکانک کندی نامه و کندی سرمایه مله
 اولدینی و او غلامک اوراده معاشلی اولدینی هر صورتله اثباته قادرم
 یکر می لیرادن فضلہ سیچون یمین تکلیف ایدرم .

مدعی علیک
 دعوی متقابلہ
 سنہ جواب

دعوی متقابلہ سنہ کلنجہ فی الحقیقہ اقامتکام مدعی علیک
 ملکی و مأجورم اولوب قونطورا تودہ سنوی بدل ایجارک اوچ
 تقسیطده تأدیہ اولونا جنی محرر ایسده هر تقسیطک معجل اولدینی
 محرر و مشروط اولماسنه و هنوز اوچ آی کچمه سنہ بناء وقت
 طاب هنوز حلول ایتمه مشدر .

بناء علیہ وعدہ تأدیہ سی هنوز حلول ایتمه مش اولان بدل ایجاره
 متعلق دعوی متقابلہ سنک ردینی و دعوی اصلیه مک برنجی
 استدعامده محرر اولدینی وجه اوزره تحت حکمه آلماسنی طلب
 ایدرم .

خلاصہ ادعا
 ومدافعہ

امضا سنہ

...

۵

برطرف یازی بیلمدیکی تقدیرده اصولک ۲۱۲ نجی ماده سی

موجبنجہ تحقیقات حا کنک ضبط کاتبنه سوبلیه رک

یازدیره جنی مدافعہ نمونه سی

مدعی :


مدعی علیہ :

تبلیغک موضوعی : مدعی طرفندن محکمہ مزه بالا عطا برای تحقیق طرفزه
 تودیع اولونان و مدعی علیہ ذمتنده جهت حواله دن درتیوز الی لیرا مطلوبنک
 تحصیلنه دائر اولان دعوی عرضحالنه یازی بیلمدیکنندن جواب یازمه جغنی

بیانہ جواب مدتی اولان اون کونک مرورندن مقدم طرفزہ مراجعت ایدہن مدعی علیہ ... نک ضبط کاتبہ طو تدریلان جوابلرینی متضمن ضبط صورتیدر . مدعینک بیان ایلدیکی واقعہ یہ جواب : مدعینک ... ذمتندہ مطلوبی اولان درتیوز الی لیرانی مدیون بکا حوالہ ایتمش اولدیغندن بحثلہ بندن تحصیلی طاب ایتمکده ایسه ده بو حوالہ یی قید احترازی بیان ایتمکسزین قبول ایلدیکم وقبول ایلدیکم حقندہ محال له اولان مدعی یہ بیلدیر مدیکم جهتلہ حوالہ تمام اولمادیغندن تأدیہ ایلہ مکلف اولامام . مدعی بلا قید قبول ایلدیکمک کندیسنه طرفندن اخبار ایلدیکنی اثباتلہ مکلفدر . بو خصوصہ یمین تکلیف ایدہ رایسہ ایفاسنه حاضرم . مدافعہ مک حقوقی سببی ، بورجلر قانوننک ۴۵۹ نجی مادہ سی تشکیل ایدہر . بناء علیہ بومادہ یہ توفیقاً تحقق ایتہن قبول حوالہ ادعاسنک ردیلہ مصارف محاکمہ نک کندیسنه تحمیلنی مدافعة طلب ایلرم افندم .

امضا

سنہ



تكون دعوانك نتایجی

هر کس اقامه دعوا ده حردر . بر دعوائی اقامه به کیسه به اجبار اولوناماز . فقط مدعی بر کره دعواسنی اقامه ایتد کدن صو کره آنده مدعی علیه حق تعلق ایده ؛ مدعی علیه موافقی اولقسزین ترک ایدیه مز . بناء علیه بر دعوی ایچون محکمه اصلیه ویریلن عرضحال قلمجه قید اولوندقدن وصالح محکمه سنده وشفاهی محاکمه جاری اولان مواده تشکیل طرفین ایدیلد کدن صو کره اودعوی اقامه ایدیلش عد اولونور .

بر دعوانك اقامه سندن بعض نتایج حاصل اولور :

۱ -- بوندن صو کره مدعی علیه رضاسی اولقسزین مدعی دعواسنی تعقییدن صرف نظر ایده مز .

۲ -- مدعی ، مدعی علیه رضاسی اولقسزین دعواسنی توسیع وماهیتنی تبدیل ایده مز . آنجق دعواندن فراغت و اصلاح حالی بوندن مستنادر .

۳ -- بر دعوی اقامه ایدیلد کدن صو کره ایکی طرفدن بری مدعاهبی آخره تملیک ایدهر ایسه دیگر طرف خیردر ، دیلرایسه تملیک ایدن طرف ایله اولان دعواسندن صرف نظر ایده رک مدعاهبی تملک ایدن کیسه ایله برابر مصارف محاکمه بی کفالت متسلسله ایله ویرمکه محکوم اولور .

دیلرایسه دعواسنی ، مدعاهبی آخره تملیک ایدن طرف حقنده ضرر روزیان دعواسنه تبدیل ایدهر .

مدعی علیه دخی جواب لایحه سنی خصمنه تبلیغ ایتدیرد کدن صو کره اونك موافقی اولقسزین ، سبیلرینی توسیع ویا تبدیل ایده مز . مدعاهبی آخره تملیک و اصلاح حالی کذلک مستنادر .

كذلك دعوانك اقامه ایدیلش عد اولونماسی نتایجندن بری ده ، يوم معینده مدعی کلیوب ده مدعی علیه دعوتیه اجابت ایتدیکی تقدیرده مدعینك غایبده دعوانك اساسنی رؤیت ایتدیرمك حقنی اولماسیدر . مدعینك حق محاکمه سنك موقفاً سقوطنه قرار ویریلک اصولی ملغادر .

اصولك ۱۸۵ نجی ماده سنه کوره تكون دعاوینك بونتایجندن قانون مدنیده معین بولونان حاللر محفوظ و مستثنادر . مذکور حاللر دعاویه اهلیت سزلك ایله طرفینك آرزولرینه تابع اولمایان احکامدر .

بو مبحثه دائر نمونه لر

۱

تکوره دعوانك نتایجندن برنجینه دائر برقرار نمونسی

ایجابی تأمل اولوندی . فلانك فلان محله کی شوحدودله محدود عرصه سنه تجاوزایدن فلانك جلیله تجاوزنك منعی حقننه محکمه مزه اعطاقلنوب . ۱۰۰ سنه تاریخ و ... نومرو ایله قیدی اجرا اولونان عرضحالک طرف دیگره تبلیغیه آلنان جوابدن سوکره طرفینه کوندریلن دعوتیه اوزرینه طرفینك حضوریه دعوانك تحقیقنه کیریشلد کده مدعی دعواسنی تعقیدن شمذیلک صرفظرا ایتدیکی بیان و مدعی علیه موافقت ایتیه رک رؤیتنه دوام اولونماسنی طلب ایلش و مدعی ایسه دعواچی کندیسنی اولوب تعقیبده مختار اولدیفنی و بر وجهله تعقیب دعاویه اجبار اولونامایاجغنی بیانله محکمه یی ترك ایلش ایسه ده اصول محاکمه حقوقیه نك ۱۸۵ نجی ماده سنك ۱ نومرولی فقره سی موجبنه مدعی علیه رضاسنی اولمقسزین مدعی دعواسنی بعدالاقامه تعقیدن صرف نظر ایدمه یه چکی محرر اولماسنه . بنی دعوانك مدعینك غایبده دوام رؤیتنه قرار ویرلدی . ۱۰۰ سنه

تحقیقات حاکی

۲

ایجابی تأمل اولوندی . مدعینک لـ سنه تاریخ و ... نومرو ایله قیدی اجرا قلنان دعوی عرضحالی مدعی علیه ذمتنده جهت حواله دن بشیوز لیرا آلاجنندن عبارت اولوب بوکره تحقیق دعوی اثناسنده دعواسنک جهت کفالتدن یدی یوز لیرا آلاجنه متعلق اولدیغنی بیان ایله دعواسنی توسیع وتزید و ماهیتی تبدیل ایله مش و مدعی علیه بوتوسیع وتزیده موافقت ایتمدیکندن و اصول محاکمه نك ۱۸۵ نجی ماده سنک ایکی نومرولی [مدعی ، مدعی علیه رضاسی اولمقسزین دعواسنی توسیع ویا ماهیتی تبدیل ایده مز .] دیو محرر اولان فقره سی ده بوکا مساعد اولمادیغندن و طلب واقع فراغت و اصلاح احکامنه موافق اولمادیغندن عرضحالده مندرج دعواسنک دوام رؤیتی لزومنه قرار ویریلرک تفهیم قلندی . لـ سنه تحقیقات حاکمی

...

۳

ایجابی تأمل اولوندی . مدعی ... نك مدعی علیه ... ده مقیم ... اصنافندن علی اغادن کستانه طوننده و بشر یاشنده ... اشارتلی و اوچیوز اللی لیرا قیمتنده ایکی رأس بار کیرک مالکی و ذی الیدی ایکن غضباً الندن آلدیغندن استردادینی دعوی ایده نك تبلیغات تحریریه ایفا واکمال اولوندقدن صوکره تحقیق دعوایه مباشرت اولوندقده مدعی مومی الیه مدعا به ایکی بار کیری مدعی علیه ... نام کیمسه یه فروخت و تملیک ایلدیکی استخبار ایلدیکنندن قانوناً حائز اولدینی حق خیارینه مبنی تملك ایده ن فلان حقنده اقامه دعوی ایتمک و حق قازاندقده شمیدیکی مدعی علیه دخی مصارف محاکمه ایله متسلسلاً مسئول طو تولقی اوزره مدعی علیه اولدن اولان دعواسندن صرف نظر ایلدیکی سولش و طلب واقعی اصول محاکمه حقوقیه نك ۱۸۶ نجی ماده سنه موافق بولونمش اولمغله مدعینک اولوجهله مختاریته قرار ویریلدی . لـ سنه تحقیقات حاکمی

...

۲

ایجابی تأمل ایدیلدی . مدعی ... نك مدعی علیه ... ده مقیم علی آغادن
استردادینی دعوی ایلدیکی کستانه طوننده بشریاشنده ... اشارتلی اوچوزاللی
لیرا قیمتنده ایکی رأس بارکیر حقننده جریان ایدن ایکنجی جلسۀ تحقیقه
مدعی مدعابه ایکی حیوانی مدعی علیه ... ده مقیم ... کیمسه به بعدالدعوی تملیک
ایلدیکی استخبار ایتدیکنی افاده ومدعی علیه حق تملیکی منسلب بولونمادیغندن
صلاحیتی دائرهسندۀ مرقومه صاتارق تسلیم ایلدیکنی تصدیق ایتدکدن صوکره
مدعی شو حالده دعواسنی مدعی علیه حاضر دن تضمیناته تحویل ایلدیکنی ضرری
اولان درتیوز اللی لیرانك مدعی علیه تحصیلنی طلب ایلمسۀ قارشنی مدعی علیه
مدعینك دعواسنی شوشکله تحویل وتوسیع وتزیدۀ قانوناً صلاحیتی اولامایاغنی
دفعاً درمیان ایتش ایسه ده اصول محاکمه حقوقیه نك ۱۸۶ نجی ماده سی موجبجه
مدعابهی آخره تملیک ایدن مدعی علیه حقننده مدعی دعواسنی ضرر وزیانه
تبدیل ایدۀ بیلجکندن مدعی علیه غیروارد اولان دفعنك ردیله مبدل صورتده
دعوانك رؤیتنه قرار ویریلدی

...

۵

مدعی ... نك دعوی عرفحالی محکمه جه قید وتبلیغات تحریریه ایفا اولوندقندن
صوکره دعوت اولوندقلمری کون مدعی علیه ... بالورود مدعینك اجابت
ایتمه سی اوزرینه مدعی علیه محاکمه نك مدعینك غیابنده اجرا سنۀ قرار
ویریلرک مبرز سنك زیرنده کی امضا کنديسنك اولمادیغنی مدعی علیه بیان ایتمکله
تطبیقات اجرا سنۀ قرار ویریلدیکندن معاملات متعاقبه سنك ایفاسی یوم آخره تعلیق
وغیاب قراری مدعی به اصولی دائره سنده تبلیغ ایدیلیمکله قرار مذکورۀ قارشنی مدعینك
بش کون ظرفنده اعطا وبر صورتی دیگر طرفه تبلیغ اولونان اعتراضنامه سی
اوزرینه تشکیل طرفین اولونه رق اعتراضنامه نك قبولنه قرار ویریلدیکن صوکره
لدی المطالعه مدعی کلدیکی تقدیرده حق محاکمه سنك موقتاً سقوطنه قرار ویریلک

ایجاب ایدر کن دعویاه جبری متضمن مدعی عایمک غایبند محاکمه به دوام اولونماسی
 یولسز اولدیغندن قرار مذکورک فسخی طلبی محتویدر . معترض شفاهاده مالی
 تکرار ومدعی علیه اعتراض مذکورک غیروارد اولدیغنی بیان ایلدکن صوکره
 ابجابی تأمل اولوندقده : غیاب قرارلرینک مدعی ومدعی علیه حقنده سیاناً جاری
 اولدیغنی اصول حقوقیهنک ایکنجی بابنک اون برنجی فصلی احکامندن مستدل
 اولدیغندن و تسکون دعوانک نتایجندن بریده اصولک ۱۸۵ نجی ماده سنه نظراً
 ولو موقتاً اولسون دیگر طرفک موافقتی اولمقسزین مدعینک تعقیب دعویای
 ترک وتعویق ایده مهیه جکندن اعتراض مذکور غیر وارد کورلمکله ردینه قرار
 ویریلهرک تفهیم ایدیلسنی متعاقب معترض اولان مدعی ترک موقع ایله محکمه دن
 چیقدیغندن اصولک ۴۰۲ نجی ماده سی موجبجه غایبند جریان ایدن معاملاتک
 معتبر اولدیغنه و تطبیقاته دوام اولونماسه قرار ویریلدی ————— سنه
 تحقیقات حاکمی

...

دعوتیه لر و تبلیغات

قانونك كوستردیكى ضرورى استثنالردن ماعدا احوالده حاكم هرایكى طرفی
استماع یا خود ادعا و مدافعه لرینی بیان ایتملری ایچون اصولنه توفیقاً دعوت ایتمدیکجه
حکمنی ویرمکدن ممنوع بولوندیغندن دعوی و قوعنده مدعی علیه عرضحال و یا
دعوی ضبطنامه سی صورتی و دعوتیه ورقه سی تبلیغ اولونمق لازمدر . ناصل که
علیهنه بر حکم صادر اولدقده قرارك اعلام شکنده کندیسنه تبلیغی اقتضا ایدر .
قانونك صورت مخصوصده تبلیغنه لزوم کوسترمدیکی نتیجه طلبلر و سبائر
اوراق صورتلری محکمه کاتبی طرفندن خصمه ویریلیر .

علی العموم اوراق و مذکره و دعوتیه لرک اصول تبلیغی حقنده اصول محاکمه
حقوقیه ده احکام مخصوصه وضع ایدیلشدر .

دعوتیه لر و محکمه واسطه سیله تبلیغ اولوناچق بالعموم اوراق ، بری دوسیسه نه
قونمق و دیگرى تبلیغ ایدیه جک کیمسه لره ویریلک اوزره لزومی قدر نسخهلردن
مرکب اولمق لازمدر .

تبلیغ اولونمق اوزره محکمه قلمنه ویریه جک اوراق هر نسخه سنه ویریلدیکی
تاریخ یازیلور . و طلب و قوعنده مقبوض ویریلک لازمدر .

دعوتیه لرده آشاغیده کی قیودك مندرج بولونماسی قانوناً مجبوریدر :

۱ -- ایکی طرفك و ممثللرینك اسم و شهرت و صفت و اقامتگاه و یامسکنلرله
سائر اوصاف میزه لری

۲ -- صریح و مختلف اولارق تبلیغك موضوعی

۳ -- محکمه جه جلب اولونان شخصك هانکی محکمه و یا دائره ده هانکی
ساعته حاضر بولونماسی لازم کلدیکی و بو محکمه و یا دائره نك بولوندینی محلی

۴ -- محکمه نك مهری و باش کاتبك امضاسی

۵۔۔ تبلیغ ایدیلہ جک اوراقل ہر نسخہ سندہ مدعی ویا وکیلنک امضاسی۔
محکمہ نك دائرۂ قضاسی خارجندہ اقامت ایدن مدعی ویا مدعی علیہ محکمہ نك
دائرۂ قضاسی داخلندہ بر اقامتکاه تعیین ایتکہ مجبوردر۔ ایدیلہ مش ایسہ دیگر
طرف تبلیغات اجراسی ایچون اقامتکاه تعیین ایتسنی حاکمڈن طلب ایدہ بیلور۔
تبلیغات محکمہ باش کاتبنک تعیین ایدہ جکی مباشر واسطہ سیلہ یاپیلور۔
وکیل ایلہ جریان ایدن محاکمہ لردہ، وکیللارک مقبوض مقابلندہ یکدیگر لرینہ
اجرا ایدہ جکگری تبلیغات معتبردر۔

پوستہ اداره سنک تبلیغات اجراسنہ توسطی قبول ابتدکی محللر ایچون
تبلیغ بو واسطہ ایلہ ده یاپیلاییلیر۔ بو واسطہ ایلہ تبلیغ اولوناجق اوراقل
کوندریلدیکی محل و آدره سی ویریلن پوستہ خانہ اسمیلہ ویریلدیکی تاریخ
دوسیہ سنہ اشارت اولونور۔ پوستہ یه ویریلن ظرفہ مرسل الیه صریح آدره سی
وکوندرن محکمہ نك اسمی ودوسیہ نومروسی یازیلا جق وظرف رسمی مهرلہ
قابادیلایلاقدر۔ ظرفک پوستہ خانہ یه ویریلدیکی مثبت وپوستہ مأمورینک امضاسیلہ
پوستہ خانہ نك رسمی مهرینی حاوی آلینا جق علم وخبر دوسیہ سندہ صاقلانایلاقدر۔
پوستہ موزعی تبلیغ حقندہ کی احکامہ توفیقاً مکونبی مرسل الیه تبلیغ و برده تبلیغ
مضبطہ سی تنظیم ایدہ جکدر۔ اشبو مضبطہ پوستہ خانہ دن درحال مرسل محکمہ یه
کوندریلیر۔

محکمہ نك بولوندیغی قضا خارجندہ یاپیلایلاق تبلیغ، او محل محکمہ سی
واسطہ سیلہ ده یاپدریلا بیلیر۔

اجنبی مملکتندہ تبلیغ، او مملکتک صلاحیتدار مقامی ویا اورا تورکیه
شہندری ویا خود سیاسی مأموری واسطہ سیلہ یاپیلور۔
اجنبی بر مملکتندہ رسمی بروظیفہ ایلہ بولونان تورک مأمور لرینہ تبلیغ خارجیه
وکالتی واسطہ سیلہ یاپیلور۔

استنباه صورتیلہ یاپیلان تبلیغ، استنباه ایدیلن مأمور طرفندن تصدیق
اولونمق لازمدر۔

دعوی اقامه و مدافعه سینه اهل اولمایانلر حقننده کی تبلیغ قانونی ممثلرینه یاپیلور. حکمی شخصلره یاپیلاجق تبلیغ بونلرک رئیس ویا مدیرلرینه ویا خود قانونی ممثلرینه یاپیلور. حکمی شخصلرک متعدد ممثل ویا مدیرلری وار ایسه تبلیغک بونلردن برینه یاپیلماسی کافیدر.

برتجارتخانه نك امور و معاملاتندن تحث ایدن دعوايه متعلق تبلیغ اوتجارتخانه نامنه ایشلری تدویر ایدهلرده یاپیلابیلر. فقط تجارتخانه صاحبک امور ذاتیه ویا بیتیه سینه عائد بر دعوانک دعوتیه ورقه سی تجارتخانه مدیر ویا مأمورلرینه ویریله مز.

بری و بحری وهوائی افراد عسکریه و کوچوک ضابطانه تبلیغات قطعه قوماندانی ویا واسطه آمری کبی اکی یقین مافوقیه یاپیلور؛ بواوراقی درحال تبلیغ اولوناجق کیمسه یدینه ویرمیدیکی تقدیرده مافوق تضمینات ایله محکوم اولور. تبلیغ، مستمرأ بر محله صنعتی اجرا ایدهلرک ذاتیه یاپیلاماز ایسه مبلغ الهک او محله کی دائمی مستخدملرندن برینه یاپیلابیلر.

آوو قاتلره یاریخانه لرنده تصادف اولوناماز ایسه او محله بولونان کاتب ویا خدمتکارلرینه تبلیغ یاپیلابیلر.

حکمی شخصلر، نامنه کندیلرینه تبلیغ یاپیلاجق کیمسه لر معین ساعتلرده مرکز معامله لرنده بولونماق لری ویا اوراقی بالذات قبول ایدمه یه جک بر حالده اولدقلری تقدیرده تبلیغ، اوراقک اوراده حاضر بولونان دیگر بر مأمور ویا مستخدمه بر ایلماسی صورتیه یاپیلور.

ذاتیه ویا اقامتگاهنه اصولی دائره سنده تبلیغ اجرا ایدیلش اولان کیمسه اقامتگاهنی دیکشدریر ایسه اقامتگاهنی درحال بیلدیرمه و اقامتگاهنی باشقه شهره نقل ایتش ایسه محکمه نك دائره قضایی داخلنده بر اقامتگاه کوسترمکه مجبوردر. مباشر تبلیغک اجرایی ائناسنده مبلغ الهک اقامتگاهنی دیکشدریدیکی آکلار ایسه تبلیغی یکی اقامتگاهنده یاپار. فقط اقامتگاهنی دیگر بر شهره نقل ایدهن مبلغ ایله محکمه نك بولوندیگی محله اقامتگاه تعیین ایتشمش ایسه ویا یکی

اقامتگاهی مجهول ایسه مباشر تبلیغ اولوناجق اوراقك بر نسخہ سنی اولکی اقامتگاهك بولوندیغی محله مختارینه بامقبوض ویرہ جك و دیگر لر یغی ده محکمہ دیوانخانہ سنہ پایدیدیر اجدقدر . بوندن صوکره کی تبلیغات ده دیوانخانہ یه تعلیق صورتیله یاپیلور .

مبالغ الیهك باشقه شهرده کی اقامتگاهی معلوم ایسه اوراقك بر نسخہ سنی نامنه تعهدلی اولارق پوسته یه ویریلیر ؛ و اوراقك دیوانخانہ یه پایدیدیر یلدیغی و پوسته یه ویریلدیگی تاریخلرده دوسیه سنہ یازیلور ؛ بوتاریخلردن هانکیسی مؤخر ایسه اوتاریخده تبلیغ یاپیلمش عد اولونور .

کندیسنه تبلیغ یاپیلاجق شخصك هویتی مباشرجه معلوم ایسه هر زرده بولونور ایسه بولونسون تبلیغ ذاته یاپیلور .

کندیسنه تبلیغ یاپیلاجق شخصك اقامتگاه ویا مسکنی اولوبده مباشر اونی اوراده بولماز ایسه تبلیغ کندیسیله برلکده ساکن عائلہ سی افراددن ویا خدمتچیلردن یتیشمش اولان برینه یاپیلور . بواسطه خاصدن بری بولونمادیغی تقدیرده اوخانده اقامت ایدن موجد کبی کیمسه لره و تبلیغ اولوناجق شخص اوتل وخته خانه کبی بر یرده ایسه اودائرہ یی اداره ایدن کیمسه یه قبول ایتلری شرطیله تبلیغ ایدیله ییلیر .

کندیسنه تبلیغ یاپیلاجق شخصك موقتاً باشقه بر محله کیتدیگی اقامتگاهنده بولونانلر طرفندن بیان اولونور واشبو افاده نك صحتی آکلاشیلور ایسه کیفیت مباشر طرفندن تبلیغ اولوناجق اوراق زیرینه امضاسی تحتندہ یازیلارق محکمہ قلمنه ویریلیر . بونك اوزرینه مناسب بر مهل تعیین اولونارق عینی اقامتگاهده بولونانلره تبلیغ ایدیلیر . مناسب مهل ، عائلہ نك مبالغ الیهه کیفیتی اخبار ایله عودت ایدہ بیله جك زماندن عبارتدر .

وکیل واسطه سیله جاری دعوالرده تبلیغ بهمحال وکیل یاپیلور .
مبالغ الیه نامنه تبلیغ اجراسی جائز اولان کیمسه لرك اودعواده خصم اولارق علاقه لری وار ایسه مبلغ الیه نامنه کندیلرینه تبلیغ یاپیلاماز .

بر کیمسه برایشده بردن زیاده کیمسه لک ممثلی ایسه تبلیغ اولوناجق اوراقک یالکز بر نسخه سی ویریلیر. شو قدر که یالکز اوراقی تبلیغ ایچون توکیل اولونان کیمسه به تمثیل ایتدیکی شخصلرک عددی قدر نسخه ویریلک لازمدر .

تبلیغدن امتناع حالده تبلیغ اولوناجق اوراق مبلغ الیهک اوکنه مباشر طرفندن براقیلور . و کیفیت امتناع تبلیغ مضبطه سنه یازیلور وزیر ی او محله ده اقامتکاهی معروف بر شخصه ده امضا ایتدیریلیر .

اقامتکاهده تبلیغ اجرا ایدیله جک کیمسه بولونمادیفی تقدیرده مباشر تبلیغ اولوناجق اوراقی محلهک مختار و یا هیئت اختیاریه سی اعضاسندن برینه ویریر ؛ و یا پولیس قومیسر و یا معاوننه و یا ژاندارمه مرکز قوماندانلغنه براقیر ؛ و اوراقک بونلردن هانکیسنه براقلدیغی مبین و براقیلان کیمسه نک آدره سنی محتوی ورقه یی اقامتکاهی قابوسنه یاپیشدیریر ؛ و مبلغ الیه کیفیتک اخبار اولونماسنی الک یقین قوموشوسنه بیلدیریر .

کندیسنه تبلیغ یابیللاجق کیمسه امضاسنی یازاجق قدر یازی بیلمز ایسه قومشولردن بر کیشی حضورنده صول النک باش پارماغی باصدیرلق صورتیه تبلیغ یابیلور .

تبلیغ اجراسی قبل اولمادیفی تقدیرده مباشر وقوع حالی مبین برضبط ورقه سیله کیفیتی محکمه رئیسنه عرض ایده ر ؛ رئیس تبلیغ معامله سنک اجراسی صیراسنده حاضر بولونمق اوزره مباشره برینی ترفیق ایده ر .

مباشر تبلیغی یاپدیغنده کیفیت تبلیغی مبین بر تبلیغ مضبطه سی یاپاجقدر .
بومضبطه :

۱ -- تبلیغک هانکی زمان و محله ده یاپیلدیغی

۲ -- تبلیغ ایسته ن طرفک اسم و هویتیه محکمه نک اسمی

۳ -- تبلیغ اولوناجق شخصک اسم و هویتی

۴ -- تبلیغک کیمه یاپیلدیغی

۵ -- اقامتکاهده کیمسه بولونمادیفی و یا تباعدن امتناع اولوندیغی تقدیرده بوخصوصه متعلق معامله نک یاپیلدیغی

۶ -- تبلیغ اولوناجق اوراق کیمه ویریش ایسه اونکله مباشرک امضالری
محتوی اولق لازمدر . اشبو مضبطه تبلیغ ایدیلجه جک اوراقک اصلنه ویا بوکا
ربط ایدیلجه جک بر ورقه یه یازیلور ؛ و بونک بر صورتی مبلغ الیه بر اقیلان نسخیه
یازیلوب مباشر طرفندن تصدیق ایدیلیر .

اقامتگاهی ومسکنی مجهول اولانلره تبلیغات اعلاناً یازیلور .

اجنبی مملکتده اصولی دائره سنده تبلیغ اجرایی ممکن کوریلدیکی حالده
تبلیغ اعلان صورتیه یازیلایلیر . بوصورنده محکمه باش کاتبی تبلیغ اولوناجق
اوراق صورتلری اجنبی مملکتده بولونان کیمسه نك معلوم اولان آدره سنه آریجه
تعهدلی اولارق مکتوبله کوندیریر ؛ و آلیناجق پوسته علم و خبری دوسیه سنه قوره
اعلان صورتیه تبلیغ ، محکمه رئیس ویا تحقیقات ویا خود صلح حاکمک
اسباب موجب بیانیله ویره جکی قرار اوزرینه یازیلور ؛ شویله که :

تبلیغ اولوناجق اوراق محکمه دیوانخانه سنه تعلیق اولونور ؛ تبلیغ اولوناجق
اوراقک خلاصه محتویاتی محکمه نك دائره قضایی داخلنده نشر اولونان بر ویا
بر قاج رسمی و اعلاناتی قبول ایدن غزته لردن برنده اعلان اولونور ؛ بونلردن
باشقه محکمه نك دائره قضایی داخلنده ویا خارجنده دیگر اوراق حوادثدن
برنده ده اعلان یازیلما سنه قرار ویریلایلیر . غزته نشر اولونمایان یرلرده اعلانات
تنسیب اولوناجق غزته لردن برنده نشر اولونور . تبلیغ اولوناجق کیمسه نك
معین اقامتگاهی وار ایسه اعلانک بر صورتی پوسته یه ویریلجه جک تعهدلی بر مکتوبله
اقامتگاهنده کوندیرایلیر .

اعلانده ، ایکی طرفک اسم وهوتی و تبلیغ اولوناجق اوراقک نه دن عبارت
اولدینی و دعوانک موضوعی و اعلانک زه دن ویریلدیکی و اعلان دعوتی متضمن
ایسه زه ده ونه ایچون اولدینی وهانکی کون و ساعتده حاضر بولونیلجه جی یازلق لازمدر .
اعلاناً تبلیغ غزته لرك نشری تاریخنک فردا سنده یازیلماش عد اولونور .
رئیس طرفندن تعیین اولوناجق مدت اون کوندن آز ویش آیدن چوق اولاماز .
محاربه زماننده وضعیتک ایجابنه کوره دها زیاده مدت ویریلیمی جائزدر .

یوقاریدن بری بر تفصیل بیان ایلدیکمز شو تبلیغات احکامنه مخالف اولار ق یاییلمش اولان تبلیغ مبالغه الیهک مطلع اولدیغنی بیان ایتدیکی تاریخدن اعتباراً معتبر عد اولونور. اوراقلک مباشره ویریلدیکی تاریخدن اعتباراً نهایت اوچ کون ظرفنده تبلیغ اولونماسی و مبالغه الیهک اقامتکاهی مجهول ایسه اوراقلک ینه بو مدت ظرفنده محکمه قلمنه اعاده ایدیلسی مجبوریدر .

اقامتکاهی مجهول اولانلر ویا استنباه صورتیه تبلیغ اجراسنه لزوم کوریلنلر حقنده اعلانات اجرایی ویا استنباه ورقه سنک محله ارسالی خصوصنده طلب وقوعنده اولجه تعیین ایدیلش اولان محکمه کونه انتظار ایدیکمزین قرار ویریلیر.

دعوتیه و تبلیغ مضبوطلری نمونه لری

دعوتنامه		
ایاصوفیه ده عدلیه سراینده استانبول محکمه اصلیه سی برنجی حقوق داثره سی	دعوت اولونان ذاتک	دوسیه نومروسی ۹۲۷ ۵۰۵
دعواده کی صفتی	اسم و شهرتی و صنعتی محل اقامتی	ممثلنک اسم و شهرت و محل اقامتی
مدعی علیه	قام پاشاده جامع کبیر محله سنده ... سوقاقد ... نومرولی خانه ده متوفی فستقچی علی افندی زاده صغیر نوری	وصیسی خاصکویده ... محله ده ... سوقاقد ... نومرولی خانه ده تقاعد بحریه بیکباشیلرندن مختار صالح بک
اون قباننده ... محله ده ... سوقاقد نومرولی خانه ده اطفال طیبی ناطق بک طرفندن اقامه اولونان تداوی اجرتندن اوچیوز یکرمی لیرا آلاچق دعواسنک محاکمه سی او کمزده کی تشرین اولک ۲۲ نجی جمعه ایرتسی کونی ساعت اون بشده معین اولدیغندن وقت مذکورده بالاده موقعی محرر برنجی حقوق محکمه سنده حاضر بولونمکز لزومی تبلیغ اولونور. سانه پول مدعینک امضاسی باش کاتبک امضاسی محکمه مهری		
...

۲

ھر نوع اور اؤک مبلغ الیہک ذاتہ تبلیغی مبین تنظیم قیلناجق

مضبطہ نمونہ سی

تبلیغ مضبطہ سی

تبلیغ ایستہ من طرفک اسم و هویتی	تبلیغ اولونا جق شخصک اسم و هویتی	تبلیغی امر ایدہن محکمہ	تبلیغک موضوعی
بازدہ صوغان اغا محلہ سندہ یحی قاپان سوقا غندہ . . . نومرولی خانہ دہ مقیم قابریقہ طور بزاززادہ نوری بک	ارن کو بندہ صحرائ جدیدہ . . . نومرولو کوشکدہ مهندس قارہ حیدر اوغلی جمال بک	استانبول محکمہ اصلیہ سی بشنجی حقوق دائرہ سی	ایکی بیک لیرا آلاجق دعواسنہ دائر لایحہ وسند صورتی عدد ۲

طقوز یوز بکرمی یدی سنہ سی ایلولک . . . نجی بازار ایرتسی کونی
قبل الظہر ساعت طقوزدہ سا سنہ تاریخی و . . . دوسیہ نومروسی محتوی
مدعینک امضاسنی حاوی برقطعہ لایحہ صورتی ایلہ سا سنہ تاریخی وایکی بیک
لیرالق بر عدد دین سندی صورت مصدقہ سی بالادہ کی اقامتکاهندہ مومی الیہ جمال
بک تسلیم ایلدم . اودخی اوراق مذکورہ بی اخذ ایتدیکنی مبین شرحک زیرینی
امضا ایلدی . تبلیغی طلب ایدہن مدعی نوری بک مضبطہ صورتی ویردم .
اودخی صورت مذکورہ بی آلدیغی مبین شرحک زیرینی امضا ایلدی . بوصورتہ
تنظیم اولونان اشبو مضبطہ نک اصلی محکمہ قلمنہ تودیع ایتک اوزرہ نزد مدہ
حفظ ایلدم .

بومضبطہ نک برقطعہ صورتی آلدیم
تاریخ مدعی
نوری
بروجہ بالا اشبو مضبطہ دہ محرر
ایکی قطعہ اوراق صورتی آلدیم
تاریخ امضا
جمال

تبلیغ مضبوطه سی تبلیغ ایدیه جک اوراقلک ظهرینه ، ذیلنه ویا بوکا ربط
ایدیه جک دیکر برورقه نه یازیلا بیلر .

۲

هرنوع اوراقلک تبلیغ اولونامی شخص بولونامی بوده اقامتکاهنده
عائله سی افرادنه ویا خدمتچیلرنه . بئیشمه اولده بینه
تبلیغ ایدیه بکی تقریرده یازیلا بولور مضبوطه نمونه سی

[بالاده کی نمونه لک ارئه ایدیه کی مقدمات یازیلدقن صوکره]
بروجه بالا مومی الیه جملی بکه تبلیغ اولونامی لازمکن سا سنه تاریخی
و ... دوسیه نومرولی لایحه و سا سنه تاریخی ایکی بیک لیرالق سند صورتلری
زیری مدعی طرفدن ممضی اولدینی حالدده شهرحاک ... نحی بازارا یرتسی کونی
قبل الظهر ساعت طقوزده مبلغ الیهک اقامتکاهنده بالذات بولونمادیغندن عائله سی
افرادندن کیراوغلی ... لیسه سی طلبه سندن ابراهیم بکه [یاخود اوشاغی قرق
یاشرلنده فتح آغایه] تبلیغ ایتدم ... الخ دیه یوقاریده کی کی یازیلور .

۲

بالذات بولونامایه مبلغ الیهک اقامتکاهنده افرادعائله سندن ویا خدمتچیلرندن
کیمه بولونماتمه اوضانده اقامت ایدیه موهبری ویا اوتل ایه
اوتلجی موافقت ایتک شیطیه یا ییلا بولور تبلیغانده مضبوطه نمونه سی

[بالاده کی نمونه لده محرر مقدماتن صوکره] مبلغ الیه مومی الیه جمال
بک اقامتکاهنده بولونمادینی کی عائله سی ده کز مکه کیتدکلری و خدمتچیلرینی
یانلرینه آلدقلرینی سویله یین شخصی معروفز اقامتکاهنک موجری واورانک برنجی
قاتنی اشغالا ساکن اولان بهزاد بکه موافقتنه بناء تبلیغ ایلدم ... الخ دیه یازیلور .

۴

مبلغ الیه اقامتگاهنده بولونما بوب ده اوراده بولونما بابه عالمه سی آنک
موقناً محل آخره کیتدیکنی رنه رقت روزه بکنی پیدمه بکنی خبر
بروسه و بوب خبر نمناک افاده سیده ده تا بر اتمه ایه
مبارک کیفیتی تبلیغ اولونما بوب اوراده

زیرینه یازا بقی شرح

اشبو اوراق صورتلرینی لاجل التبلیغ شهر حالک ... نجی کوئی ... ساعتده
بالاده کوستریلن اقامتگاهنه کیدیلد کده مبلغ الیه جمال بکک موقتاً بروسه قابلدجه لرینه
کیتدیکنی اقامتگاهنده بولونان زوجیه سی صائمه خانم افاده ایلش و مختار محمد افندیکن
افاده سی ده آتی مؤید بولونمش اولدیغدن اصولک ۱۲۶ نجی ماده سنک صوک
فقره سی موجبجه ایفای معامله اولتمق اوزره شرح ویریلرک قلمه تودیع قلندی .

ل س نه

مباشر

ادهم

بونک اوزرینه بروسه ده کی زوجنه زوجیه سی معلومات و بروبده عودت ایتک
ایچون اقتضا ایدن مدت حساب ایدیلرک مدت تمديد و تکرار عینی اقامتگاه
علی الاصول تبلیغ ایدیلک اوزره تکرار مباشره ویریلیر .

تبلیغدن امتناع وقوع بولدقده یازیلانجق مضبطه نمونه سی

[دیکر نمونه لرده کی مقدمات یازیلدقدن صوکره]

بالاده محرر اوراقل [ویا دعوتیه نسخه سنک] تبلیغی ضمنتده مبلغ الیه جمال
بکک یوقاروده محرر اقامتگاهنه کیدلد کده کنیدیسی [یاخود تبلیغه صالح عالمه سی
افرادندن فلان ویاخود خدمتجیسی ...] تبلیغدن امتناع ایلدیکندن مذکور اوراق
صورتلری اوکنه قونیلارق ترک وقومشولرندن و متقاعد اوقاف مدیرلرندن حاجی
سالم بک دخی کیفیت امتناعی مشاهده ایتدیکندن وقوع حال مومی الیهده تصدیق
وامضا ایتدیریلرک عودت اولوندیغی مبین اشبو مضبطه ... الخ ...

۶

مبلغ البرك اقامتگاهنده تبلیغ اصرار ابرههك كیمسه بولونمادیغی
تقریرده اصولك ۱۳۱ نجی مادهسی مرجعیه مباشرك بایمقله
مكلف اولدیغی وظائفك ایفا ابرههكلی بین مضبطه نمونهسی
[مقدماتی دیکر لرنده اولدیغی کبی یازیلدقدن صوکره]

بالاده محرر اوراقك تبلیغی ایچون سا سنه تاریخنده ساعت ۰۰۰ دم
یوقاروده بیان اولونان مبلغ البرك اقامتگاهنه وارلدقده قابوسی مسدود اولوب
کیمسهك موجود اولمادیغی وزیه کیتدکلی قومشولرنجهده مجهول بولوندیغی
آکلاشیمقله مذکور اوراق صورتلرینی محله مختاری [ویاهیئت اختیاریه اعضاسندن
... افندییه] [ویاخود پولیس قومیسری ... بکه] [ویا ژاندارمه مرکز
قوماندانی ... بکه] تودیع ایتدکدن صوکره اوراق مذکوردهك ذکرکی چکن ... بکه
براقلدیغی مبین بر ورقه یازوب امضا و قابوسنه یابیشدیرمقله برابر اوراقی ...
افندییه تودیع ایلدیکی و وقوع حالی مبین قابوسنه بر ورقه یابیشدیردیغی و کیفیتك
مبلغ البره اخبار اولونماسنی الیقین قومشولری ... و ... افندی و خانملره بیلدیرمش
اولدیغی مبین اشبو مضبطه تنظیم و قلمه تودیع اولوندی سا سنه مباشر
...

۷

مبلغ البره دعائوسی دبا خبر منجیسی بولونمادیغی واراقه صورتلرینی تودیع
ابرههك یوقاربده کی مرجعلرده کیمسه بولونمادیغی و قومشولری ده
اولمادیغی دبا بولونمادیغی و الاصل بر صورتیه تبلیغات اصراسی
قابل اولمادیغی تقریرده مباشرك وقوع مالی مبین تقریری

... اوراقی برای تبلیغ ... ده مقیم ... نك اقامتگاهنه کیدیلش ایسهده
قابوسی مسدود و محل مذکور کوبدن اوزاق و قومشولردن خالی اولوب کویه
وقره قوله مسافهسی ایکی ساعتدن فضله اولمقله تعریفات قانونیه دائره سنده تبلیغات

ایضاحی امکانی بولونا مادیغندن اصولک ۱۳۱ نجی ماده سنک صولک فقره سی موجبینجه
معامله ایفا بیورولمق اوزره وقوع حالی مبین تقریر تقدیم قلندی سا سنه
مباشر

...

بوتقدیرده رئیس مباشره برینی ترفیق ایدرک تکرار
کوندرد کده یا بیلاجق مضبطه

[یوقاریسی دیکرلری کبی]

بالاده کی صورتلرک مبلغ الیه برای تبلیغ کلندکده تبلیغات ایضاحی ممکن
اولمادیغندن وقوع بولان مراجعت اوزرینه مقام ریاستدن ترفیق ایدیلن مباشر
... افندی [یاخود کاتب ... ویا مختار ...] حاضر اولدینی حالده تکرار کلندرک
ینه ایچردن سس وبریله مش اولدیغندن وقوع حالی مبین هر ایکیمزک امضاسنی
حاوی بر ورقه قاپوسنه الصاق واوراق صورتلری قاپو آرالغندن ایچری یه القا
ایدیلش اولدینی مبین اشبو مضبطه ... الخ شکلنده یازیلور .

مبلغ الیه یازی بیلمدیکی تقدیرده مضبطه یه ویریله جک
شرح صورتی

[مضبطه یازلدقندن صوکره زیرینه]

مبلغ الیه جمالی بکک اوشاغی فتاح آغایازی بیلمدیکندن صولک الیک باش پارمغی
مرکبله باصدیربیلارق تبلیغ ایدیلدیکی تصدیق اولونور .

مباشر

مومی الیه جمالی بکک قومشولرندن

ادهم

متقاعد او قاف مدیرلرندن

پوښته واسطه سیله یا پیلاجق تبلیغاتده ظرفک صورت تحریری

استانبول محکمه اصلیه سی

برنجی حقوق دائره سی

دوسیه نومروسی

۹۲۷

۵۴۱

ادرنده سلطان سلیم جوارنده قیق محله سنده ابراهیم پاشا سوقاغنده
۹۹ نومرولی خانه ده مجلس بلدی اعضا سندن کشف زاده فردی بکه

۱۱

پوښته علم و خبری صورتی

استانبول محکمه اصلیه سی برنجی حقوق دائره سندن ۹۲۷ - ۵۴۱ دوسیه
نومرولی وادرنده سلطان سلیم جوارنده قیق محله سنده ابراهیم پاشا سوقاغنده
۵۹۵ نومرولی خانه ده مجلس بلدی اعضا سندن کشف زاده فردی بکه کوندریلک
اوزره ... ثقلنده بر مرسوله پوښته خانه مزه ل سنه تاریخنده تودیع ایدیلش
اولدیغنی مبین علم و خبردر .

ل سنه پوښته مهری

ادرنده پوښته موزعی مکتوبی مرسل الیه ویا خانه ده کی عائله ویا خدمه تجیسنه
ویردیکنده مباشر کی بر مضبطه تنظیم ایده جک وبومضبطه ادرنه پوښته خانه سندن
استانبول پوښته خانه سنه کوندریلرک محکمه یه تودیع اولونا جق و محکمه باش کاتبی
دوسیه سنه وضع ایدیه جکدر .

۱۲

مباشرك دیگر بر محکمه دن کلن اوراقی بالاستنباه تبلیغ ایلدیکنده هانکی
محکمه دن کوندرلدیکنی مضبطه سنه یا زاجقدر . شویله که (قونیه محکمه اصلیه سی

حقوق دائره‌سندن ، استانبول محكمه‌اصليه‌سی برنجی حقوق دائره‌سی معرفتیه
بالاستنايه تبليغ ايديك اوزره كوندريلهن ... الخ)

۱۳

بالاستنايه يابيلان تبليغ مضبطه‌سنگ زيرينه‌استنايه ايديلن محكمه‌نگ تصديق

شرحی :

قونيه محكمه‌اصليه‌سی حقوق دائره‌سی رياستندن ل سنه ونومرولو تحريراته
ايه برای تبليغ كوندريلان بالاده محرر اوراق صورتنگ كيفيت تبليغی متضمن
محكمه‌من مباشری ادهم افندی طرفندن تنظيم ايديلن اشبو تبليغ مضبطه‌سی
تصديق اولونور .

ل سنه رئيس محكمه‌مهری

۱۴

اعلاناً تبليغ نمونه‌سی

اقدام غزته‌سنة

... ده‌مقيم ... طرفندن ارنكوينده صحراي جديدده ... نومرولی كوشكده
مقيم ايكن اخيراً محل مذ كوری ترك‌ايه نزهه كيتديكي واقامتگاه حاضری مجهول
بولوندينی اجرا قلنان تحقیقاتدن آكلاشیلان مهندس جمال بك ذمتنده باسند
مطلوبی اولان ايكي بيك ليرالق آلاق دعواسنه متعلق وعندالانكار تطبیقات اجرا
ایده جكنی و فائض و اجرت طلبی‌ده حاوی دعوی عرفحالی صورتیه ل سنه
تاریخندن اعتباراً اوج آی ظرفنده ٪ فائضه معاً مدعی‌یه تسویه‌سنى متعهد بر
قطعه‌سند صورتی [ویافلان تاریخده ... ساعتده آیاصوفیده دائره‌خصوصه‌سند
استانبول محكمه‌اصليه‌سی برنجی حقوق دائره‌سند حاضر بولونماسنی متضمن

دعوتنامه [محکمه مذکوره دیوانخانه سنه تعلیق اولوندیغی و غزته ایله اعلانک
فرداسی و تبلیغ ایدیش عد اولوناجنی معلومی اولق اوزره اعلان اولنور .
ل سنه امضا محکمه مهری

۱۵

اعلان مبالغ الیهک تبلیغات اجرایی ممکن بولونمایان برانجی مملکتنده بولونماسدن
ناشی ایسه اعلاندن ماعدا مبالغ الیهک بولوندیغی آدره سه محکمه باش کاتبی طرفندن
یازیلاچق مکتوب نمونه سی

بومبایده نظام جاده سننده بهشت آباد آپارتمانک ۴ نومرولی
دائرة سننده مهندس جمال بکه

... طرفندن علیکزه اقامه اولونان باند ایکی بیک لیرا آلاچق دعواسنک
عرضحالی صورتیه مستنددعوی اولان سند صورتی وایکی آی مهلقی حاوی دعوتنامه
تورکیه ده اقامتگاهکز بولونماماسنه و بومبایده وسائط تبلیغیه بولونماماسنه مبنی اعلاناً
تبلیغاته محکمه مز قرار ویره رک ایجابی ایفا ایتیش اولدیغندن استخبار ایدیلن
آدره سکزه ده مذکور اوراق صورتی اصولک ۱۴۱ نجی ماده سی موجبجه لفاً
ارسال قلمشدر افندم .

استانبول محکمه اصلیه سی

ل سنه

برنجی حقوق دائرة سی

باش کاتبی

...

۱۶

اصولک ۱۱۷ نجی ماده سنه توفیقاً اقامتگاه تعییننه دائر نمونه

... ده مقیم ... نک ... ده مقیم ... علیهنه اقامه ایلدیکی جهت کفالتدن بیک
لیرا آلاچق دعواسنه حق رجوع سببیه دخالت استدعاسنده بولونارق دردست

رؤیت بولوندیغندن اصل اقامتگاهم پارسده بولونمق حسیدیه مدعینک طلب
 واعتراضنه مبنی حقمده کافه تبلیغات اوراده یاپیلدینی تقدیرده بلا اعتراض معتبر
 اولمق اوزره غلطده آسیکوراسیون جنرالی خانک ... نومرولی یازیخانهسی
 اشبودعوی ایچون اقامتگاه تعیین ایلدیکمی مبین اشبو موافقتنامه اعطا قلندی .
 ل س نه فرانسه تبعه سندن ... نام شرکتک
 مدیری

۱۷

آووقاتلرک یکدیگرینه اصولک ۱۱۹ نجی ماده سنه توفیقاً یاپاجقلری
 تبلیغات علم و خبرلری نمونه سی

موکلم ... ایله آووقات ... بکک موکلی ... آراسنده ۹۲۷ - ۵۴۲ نومرو
 ایله استانبول ایکنجی تجارت محکمه سنده جاری رهن تجاری دعواسنه عائد لایحه
 جوابیه ایله مربوط مقاوله صورتی مومی ایله آووقات ... بکدن آلارق تبایغ ایلدم.
 ل س نه ... خنده ... نومرولی یازیخانه ده
 ... وکیل آووقات ...



دعوانك اخبارى

و

مجمع رجوع

دعوى اقامه و كونی تعیین و تبلیغات اجرا ایدیلد کدن صوکره مدعى ویا مدعى عامدن برى دعوائى غائب ایتدیكى تقدیرده اوچنچى بر شـخصه رجوعه حق اولدینی ملاحظه سنده بولونور ایسه مقامنه قائم اولارق دعوائى تعقیب ویا دعواده اوچنچى شخص صفتیله کندیسنه التحاق ایتسی لزومنی اوشخصه اخبار ایده بیلیر .

بالاستحقاق ضبط ایدیلک ایسته نیلن میعدن دولایى هر مشترینک بایعنه رجوعی، متسلسل کفالتلرده کفیللردن برینک حصه سندن غیرسییچون دیگرلرینه حق رجوعی، ترکه دن بر بورج حقدنه بر میراثچینک دیگر میراثچیلره حق رجوعی، اشتراك حالنده اولان ملکیتده بر شریکک دیگرلرینه حق رجوعی، ملک مشترکده مصرف و ویرکو ایله حصه دارلردن برینک دیگرلرینه حق رجوعی، کفیلک مکفول عنیه و رجوعه کفیله حق رجوعی کبی .

بورجبر قانوننک ۱۹۰ و ۱۹۱ نجی ماده لرنده مذکور اولدینی اوزره میعک ضبطی ایله تهدید ایدیلن مشتری عاینه اقامه ایدیلن دعوائى، ضمانله مکلف اولان بایعه اخبار ایتدیكى زمان بایع ایجاب حاله نظراً و اصول محاکمه توفیقاً یا مشتری لهنده دعوايه مداخله ده یاخود مشتری مقامنه قائم اولارق اوچنچى شخصه قارشى خصومت و مدافعه ده بولونمغه مجبوردر؛ اخبار، مداخله و مدافعه مساعد بر زمانده یا بیلمش ایسه مشترینک علینده حاصل اولان نتیجه حکمیه مشترینک حیله سی ویا غیر بر خطاسی اثری اولدینی اثبات ایدیلدکجه بایعه ده ساری اولور؛ دعوانک اخبار ایدیله میس مسئولیتی قابل اسناد اولمایان احواله بایع کندیسنه زماننده خبر ویریلدیكى فرض و تقدیر اولندقدنه نه درجه ده

مساعد بر نتیجه حکمیه استحصال ایدیه بیله جگنی اثبات ایدر ایسه اودر جده مسئولیتدن بری اولور . مشتری بایی وقتنده دعوادن خبردار و کندی نامه مدافعه و خصوصتده بولونماسنی طلب و اخطار ایدوبده دیکله ته مه مش ایسه اوچنجی شخصک مبع اوزرنده کی حقی حکم بکلمکسزین حسن نیتله طامیش یا خود استحقاق مدعیسی ایله صاح عقد ایش اولسه بیله بایعه ضمان ترتب ایدر .

ینه بورجلر قانوننک ۲۵۳ نجی ماده سنده اوچنجی بر شخص ، مأجور اوزرنده مستأجرک حقوقله قابل تألیف اولمایاجق بر ادعاده بولوندیغی تقدیرده موجرک مستأجرک اخباری اوزرینه مخاصمه یی درعهده ایده جکی محرردر .

کذلک اوقانونک ۴۷۰ نجی ماده سنه نظراً مجز ویا استحقاق دعواسی حالنده مستودع درحال مودعی خبردار ایتکه مجبوردر . بوکا قیاساً مال مستعارک دعواسنده دخی مستعیرک معیری دعوادن خبردار ایتسی لازم کلیر .

دعوانک هر حالنده اخبار جائدر . آنجق اخبار ایچون ایکی طرفک بری جانبندن وقوع بولاجق مهلت طلبی ، دعوانک اقامه سنی ویا دعواده رجوعی ایجاب ایدن واسطه نك محکمه یه عرضی متعاقب درمیان ایدیلز ایسه مهلت ویریلز .

اوچنجی شخص ، اخبار ایدن کیمسه نك مقامنه قائم اولارق دعوائی تعقیب ایتکی قبول ایدر ایسه دعوائی کندی نامه تعقیب ایده مز؛ یا لکز اخبار ایدن شخصی دعواده تمثیل ایش اولور .

اوچنجی شخص ، اخبار ایدن کیمسه نك مقامنه قائم اولارق دعوائی تعقیب ویا دعوایه مداخله ایلدیکی حالده بوخصوصی اخبار ایدن کیمسه دعواده بولونمغه مجبوردر . فقط اخبار تارینخندن اعتباراً اوچنجی شخصه قارشی یا لکز حبله سندن وفاحش قصورندن مسئول اولور .

کندیسنه اخبار واقع اولان اوچنجی شخص دخی اوخصوصده باشقه سنه حق رجوعی اولدیغی ملاحظه سنده ایسه کندیسی ده او کیمسه به کیفیتی اخبار ایده بیلیر .

بو منوال اوزره اخبارک توالیسی جائدر . بو کی حالدرده حاکم آنجق ضروری اولان مهلتلری ویریر؛ و مهلت طلب ایدنلردن تأمینات ده ایسته به بیلیر .

دعوايه مداخله ايچون كاتب عدل واسطه سيله اخبارنامه نمونه سى

بك اوغلى درونجى كاتب عدللكى جانب عاليسنه

... ده مقيم ... دن تاريخدن ايكي آي مقدم ... ليرا بدل مدفوع مقابلنده
اشترا وتسلم ايلديكم ... طون قارديف كومورينك كندى مالى اولديغندن
وانككترهك ... ليمانندن تحمیلنده قونشمستوسى نامه محرر بولنديغندن بحثله
اوزرينه حجاز احتياطي وضع ايدهرک مع ضرر وزيان اعاده سنه حکم ايديلسنى ...
ده مقيم معدن كومورى تيارندن ... طرفندن استانبول محکمه اصلیه سى برنجى
تجارت محکمه سنده اقامه دعوى ايدهرک دعوى عرضحال صورتيله قونشمستو
صورتلرينى طرفه تبليغ ايلسندن دولايى دعواى مذکورەك محاکمه سى اوکمزدهكى
تشرین اولك يکرمى ايکيسنه معلق بولنديغى نامه ورود ايدەن دعوتنامه دن
آکلاشلمش وحسن نيتله اشترا ايلديکم مذکور کومورلرک بوجهله ضبطه قيام
اولونماسى سبيله دوچار ضرر اولمقلغم قوياً محتمل اولوب بايع مومى اليهک ايسه
بو بيعدن دولايى بکا قارشى قانوناً متکفل بولنديغندن مساعد برزمانه معلق
اولان محاکمه مذکورەيه دخالت ايتمى و بورجلر قانوننک ۱۹۰ - ۱۹۷ نجى
ماده لرى موجبنجه مقامه قائم اولارق مدعى يه قارشى خصومت ومدافعه يي درعهده يه
شتاب ايلسى لازم کله چكى واك مساعد زمانده شو وظيفه اخبارى ايفا ايتديکم
جهتله شايد قانوننک کنديسنه تحمیل ايلديكى بو وظيفه يي ايفاده تراخى کوستردىكى
تقدیرده مستحق ايله حسن نيت دائره سنده صالح اولمق مجبورتى حاصل اولور
ايسه بو يوزدن ترتيب ايدهرک کافه ضرر وزيانمى بايع مومى اليهک تضمينه مجبور
اولاجنى معلومى اولمق اوزره اشبو اخبارنامه نسخه لرندن برينک ... ده مقيم
بايع مومى اليه ... تبليغيله بر نسخه سنک اداره عليه لرنده حفظى و برقطعه نسخه
مصدق سنک طرفه اعطاسى موجودر اقدم س

... ده مقيم ...

...



رد حاکم

حاکم ایفای وظیفه ایله مکلف اولوب هیچ برهانه ایله اجرای قضادن امتناع ایده مز ایهده بعض احوالده دعوایه باققدن ممنوع واستسکافه مجبوردر :

۱ — کندیسنه عائد اولان ویا دوعریدن دوعریه یاخود دولایسیله علاقه دار اولدینی دعوالرده ،

۲ — آرالرنده اولیلک رابطہسی مرتفع اولسه بیله قاریسنک دعواسنده ونسباً ویاسبباً اصول وفروعنک ویا اوچنچی درجه داخل اولدینی حالده اودرجهیه قدر نسباً یاخود کندیسبیله صهریت حاصل اولان اولیلک مرتفع اولسه دخی ایکنچی درجه داخل اولق اوزره ایکنچی درجهیه قدرسبباً جوار خصیملرینک ویا آرالرنده اولادلق رابطہسی بولونانک دعواسنده ،

۳ — ایکی طرفدن برینک وکیلی، وصیسی ویا قیمی صفیله حرکت ایتدیکی دعوالرده ،

۴ — حین دعواده هیئت اداره سندن بولوندینی جمعیت ، بلدییه ویا دیگر حکمی برشخصه عائد دعوالرده .

بو حاللرده حاکم ، رد طلبی قارشیسندن قالماسه بیله اودعواده حاکم صفیله بولوناماز بولونورسه حکمی کازلم یکن در ومافوق محکمه سنجه نقض ایدیلیر . مصارف محاکمه ایلده محکوم اولور .

شو قدرکه حاکم بو حاللرده دخی ، ایکی طرفی تشکیل ایدهلرک جمله سنک صریح وتحریری موافقتلریله محاکمه ده بولونابیلیر .

بعض احوالده حاکم ایستر ایه ویا طرفیندن بری رد ایدر ایه اودعواده بولوناماز :

- ۱ -- دعواده ایکی طرفدن برینه نصیحت و یرمش و یول کوسترمش ایسه ،
- ۲ -- دعواده ایکی طرفدن بری ویا اوچنچی شخص مواجهه سنده قانوناً ایجاب ایتمدن رأینی بیان ایتمش ایسه ،
- ۳ -- دعوی ، دردنجی درجهده داخل اولدینی حالدہ دردنجی درجهیه قدر جوار خصیملرینه عائد ایسه ،
- ۴ -- دعواده شاهدو یا اهل خبره ویا حکم ویا خود حاکم صفتیه دیکلنمش ویا حرکت ایتمش ایسه ،
- ۵ -- دعوی اثناسنده ایکی طرفدن بریسیله دعواسی ویا آرالرنده دشمنلکی وار ایسه ،
- ۶ -- عمومیتله حاکم بی طرفلغندن شهینی موجب اسباب مهمه واریسه .
حاکم ردی موجب سبیلردن بری وار ایکن بالذات استنکاف ایتمز ایسه ایکی طرفدن بری رد طلبنده بولونجهیه قدر دعوایه باقابیلیر .
ایکی طرف موافقت ایتمه لر بیلہ رد سبیلردن بری وار ایسه حاکم بالذات استنکاف ایده بیلیر . ردینی موجب سببه واقف اولان حاکم استنکافی درحال محکمه قلنه بیلدیریر . محکمه باش کاتبی ده بونی همان ایکی طرفه بلاخرج تبلیغ ایده ر . طرفیندن بری حاکم ردینی ایستور ایسه او حاکم منسوب اولدینی محکمه یه بر عرضحال ویرمسی لازمدر .
رد حاکم عرضحالی ، دیکر مستدعیات شرائطی محتوی اولدقدن باشقه سبب ردی ودلائلی محتوی اولماسی ویر نسخهمسی طرف دیکره تبلیغ ایدیلک اوزره ایکی نسخه بولماسی اقتضا ایده ر .
بالوکاله رد حاکم ایچون وکالتنامه ده بومأذونیتک تصریح ایدیلش اولماسی لازمدر .
رد حاکم عرضحالی ردی طلب اولونان حاکم اشتراکی اولمقسزین او محکمه طرفندن تدقیق اولونور . ردی طلب اولونان حاکم هیئتده بولوناماسندن دولایی عرضحالی تدقیق ممکن اولماز ایسه و دیکر دائره دن اعضا آلتماسنده امکان یوق ایسه مافوق محکمه سنه کونده ریلیر .

ردی طلب اولونان حاکم، حاکم منفرد ایسه رد حاکم طلبی، رفیقی وار ایسه آنک طرفندن یوق ایسه ال یقین محکمه اصلیه ده باقیلور.

ردی طلب اولونان صلح حاکمی ایسه رفیقی وار ایسه آنک طرفندن یوق ایسه صلح حاکمک منسوب اولدینی محکمه اصلیه جه تدقیق اولونور.

دعوانک تحقیق ورؤیتنه مأمور اولان حاکم حقنده ردی موجب بر سبیک موجودیتنه واقف اولان ایکی طرفدن بری رد حاکم طلبی هردرلو اعتراض ومدافعه دن اول بیان ایتمیری لازمدر.

اگر ردی موجب سببه دعوایه باقلدینی صیراده واقف اولمش ایسه اصوله متعلق یکی بر معامله اجراسندن اول در حال بوطلی بیان مجبوریدر؛ عکسی حالده رد حاکم طلبی ساقط اولور.

رد حاکم طلبی استدعاسنک بر صورتی دیگر طرفه تبلیغ ایدیلوب آنک ده جوابی ورود ایتدکن صوکره طلب رد وجوابی محکمه باش کاتبی طرفندن ردی طلب اولونان حاکمه بیلدیریلیر؛ حاکم وایکی طرف اسباب ردی قبول ایده لرلر ایسه کیفیت دعوی ضبطنه درج اولونور و حاکم استنکاف ایده. عکسی تقدیرده حاکمک جوابیله برابر سائر اوراق محکمه باش کاتبی طرفندن محکمه یه ویریلیر.

اسباب رد و نائق تحریریه استناد ایتدیکی تقدیرده محکمه دعوائی رد ایتک ویا اقامه ایدیلک ایسته نیلن شهودی استماع ایده رک قرار ویرمکده سربستی تقدیره مالکدر.

رد حاکمی موجب سبب ثابت اولماسه بیه محکمه بونی محتمل کوریر ایسه رد طلبی قبول ایده بیلیر.

رد حاکم طلبی اوزرینه محکمه ویا حاکم تشکیل طرفین ایتکسزین اوراق اوزرینه ده قرار ویره بیلیر.

ردی طلب اولونان حاکم رد حقنده قطعی برقرار ویریلنجه یه قدر او محاکمه ده حاضر بولوناماز. شو قدر که تأخیرنده مضرت ملحوظ اولان مسائلک تدقیق و محاکمه سنده بولونماسی جائزدر.

رد حاکم عرضحالی

ارزنجانده محکمہ اصلیدی مقرون دأرہ سی ریاست علیہ سنہ

ارزنجانك ... محله سنده ... نومرولی خانه ده مقیم اصحاب املا کدن ...
 اوغلی ... نك علیهمه اقامه ایستیکی حق شفعه دعواسنك رؤیتنه مباشرت
 اولونمش ایسه ده محکمہ علیه لری اعضاسندن ... بلك دون آقشام ... قلوبده
 و ... و ... و ... مواجهه سنده صحبت آراسنده دعوی مبحوث عنایه انتقال
 ایده رك بور جلقانونك ... نجی ماده سی موجبنه مدعینك حقلی اولدیغنی و دعواسنده
 محق بولوندیغنی رأینده اولدیغنی بیان و افشا ایستیکی و متعاقباً ورود ایده مدعی بی
 ماصه سنه دعوتله برابكره جای ایچدکلی قابل اثبات اولدیغندن حقوق دعوالری
 اصول محاکمه لری قانونك ۲۹ نجی ماده سنك ۲ نجی و ۶ نجی نومرولی فقره لری
 موجبنه حاکم مومی الیهك دعوامزك محاکمه سنده بولونما سنی طلب و استدعا
 ایله دیگر طرفه تبلیغ ایدیلك اوزره اشبو عرضحالك بر صورتی ده ربطاً تقدیم
 ایده رم افندم .

ا س نه ارزنجانده ... محله ده ...

... نومروده جلب تجارندن

....

باش کاتبك اخباری اوزرینه ردی طلب اولونان حاکم جوابی

... ایله اولان حق شفعه دعواسنده بولونما قلعیمی مستدعی ... نك ردحا کم
 عرضحالیه دیگر طرفك جوابی اوقودم . بوکافارشی جوابم : هر نه قدر حکایه
 اولوندیغنی وجهنه مذکور قلوبه کیده رك ... نك استفساری اوزرینه بورجلر
 قانونك ... نجی ماده سنه موافق اولارق ... طرفندن بر دعوی اقامه اولوندیغنی
 سوبله دمسه ده کیمك حقلی چیقاجغنه دائر بر کونارای درمیان ایتمدیکم کی مدعی
 فلان ایله هر وقت بر ماصه ده اوطوروب جای ایچمك معتام اولوب بوندن بی طرفانی

مخل بر حرکت استخراج اولونامایا جغندن بالذات استنکافه محل کورمدیکم بیان
اولونور افندم . ل س نه

رد حاکم عرضخالنه جواب

ارزنجانه محکمه اصله سی حقوق دأسه سی رباست علیه نه

اقامه ایتمش اولدیغ برحق شفعه دعواسنده خصم اولان ... طرفندن محکمه
علیه لری اعضاسندن ... بك حقنده ویريله رك رد حاکم استدعاسی صورتی طرفه
تبلیغ قلنمش اولدیغندن بروجہ آتی عرض جواب ایلم :

۱ — من القديم اعضای مومی الیه الیه الفت وصحبتی اعتبار ایتمش اولدیغندن
... قلوبده او آقسام ماصه نه کیدوب چایی ایچدم . هرکس پاره سنی کنندی
حسابنه تسویه ایتک اصولدن اولدیغندن عمومی بر محله اسکیدن طانیدیغ بر حاکم
ایله کوروشمک نه ممنوع ونه ده شائبه ویره جک بر حرکتدر .

۲ — بولونمادیغ ائنده ... طرفندن حاکمه بویه بر دعوی اقامه ایدیلوب
ایدیلدیکی وقانون مدینک نشرندن صوکره حق شفعه دعوالری مسموع اولوب
اولمادیکی حقنده سبق ایدن بر سؤاله قارشی استقامت و بی طرفانی مملکت خلقنجه
عمومیتله معلوم و مسلم بولونان حاکم مومی الیه ده اوت بویه بر دعوی اقامه اولونمشدر .
وبورجلر قانوننک ... نجی ماده سی حکمنجه حق شفعه دعواسی مسموعدر
دیمشدر . بو طرز افاده معلومی اعلام قیلندن اولان بر متعارفه اولوب هیچ
بر زمان اعطا و افشای رأی ایدیلدیکی تضمن ایده مهیه جکندن حاکم مومی الیه
حاکمه مزده بولونماسنی قانوناً استلزام ایتز . هله کوستریله ن ماده نك آلتنجی
قره سی اصلا وارد اولاماز . حاکم طبیعی وقانونمیدن محرومیتمی انتاج ایده جک
اولان طلب مذکورک ردی لازم کلیر افندم .

... ده مقیم ...

ل س نه

اوراق اوزرینه رد حا کم طلبنک قبولی

ایجابی بالذاکره : ... ده مقیم ... طرفندن ... ده مقیم علیهنه اقامه
اولونوب دردست رؤیت بولونان برحق شفعه دعواسنک محاکمه سنده بولونمده
اولان محکمه من اعضاسندن ... بکک اقامه دعوان صوکره براقشام ... نام
قلوبده مدعینک دعواسنده حقلی بولندیغی رأینی اظهار ومدعی ایله بر ماصده
جای ایچمک صورتیله تمایلی ابراز ایتدیکندن دولایی محاکمه سنده بولونماماسی
طلبنی متضمن مدعی علیه ... طرفندن اعطا اولونوب بر صورتی مدعیه تبلیغ اولونان
ردحا کم استدعاسیله خصمنک لایحه جوابیه سندن خبردار اولارق جوابنی تحریراً اعطا
ایدهن حا کم مومی الیه رینه جزا دائره سی اعضاسندن ... آلینارق ردحا کم استدعاسنک
قبولیله تدقیقات لازمه ایفا ایدیلد کده طرفینک و حاکمک افاداتی میانده قسماً تصادق
واقع اولدیغی جهتله ولو قانون اخیر موجبجه حق شفعه نک مسموع اولوب اولمایاجنی
بجته دائر و مقصور اولسه بیله دردست رؤیت اولان حق شفعه دعواسی اطرافنده
واقع سؤاله قارشی بر جواب شککنده بیان اولونماسی سببیه دعوانک قانوناً
مسموعیتی مطالعه سنی مظهر بر افاده ده بولوندیغی اعتراف ایدیلش اولماسنه وایکی
کون صوکره دعواسنک محاکمه سنده بولوناجنی بر شخص ایله ولو اعتیاد
سببیه اولسون بزم محبت تشکیل ایلمک بی طرفلغنی مشکوک قیلاجق احوال دن
بولونماسنه مبنی حقوق دعوالری اصول محاکمه نک ۲۹ نجی ماده سنک ۲ نجی
و ۶ نجی ماده لرینه و ۳۴ نجی ماده نک صوک فقره سنک بخش ایلدیکی صلاحیت
مبنی حا کم مومی الیه دعوی مذکور نک محاکمه سنده بولونماماسی لزومنه
۱ سنه تاریخنده متفقاً قرار ویریلدی . ۱ سنه اعضا اعضا رئیس
کاتب ...

اوراق اوزرینه رد حا کم طلبنک ردی

ایجابی لدی التذکر : ... ده مقیم ... ایله ... ده مقیم آراستده متکون
و محکمه منک بی نومرولی دوسیه سیله دردست رؤیت اولان جهت قرضدن

بشوز لیرا آلا جق دعواسنک محاکمه سنده بولونان رئیس محکمه ... بکک مدعی
 علیه ... نك انيشته سنك دامادی اولدیغندن طبعاً مدعی علیه تمایل ایده جکی
 جهتله محاکمه لرنده بولونماسی طلبی محتوی مدعی ... طرفندن ویریلن رد حاکم
 عرضحالی بر صورتی مدعی علیه تبلیغ ایدیلهرک جوابی آلدقندن وهرایکسندن
 خبردار اولان رئیس مومی الیهک ذیلاً و تحریراً نقطه نظری آلدقندن صوکره
 اعضا ملازمی ... بک ایله هیئت محکمه تشکل ایدهرک اوراق اوزرینه تدقیقات
 ایفا اولوندقده کرک مدعی علیهک جوابنامه سنده و کرک حاکمک تحریری بیاننده
 مندرج اولدینی وجه ایله بو درجه قرابت حقوق دعوالری اصول محاکمهری
 قانوننک ۲۹ نجی ماده سنک ۴ نجی فقره سنه نظراً رد حاکمی مستلزم اولماسنه
 وباشقه بر سببده کوستریله مش اولماسنه بناءً طلب مذکورک ردینه و مستدعیدن
 ایکی بیک غروش جزای نقدی اخذینه ۱ سنه تاریخنده متفقاً قرار ویریلدی
 ۱ سنه اعضا ملازمی اعضا رئیس و کیلی اعضا

...

...

...

تشکیل طرفین ایدهرک رد حاکم طلبنک قبولی

... ده مقیم ... ایله ... ده مقیم ... آراسنده متحدث اولوب محکمه مزده
 بـ دوسیه نی تشکیل ایدهرک دردست رؤیت بولونان وهرایی طرفنک متصرف
 اولدقلمری ... و ... چیقتلکمرک سینوری نزاعنه دائر اولان محاکمهک ایلک
 جلسه سنده هر درلو ادعا و مدافعه دن اول مدعی علیه ... طرفندن محکمه مزه
 ویریلهرک بر صورتی مدعی ... ه بالتبلیغ جوابی آلتان و محکمه اعضاسندن ...
 و ... بکمرک بو محاکمه ده بولونمالری طلبی محتوی اولان رد حکام عرضحالی
 اوزرینه اعضای مومی الیهمانک رأساً بولونمقندن استنکاف ایتلمرینی موجب بر
 سبب اولمادینی و سبب اولارق اراؤه ایدیلن خصوصک لازم الانبات اولدینی
 زمینده کی جوابنامه لری استحصال اولندقندن صوکره محکمهک جزا دائره سی
 اعضاسندن ... و دائره مذکوره اعضا ملازمی ... بکمر آلتنارق تشکیل هیئتله

طرفینک اصالة حضور لریله بو خصوصه دائر علناً محاکمه اجراسنه مبادرت و تعاطی اولونان اوراق قرائت اولندوقده بونلردن ردحاکم عرضخالنک زبده مندرجاتی حکام مومی الیهامدن ... بک اعضا غنه تعیینندن اول بوراده آووقاتاق ایدمه رکن بوتصرف نزاعنده مدعی علیه طرفندن حکم نصب اولونارق اوصفتله حرکت ایلش وهر نه قدر مدت تحکیمک مروریله انتاج ایدیلشمش و کیفیت محکمه یه عرض ایدیلش ایسه ده برچوق جلساتده حکم صفتله حرکتی شمدی عین دعواده حاکم صفتله حضورینی منع ایدمه جکی و دیگر اعضا یه کلانجه خانه سنده مستأجراً ساکن اولارق بر مدت صوکره چیقدیغنده مأجورده ایقاع اولونان تخریباتدن دولایی حقنده اقامه دعوی ایدمه رکن محاکمه یی در دست وانتاجی قوه قریبه یه کلش اولدیغی جهته له عابنده بولونماسی قویاً مأمول بولوندیغی جهته له هرا یکسینک بو محاکمه ده بولونما ملری طلبینی متضمندر. طرف دیگرک بوکا اولان جوابنامه سی ده حکم صفتله بولونان اعضا ... نک هرهانسی حکم وقراره اشتراک ایتدیکی ادعا اولونما دیغندن اعطای رأی ایتدیکی مدت ظرفنده کی حکمک صفتی حاکمکده مانع اولامایاجغنی و دیگر یله اولان حقوق دعواسی دشمنک افاده ایدمه یه جکی بیاندن عبارتدر .

طرفینه صیراسیله سوز و یریلد کده مدعی عرضحالی مآلنی تکرار و بر قطعه حکمکله ضبطنامه سیله تخریبات دعواسنه دائر مدعی علیه اعضا ... بکک امضاسنی حاوی دعوی لایحه جوابیه سنی و محکمه نک دعوتنامه سنی ابراز ایلدی. بوکا قارشى دیگر طرفده جوابنامه سی مآلنی تکرار و حکم ضبطنامه سی صدق مدافعه سنی مؤید اولوب جریان ایدن بر طاقم استیضاحندن عبارت جلسه لری حاوی اولوب تعلیق لردن باشقه هیچ برآرا قرارى اتخاذ ایدیلشمش اولدیغی وهر حاکم مستأجر اولاجننه وهر مستأجر حقنده موجری طرفندن دعوی اقامه اولونایله جکنه و بوسبیلله حاکمکله حق قضاسی اخلال ایدیلمه یه جکنه بناء طلبنک ردی اقتضا ایدمه جکی سویلش و بو خصوصه دائر طرفینک باشقه دیه جکری اولما دیغنی بالسؤال آکلا شلمش اولمغله تدقیقاتک ختامی بیلدیریلدی .

ایجابی لدی المذا کره : اعضادن ... بکک حاکم لکنندن اول آووقات بولوندیغی
 صیراده عین دعوی ایچون طرفیندن حکم نصب ایدیلهرک هر نه قدر بر کونا
 قراره اشتراك ایتمه مش ایسه ده اوصفتله حرکت ایدهرک تدقیقات و محاکمه اجراسنه
 اشتراك ایلدیکی مبرز ضبطنامه مندرجاتندن ورد حاکم استدعاسنده بولونان ...
 ایله اعضا ... بکک مأجورک تخریباتی دعواسندن دولایي دردست رؤیت
 محاکمه نك موجودیتی کذلاک مبرز اوراقدن آکلاشلماسنه بناء اعضا ...
 بک حقنده حقوق دعواری اصول محاکمه لری قانوننك یکر می طقوزنجی
 ماده سنك ۳ نجی و دیگر اعضا ... بک حقنده ده ۵ نجی نومرولی فقره لرنده کی
 سبب رد تحقق ایلش اولدیغندن عر ضحلاک قبولیه فقرتین مذکورینه توفیقاً
 مومی الیها ... و ... بکلرک بروجه طلب بو دعوانك محاکمه سنده
 بولونما مالینه و کیفیتك مذکور دعوی ضبطنه درجه ۱ سنه تاریخنده
 متفقاً قرار ویریلدی . اعضا ملازمی اعضا رئیس

تشکیل طرفین ایدهرک رد حاکم طلبنك ردی

... ده مقیم ... افندی ایله ... ده مقیم ... خانم بیننده متکون محکمه مزده
 دردست رؤیت اولان بوشانمه دعواسنده مدعی زوج مومی الیه ... افندی اساس
 دعوایه کیریشمه دن مقدم اعطا ایلدیکی و محکمه رئیس ... بکک محاکمه لرنده
 بولونماسی طلبی محتوی رد حاکم استدعاسی اوزرینه بر صورتی زوج مومی الیه
 خانه تبلیغ و جوابی آلتدقدن و ردی طلب اولونان رئیس مومی الیهک تحریراً
 نقطه نظری استحصال اولوندقدن سوکره معین ... کونده تجارت دائره سندن
 اعضا ... بک آلتق صوتیله محکمه وبالذات ورود ایتملریله طرفین تشکیل ایدیلهرک
 بو خصوصه متعلق اوراق او قوندقه :

رد حاکم عر ضحلاک مالی ، بوشانمه دعواسندن دولایي زوجه سی مزبور نك
 رئیس محکمه نك عائله سیله طانیشدیغندن رئیسك خانه سنه کیده رک کندیسنه رئیس

مومی الیه طرفندن دعوا ایچون یول کوستر یلش اولدیغندن اصول حقوقیه نك ۲۹ نجی ماده سنك بر نومرولی فقره سنه توفیقاً بوحا کمه ده بولونما ساسی اقتضا ایتدیکندن ردی طلبندن عبارتدر .

مدعی علیهانك جوابی زبده مندرجاتی ده - رئیس مومی الیهك زوجته سیله قومشوا اولدقلرندن طانیشیورلرایسه ده بودعوان صوکره خانه لرینه اصلا کیتمدیکی و بناء علیه رئیس طرفندن کندیسنه اصلا یول کوستر یلش اولدیغنی بیانه دائردر . رئیس مومی الیهك تحریری افاده سی ده مزبور خانمی اصلا کورمدیکی کی بالواسطه ده ارائه طریق ایلدیکی وحال وشانی بوکی مخالف قانون حرکاتی اختیاردن منزله بولوندیغنه متعلقدر .

طرفینه سوز ویریلدکده عرضحالری مألرینی تکرار ایلدیلر . بوجهتی نه ایله اثبات ایده جکی رد حاکم مستدعیسندن صورولمقله رئیسك خانه سنه کیردیکی کوزیله کوردیکی و باشقه اسباب ثبوتیه سی اولمادیغنی و مزبور نك ویردیکی تحریری افاده رئیسك سلیقه سی آ کدیر مقده اولدیغنی بناء علیه بوده برقرینه تشکیل ایده جکی سویلدی بالسؤال باشقه دیه جکلری اولمادیغنی آ کلا شلمه له ختام محاکمه بیلدیر یلدی .

ایجابی مذاکره اولوندقده : رد حاکم طلبنده بولونان ... نك عرضحالنده درمیان ایلدیکی سبب ، حقوق دعواری اصول محاکمه لری قانوننك ۲۸ نجی ماده سنك برنجی نومروسنه موافق و عرضحالی شایان قبول ایسه ده محتاج ثبوت اولوب مدعیسی ایسه کندی مشاهده سندن و رئیس طرفندن یازیلدیغنی بوجهله آ کلا شیلایان بر افاده تحریریه نك رئیسك قلمنه عطفی کی بر وهمدن ماعدا هیچ ردلیل قانونی یه مقارن بولونماسنه و مذکور قانونك ۲۴ نجی ماده سنك صوك فقره سنه استناد ایچون هیچ بر قناعت حاصل اولماماسنه بناء قانون مذکورك ۳۶ نجی ماده سی موجبنه طلب مذکورك ردیله مستدعیسندن اوچیک غروش جزای تقدی اخذینه - سنه تاریخده اکثریتله قرار ویریلدی - سنه

اعضا	اعضا	اعضا	رئیس وکیلی
...

مخالف : رئیسك عائله سیله معارفه نك ثبوتیه
بناء و ۳۴ نجی ماده نك صوك فقره سنه استناداً
طلب مذکورك قبولی رأینده یم

ضبط کاتبك ردی طلبك قبولنه دأر قرار

... ده مقیم ... ایله ... ده مقیم ... آراسنده جاری بـ دوسیه نومرولی ضرر و زیان دعواسنك محاکمه سنده هودورلو ادعا و مدافعه دن مقدم ضبط کتابتنی ایفا ایدن ... افندینك مدعینك دامادی اولدیغندن کاتب مومی الیهک بو محاکمه نك کتابتنده بولوندریلماسی طلبنی متضمن مدعی علیه ... طرفندن ویریلن عرضحال ایله مدعینك برکاتبك طرفیندن برینك دامادی اولماسیله صفحه محاکمه نك دیکشمه یه جکنی و محاکمه یه برکونا تأثیری اولامایاجغنی بیاندن عبارت اولان جوابنامه سیله فی الحقیقه مدعینك دامادی ایسه ده تعاطی اولونان اوراقی و علناً سوبله ن افاداتی ضبطنامه یه عیناً کچیرمکدن ماعدا برصلاحیتی اولمادیغندن مدعی علیه قارشى هیچ بر ضرری اولامایاجغنی متضمن اولان کاتب مومی الیهک افاده تحریریه سی اوقوندق دن صوکره ایجابی مذاکره اولوندقده : مارالذکر دعوانك ضبط کاتبلیکنی یاپان ... افندینك مدعینك دامادی اولدیغنی آکلاشیلماسنه مبنی حقوق دعوالری اصول محاکمه لری قانوننك ۳۷ نجی ماده سیله ۲۸ نجی ماده سنك ایکی نومرولی فقره سنه توفیقاً اشبو طلبك قبولیه کاتب مومی الیهک بولوندریلماسنه متفقاً قرار ویدیلدی .

ل سه اعضا اعضا رئیس

...

اهل خبره نك ردی حقنده قرار

... ده مقیم ... ایله ... ده مقیم ... آراسنده متکون و محکمه مزده رؤیت ایدیلکده اولان جهت قرض عادی دن بیک لیرا آلاچق دعواسنك جریان ایدن محاکمه سنده ابراز اولونان دین سندینك زیرنده کی امضانك مدعی علیه طرفندن انکار اولونماسی اوزرینه اصولنه توفیقاً تطبیقات اجراسنه قرار ویریلرک طرفینك اتفاق ایدمه منی سببیه جانب محکمه دن اهل خبره انتخاب اولونان خطاط رفعت

بلك مدعى عليهم قان برادری اولدیغنی استخبار ایلدیگندن بوخصوصده اهل خبره اولماسنه راضی و امین اولامایا جغندن رد حاکم صورتیله ردی طلبی متضمن مدعی طرفدن ویریلن عرضحال ایله بعدلتبلیغ مدعی عليهم فی الحقیقه قان برادری ایسه ده حاکم اولمایان مومی الیهک ردی لازم کلمه جکئی اولسه اولسه راپور کلد کدن صوکره نتیجه یه کوره بوخصوصه متعلق برطعن و اعتراضده بولونایله جکئی بیاندن عبارت اولان جوابنامه سی و تصدیق حالی مبین مذکور اهل خبره نك تحریری افاده سی اوقوندق دن صوکره ایجابی مذاکره اولوندقده طرفینک ده تصادق یله مدعی عليهم اهل خبره یه انیشته اولدیغنی تحقق ایتسنه و حقوق دعوالری اصول محاکمه لری قانوننک ۲۷۷ نجی ماده سی موجبنه اهل وقوف دخی حاکم لرایچون معین اسبابه بناء رد اولونایله جکئی مبنی قانون مذکورک ۲۸ نجی ماده سنک ایکی نومرولی فقره سنه توفیقاً استدعائک قبولیله اهل خبره مومی الیه رفعت بلك بولوندریلما سانه ویرینه دیکرینک طرفین جانبندن اتفاقله انتخابی ممکن اولما زسه محکمه طرفدن تعینه لـ سنه تاریخنده متفقاً قرار ویرلدی .

کاتب	اعضا	اعضا	رئیس
...

حکمک ردی حقنده قرار

... ده مقیم ... ایله ... ده مقیم ... آراسنده متحدث اولان اشیای میعه معلومه نك معیب اولماسندن متولد دعوانک ... و ... و ... طرفلرندن حکم صقیله حل و فصلی میانه لرنده تقرر ایئش ایسه ده تاریخ تحکیمدن بش کون کچمکسزین مذکور حکملردن . . . نك مدعی عليهم قوماندیت شرکته قوماندیتر شریک اولدیغنی استخبار ایده رک همان ردی ضمننده اصل دعوائی رؤیته صلاحیتدار اولان محکمه مزه باعرضحال مراجعت ایتدیگندن دیکر طرفه تبلیغ ایدیلن صورت اوزرینه قوماندیتر لرا تحقق وضع ایتدکلری سرماییه ایله مسئول اولاجقلرندن

قوماندیتر شریکی بولونان حکم مومی الیهک ردینی مستلزم سبب قانونی اولمادیغنه
 دائر اولان طرف دیکرک جوابیله عین مآلده بولونان حکم مومی الیهک جوابی ورود
 ایتدکن صوکره اوراق اوزرینه تدقیقات لازمه بالایفا ایجابی مذاکره اولوندقده
 حکم مومی الیهک مدعی علیهک قوماندیتر شریکی اولدینی تصادق طرفین ایله ثابت اولماسنه
 وبایعک اوشرکت اولدینی ومدعی علیهک یالکز واضع الامضا وعاقده بولونماسیله شرکتی
 وبالنتیجه هر صنف شرکایی متأثر ایده جکی محتاج مناقشه اولماسنه وحکم لک رد
 حاکم سبیلرینه استناداً رد اولونابیله جکلری حقوق دعوالری اصول محاکمه لری
 قانوننک ۵۲۱ نجی ماده سنده مصرح بولونماسه مبنی قانون مذکورک ۲۸ نجی
 ماده سنک برنجی نومرولی فقره سی حکمنه توفیقاً عرضحال مذکورک قبولیله
 حکم مومی الیهک ردینه ویرینه دیکر بر حکم تعیین ایتدکلری تقدیرده مدت
 تمدید وحکم محکمه جانبندن نصب ایدیلک اوزره اصولی دائره سنده محکمه مزه
 مراجعتده مختاریتلرینه ا سنه تاریخنده متفقاً قرار ویریلدی .

کاتب	ا سنه	اعضا	اعضا	رئیس
...



تحقیقات و صورت اجرایی

ایکی طرف آراسنده لایحه لر تعاطی اولوندقدن ویا بونک ایچون معین کونلر کچدکن صوکره دعوانک محاکمه و حکم ایچون کافی درجه ده توضیح ایتدیکنی تحقیقات حاکمی آکلار ایسه تحقیقاتک بیتدیکنی کندیلرینه بیلدیریر ؛ عکسی حالده تحقیقات حاکمی ایکی طرفی دعوت و نقصان کوردیکی جهتلری استیضاح ایدر .

تحقیقات حاکمک اثبات وجود ایتلری ایچون ایکی طرفه ویره جکی مهلت لاقول اون کوندر . مستعجل حالدرده حاکم رأساً ویا ایکی طرفدن برینک طلبیله بومدی آزالتابیله جکی کبی ایجاب حالنده تمديدده ایدر بیلیر .

تحقیقات حاکمی ضبط کاتبی حاضر اولدیغی حالده ایکی طرف ویا وکیللری استجواب ایدر . ایکی طرفک مطابق قالدقلری جهتلری تعیین و تنذیت واختلافی اولانلری تفریق ایلر . دعوانک هر حالنده تحقیقات حاکمی ، ایکی طرفی ویا وکیللری دعوت ایله یکدیگریکنک مواجهه سنده دعوانک مسائل مادیه سی حقنده افاده لرینی استماع و بونلری صلحه ده تشویق ایدر بیلیر .

تحقیقات حاکمی دعوانک محاکمه و حکم ایچون کافی درجه ده توضیح ایلدیکنه قانع اولور ایسه تحقیقاتک بیتدیکنی تفهیم ایلر .

صورت جریان تحقیقاته نظراً دعوانک اثباتی ایچون دلیل اقامه سی لازم ایسه بونلری تفصیلاً یکدیگریکنه تبلیغ ایتک اوزره ایکی طرفه مناسب برمهلت ویریر .

تحقیقات حاکمی اقامه ایدیلک ایسته نیلان دلیللردن هانکیسینک قبوله شایان اولدیغی وهانکیسینک اولمادیغی اسباب موجب درمیانی صورتیله تقدیر و قراره ربط ایدر . بوقرار علمنه اساس دعوانک محاکمه سنده اعتراض اولونا بیلیر .

تحقیقات حا کمی ، اقامه ایدیلک ایسته نیلن دلیللرک قبول و استماعلری حقنده قرار ویرمزدن اول راساً ویا ایکی طرفدن برینک طلبی اوزرینه مرافعه اجرامی ایچون ایسترایسه ایکی طرفی حضورینه جلب و دعوت ایده بیلیر. دلیللرک، قبول و یاردی حقنده تحقیقات اجرا ارلوانان جلسده ابراز و اقامه سی جائزدر. بومکن اولمازایسه تحقیقات حا کمی دلیلی استماع و تدقیق ایتک اوزره آریجه بر کون تعیین ایدر .

ایکی طرفک اساس دعوی حقنده درمیان ایده جکی بالعموم اعتراضلر و مدافعلر برلکده تحقیق اولونور . آنجق تحقیقات حا کمی محاکمه یی بسیطلش-دیرمک ویا قیصالتمق ایچون راساً ویا ایکی طرفدن برینک طلبی ایله تحقیقاتک هر حالنده مذکور اعتراضات و مدافعاندن برینی ویا برقسمی دیکرندن اول تقدیماً تحقیق ایده بیلیر .

استجواب

تحقیقات حا کمی ایکی طرفدن هر برینی راساً ویا طلب اوزرینه استجواب ایده بیلیر . حاکم استجواب ایده جکی طرفه اول امرده حقیقی اولدینی کبی سولمسی حقنده وصایاده بولونور . تحقیقات ایله استجواب آیری آیری شیلردر. علی العاده اصول محاکمه یه تابع دعوالرده تحقیقات قانوناً مجبوریدر . استجواب ایسه ، یالکز تحقیقات حا کمک لروم کوستره جکی خصوصاتده یابیلور .

استجواب مدعاهه ویا اونکله مناسبتی اولان حاللرله واقعه لره تعلق ایتک ایجاب ایده ر .

استجواب اولوناجق شخص ، محجور ویا یاشی اون آلتی دن کوچوک ایسه حا کمک تقدیرینه کوره یا کندیمی ویا ولیمی ویا وصیمی و حکمی شخصی ایسه ممثلی استجواب اولونور .

استجواب اولوناجق کیمسه نك بالذات کلمسی لازمدر . آنجق او کیمسه محکمه نك دائره قضاسی خارجده مقیم ایسه استنباه صورتیله استجواب اولونور .

حاکم طرفدن مواجهه اجرایی مستثنا اولماق اوزره استجواب دیگر طرف بولونمق سزین یالکز محکمه کاتبی حاضر اولدینی حالد یاپیلور .

استجواب ایدیه جک طرف وکیلنی برابر بولوندی رابلیر . وکیل ، موکلنه توجه ایدن سؤاله جواب ویرمکدن ویا ویریه جک جوابی تلقین ویا ایما ایتمکدن ممنوعدر . یالکز دعوائی تنویر ایچون کندیسنجه لزوم کوردیکی جهتلرک موکلندن صورولماسنی حاکمدن ایسته مک حقی واردر .

استجواب ایچون دعوت ایدیلن طرف مشروع بر مانعی اولمق سزین کلز ایسه اوجلسه محاکمه مصرفیه دیگر طرفک اوجلسه ایچون مصرف اولارق تقدیر ایدیه جک مبلغه محکوم ایدیلر ویکیدن دعوت اولونور . بونک اوزرینه کلدیکی ویا صوریلان سؤالره جواب ویرمدیکی صورتده حاکم ترتیب ایلدیکی سؤالری اقرار ایله مش عد اولوناجق کندیسنه تبلیغ ویا تفهیم ایدر . ینه کلدیکی ویا جواب ویرمدیکی تقدیرده حاکم ، سؤال اولونان واقعه لرئ اقرار ایتمش عد ایلر .

استجواب بیتینجه ضبطنامه تنظیم اولونور . بوضبطنامه علناً هریکی طرف مواجهه سنده اوقوندقندن سوکره زیری حاکم وکاتب ایله استجواب اولونان کیمسه طرفدن امضا اولونور .

ویریلن جوابدن سوکره یاپیلان تعدیلرر وعلاوه لر ضبط ورقه سنه تحشیه وامضا ایدیلر ؛ امضاسز تحشیه لرک حکمی یوقدر .

ضبط ورقه سنی امضادن استسکاف حالنده کیفیت وامتناع ایچون کوستریلن سبب ضبط ورقه سنه یازیلارق حاکم طرفدن امضا اولونور .

استجواب ضبطنامه سی نمونه سی

دعوی ضبطنامه سی

دوسیه نومروسی			صفحه ۱		
استانبول محکمه اصلیه سی آلتنجی حقوق دائره سنه مخصوص ضبطنامه در					
اوراق دعوی	تاریخ ورودی	نوع دعوی	تحقیقات حاکمک اسمی	ضبط کانی	مباشری
۱ استدعا ۲ لایحه	۱ سنه	بوشانه	احمد وفیق بك	راشد افندی	مصطفی افندی
مدعی		مدعی علیه		ممثلری	
... ده ساکنه ... کریه ... خانم		... ده مقیم ... اصنافندن ... افندی		...	
هیئت حاکمه					
رئیس ...		اعضا ...		اعضا ...	
<p>مدعی علیه ... خانم طرفندن محکمه یه اعطا قلوب لاجل التحقیق طرفه تودیع قلوب بر صورتی ۱ سنه تاریخنده مدعی علیه ... افندی به تبلیغ قلنان عرض حال و ... صلح محکمه سندن معطی صلحك عقیم قالدیفنه دائر علم و خبر ایله مدعی علیه ۱ سنه تاریخلی جوابنامه سی بعدالمطالعه دوسیه سنه وضع ایدیلرک ایکی طرفه ... آیک ... نجی ... کونی ساعت ... ایچون دعوتیه کوندریلش ایدی .</p> <p>یوم مذکورده مدعیه مزبورہ ... خانم ایله مبرز وکالتنامه موجبجه وکیلی آووقات ... بك و مدعی علیه ... افندی ایله وکیلی آووقات ... بك محکمه مذکورده نك تحقیقاته مخصوص اوطه سنه کملریله بوشانه یه سبب زنا کیفیتی کوستریدلکندن طرفینك خفیاً استجوابنه اصولك ۲۳۰ نجی ماده سی موجبجه رأاً لزوم کوستردم .</p>					
کاتب		تحقیقات حاکمی			
...		...			

رفاقتلرنده بولونان وکیللرینه اصول مذکورک ۲۳۳ نجی ماده سی احکامی
 اخطار اولوندقدن صوکره کاتب حاضر اولدیغی حالده مدعیه مزبورہ نک استجوابنه
 شروعلہ حقیقی اولدیغی کی سولسی حقده وصایا ایفا قیلندی . مزبورہ
 اوتہ دنبری کندیسنی اہمال ایلہ وظیفہ زوجیتی ایفا ایتمین قوجاسندن دایما شہدہ
 اولدیغی وخارجدن احباسندن قوجاسنک فلان قادیئلہ دوشوب قالدیغنی ایشتمکده
 ایسہدہ پکده احتمال ویرمدیکی انحق هیچ برسبب صحی یوق ایکن کچن ایلک ہارده
 یقہ جقدہ آکسزین وکندیسنہ دانیشما یارق ایام صیف ایچون برکوشک استیجار
 ایلہ کندیسنی علی العجلہ اورایہ نقل ایلسندن دہ فضلہ شہدہ دوشدیکنی و یقہ جغہ
 نقلک ہفتہ سندہ قوجاسی دایما برکیجہ بی استانبولہ و برکیجہ سنی یقہ جقدہ
 کچیرمکہ باشلادیغنی وسؤاللرینہ جواباً واپوری ویا ترہنی قاجیردیغنی بہانہ اتخاڈ
 ایلدیکنی برکون یعنی تاریخ دعوادن اون کون اول بعض لوازم واشیا مبايعہ
 ایچون استانبولہ قوجاسنک معلوماتی اولقمسزین اینوب کچ قالدیغندن صوکر
 واپوری قاجیردیغنی حہتلہ اوہ تلغراف چکدرک اسبابولہ نور عثمانیہ دہ کی خانہ سنہ
 کیدوب کیجہ بی اورادہ کچیرمک اوزرہ قومشولرندن ... مراجعتلہ برادیغنی
 آناختاری آلمق ایستدکدہ مذکور قومشودن ، قوجاسنک آناختاری آلمش
 اولدیغنی آکلامقلہ اقرباسندن . . . خانمک اوینہ کیتمک نیت ایدوب خانہ سی
 اوکندن کچرکن اورتہ قاندہ ایشیق کورہرک متحیر اولدیغنی ویا قلاشہ رق قولاق
 ویردکدہ طانیادیغنی برخام سسنی ایشیتدیکنی و او وقت چانطہ سندہ بولوندیغنی
 درخاطر ایتدیکی آناختارلہ آجارق کیرمک ایستمش ایسہدہ بر آز قورقاق
 اولدیغندن احتیاطاً اورادن کچن بکچی بی رفاقتہ آلارق بکچی ایلہ یواشہجہ
 قابوی آچوب اورتہ قاندہ حایلر اوزرینہ باصہرق یاناق اوطہ سی اوکنہ
 کلدکلرنده قابوی بغتہ آچدیغندہ زوجیلہ صکرہ دن . . . آدیلہ آکیلدیغنی
 آکلادیغنی . . . خانمی یتاقدہ مقارنت جنسیہ حال و وضعیتندہ ونیم عریان اولارق
 کوروب بکچی بہ ارائہ و نفرت واستکراہلہ اوبر اودیہ چکیلہرک بایلدیغنی
 وحاصل اولان کورولتیدن وقاپونک آچیق قالماسندن اورادن کچن . . . نومرولی

پولیس افندی ده کیروب وضعیت استدلال ایلدیکنی و شو حاله نظراً مومی الیه ایله دوام زوجیه امکان قالدیغندن بوشامه قراری ویریلسنی طلب ایتمکده اولدیغنی و لدی السؤال صالح حاکمی طرفندن ده عفو و دعوان صرف نظر ایتمکده ترغیب ایدیلش ایسه ده حیثیت نسویه سنک شو صورتله اخلال ایدیلسندن دولایی هضم ایده مه یه جکنی و طلبنده مصر اولدیغنی بیان ایلدی . و کیلی ده حال زناده کوریلن خانمک زرده مقیم اولدیغنک و فحشی مستور قادیلردنمی یوقسه وثیقه لی طاقندنمی اولدیغنه دائر بر تحقیق نتیجه سی وارمیدر ؟ و وضعیت مشهوره اوزرینه هر برینک نه یاپوب نه لر سویلدکلرینک موکله سندن صورولماسنی ایستدی . لدی السؤال مومی الیه ، پولیسک ایرتسی کونی ویردیکی معلوماته کوره وثیقه لی مقوله سندن اولدیغنی و قوجاسنک « شایان حیرت برشی یوقدر بن دو قنورم بوده مشتریمدر معاینه ایدیوردم » دن باشقه برشی سویلدیکنی اوقادینک ایسه سکوت ایتمکده اولدیغنی سویلدی .

اونلر چیقاریلهرق مواجهه به انتظار ایتملری تنبیه اولوندقندن صوکره مدعی علیه زوج و وکیلی آتارق کندیلرینه ده عینی اخطارات و وصایای قانونیه بایلدقندن صوکره استجوابه شروع اولوندقده زوج مومی الیه دو قنور ... بک اوکیجه واپوری قاجیردیغندن خانه سنه کلدیکنی و یاریم ساعت صوکره قابو چالینه رق معاینه خانه سی مشتریلرندن بوقادینک کلدیکنی و معاینه صیراسنده خانمک کلوب مسئله یی باشقه زنکه قلب ایلدیکنی و احتمال که بر مدتنبری کندیسيله حسن معاشرتده بولونمایان مر بوره نك او قادیله طانیشیقلی دونوشوقلی بر صورتده مرتباً بوقادینک خسته کبی خانه سنه سوق ایدیلش اولاجغنی و بکجینک قان پدر طرفندن پاره ایله اطماع ایدیلش اولدیغنی پولیسک شهادته ایسه بر اعتراض اولامایاجغنی و کندیسنک زنا ایله مألوف اولمادیغنی هر وقت ذوات معتبره ایله اثبات ایده بیله جکنی سویلهرک کیفیت زنای انکار ایلدی . و کیلنک طلبی ایله زوجه سيله سؤ معاشرتنک اسبابی استبضاح اولوندقده مدعیه نك صوکره درجه ده قصقناج و وهام بر قادیل اولدیغنی و بو ، سیکیر خسته لغی درجه سنه واردیغنی و امراض عصبیه متخصلرندن

دوقتور ... بکک تحت تداویسندہ اولدیغنی بیان ایلدی. طرفزدن برخسته معاینه ایدن دوقتورک معتاد الیسه بی لابس اولماسی ایجاب ایدردی، ادعایه کوره سز ایه دون وفانیلا ایلہ بولونمشسکز بوکا نهدیه جکسکز دنیلدکده سکوت ایلش و وکیلی اصول محاکمه خلافه تلاش ایلہ خسته نک مراجعتنده او یقوده ایدی يتاغندن صچر ایلارق خسته بی او حالیه ایچری یه آلمش اولدیغنی سولیک ایستمش ایهده سواله جواب ویرمکدن ممنوع بولوندیغندن و تکرری حالنده حقنده اصولک ۱۵۰ نجی ماده سی تطبیق ایدہ جکمی وشو اخطاری شیمدیک ضبطنامه یه درج ایلہ اکتفا ایلدی کمی سولیدم.

بعده هرا یکی طرفی برای مواجهه وکیللری حاضر اولدیغنی حالده جلب ایلہ افاده لرینی قرائت ایتدکده هربری افاده سی دیگرینک وجاهنده تکرار ایتلریله طوتیلان اشبو ضبطنامه علناً او قونارق مندرجاتی طرفین تصدیق ایتلریله امضا ایتلری کندیلرینه تکلیف و دعوت واقعه یه اجابت ایتمین بکچی ... آغا ایلہ پولیس ... افندی یه اصولک ۲۵۳ نجی ماده سی موجبجه اون بشر لیرا جزای نقدی حکمیه قوه جبریه ایلہ احضار لرینه قرار ویریلرک اکیال تحقیقاتک سنه تاریخه تعلیق تنسیب قلیندی.

کاتب وکیلی مدعی علیه وکیلی مدعیه تحقیقات حاکمی

بالا استنباه استجواب ضبطنامه سی

دائرة قضامن داخلنده ... قریه ده مقیم عثمان اوغلی مصطفی علیهنه استانبول محکمه سی ایکنجی حقوق دائره سنده بویوک والدہ سی خدیجه خانم ... طرفندن اقامه اولونوب محکمه مذکوره تحقیقات حاکمی ... بک طرفندن تحقیق ایدیلکده اولان هبہ دن رجوعله ... ده واقع ... دونملک باغک مرقوم مصطفادان استردادی دعوا سنده مدعی علیه موهوب لہک استجوابنه لزوم کورندیکندن حقوق دعوالری اصول محاکمہ لری قانوننک ۲۳۲ نجی ماده سی موجبجه استنباه صورتیلہ استجوابی حاکم مومی ایلہ طرفندن ... تاریخی

و . . . نومرولی تحریرانده بیلدیرلهرک معامله استجوابیه نك ایفاسی طرفه حواله اولونمغله . . . کون و . . . ساعتده دعوت اولونان مرقوم مصطفی آغا وکیلی آووقات . . . بکله برلکده کلکله مذکور تحریرانده محرر اسئله ایراد وجوابلری قید اولوندی :

س ، ۱ — واهب مدعیه خدیجه خانم ایله مناسبتکز ندر ؟

ج ، ۱ — بویوک والدہ مدر . یعنی اولهن آنه مک آنه سیدر .

س ، ۲ — جده مک مزبورہ طرفدن لاسنه تاریخنده . . . ده واقع . . . حدودیله محدود . . . دونمک برباغ سزه هبه وتسلیم ایدیلدی ؟

ج ، ۲ — اوت .

س ، ۳ — بوکون مزبورہ باقاجق سزدن باشقه من علیه النفقه سی وارمیدر ؟

ج ، ۳ — یوقدر .

س ، ۴ — اوکا باقادیغکزی وحال مضایقه ده اولدیغی سزه مکرراً مکتوبلرله بیلدیردیکی حالده انفاق ایتدیگکزدن باشقه جواباً انواع حقارتی متضمن مکتوب کوندردیگکزی وقانوناً مکلف وظیفه لره قارشی اهمیتلی صورتده رعایتسزلکده بولندیگکزی ادعا وبوسیه استناداً مذکور باغک هبه نندن رجوع ایتدیگکی افاده ایدیور نه دیه جکسک ؟

ج ، ۴ — آکاباقغه بر مجبوریم یوقدر ؛ بنم عائله م افرادی کثیردر . مزبورہ ایسه عائله مله کچینه میور تهورله کندیسنه بر مکتوب یازمشدم . مذکور باغی بن اعمار واصلاح ایلدم ؛ هبه دن رجوعه قانونی برسبب یوقدر .

مرقومک وکیلی آووقات . . . بکده موکلندن : — واهبه مزبورہ نك بوباغدن باشقه برمالی اولوب اولمادیغک سؤالی طلب ایتدی .

طرفزدن بوجهت صورولدی ، . . . ده بر ترلاسی ده وارسه ده

کیمک زرع ایلدیکنی و مزبورہنک آندن استفادہ ایدوب ایتدیکنی بیلمدیکنی
سویلدی .

بالاستنباه وقوع استجوابی مین اشبو ضبطنامہ تنظیم و علناً او قونہ رق مرقوم
ایلہ و کیلی طرفدن مندرجاتی تصدیق و امضا ایدیلدی . ل سہ

بالاستنباه استجواب ایدہن

کاتب . و کیلی مدعی علیہ ... محکمہ سی اعضا سندن

...

...

...

...



اوچنچى شىخىصاك مداخلهسى

حقى وبابورجى بردعوانك نتيجه سىنه باغلى اولان اوچنچى شىخىصاىكى طرفدن
برينه التحاق ايجون دعوايه مداخله ايدى بيلير .

مداخله طلبى محاكمه بىنتيجه يه قدر درميان اولونا بيلير . ودعواى اصليه نك
جريانى تعليق اولونور .

مداخله طلبى عرض حال ايله اولور . تحقيقات حاكمى طرفدن تعيين اولونا حق
محاكمه كوني عرض حاله اشارت ايديله رك صورتلى ايكى طرفه تبليغ اولونور .
تعيين اولونان كونده ايكى طرفدن هر برى مداخله طلبنه اعتراض ايدى بيلير .
اشبو اعتراض تحقيقات حاكمى طرفدن ايلروده كوريله جك حادثه لر حقنده كى
اصوله توفيقاً تدقيق ايله حل ايديلير .

مداخله طلبنك قبولى حالنده مداخل آنحق بولوندىنى نقطه دن اعتبار ادعوايى
تعقيب ايدى بيلير . مداخل التحاق ايلدىكى طرفله برلكده حركت ايدى ؛ فقط
حكم التحاق اولونان طرفه مضاف اولارق ويرىليني . محكمه التحاق اولونان
طرفله مداخل آراسينده تحوثل ايدى جك حق رجوع دعواسى ده برلكده حل
ايدى بيلير .

اشبو احكام قانوناً مدعى عمومى نك مداخله سى لازم كلن حقوق دعوارننده ده
تطبيق اولونور .

مداخله حقنده قانون مدنى ، بورجرلر و تجارت قانوننده كى احكام :
ايكى شىخىصا فردى ويا حكيمى آره سنده جارى بر محاكمه ده اسمى اختلافه
محل ويره ن كيمسه ، اودعوايه مداخله ايله حقنك طانماسنى طلب ايدى بيلير . ق ۲۵
غائبلكه متعلق بردعوايه غائب اولان كيمسه ميدانه چيقارق حقنده ياپيلمىش
ويايلاجق غائبلكه معامله سنك اسقاطنى بالمداخله طلب ايدى بيلير . ق ۳۳

زوال بولمش حکمی بر شخصک ماللری حقوق عامه مؤسسه سنه انتقال ایتد کدن
 صوکره حقوق عامه مؤسسه سیله بر شخص آراسنده حکمی شخصه متعلق بر
 مال حقنده جاری محاکمه اوحکمی شخصک عضولرندن بری مداخله ایله
 شخصیت حکمیه نک دوام وبقاسنی ادعا ایده بیلیر . ق م ۵۰

بر جمعیه عائد بر دعوايه مدعی عمومیک مداخله ایده رک اوجمیتک غایه سی
 قانونه ویا آداب عمومیه مغایر اولدیغندن بخله فسحنی طلب ایده بیلیر . ق م ۷۱
 برأوله نمه نک بطلانی دعواسنی مدعی عمومی رأساً اقامه ایده بیله چکی کبی
 قاری قوجا ایله علاقه داران آراسنده کی بر دعوايه دخالت صورتیله بطلاننه قرار
 ویریلسنی ایسته یه بیلیر . ق م ۱۱۳

قاری حائر اولدینی تمثیل صلاحیتی سوء استعمال ایتد کده قوجاسی
 بوصلاحیتی نزع ایده بیلیر ؛ فقط اعلان ایتمز ایسه اوچنچی شخصلره قارشى
 مؤثر اولمایاچغندن بوندن متحدت بر دعوايه اوچنچی شخص مداخله ایله قارینک
 نزع ولایتی کیفیتک کندیسنه مؤثر اولمایاچغنی ادعا ایده بیلیر . ق م ۱۵۶

قاری قوجادن بری علیهنه بر داین طرفندن حجز احتیاطی وضع وتصدیق
 حجز دعواسی اقامه اولوندقده دیکری ده مطلوباتندن دولایى حجز مذکورہ
 اشتراکله مداخله ایده بیلیر . ق م ۱۶۶

مال برلکنده قوجانک ماللربنک حجزی حالنده قاری حجزه اشتراک و دعوايه
 دخول ایله کنندی شخصی ماللرنده وقوعه کلن ضمانی موجب نقصانلرک
 تلافیسنی طلب وشخصی ماللرندن عیناً موجود اولانلری مالک صفتیله استرداد
 ایده بیلیر . ق م ۲۰۶

أوله نمه مقاوله سیله جهاز اصولی قبول ایدن زوجیندن زوجه نک کنندی
 ماللرندن بر قسمنی زوجه ترک ایتمی جائز اولدیغندن قارینک قوجاسنه ترک
 ایتدیکی ماللرک مال اورناقلغنه توفیقاً مشترک مال اولاجنی ویا قوجا جهازک
 ملکیتنه مستقل اولارق مالک بولوناجنی أوله نمه مقاوله سنده تصریح ایدیلشمش

ایسه جهاز مالر حقنده مال برلنکی اصولنده قارینك شخصی ماللرینك تابع اولدیغی حکملر جاری اولاجغندن قوجانك دانی طرفندن وقوع بولان دعوی و حجزه قاری مداخله ایده بیلیر . ق م ۲۳۶

قادرین اوله نمدن اول کبه قالدیغی تقدیرده قوجا طائیش اولسه بيله مدعی عمومی، اونك باباسی اولماسی احتمالی بولونمادیغی دعوی واثبات ایتک صورتيله مداخله ایده بیلیر . ق م ۲۴۵

آنا و بابا ايله برلکده یاشایان و عوضندن صراحة فراغت ایتمکسزین کندی سعینی ویا وارداتی عائلهیه تخصیص ایدن رشید اولاد ، بوتخصیصدن دولایي آنا و باباسنك عاهلیرینه واقع حجز احتیاطی و تصدیقی دعواسنه مداخله ايله بر حق طلب ایده بیلیر . ق م ۳۲۱

عائله شرکت اموالنده شرکتده داخل اولان ماللر ، شریککرك مشترکملکی اولوب شریککرك ، بورجلردن متسلسلاً مسئول اولدقلردن بومسؤولیت متسلسله سببيله شریککردن بری علیه بر آلاچقلى طرفندن اقامه اولونان دعوايه رجوع سببيله متضرر اولاجق دیگر شریکك حق دخالتی واردر . ق م ۳۲۹

عائله یوردی تاسیسی طلبنه ، آلاچقلى شخص نائلردن بری مداخله ايله اعتراض ایده بیلیر . ق م ۳۳۹

اعلانسر حجرك اشخاص نالیه قارشى حکمی اولمادیغندن حجردن متولد بر دعوايه بر شخص نالئك مداخله ايله کندی معامله سنه حائز تاثیر اولمایاچغنی ادعا ایده بیلیر . ق م ۳۶۰

بر وراثت دعواسنه خزینة مالیه مداخله ايله متوفانك میراثچی بر اققسمزین وفات ایتدیکی و بویوک بابا لر و بویوک آنالرك بابا و آنالریله آنلرك ارکک و قیز قرنداشلرینك یالکز انتفاع حقلى باقی قالارق متروکاتك دولته انتقال ایلدیکنی ادعا ایده بیلیر . ق م ۴۴۸

محفوظ حصه سنه تجاوز ایدیلن میراثچی به عائد تنقیص دعواسی افلاس و عجز حالنده آلاچقلىلری نسبتنده انتقال ایده جکندن بونلر طرفندن اخطار

ایدیلدیکی حالدده میراثجی دعوی اقامه ایتمه مش ایسه آنک حقنده مرعی مدت ظرفنده بالمداخله ناملرینه دعوی اقامه ایده بیلیرلر . ق م ۵۰۴

میراثجیلر ، متوفانک بورجندن متسلسلاً مسئول اولدقلرندن برندن وقوع بولان دعوايه تعلقی اعتباريله دیگر میراثجی مداخله ایده بیلیر . ق م ۵۸۲

تقسیمدن صوکره میراثجیلر مقسوم حصه لر و آلاجلر حقنده بری دیگرینه ضامن اولدیغندن بر میراثجی ايله بر مدیون آراسنده کی دعوايه دیگر متکفل میراثجی داخل اولابیلیر . ق م ۶۱۴

آلاجلی ، آلاجنک انقسامنه راضی اولمادجه میراثجیلر تقسیمدن صوکره دخی ترککنک بورجلرندن متسلسلاً و بوتون ماللریله مسئول اولدقلرندن برندن وقوع بولان دعوايه دیگر میراثجی مداخله ایده بیلیر . ق م ۶۱۶

مقاوله دن منبعث اشترا و وفا و شفعه حق لری صاحب لری غیر منقولک ملکیتنی ادعا ایدن ایکی طرفلی بر دعوايه مداخله ايله حق اشترا و وفا و شفعه لرینی ادعا ایده بیلیرلر . ق م ۶۶۰

راهن ايله مرتهن آراسنده کی دعوايه راهن اول مداخله ایده بیلیر . ق م ۸۵۵
سوء نیتله ذی الیده قارشى ، مشترینک دعواسنه بابی مداخله ايله ذی الید حقیق اولان مشتری به معاونت ایده بیلیر . ق م ۹۰۸

صلاحیتی تحدید ایدیلش بر ممثل ايله برینک دعواسنه تمثیل ایتش اولان کیمسه مداخله ایده بیلیر .
بورجلر قانونی ماده ۳۴

متعدد کیمسه لر برلکده بر ضرر ایقاع ایتدکلرنده متسلسلاً مسئول اولدقلرندن برینه قارشى اقامه اولونان دعوايه دیگرى مداخله ایده بیلیر . ب ۵۰
باشقه لرینی استخدام ایدن کیمسه آنلرک ایقاع ایتدکلری ضرردن مسئول اولوب افدینک فاعله حق رجوعی اولدیغندن ضرری ایقاع ایدن خدمده داخل دعوی اولابیلیر . ب ۵۵

بر بنا ويا اعمال اولونان مهرانكى بر شئك مالكي اوشئك فنا ياپيلماسندن
ياخود محافظه ده كي قصور دن مسئل اولوب قالقه ويا معماره حق رجوعى
اولديغندن آنلر كده دعوايه حق دخولى واردر . ب ۵۸

بر بورجك ايفاسنى ويا بر بورج دن متولد بر حقه استعمالنى كنديسييله
برابر ياشايان اشخاصه ويا معيتمده چالیشانلره ولو قانونه موافق صورتده توديع
ايدن كيمسه بونلر ك عمللرينى اجرا ائناسنده ايضاع ايلدكلرى ضرردن دولايى
ديكر طرفه قارشى مسئل واونك ده آنلره حق رجوعى اولاجغندن ضررى
ايضاع ايلدكلرى ادعا اولونانلر اودعوايه كيره بيليرلر . ب ۱۰۰

كندى نامه عقد ياپان كيمسه اوچنچى شخص لهنه بر بورج شرط ايتمش
ايسه بوبورج دن متولد دعوايه مدعى به معاونت ايچون او اوچنچى شخص دخى
داخل اولابيلير . ب ۱۱۱

متسلسل بورج دن متولد بر دعواده مدعى عليه مرور زمان ادعاسنى
درميان دن فراغت ايدن ايسه ديكر بورج لير داخل دعوا اولارق مرور زمان
ادعاسنى درميان ايدن بيليرلر . ب ۱۳۹

متسلسل بورج لردن حصه سندن فضله تأديانده بولونان ديكر لرينه رجوع
حقنى حائز اولديغندن و مدعى عليه صفتنده بولونمايان بورج لوردن برى تأديه سى
ويا ياديني تقاض ايله دينك تمامنى ويا بر قسمنى اسقاط ايتمش ايسه دعوايه داخل
اولارق بوجهى اثبات ايدن بيليرلر . ب ۱۴۶

متعدد دايانلر آراسنده ده تسلسل بولونابيله جكندن بر دايك آلاچق
دعواسنه متسلسل آلاچق لير دن ديكرى داخل دعوى اولابيلير . ب ۱۴۸

تمليك ديندن متولد بر آلاچق دعواسنه دايان اول داخل اولابيلير .
بر ماملكت ياخود بر تشبثك ديون و مطلوباتيله برابر تمليك حالنده ا كتساب
ايدن كيمسه اعلان تاريخندن اعتباراً آلاچق ليره قارشى مسئل اولدينى كى

اولکی مالک و بورجلو دخی ایکی سنه نهایته قدر یکیسيله برلکده متسللاً
مسئول اولدیغندن برینک دعواسنه دیکری داخل اولایلیر . ب ۱۷۹

میبک بالاستحقاق ضبطی دعواسنه بایع ، مشتری طرفدن واقع اولاجق
اخبار اوزرینه مداخله اتمکله مکلفدر . ب ۱۸۹

بایع عیب ووصفه قارشى متکفل اولدیغندن مشتری طرفدن اقامه اولونان
دعوايه حق رجوعی سببيله اوده کندی بایعنی ادخال ایده بیلیر . ب ۱۹۴

اوچنجی بر شخص مأجور اوزرنده مستأجرک حقوقيله قابل تألیف
اولمایاجق بر ادعاده بولوندیغی تقدیرده اخبار اوزرینه موجر ، داخل دعوی
اولازق مخاصمه یی درعهده اتمکله مکلفدر . ب ۲۵۳

مشترینک بایعدن غیر منقول میبک تسلیمی دعواسنه مستأجر داخل اولارق
ایجارک طابو سبجلنده مسجل اولدیغندن بحثله حق تخلیه لری اولمادیغنی درمیان
ایده بیلیر . ب ۲۵۴

حاصلات ایجارنده اوچنجی بر شخص مأجور اراضی اوزرنده بر حق ادعا
ایتدیکی تقدیرده مستأجرک اخباريله موجر داخل دعوی اولور . ب ۲۸۰
بر کیمسه یی برلکده توکیل ایدهلر ویا برلکده وکیل اولانلر وکیل ویا
موکله قارشى متسللاً مسئول اولدقلرندن بريله اولان دعوايه دیکری داخل
اولایلیر . ب ۳۹۵

اعتبار امرنده آمرک و کندیسنه اعتبار ویریلن کیمسه نك حق و بورجلرنده
کفیل اصل بورجلو احکامی جاری اولدیغندن بری حقنده کی دعوايه دیکری
کیره بیلیر . ب ۴۰۳

متعدد تقبیه جینک درعهده مسئولیت ایتدیکی بر تقبیه مقاوله سندن منبعث
دعواده مرسل ویا مرسل الیهدن برینک بر تقبیه جی حقنده اقامه ایلدیکی تضمینات
دعواسنه حق رجوع اعتباريله دیکری داخل اولایلیر .

برلكده وديعه ي قبول ايدهنلر اوندن متسلسلاً مسئول اولدقلرندن برون
اولان دعوايه آرقداشى داخل اولابيلير . ب ۶۹
كفالت عاديّه و متسلسله و رجوعه كفيله و برلكده كفالتده حق رجوع
و خلفيت و تعلق اعتباريله اصيل و ديكر كفيللر ك دعوايه حق مداخله لري
واردر .

عادي شر كترلده ، شريكلردن برينك شركت ايشلري ايجون ياديني
مصرفلر و التزام ايتديكي وجيهه لردن دولايي ديكر شريكلر مسئول اولاجغندن
برشريك حقنده اقامه اولونان دعوايه ديكرى داخل اولابيلير . ب ۵۷
سجل تجارته تسجيل و قيددن متحدث بر دعوايه آندن متأثر اولان
اولان اوچنچى بر شخص داخل اولابيلير . ت ۳۶

قوللاكتيف شركا شركت ديون و تعهداتندن بوتون ماللريّه و متسلسلاً
مسئول اولدقلرندن برى عاينده كي دعوايه ديكر شريك مداخله ايده بيلير . ت ۱۷۴
قومانديت شر كترلنده قومانديتلر حقنده ده حكم بويله در .

بر عقد ، بر خصوصى شركت ك شريكلرينك جمله سى ويا ناملرينه و كيل
مشركلري و يا خود حائز اولايي و كالته استناداً شريك عاقد طرفندن شركا
وسائر ناملر ايله يابيلمس ايسه شركانك هر برى اوچنچى شخصلره قارشى
متسلسلاً مسئول اولاجغندن برى عاينده كي دعوايه ديكرى مداخله
ايده بيلير . ت ۵۲۳

بر بوليچه و امره محرر سند و چكى [چكده قبول مستثنا] كشيده ويا قبول ويا
جيرو ايدهن و يا خود آوال ويره ن كيمسه لر حامله و آنك يرينه قائم اولانلره
قارشى كفالت متسلسله صورتيه مسئول اولدقلرندن برى عاينده كي دعوايه
ديكرى مداخله ايده بيلير . ت ۵۷۱

مرسل ويا مرسل اليه ايله نقله جي آراسنده كي دعوايه سيفورطه بدلنى تأديه
ايدهن سيفورطه جينك خلفيت اعتباريله حق دخولى واردر . ت ۵۶۳

مداخله عرضحالی

استانبول محکمه اصلیه سی ازمینچی حقوق دأر سی رباست علیه سنه

دعوانك ایکی طرفنی تشکیل ایدهلرک هوقی } یا زلدقن صوکره
موضوع استدعا

... ده مقیم ... طرفندن ... ده مقیم ... علیه سنه ... مارقه لی ... بارکیر
قوتنده ... بویالی ... نومروده مقید ... قیمتنده بر اوتوموبیلک صاحب
ومالکی اولدیغندن بخله بالاخذ طرفنه تسلیمی و ... لیرا ضرر وزیانک تضمینی
حقنده اقامه اولونان بر دعوانك دردست رؤیت اولدیغنه س سنه تارینخنده
مدعی علیه جانبندن واقع اولان اخبار اوزرینه مطلع اولدم. مذکور اوتوموبیلی
مدعی علیه تارینخن ایکی آی مقدم ... لیرا مقابلنده بن صامش ایدم وصاتمادن
اول امده کی اوراق ده ناطق اولدیغی اوزره ... ده واقع ... غارازدن و ...
قومپانیان اشترا ایتش ایدم. بک اوغلی شعبه اداریه بلدییه سنده نامه مقید ایدی.
مدعی دعواسنده تمامیه حقسز اولوب حق تملیکیمی اثبات ایده مدیکم حالده
میبک بالاستحقاق ضبطندن مدعی علیه حق رجوعی اولاجغندن بورجلر
قانوننک ۱۹۰ نجی ماده سیه حقوق دعوالری اصول محاکمه لری قانوننک
۴۹ و ۵۳ نجی ماده لری موجبنجه دعوی مذکوره ده دخالتک قبوله قرار
ویریلسنی استدعا ایلر و طرفینه تبلیغ ایدیلک اوزره عرضحالك صورتلرینی
ربطاً تقدیم ایده رم افندم. س سنه ... ده مقیم ...

مداخله طلبنک قبوله دأر قرار

ایجابی تأمل اولوندی: ... طرفندن ... علیه سنه اولونان ... براوٹوموبیلک
کندیسنه عأدیتندن و مدعی علیه طرفندن اشترا دن بر کون مقدم غارازدن بایع ...
طرفندن غصب اولونارق مدعی علیه فضولی صورتده بیع اولوندیغندن استرداد
ویله رک اشترا سندن دولای ... لیرالق ضرر وزیانک تضمینی دعواسنک جریان ایدن

محاکمه سنده مدعینك دعواسنی مثبت ابراز ایلدیکی اوراقل تدقیقنه تعلیق کیفیت اولوندی کونده مدعی علیهک بایعی اولان ... طرفندن محکمه مزه ویریلوب صورتلری ایکی طرفه تبلیغ اولونان دخالت عرضحالی مقام ریاستدن طرفه حواله اولونمقله مطالعه اولونارق دیه جکلری طرفینه صورولدقده داخل دعوی اولق ایستین بایع ... ايله بو او طومویلدن دولایي مقدما ... محکمه ده محاکمه جریان ایتدیکنی ولهنه حکم استحصال ایلش ایسه ده دیگر طرفدن تمیز دعوی ایدیلرک هنوز نتیجه لمدیکنی بناء علیه شخص ثالث مزبورک بو دعوايه دخولی قبول اولونسه بر دعوی حقنده ایکی دفعه محاکمه اولونماسنی موجب اولاجغندن جواز قانونی اولماقله طلب مذکورک ردی لازم کله جکنی ومدعی علیه ... ده ملکیتی منازع فیه او طومویلک بایعنک ملک اولدینی وکندیسنه حین بیعنده حق تملیکی بولوندیغنی آنحق بایع طرفندن لایقيله اثبات اولونا- بیله جکنی ودخالتی قبول اولونمازسه کندیسی متضرر اولاجغندن دخالت استدعاسنک قبولی اقتضا ایلدیکنی سویلرله ایجابی تأمل اولوندقده هنوز مدعینک دیدیکی وجهله رقضیه محکمه حاصل اولماسنه ودخالتله دعوانک نتیجه تمیزه قدر تأخیرینی طلبه اوچنجی شخصك حتی اولاجغنه و مدعابه مبعک بایعی اولدینی تصادق طرفيله ثابت اولماسنه بناء مستدعینک استناد ایتدیکی مواد قانونیه توفیقاً دعواي بولوندیغنی نقطه دن اعتباراً تعقیب ایده بیلمک اوزره دخالت استدعاسنک قبوله والتحق ایلدیکی مدعی علیه طرفيله برلکده حرکت ایتک اوزره محاکمه اداخله قرار ویریلدی سانه تحقیقات حاکمی

...

مداخله طلبنک ردینه دائر قرار

ایجابی تأمل اولوندی ... ده مقیم ... طرفندن ... ده مقیم ... علیه اصولاً اقامه اولونوب تحقیقی طرفه تبلیغ قلنش اولان دعوايه دخالت استدعا- سنده مدعی مقاولیه مستند حق شفعه سنی بالمحاکمه استحصال ایلدیکی تقدیرده مدعابه خانه نك جار ملاصقی اولدیغندن الیوم قومشولغندن نمون اولدینی

مدعی علیه یرینه مدعی قائم اولاجنی و مدعینک مذکور خانہ بی رانده وو اتخاذ
ایلیه جکی بوندن اول دیگر محله لرده بر قاج ضابطه وقوعاتنه سبیت و یرمسيله
قویاً ملحوظ بولوندیغی و بوايه حقوق جیرانی اخلال ایده جکی جهتله مدعی
عایه مظاهر اولق اوزره دعوايه دخالتنه قرار و یریلسی طلب ایدیلکده ایسه ده
دردست رؤیت اولان بو دعوانک نتیجه سنه باغلی عد اولونا جق مستدعینک بر
حق و یا بورجی اولدیغی عرضحالندن مستبان اولاماسنه مبنی حقوق دعوالری اصول
محاکمه لری قانونک ۵۳ نجی ماده سنه موافق اولمایان اشبو طلبک ردینه قرار
و یریلدی .


ل سنه

تحقیقات حاکمی

کاتب

...

...



ایکی طرفک حق و وظیفہ لری

حکم ایچون سبق دعوی شرط اولدیغندن حاکم ایکی طرفدن برینک طلبی اولمقسزین رأساً بر دعوائی تدقیق و حل ایده من . و حق مدافعہ نک قدسیقی ، تشکیلات اساسیه قانونی ایلہ مؤید اولدیغندن قانونک کوستردیکی استمالرخارجنده حاکم هرایکی طرفی استماع یاخود ادعا و مدافعہ لری بیان ایتملری ایچون قانونی شکلره توفیقاً دعوت ایتمدکجه حکمنی ویره من .

قانونی استئنالر ، طرفینک آرزوسنه تابع اولمایان احوالده حاکمک رأساً تدابیر اتخاذا ایلہ می و بر شخصک بلا طلب حجر اولونماسی و آنا و بابادن ولایتک نزعی کبی احوالدر .

قانون مدنی ایلہ معین اولان مثلاً بوشانمه طلبنه قارشی آیریلق حکم ایده بیلیمسی کبی حکملر محفوظ قالمق اوزره حاکم هر ایکی طرفک ادعا و مدا- لریله مقید اولوب اوندن فضلہ سنه و یا باشقه بر شیشه حکم ایده من . فقط تحقق ایده جک حاله کوره نقصان ایلہ حکم جائزدر . بناءً علیه بیک غروش دعوی ایدن ایچون بیک یوز غروش حکم ایده من ایسه ده درجه ثبوتہ کوره سکز یوز غروشه حکم ویره بیلیر .

قانونک تعیین ایتدیکی استئنالردن باشقه حالدرده حاکم ایکی طرفدن برینک سویلمدیکی شیئی و یا ادعا سبیلرینی رأساً نظر دقته آلاماز ؛ و آنلری خالرا ناجق حالدرده دخی بولوناماز . آنجق مبهم و متناقض کوردیکی ادعا و یا سبیلر حقنده ایضاحات ایسته یه بیلیر .

فقط حاکم مثلاً طرفینک سویلمدیکی وظیفه مسئله سنی رأساً نظر دقته آلور . حاکم دعوانک هر صفحه سنده ایکی طرفک ادعاری حدودی داخلنده اولوق اوزره کنیدیلرینی استماع و لازم اولان دلیللرک ابراز واقامه سنی امر ایده بیلیر .

حاکم رأساً تورک قانونلری موجبجه حکم ویریر ؛ آنجق بر اجنبی حقوقنک تطبیقی لازم اولان حاللرده بوکا استناد ایدن طرف ، او قانون حکمنی اثبات و ابراز ایله مکلف طوتیلور ؛ اثبات اولونماز ایسه تورک قانونلری موجبجه حکم اولونور . بو حال اکثریا عهدی اولارق اجانبک حقوق شخصیه سنده واقع اولور . Statut personnel قیلندن اولان اجانبک احکام شخصیه سی کندی قانونلرینه توفیقاً حل اولونور . فقط تورک حاکمی اوقانونی بولوب تطبیق ایتمک مجبوریتنده اولمادیغندن اجنبی قانونی او خصوصده بزم احکام شخصیه یه مابین احکامی احتوا ایدیور ایسه صاحبی بو جهتی ابراز و اثبات ایله ملیدر .

حاکم تحقیقات و محاکمه نک ممکن اولدینی قدر سرعت و انتظام دائره سنده جریاننه و بهوده مصرفه میدان ویریله مسنه دقت ایتمکله مکلفدر .

محاکمه علناً یاییلور . علناً اجرایی آداب و اخلاق عمومیه یه مغایر اولاجنی محقق اولان حاللرده محکمه اسباب موجبیه بیانیله محاکمه یی خفیاً اجرا ایتدیریر . رئیس محاکمه نک ضابطیدر . محاکمه اشناسنده ادب خارجه چیقان طرفی منع ایدر . اوقونامایان و یا مناسبستز اولان اوراقی اعاده ایدر و یکیدن تنظیمی ایچون مناسب بر مهلت ویریر . بو مهلت ظرفنده تنظیم اولونماز ایسه یکیدن مهلت ویرمز .

رئیس ایکی طرفدن هر برینه ایجابنه کوره سوز ویریر و سوز سولمکدن منع ایدر . و محکمه نک انتظامی بوزان هر شخصی درحال محکمه دن چیقارتیر . بر کیمسه محکمه حضورنده مناسب اولمایان بر قول و یا فعلده بولونور ایسه درحال رئیس طرفندن محکمه قراریه توقیفخانه یه کوندریلیر و یکرمی درت ساعت ظرفنده استجواب اولونارق بر هفته یه قدر خفیف حبس و یا یکرمی بش لیرایه قدر خفیف جزای نقدی ایله مجازات اولونماسنه محکمه جه قرار ویریلیر ؛ بو کیمسه درحال طوتولمادیغنی حالده یوقاریده کی جزا غیابنده حکم اولونور ؛ آنجق بو خصوصده کی اعلامک تبدیلی تاریخندن اعتباراً اون کون مروورینه قدر

حبس اولونمق اوزره کندیلدیکندن کلیر ایسه دفع دعوايه حق اولور. مناسب اولمیان قول ویا فعل دها آغیر جزایی مستلزم ایسه درحال طوتولاجق ضبط ورقه سیله عائد اولدینی جزا محکمه سنه ویریلیر .

توقیف وحبس قراری نمونه سی

... ایله ... آراسنده متکون شرط عقده عدم رعایتدن ناشی عقد ایجارك فسخنه و مأجورك تخلیه سـنه دائر دعوانك صوك وعلانی صفحه محاکمه سـنده مدعی علیه ... افندی طرفندن سبق ایدن برصلاحیت قرارینك زمان سر دینك مرورندن دولایي ردینه دائر اتخاذ ایدیلن قرارك طرف ریاستدن تفهیم ایدیلسنی متعاقب ایکی اللریله [ناه سزه] ایدرك محکمه یی ترك ایتمك ایستدیکی طوتولان ضبط ورقه سیله تثبیت ایدیلش اولدیغندن بعدالتوقیف ایرتسی کونی اجرا قلنان استجوابنده حقمسز بر ادعا سببیه مهوراً بوحر کتمده بولوندیغنی ومقصودهدفی مدعیسی اولدیغنی افاده ایلمش ایسه ده غیرقابل تأویل اولان حرکت مذکورہ ـ سندن دولایي حقوق دعوالری اصول محاکمه لری قانوننك ۱۵۰ نجی ماده سی موجبنه اوج کون مدتله حبسـنه وکندیسندن اون بش لیرا جزای نقدی اخذینه ـ سـنه تاریخنده وجاهاً ومتفقاً قرار ویریلدی .

کاتب	اعضا	اعضا	رئیس
...

غیاباً ویریلن قرار اوزرینه دفع دعوی نتیجه سنده صادر اولمش

برقرار نمونه سی

ایجابی بالندا کره ... ایله ... آراسنده جاری عقد ایجارك فسخی و مأجورك تخلیه سی دعواسنك محاکمه سنده صلاحیت اعتراضك ردینه دائر اتخاذ اولونان قراری متعاقب هیئت محکمه یه قارشی ایکی اللریله [ناه] دیمك مناسبستسز لکند بولونمش اولان مدعی علیه ... نك اوج کون مدتله حبسـنه واون بش لیرا

جزای نقدی ایله محکومیتنه دائر صادر اولان و محکوم علیه مرقومك فرار ایتمه-یله غیاباً لاحق اولان حکمك طرفینه تبلیغ ایدیلدیکی سا سنه تاریخدن اعتباراً اون کون مرور ایتمکسزین انفاذ حکم ایچون مرقومك توقیفخانهیه مراجعتله دفع دعواده بولونماسنه مبنی بالجلب اعتراضنامهسی مطالعه اولونارق قبولنه قرار ویریلد کدن صوکره مرقوم اعتراضنامهسی مألنی تکرار و حرکتی هیئته قارشی واقع اولمایوب مدعیسنه قارشی واقع اولدیغنی وذات دعوانك حفصلغندن دولایی کنیدیسی طوئامادیغنی افاده ایله حکم مذکورك رفع وابطالی طلب ایلش ایسه ده اعتراض واقع ضبط ورقه سی تعلیل ایده جك بر ماهیتده کوریله مسنه مبنی اعتراض مذکورك ردیله حکم غیابی مذکورك تصدیقنه واکمال مدت ایدن مرقومك تخلیه سی ضمننده توقیفخانه مدیریته تذکره یازیلماسنه سا سنه تاریخنده وجاهاً و متفقاً قرار ویریلدی .

رئیس

اعضا

اعضا

کاتب

...

...

...

...



محاکمه جلسه لری ، ضبطلر و دوسیه لر

ضبط کاتی ، حاکمک نظارتی آئنده تحقیقات و محاکماتک جریانی ضبطنامهیه قید ایدر .

ضبطنامه : محکمه نك و حاکمک اسملرینی ، تحقیقات و محاکماتک جریان ایتدیکی محلی ، جلسه نك آجیلدینی کون و ساعتی ، ایکی طرفک و وکیللرینک اسملرینی ، جریان ایدن محاکمه و معامله ایله ایکی طرفک نه کی اوراق ابراز ایتدکلرینی ، محاکمه نك علنی اجرا قیلندیغنی ویا علنیتک رفعی ایجاب ایدن اسبابی ، اقرار ویا صلحی ، دعوایه تماماً ویا قسماً نهایت ویرن فراغتی ، خلاصه ادعا و مدافعاتی ، شهود و اهل خبره نك بیاناتی ، منازع فیهک کشف و معاینه سی حالنده راپور خلاصه سی و اتخاذ اولونان قرار ایله صورت تفهیمی احتوا ایدر .

ضبطنامه ده مربوط اولدینی ذکر اولونان وثیقه لر مندرجاتی دخی ضبطنامه متنی حکمنده در .

حاکم طرفدن مآذونیت ویریلدیکجه ایکی طرف ویا وکیللری افاده لرینی ضبطنامهیه املا صورتیله یازدیرامازلر .

رئیس ایکی طرفک افاده لری خلاصه سی علناً سویلیه رک ضبطنامهیه یازدیریر . ضبطنامه نك شاهدلرک و اهل خبره نك افاده لرینه و ایکی طرفک اقرار و صلح

وفراغتہ تعلق ایدہن قسملری، بونلرک حضورندہ اوقونارق کندیلرینہ امضا ایتدیریلیر .

محا کہ جلسہ سنک ختامندہ ضبطنامہ محاکمہدہ حاضر بولونان حاکم لره ضبط کاتبی طرفندن درحال امضا اولونور .

شفاهی محاکمہ نك طرز جریانی آنحق ضبطنامہ ابلہ اثبات اولونابیلیر .

محکمہ خارجندہ حاکم ویا نائب حضوریلہ یابیلایق بالعموم معاملہ لرده ضبط کاتبنك حاضر بولونماسی لازمدر .

ضبطك تمامك ویا بر قسمك صورتلری طلب وقوعندہ ایکی طرفه ویریلیر . اشبو صورتلره محکمہ نك مهری وضع واصلنه مطابق اولدینی باش کاتب طرفندن امضا اولونارق تصدیق ایدیلیر .

محا کہ اثناسندہ ویا خارجندہ ابراز اولونان اوراق ضبط کاتبی طرفندن دوسیه سنه قونیالارق ضبطنامہ یه اشارت اولونور .

دوسیه نك باشقه بر محله کوندریلسی ایجاب ایدر ایسه اوراق ابراز ایدہ نلر اصللری رینه مصدق صورتلرینك کوندریلسنی طلبه صلاحیتداردرلر، بوابده کی قرار تحقیقات حاکمی طرفندن ویریلیر . ضبط کاتبی دوسیه محتویاتی مبین لیستیه علاوه ویا استرداد اولونان اوراقی درحال قید ایتك مجبوریتندہ در .

ضبط کاتبی حاکم نظارتی و امری آتندہ در . هراییکی طرف ویا وکیللری دعوی دوسیه سنی تدقیق و مطالعه ایدہ بیلیرلر .

ضبط کاتبی محاکمہ دن اول وایجاب ایتدیکی حاکمہ محاکمہ نك ختامندن صوکره دخی دعوی دوسیه سنی برای تدقیق محکمہ اعضالرینه ویرمك ووقت وزمانندہ نقصانسر آملقله مکفدر .

ضبطنامه نمونه سی

دوسیه نومروسی ⋮	آیا صوفیه ده عدلیه سراینده استانبول محکمه اصلیه سی بشنجی حقوق دائره سنه مخصوص ضبط نامه در				صحیفه نومروسی ۱
تاریخ ورودی	نوع دعوی	تحقیقات حاکمی	ضبط کاتبی	مباشری	نتیجه محاکمه
۱- سنه	جهت قرضدن یک بشیوز لیرا آلاچق	فلان بک	فلان افندی	... افندی
فلان	مدعی علیه	فلان	داخل دعوی	وکیل	.
فلان	مثل ویا وکیل	فلان	فلان	فلان	

هیئت حاکمه

رئیس ... بك اعضا ... بك اعضا ... بك

... ده مقیم ... اصنافدن ... اوغلی ... امضاسیله ۱ سنه تاریخنده
استانبول محکمه اصلیه سی بشنجی حقوق دائره سنه اعطا قلوب ... نومرویه
قیدی اجرا قلنان عرخلالده : ... ده ساکن ... اوغلی ... ذمتنده با سند
جهت قرضدن آلتش بیک غروش مطلوبی اولوب وعده سی حلول ایلدیکی
حالده تسویه سندن امتناع ایلدیکندن و تمردی کشیده ایلدیکی پروتستو ایله
ثابت اولدیغندن استدعا وسند صورتلرینک کندیسنه تبلیغی واون کون
ظرفنده اعطا ایده چکی جوابدن سوکره محکمه یه جلبیله بالمحاکمه حلول
وعده دن اعتباراً فاضلیله معاً تحصیلی ومصارف محاکمه ایله اجرت وکاتک
مدعی علیه مومی الیه تحمیلی خصوصانک تحت قراره آلتاسی طلب و دعوی
اولونمشدر .

طرف ریاستدن تحقیقات حاکمی نصب ایدیلن اعضادن ... بکه اوراق
دعوی تودیع اولونمش ایدی . بوکره تحقیقات حاکمی مومی الیه ... بك
طرفندن مقام ریاسته ویریلن تقریرده بودعوایه متعلق تحقیقاتک ختام بولدیغی

وطلب وقوعه مبنی ایکی طرف نتیجہ مدعالرینی مبین ویریلن مدت ظرفنده برر لایحه ویرمش اولدوقلرندن تحقیقات ائناسنده طوتولان ضبطنامه دعوی دوسیه سیله برلکده ، شفاهی مرافعه اجرا اولونمق اوزره محکمه قلمنه تودیع ایدیلدیکی بیان اولونماسندن ناشی شهر حالک ... نجی ... کونی ساعت ... ده محکمه ده حاضر بولونمق اوزره ایکی طرفه دعوتنامه کوندریلمسی تنسیب قلندی .

سا سنه کاتب اعضا اعضا رئیس

...

یوم مذکورده هیئت محکمه بالاده محرر اولدینی اوزره بالتشکل مدعی ... ایله وکیلی ... بک ومدعی علیه ... وکیلی آووقات ... بک اثبات وجود ایتمرله علناً اجرای محاکمه مبادرت اولونارق وکیللرینک وکالتنامه لری صورولدقده مدعی وکیلی سا سنه تاریخی و ... نومرو ایله ... کاتب عدلاکنندن مصدق و بوخصوصه متعلق دعوی و مدافعیه فراغت و قبول دعوايه وصلاح و ابرایه ، اخذ و قبضه ، قبول یمینه و تحکیم و رد حا کمه و دیگرینی توکیله مأذون اولمق اوزره توکیل ایدیلدیکنی ناطق وکالتنامه سنی ابراز و مدعی علیه وکیلی وکالتنامه سی یازینخنده اولوب علی العجله کلدیکندن دولایی یاننه المنی اونونمش اولدینی افاده ایدیلکنندن حقوق دعواری اصول محاکمه لری قانوننک ۶۷ نجی ماده سی موجبجه کله جک جلسه ده بهمه حال ابراز ایتیمی لزومی تفهیم و حضه بریله محاکمه یه دوام اولونماسی قرار کیر اولدقندن سوکره تحقیقات حا کمئنک طوتدینی ضبطنامه قرائت ایتدیریلدی .

تحقیقات ضبطنامه سنک خلاصه . آلی : مدعینک مدعی علیه صورتلرینی تبلیغ ایتدیردیکی دعوی عرضحال و سند ایله مدعی علیه طرفندن مدت قانونیه سی ظرفنده ویریلن صلاحیت اعتراضنامه سی مدعینک آکا ویردیکی جوابله برلکده و بوبابده بلا تشکیل طرفین اوراق اوزرینه اعطای قرار اولونماسی طلب اولونماسندن ناشی حقوق دعواری اصول محاکمه لری قانوننک ۲۲۴ نجی ماده سنک اوچنجی فقره سی موجبجه تدقیقات اجرا اولونارق هر نه قدر مدعی

عليهك اقامتكاهي . . . محل ايسهده دينك استانبولده تأديه سي متعهده اولديغي جهته مدعيسي استانبول محكمه سنده اقامه دعواده قانون مذكورك ۱۰ نجى ماده سي حكمنجه خيّر بولونديغندن غير وارد اولان صلاحيت اعتراضك ردينه قرار ويريلهرك اوج كون ظرفنده محكمه قلمى معرفيله طرفينه تبليغ قلوب اساس دعوايه جواب اعطاسى لزومى مدعى عليه بيلديرليكله اساسه جوابى متضمن لايحه جوانيه سيله مدعينك آكا جوابى و مدعى عليهك جواب على الجواب لايحه سي اوقونهرق تحقيقات اجراسى ايچون طرفينك دعوت اولوندقلى كونده آريجه استجوابه لزوم كورونمديكندن علناً اجراى تحقيقاته مباشرتله اول طرفين صالحه تشويق ايديش ايسهده عقيم قلماسنه مبنى يكديكريتك مواجهه سنده دعوانك مسائل مادييه سي حقنده افاده لرى استماع اولونوب مدعى تعايطى اولونان لوايح مندرجاتى بعدالتكرار دليل اولارق ابراز ايديش اولان دين سندنك زيرنده كي امضا مدعى عليهك اولدينى ميدانده ايسهده عندالايحاج تطبيقات پاديره جغنى و هر نه قدر سنده فائض سوزى يوق ايسهده كشيده ايلديكي پروتستو ايله تمردى ثابت اولان مدعى عليهن پروتستونك تبليغى تاريخنك فرداسندن يوزده بش فائض يوروديلك بورجلر قانوننك ۱۰۳ نجى ماده سي اقتضاسندن بولونديغنى مدعى عليه وكيلى ده سند موكلنك ايسهده مذكور دينى تسويه ايتمش اولديغنى و بونى اثبات ايديهيله جكلرينى بيان و موكللى درحال قيام ايله قانون مذكورك ۶۹ نجى ماده سنده توفيقاً سند و امضاسى كنديسنك اولماديغنى وكيلى تكذيباً تماميله رد و انكار ايتمكه بالتدقيق بو خصوصه رؤساً حل مسئله ايچون كافى درجده قناعت حاصل اولماديغندن قانون مذكورك ۳۰۸ و ۳۰۹ نجى ماده لرى موجبجه طرفينك عدم اتفاقلى اوزرينه . . . اقدنينك اهل خبره نصيله مدعى عليهك استكتابنه ويريلن قرار اوزرينه تعليق اولونان جلسه ده دوسيه سنده محفوظ اولبايده طوتولان ضبط ورقه سنده محرر اولدينى اوزره منكر امضايك مدعى عليه عايدتى آكلاشيلارق مدعى عليه وكيلندن مبالغه مدعاهى تسويه ايتدكلرينى نه ايله اثبات ايدجهكى صورولدقده

مقبوض علم و خبری مقامنده بر پوصله ابراز ایلش ولدی الارائه شو قدر غروش
آینمشد در عباره سی و سا سنه تاریخی محتوی بلا امضا اولان مذکور پوصله یی
کندیسی و یرمدیکی و یازیبسی اونک اولمادیغنی بیانله مدعی انکار ایتش و امضادن
عاری بولونان مذکور ورقه نك مدعی علیه عائدیتی بالاستکتاب آکلاشیلامادیغنی
مدعی علیه وکیلنه بعدالتفهیم بو پاره نك تسویه ایدیلدیکنه دائر ... و ... شاهد
اولدیغنی و بالجلب استشهاد اولنمارینی طلب ایلش ایسه ده اصولک ۲۹۰ نجی
ماده سی موجبجه شهود شخصیه استماعنه مسامع بولونمادیغنی مدعی علیه وکیلنه
افهام اولوندقده مبالغ مدعابه مذکوری استیفا ایتدیکنه دائر مدعی یه یمین تکلیف
اولونماسنی طلب ایلش و بالتأمل مبلغ مدعابه آلتش بیک غروشی سا سنه
تاریخنده مدعی علیه دن آمادیغنه دائر مدعی یه بر موجب طلب یمین تکلیفی موافق
کوریلرک مبالغ مدعابه مذکوری استیفا ایتدیکنه یمین ایدوب اتمه یه چکی صورولدقده
وکیلی موکلی بویمینی مدعی علیه رد ایدر اولدیغندن واشبور د کیفیت اصولک
۳۵۳ نجی ماده سنه موافق بولوندیغندن مبلغ مدعابه مذکوری موکلنک استیفا
ایدیلدیکنه دائر مدعی علیه تکلیف یمین اولونماسنی طلب ایتش و طلب واقع موافق
اصول بولونمش اولدیغندن اصولک ۳۳۹ نجی ماده سنه توفیقاً و صایای لازمه ایفا ورد
اولونان یمینک اجراسی مدعی علیه تکلیف اولوندقده بویمینک کندیسنه توجیه
ایده مه یه جکندن بختله ایفاسندن امتناع ایلکله برابر مدعی علیه وکیلی موکلنک مدعی
ذمتنده بدل ایجاردن درتیوز لیرا آلاجنی اولدیغنی دعوای متقابله صورتیه
بیان وادعا و عندالایجاب مدعابه ایله تقاض ایدیلسنی طلب ایلش ایسه ده اصولک
۲۰۳ نجی ماده سنه کوره دعوای متقابله اساس دعوی حقنده کی جواب لایحه سنده
بیلدیر یلدیکندن طلب مذکور مسموع اولمایوب آریجه اقامه سنده مختار بولوندیغنی
تفهیم و تحقیقاته متعاق طرفینک بشقه بر طبلری و افاده لری اولمادیغنی بالسؤال
آکلاشیلار ق تحقیقاته ختام و یریلدیکنک طرفینه بیلدیر یلدیکندن عبارتدر .

مدعی‌نک اصولک ۳۷۵ نجی ماده‌سی موجب‌جه نتیجه مدعایه دایر ویردیکی لایحه‌نک خلاصه‌سی : مستند ادعا اولان سند عندالتطبیق مدعی علیه‌ک اولدیغی اهل خبره راپوریه ثابت اولوب بعدالانکار دینی تسویه حقنده کی دفعی غیر مسموع ایکن فضله اوله‌رق تحقیقات حاکمی طرفندن دفع مذکور تعمیق ایدیلهرک شهود شخصیه استماعی طلبی قانونه موافق صورتده رد اولونارق مبرز پوصله‌نک کندیسنه عائدیتی تحقق ایتدیکندن کندیسنه تکلیف اولونان مدعا بهی استیفا دفع دعواسنه عائد یمینی قانونک بخش ایتدیکی صلاحیت دائره‌سنده خصمنه رد ایلمس ایکن مدعی علیه قبولندن امتناع ایتش اولدیغندن اصولک ۳۴۷ نجی ماده‌سی حکمنه توفیقاً یمینک موضوعی اقرار ایتش اولدیغندن مبلغ مدعا بهک مع فائض تحصیلنه و وکیلی ایله مقاوله‌سی موجب‌جه . . . لیرادن عبارت اولان اجرت و کالتک مصارف محاکمه ایله معاً مدعی علیه تحمیلنه قرار ویریلسی طلبندن و مدعی علیه نتیجه مدافعاتی مبین لایحه‌سینک خلاصه‌سی ده پوصله کبی تحریری بر مقدمه بینه موجود و اصولک ۲۹۲ نجی ماده‌سی موجب‌جه شهود استماعی مجاز ایکن تجویز ایدیله‌مسندن طولای ردأ تکلیف ایدیلن مخالف قانون بر یمینک اجراسندن بحق امتناع ایدیلش اولدیغندن اسامیسنی لیسته ایله حصراً بیلدیردیکی شهود شخصیه‌نک جلب و استماعیله تحقق ایده‌جک نتیجه‌یه کوره مدعی‌نک دعواسنک ردینی طلبه متداثردر .

مقام ریاست‌جه طرفین وکیللرینه صیرا ایله برر دفعه سوز ویریلده مدعی وکیلی لایحه‌سی مندرجاتنه علاوه ایدیله‌جک بر کلامی اولمادیغنی مدعی علیه وکیلی ایسه علاوه سند اساساً ساخته اولوب بوجهدن دولای جزا محکمه‌سینه مراجعت ایتدکلرندن بختله نتیجه‌سینه قدر بودعوانک تأخیرینی طلب و مدعی اصول محاکمه حاضره‌نک بوکا مساعد اولمادیغنی بیان و مدعی علیه وکیلی دخی هر نه قدر یکی حقوق اصول محاکمه لری قانوننده مدعی‌نک دیدیکی کبی صراحت یوقسه‌ده حقوق عمومیه جهتدن تدقیق ایدیلکده اولان بر دعوانک فصلنه قدر حقوق

محکمه سنده ددرست رؤیت اولان بر دوانک تأخیری اصول محاکمات جزائیة احکامی اقتضاسندن اولدیغنی سویلدی .

بوخصوص حقنده مذا کره اولوندقده : اصول محاکمه نك ۳۱۴ نجی ماده سی موجبجه ساخته لك ادعاسی حقوق محکمه سنده دخی دعوای اصلیه وحادثه صورتیه اقامه ایدیه بیله جکمه وبویه بر طلب مسبوق اولماسنه ومحکمه جزائیة دن بوخصوصه متعلق صادر اولاجق حکم حقوق حکامنك حق تقدیرینی تقید ایدمه مه جکمه بناءً تأخیر محاکمه حقنده کی طلبك ردیه صوك مدافعہ سی مدعی علیه وکیلندن صورلدقده تطبیقاند اهل خبره تعیین ایدیلن آووقات کاتبی اولوب متخصص اولمادیغندن راپورینه معترض بولوندیغنی ومدعی وکیلی تحقیقات حاکمك بواختابنده بر مانع قانونی اولمادیغنی سویلدی .

بالذا کره اوقونان راپورده [ایچه بکزیور] جمله سی قوللاندیغندن قطعیت افاده ایتمه ین کله لری احتوا ایدن مذکور راپور هیئتجه قناعتبخش کورونمديکندن اصولك ۳۷۸ نجی ماده سنه توفیقاً یکیدن تطبیقات معامله سنك اجراسنه ودوچار اعتراض اولان اهل خبره ... نك یرینه ... مکتي خط معلمی ... بکك اهل خبره واعضادن ... بکك نائب تعییننه و راپورك ورودینه تعلیقاً محاکمه نك ... کونه تعلیقنه قرار ویریلهرک تفهیم وامضالری اخذ ایدیلدی .

کاتب اعضا اعضا رئیس

...

یوم مذکورده هیئت محکمه رئیس بکك راحتسزلغنه مبنی اعضادن ... بکك وكالة ریاستنده اولارق اعضا ... واعضا ملازمی ... بککرایله بالتشکل طرفین وکیللری حاضر اولدقلری حالدۀ دوام محاکمه مه مبادرتله قرار سابق دائره سنده مدعی علیه وکیلی وکالتنامه سی ابراز ایلمکله بالمطالعه بودعوان طولانی فراغت وقبول وصلاح و ابرایده مآذون اولمق اوزره مدعی علیه طرفندن توکیل ایدیلدیکنی مبین ... سنه تاریخ و ... نومرولی واستانبول ایکنجی کاتب عدللیکنندن مصدق اولدینی کورولدی . ضبط سابق قرائت ایتدیریلهرک موافقی تصدیق

ایتدیریلد کدن و تبدل هیئتیه مبنی طرفین و کیملاری افادات سابقه لرینی تکرار ایلد کدن صوکره ورود ایدن نائب . . . افندیکنک تقریرینه مربوط اهل خبره راپوری اوقوندقده : مبرز سند زیرنده کی امضانک لدی الاستکتاب مدعی علیه کی یازیسیله محرر اولدیغی بلاریب تحققی ایلدیکی عبارتیه سنی محتوی اولدیغی آکلاشلدی . طرفینه اصولاً تبلیغ اولونان بوراپوره قارشى دیه جککری صوریلان طرفیندن مدعی وکیلی امضانک تحققی ایله موکلنک دعواسی ثابت اولدیغندن نتیجه طلبنک تحت حکمه آییناسنی ومدعی علیه وکیلی ، موکلای ایله طیشارده صالح ایچون بش دقیقه کوروشمسنه مساعدیه ایدیلسنی طلب ایلمکله محاکمه یه بر چاریک فاصله ویریلدی . طرفین حاضر اولدقلى آکلاشلدقده محاکمه یه بر سابق دوامله دیه جکی مدعی علیه صورولدقده موکلای فضله متضرر اولماق ایچون حائز اولدیغی صلاحیت و مأذونیه مبنی مدعینک نتیجه طلبنه موافقت و قبول ایلدیکنی و مصارف محاکمه ایله الزام اولونما لرینی تمنی ایلدیکنی بیان ایلدی . مدعی وکیلی قبول و موافقتنک قراره ربطتی و مصارف محاکمه ایله خصمنک الزامی طلب ایلمکله ایجابی مذاکره اولوندقده : مدعینک بروجه مشروح دعواسنی حائز صلاحیت اولان مدعی علیه وکیلی صولک جلسه محاکمه ده تمامیه قبول ایلش اولدیغندن مسائل معترض فیهانک حلنه محل قالماقله مبالغ مدعابه آلتش بیک غروشک پروتستونک فرداسی اولان س سنه تاریخندن اعتباراً یوزده بش فائضله مدعی علیه تحصیلنه و قبول ایلمک جلسه واقعه اولمادیغندن مصارف محاکمه ایله ده مدعی علیه الزامی اصولک ۹۴ نجی ماده سی اقتضاسندن بولماسنه مبنی زیرده مرقم . . . غروش مصارف ایله . . . اجرت و کالتک ده مدعی علیه اخذینه س سنه تاریخنده وجاهاً و متفقاً قرار ویریلدی .

رئیس

اعضا

اعضا

کاتب

...

...

...

...



فراغت و قبول

فراغت ، معنای ابرایی تضمن ایدہر ؛ ایکی طرفدن برینک نتیجہ طلبدن ویا بر قسمندن واز کچمسیدر .

طرفینک آرزولرینہ تابع اولان دعوالردہ فراغت جائز و معتبردر .
محجورینک برحقندن و صینک فراغتی صلح حاکمنک مأذونیتنه متوقفدر .
خصوصتہ وکیل اولان کیمسہ آریجہ فراغتمدہ مأذون دکل ایسہ دعوادن ویا دفع دعوادن فراغت ایدہمز .

قبول ، ایکی طرفدن برینک دیکرینک طلبنہ ویا بر قسمنہ موافقت ایتمسیدر کہ برنوع عن اقرار صلحدر . بودہ محجوریندہ صلح حاکمنک مأذونیتنه و مطلقاً دعوایہ وکالتدہ صورت مخصوصدہ مأذونیتہ وابستہدر .

فراغت و قبول ایکی طرف حاضر ایسہ محکمہ حضورندہ شفاهاً بیان اولونور . وجلسہ خارجندہ بر صورتی دیگر طرفہ تبلیغ ایدیلہجک استدعا ایلہ تحریراً یا بیلور .

فراغت ویا قبول ایدن طرف محکوم اولمش کی مصارف محاکمہ بی تأدیہ بہ مجبوردر .

آنحقی مدعی علیہ حال ووضیعی ایلہ علیہنہ دعوی اقامہ سنہ سببیت ویرمہ مش وایلک محاکمہ جلسہ سندہدہ مدعینک ادعاسنی قبول ایتمش ایسہ مصارف محاکمہ ایلہ الزام اولونماز .

فراغت و قبول قطعی بر حکمک نتیجہ لرینی حاصل ایدہر .

بالینہ حکمہ ربطی مجبوری اولان اولہ نمہ دعواسی کی حالردہ مدعی علیہ مدعینک نتیجہ طلبنی قبول ایدہر ایسہ مدعی علیہک دعوادہ دوام حضوری

مجبوری دکلدر ؛ و بوقبول دعوانك ايكي طرفك آرزوسنه تابع مواددن اولماسنه
بناءً مابعد محاكمهده حاضر بولونماق صلاحيت واختيارندن ماعدا بر نتیجه
حقوقيه حصوله كتر من .

تحریری فراغت نمونه‌سی

استانبول محكمه اصلیه‌سی در دنجی حقوق دأره‌سی ریاست علیه‌سنة

... ده مقیم ... علیه‌سنة محكمه علیه‌لرینك ل سנה ... ودوسیه‌سیله اقامه
ایلدیکم فسخ عقد ایجار دعواسنك نتیجه طلبندن تماماً واز کچدیکم جهتله اشبو
عرضحالک برنسخه‌سنة مدعی علیه ... نه تبلیغیه ... کونه معلق اولان محاکمه
سنة نظر اعتباره آلتنارق مقتضاسنك ایفاسی مستعدار افندم . ل سנה
... ده مقیم ...

تحریری قبول نمونه‌سی

استانبول محكمه اصلیه‌سی آلتنجی حقوق دأره‌سی ریاست علیه‌سنة

زوجهم ... طرفندن عدم امتزاج سببه استناداً علیه‌سنة اقامه ایدیتش اولان
بوشانمه دعواسنی تماماً قبول ایلدیکمدن و اصولک ۹۵ نجی ماده‌سی موجبینه
انتاجی آرزومه تابع اولمایان شو دعوانك نتیجه محاکمه‌سنة قدر دعواده دوام
حضورم مجبوری اولمادیغندن مقتضاسی ایفا بیورولمق اوزره مدعیه‌نك نتیجه
طلبنه موافقتی مبین اشبو عرضحالی مدعی مزبوریه تبلیغ ایدیتك اوزره بر
صورتیله معاً تقدیم ایدیورم افندم . ل سנה ... ده مقیم ...

اعتراضات ابتدائیه

اصول حقوقیه نك ۱۸۷ نجی ماده سی موجبہ اعتراضات ابتدائیه شونلردر:

۱ -- تورکیہ ده اقامتکاهی بولونمایانلردن تأمینات طلبی ،

« مسکنی بولونمایان ویا اقامتکاه ومسکنی دعوی ائناسنده خارجه نقل ایدہ نلر

حقنדה ده بوطلب یاپیلور . »

۲ -- صلاحیت ادعاسی ،

۳ -- دعوانك تفريقی طلبی ،

۴ -- اقامہ اولونان بر دعوانك دیگر بر محکمہ ده دردست رؤیت بولوندیغی

ادعاسی ،

۵ -- دعوانك دیگر بر محکمہ ده دردست رؤیت اولان دعوی ایله ارتباطی

بولوندیغی ادعاسی ، « ایکی دعوی آراسنده ارتباط بری حقنדה ویریلجك قرارك

دیگرینه تأثیر ایدہ جك ماهیتده اولماسی حالنده در . »

۶ -- صالح تشبثنده بولونلماسی قانوناً لازم اولان [بوشانمہ دعوالرندہ

اولدیغی کبی] دعوالرده بوتشبثك یایلمامش اولدیغی ادعاسی ،

۷ -- دعوی عرضحالنك ویا دعوتیه ورقه سنك ویا خود جواب لایحه سنك

تنظیمنده قانونی نقصانلر بولوندیغی ویا تبلیغاتك اصولنه موافق اولمادیغی ادعاسی .

بونلر دعوانك بدایتنده اساسه کیریشلمه دن و هپسی برلکده سرد ایدیلک

لازمدر ؛ ایدیلز ایسه آندن صوکره مسموع اولماز .

حاکمک رأساً نظر دقته آلماسی قانوناً اقتضا ایدہ دن انتظام عامہ ایچون موضوع

صلاحیت مسئله سیله دعوی ائناسنده خارجه نقل اقامتکاه ومسکن ایدہ نلر حقنדה

اطلاعی متعاقب سرد ایدیلہ بیله جك اولان تأمینات اعتراض ابتدائیی بوندن

مستثادر .

مدعی علیہک اعتراضات ابتدائیه سی اساسہ جواب ایچون تعیین اولونان مدتہ مدعی یہ تبلیغ اولونور . مدعینک اعتراضات ابتدائیه سی ایلک محاکمہ جلسہ سندہ شفاہاً درمیان اولونور . شوقدرکہ دعوی متقابلہ یہ جواب ویریلش ایسہ ابتدائی اعتراضکدہ جوابدہ تصریحی لازمدر .

ایکی طرفک بالاخرہ درمیان ایدہ بیلیمک صلاحیتی قانوناً حائز اولدقلری اعتراضات حادثہ شکنندہ حل اولونور .

اعتراضات ابتدائیه حادثہ کی تحقیق وحل اولونور . اعتراضات ابتدائیه حقندہ اساس دعوی رؤیتہ صلاحیتدار محکمہ طرفندن قرار ویریلیر . محکمہ ، برابرجه درمیان ایدیلن بالعموم اعتراضات ابتدائیه بی برقرار ایلہ حل ایدہر .

اعتراض قبول اولونور ایسہ ابطالنہ قرار ویریلن عرضحالک یرینہ یکیدن بر عرضحال تنظیم واعطاسنہ مدعی مجبوردر .

مدعی علیہ طرفندن درمیان اولونان وظیفہ وصلاحیت اعتراضک قبولی اوزرینہ مدعی دیگر طرفہ صلاحیتدار اولان محکمہ دہ تبلیغات اجرا ایتدیرمک مجبوریتندہدر .

ہرایی حالہ قرار تاریخندن اعتباراً اون کون ظرفندہ یکیدن عرضحال ویریلشی ودعوی دوسیہ سی وظیفہ دار محکمہ یہ کوندیریلش ایسہ اون کون ظرفندہ دیگر طرفہ دعوتیہ تبلیغ ایتدیرمسی لازمدر . عکسی تقدیردہ دعوی اقامہ ایدیلہ مش عدا اولونور . قانوندہ تصریح ایدیلن استثنائی حکملمر محفوظدر . استثنائی حکملمر ، دیگر بر محکمہ یہ مراجعتک فعلی ویا حقوقی اسبابدن ناشی ممکن اولاماماسی ویا اہلیتک زوالیدر .

عین دعوانک دیگر محکمہ دہ دردست رؤیت اولدیغنہ مستنداً اعتراضات ابتدائیه نک قبولی حالندہ مؤخر تاریخی دعوانک اقامہ ایدیلہ مش عدا اولوندیغنہ قرار ویریلیر .

تأمینات طلبی حقیقده تحریری اعتراض

استانبول محکمہ اصلہ سی برنجی تجارت دائرہ سندہ تحقیقات مالکی ... بک افندی بہ

[مدعی ومدعی علیہک ہوتی وموضوع استدعا یازلدقندن صوکرہ]

غلطہ دہ ... خانہ ... نومرولو تجارتخانہ صاحبی ... طرفندن علیہمہ
اقامہ اولونان پولیچہ بدلندن متولد اوچ بیک تورک لیراسی دعواسنک جریان ایدہن
محا کہ سندہ کافہ تبلیغات بالادہ کی تجارتخانہ سنہ ایفا ایدیلکدہ ایدی . بوکون
استخبار ایدیلکدہ کورہ مدعی اقامت کاهنی ومسکنی ترک ایلہ پاريسہ کیتمش اولدیغندن
اصول محا کہ نک ۹۸ نجی مادہ سنک ایکنجی فقرہ سی موجبہ اشبو دعواندن
دولایي محتمل ضرر وزیانمہ مقابل مدعیدن تأمینات قویہ اخذینہ قرار ویریلہرک
وکیلی آووقات ... بکہ تفہیم بیورو ماسنی ومطابعت ایتدکلری تقدیردہ دعوالرینک
رد ایدیلسنی طلب ایدہر وایکی نسخہ اولوق اوزرہ اشبو اعتراضنامہ یی تقدیم
ایدہرم افندم .

ل سنہ

... دہ مقیم ...

دعوانک تفریق طلبی حقیقده تحریری اعتراض

استانبول محکمہ اصلہ سی ایکنجی تجارت دائرہ سی تحقیقات مالکی

... بک افندی بہ

[مدعی ومدعی علیہک ہوتی وموضوع استدعا یازلدقندن صوکرہ]

... دہ مقیم ... طرفندن محکمہ علیہ لرینہ اعطا قلوب ... نومرولی دوسیہ
ایلہ محا کہ سی ل سنہ کونہ معلق اولان دعوی عرضحالندہ بنملہ برلکدہ
... علیہندہ اقامہ دعوی ایدیلش وبراستدعا ایلہ ہراییکی دعوی بردوسیہ دہ توحیداً
رؤیتنہ ابتدار اولونمش ایسہ دہ علیہمہ اقامہ اولونان دعوی ایلہ ... علیہندہ کی
دعوی ارا سندہ ہیچ بر مناسبت قانونیہ موجود اولمایوب نہ مدعا بہ اولان حق

وبورجده بر اشتراك نه مشترك بر معامله ايله مدعى لهنه بر حق تعهد ايدىلىش ونه ده هرايىكى دعوى عين سببدن نشأت ايتمىدر .

بناءً عليه حقوق دعوالرى اصول محاكمه لرى قانونك ۴۵ نجى ماده سى حكمه توفيقاً تفریقنه قرار ویریلنى طلب واساس دعوانك رؤیتنه کیریشلمه دن مقدم اشبو اعتراضنامه یی صورتلریله معاً تقدیم ایلدیكىمى عرض ایلرم افندم .

... ده مقیم ... سنه ل
امضا

دیگر بر محکمه ده دردست رؤیت بولمق اعتراضی

استانبول محکمه اصابعه آلتیجی مقومه دایره سى تحقیقات مالکی

... بك افندری .

[مدعى ومدعى علیهك هویتى وموضوع استدعا یازلدقندن صوکره]

زوجم ... ده مقیم ... طرفندن علیهمه اقامه اولونان بوشانمه دعواسنك تحقیقنه مباشرتله ... کونی حضور کوزه کلکلیکمیز حقنده طرفنه دعوتنامه کوندریش ایشه ده بوندن ایکی آی مقدم مدعینك اقامتگاهنك بولوندینى صلاحیتدار اسکدار محکمه سنه زوج مرقوم طرفندن عین سببه مستند بوشانمه دعواسی اقامه ایدىلىش اولدیغندن ایوم دردست رؤیت اولوب بر هقته مقدم بوخصوصه دائر اقامه ایلدیكم شهودك استماعنه بیله مباشرت ایدىلىش اولدینى حالده نتیجه محاکمه نك لهنده اولامایاجغنى حس ایدهن مدعى مومى الیه محکمه علیه لرینه مراجعتله بودعوانی اقامه ایلش اولدینى جهتله اساس دعوایه کیریشلمه دن مقدم اشبو اعتراضی سرد ايله طرفینی وسبب بر اولان بو دعوانك دها اول اسکدار محکمه سنده اقامه ایدیلرک دردست انتاج بولوندیغنى مربوط اسکدار محکمه سى باش کتابتنك درکنار یله اثبات ایتمکده اولدیغمدن بوایکنجی دعواسنك اقامه

ایدیله مش عد اولونماسنه قرار ویریلسنی طلب واستدعا ایدر ومدعی به برای تبلیغ
عرضحال و وثیقه صورتلرینی ربطاً تقدیم ایلرم افندم . ل سنه

... ده ساکن

...

دیگر بر محکمه ده در دست رؤیت بر دعوا یه ارتباطی حقنده

تحریری اعتراض

استانبول محکمہ اصلیه سی ایلنجی تجارت دائره سنده

تحقیقات مالکی ... بك افندی به

[طرفین وموضوع تبلیغ یازلدقندن صوکره]

... ده مقیم ... طرفندن علیهمه اقامه اولونان جهت کفالتدن ... لیرا
آلاجق دعواسنک تحقیقنه مأمور بیورولدیغکزدن حضور کزه کلکله کمزی متضمن
دعوتنامه یی تبایغ ایلدم ایسه ده مدعی مومی الیه طرفندن برنجی تجارت دائره سنه
مراجعت اولونارق اشبو دین الیه مدیون اصلی بولونان مکفول عنه ... ده مقیم
... علیهنه بوندن مقدم اقامه دعوی ایلش اولدیغی مربوطاً تقدیم ایلدیکم
دعوتنامه صورتندن مستبان بیوروله جغندن بر دینک اصالت و کفالت جهندن
عینی زمانده آری آری محکمه لرده اقامه دعوی اولونماسی اصولاً جائز اولال -
مایاجغنه بناء بو دعوانک دیکریله توحیداً رؤیتی ضمنتده محکمه مذکورده یه
تودیغنی اساسه کیریشمهدن مقدم طلب و ادعا ایدر ومدعی به برای تبلیغ اشبو
اعتراضنامه نك صورتی ده تقدیم ایلرم افندم . ل سنه

... ده مقیم

...

صلح تشبثی یا پیلما مش اولدیغنه دائر تحریری اعتراض
استانبول محکمہ اصلیه سی اورنجی حقوق دائره سی ریاست علمیه

[طرفین و موضوع تبلیغ یازلدقندن صوکره]

زوجهم ... خانم طرفندن محکمہ علیهرینه مراجعتله اقامه اولونان بوشامه
دعواسنک تحقیقنه مأمور بویورولان محکمہ اعضاسندن ... بك افندیك
حضورینه ... کونی کلککلکمزده دائر اولان دعوتنامه یی تبلیغ ایلدمسده حقوق
دعوالری اصول محاکمه لری قانوننک ۴۹۴ نجی ماده سی موجبجه بوشامه
دعواسنک محکمہ اصلیه ده اقامه سندن اول مدعیه نك صلاحیتدار صلح محکمہ سنه
بالمراجعہ صلح تشبثه توسل ایلمی اولیلک برلکنک حمایه سی تدابیر قانونیه سی
مقتضیانندن اولدیغی حالده بوکا رعایت ایدیله مش اولدیغنه هنوز صلح محکمہ سندن
طرفه بر دعوتنامه کوندریلمه سندن مطلع اولدیغ جهتله اساس دعوانک تحقیقنه
کیریشلمه دن اول بونقصانی عرض ومدعیه تبلیغ ایدیلک اوزره بر نسیخه سی
تقدیم ایلدیکم اشبو اعتراضنامه نك قبوليله بونقطه دن دعواسنک ردینه قرار
ویریلسی طلب واستدعا ایلرم افندم . ۱ سنه ... ده مقیم ...

دعوی اورافنک شکل قانونیده اولمادیغنه دائر تحریری اعتراض

استانبول محکمہ اصلیه سی برنجی حقوق دائره سی ریاست علمیه

[طرفین و موضوع تبلیغ یازلدقندن صوکره]

... ده مقیم ... طرفندن کویا ذمتمده بیک لیرا مطلوبی اولدیغندن بحثله
تحصیلی حقنده علیهمه اقامه ایدیلوب لاجل التحقیق محکمہ اعضاسندن ... بك
افندیه تودیع اولونان دعوی عرضالنک بر صورتی طرفه تبلیغ ایدیلکدن
صوکره مدت قانونیه سی ظرفنده تحریری جواب لایحه سی ویرمدیکمدن تحقیق
دعوی ایچون تحقیق حاکمی نزدینه کلککلکمزده دائر اولان دعوتنامه یی تبلیغ

ایلدیلمسده اساس دعوايه کیریشلمه دن مقدم دعوی اورا قنک شکلی حقنده بروجه زیر اعتراضلری اشبو استدعا ایله عرض ایلم :

۱ -- مدعینک مختلف آلاچقلردن منبعث اولدیغی بیان ایلدیکی نتیجه مدعا به اولان بیک لیرانک مستندی اولان واقعه لرك اصولک ۱۷۹ نجی ماده سی موجبنه واضح خلاصه لری یازیلقی ایجاب ایدهرکن توضیح ایدیله مشدر .

۲ -- مدعی اقامتگاهنی تصریح و بیان ایتمه مشدر .

۳ -- تبلیغک موضوعنی ده یازما مشدر .

۴ -- نه مدت ظرفنده جواب ویره بیله جگمی ده بیلدیرمه مشدر .
بناء علیه هر شیئک حلندن مقدم تعریفات قانونیه دائره سنده تنظیم ایدیله مش اولان مدعینک دعوی عرفانک ابطالنه قرار ویریلسنی طلب واستدعا ایلم و مدعی به برای تبلیغ اشبو اعتراضنامه نک بر صورتی ربطاً تقدیم ایدهرم افندم .
... ده مقیم ...

سا سنه

تبلیغک اصولنه موافق اولمادیغنه دائر تحریری اعتراض

استانبول محکمه اصلیه سی ایکنجی حقوقه دائره سی ریاست علیه نه

[طرفین و موضوع تبلیغ یازلدقندن صوکره]

... ده مقیم ... طرفندن آلتی یوز لیرا آلاچق ادعاسنی متضمن محکمه علیه لینه ویریلان استدعا و اسباب ثبوتیه صورتلریله آندن صوکره اصدار اولونان دعوتیه ورقه سی طرفه اصولی دائره سنده تبلیغ ایدیله مش اولدیغندن حقمده اقامه اولونان بودعوانک دردست رؤیت اولدیغندن خبردار بولونمادیغ حالده بوکون صاحبین محکمه لیسته سنی اقویان وکیل آووقات ... بک تله فونله خبردار ایلمشدر . تحقیقات حاکی ... بک افندی طرفندن بوکون بعدالظهر تحقیقه ابتدار اولوناجق اولان بو دعوانک اساسنه کیریشلمه دن مقدم تبلیغاتده کی بولسزلقدن دولایی اعتراضلری عرض ایلم :

۱ — اوراق دعوی اقامتکام ... ده کیسه بولونمادیغندن دولای محله هیئت اختیاریه سنه براقلیدی مباشرک بوکره تدقیق ایتدیکم مضبطه سنده محرر بولونمقده ایسه ده اصول محاکمه نك ۱۳۱ نجی ماده سی موجبنجه مذکور اوراقك مختاره براقلیدی حقنده خانه قابوسنه بر ورقه نك الصاقی وکیفتندن قومشولرمندن برینك اولسون خبردار ایدیلسی مقتضی ایکن بونلر یالمامش و مختارده قلمش اولان اوراق دعوان خبردار اولامامه سببیت ویریلشدر .

۲ — دعوتیه ورقه سنك مباشره ویریلدیکی تاریخندن اعتباراً نهایت اوج کون ظرفنده تبلیغ ایدیلسی اصولك ۱۴۷ نجی ماده سی حکمی اقتضاسندن ایکن مذکور ورقه دون عین شکل سقیم دائره سنده مختاره براقلمشدر . بناءً علیه اصولك ۱۸۷ نجی ماده سنك ۷ نجی نومرولی فقره سنه موافق اولان اشبو اعتراضامه مك بر صورتك مدعی به تبلیغیه تبلیغ واقعك حکمسنزلکنه و تجدیداً اجرای تبلیغاته قرار ویریلسی طلب واستدعا ایده رم افندم .

لـ سنه ... ده مقیم ...

دعوی متقابله نك قبوله شایان اولمادیغنه دائر تحریری اعتراض

استانبول محکمه اصلیه سی اویغنی حقوقه دأسه سی ریاست علیه سنه

[طرفین و موضوع تبلیغ یازلدقندن صوکره]

محکمه علیه لینه تقدیم ایلدیکم لـ سنه تاریخی عرخیال ایله ... ده مقیم علیه سنه اقامه ایلدیکم جهت حواله دن ... لیرا آلاجق دعواسنك تعاطی ایدیلدن لوائجی میاننده بر صورتی طرفه تبلیغ قلمش اولان مدعی علیه مومی - الیهك لـ سنه تاریخی اساسه جوابی متضمن لایحه نك ایکننجی بندنده ... ده کائن متجاوراً حق اعماللینه صاحب اولدیغمز ۵ و ۸ نومرولی سیملی قورشون معدنك حدود اعمالیه سی حقنده متقابلاً بر دعوی احداث و تجاوزك منعی اصولك ۲۰۴ نجی ماده سنك ایکننجی نومرولی فقره سنه استناد ایلکده ایسه ده معاندك تصرفندن منبعث اختلافاتك حلی معادن نظامنامه سی موجبنجه مقامات

اداره به عائد اولماسنه و حقوق دعوالری اصول محاکمه لری قانوننک ۲۰۶ نجی ماده سنده تدقیق و حلی اداری مقاملرک صلاحیتی داخلمده بولونان خصوصلره عائد ادعالرک دعوائی متقابله اولارق اقامه ایدیله میه چیکی مصرح بولونماسنه مبنی اساس دعوا به کیریشلمه دن مقدم اصولک ۱۸۷ نجی ماده سنک ۸ نجی نومرولی فقره سنه توفیقاً سرد ایلدیکم اشبو اعتراضک قبولیله مدعی علیه برای تبلیغ متقابله سنک ردینه قرار ویریلینی طلب واستدعا ایدر و مدعی علیه برای تبلیغ اشبو اعتراضنامه نک بر صورتی ربطاً تقدیم ایلرم اقدم ده مقیم

...

اعتراضات ابتدائیه بی قبول قراری

ایجابی تأمل اولوندی : . . . طرفندن . . . علیه اقامه اولونوب در دست تحقیق بولونان بیک لیرا آلاق دعواسنک اساسنه کیریشلمه دن مقدم مدعی علیه . . . طرفندن ویریلوب بر صورتی مدعی به تبلیغ قلینان تحریری اعتراضده مدعینک دعوی عرضحالنک حقوق دعوالری اصول محاکمه لری قانوننک ۱۷۹ نجی ماده سنه مخالف بر شکل و صورتده تنظیم قلندیغندن رد و ابطالی مدعی علیه طرفندن طلب و مدعی بونقصانلری شفاهاً اکمال ایده جکندن دعوی عرضحالنک ابطالی جهته کیدیله میه چیکی سرد و بیان ایدیلکله دعوی عرضحالی تدقیق اولوندقده فی الحقیقه مدعا به بیک لیرانک جهات متعدده دن نشأت ایلش اولدینی محرر بولوندینی حالده مستند بولوندینی واقع لرک خلاصه لری توضیح ایدیلدیکی و مدعینک اقامتکاهی محرر بولونمادینی و تبلیغک موضوعی مسکوت عنه بر اقلدینی کوریلشدرد. بواعبارله مدعی علیه اعتراضات ابتدائیه سی وارد بولوندیغندن اصول مذکورک ۱۷۹ نجی ماده سنه موافق بولونمایان عرضحال مذکورک ابطاله و اصول مذکورک ۱۹۳ نجی ماده سی موجبنه بوکوندن بالاعتبار اون کون طرفندن مدعینک

یکی دعوی عرضحالی اعطا و صورتی مدعی علیه تبلیغ ایتدیرمسی لزومنه
قرار و یریلدی


اعتراضات ابتدائیه بی رد قراری

ایجابی مذاکره اولوندی : ... ایله ... آراسنده جاری ... دعواندن
دولایي تحقیقات حا کمی ... بک طرفندن اجرا قلنان تحقیقات ائناسنده مدعی
علیه طرفندن اساسه کیریشلمه دن ^{تقریر} اعتراضات ابتدائیه دن اولمق اوزره سردایدیلش
اولان مدعینک دعوی عرضحالک تعریفات قانونیه دائره سنده تنظیم ایدیللمسی
و کندیسینک اقامتگاه ... محل اولدیفندن بو محکمه نکر رؤیت دعوایه صلاحیتدار
اولمادینی وعین دعوانک ... محل محکمه سنده اقامه ایدیلش اولدینی و تبلیغاتک ده
یولسز ایفا اولوندینی خصوصاته متعلق اعتراضات ابتدائیه نکر برقراره ربط
ایدیللمش اولدینی اکلایشللمسینه و تحقیقاتک ختامه ^{مبنی} انتاج محاکمه ایچون هیئتجه
علناً اجرا قلنان محاکمه ده مدعی علیه وکیلی طرفندن اول باول حل ایدیللمش
اولان اشبو اعتراضات ابتدائیه حقنده برقرار اعطاسی طلب ایدیللمسینه مبنی تدقیقه
بالشروع سرد اولونان بوعترضاته قارشى مدعی تحقیقات حا کمی حضورنده
و یردیکی جوابلری تکرار ایتدکدن صوکره ایجابی مذاکره اولوندقده دعوی
عرضحالنده یالکیز ... تاریخده صائدینی آرا به دن دولایي درتیوز لیرا طلب
ایدیلدیکندن مستندی اولان عقد بیعک تاریخ و صورت انعقادى حقنده باشقه
تفصیلات اعطاسینه برلرزم اولماسینه و مندرجات سائر سیه شکل تنظیمی اصولک
۱۷۹ نجی ماده سینه موافق بولونماسینه و مدعی علیه ک اقامتگاه محکمه سیه
ثمن بیعک محل تسویه سی اولمق اوزره تعهد اولونان استانبول محکمه سنده اقامه
دعوا ده اصولک ۱۰ نجی ماده سی موجبجه مخیر بولونماسینه و تبلیغاتک اقامتگاهنده کی
خدمتجیسینه ایفاسی اصولک ۱۲۶ نجی ماده سینه موافق اولوب ... محکمه سنده
دردست رؤیت اولان دعوانک جهت قرضدن منبعث و آیری اولدینی یینه مدعی

علیہک ابراز ایلدیکی اوراقدن اگلاشاماسنه بناءً غیر وارد اولان اعتراضات
ابتدائیہ مذکورہنک ردیلہ دوام محاکمہ یہ وجاہاً ومتفقاً قرار ویرلدی .

کاتب	اعضا	اعضا	رئیس
...





دعوانك تفريق و توحيدى

و

مدعيه مدعى عليه لى كى نى

قانوناً ايجاب ايتديكى حالده عين دعوا ده جمع اولونان مدعى عليه لردن برينك ويا بر قاچنك طلبى اوزرينه دعوانك اونلر حقنده تفريقه قرار ويريلىر. بوطلب اساسه كيريشلمه دن اول سرد ايديلك لازمدر .

تحقيقات حاكمى طرفندن تحقيقاتك حسن جريانى تايمين ايجون راسادخى دعوانك هر حالده تفريق قرارى ويريلىر .

قانون مدنى موجبجه مشتركاً دعوى اقامه ايتلىرى ويا عليه لرينه اقامه اولونماسى اقتضا ايده نلرك دعوا لرنده تفريق قرارى ويريلىر .

تحقيقات حاكمى دعوانك هر حالده طلب اوزرينه علاقه دارلرى بعدالاستماع يكدى كيرينه مرتبط ايشلرك توحيدينه ويا برلشديريله دعوا لرك تفريقه قرار ويره بيلير .

دعوانك تفريق ويا توحيدى تحقيقات حاكمه اقتضا ايدين صورتلريله برابر ويريلىر لك استدعا ايله طلب اولونور .

اصولك ٤٣ نجى ماده سنده محرر اولديغى وجهله بردن زياده كيمسه اشاغيده كى حاللرده برلكده اقامه دعوى ايده بيله جكلىرى كى برلكده عليه لرينه ده دعوى اقامه اولونايلىر :

١ -- مدعى ويا مدعى عليه لار آراسنده مدعا به اولان حق ويا بورجك اشتراك حالده بولونماسى يا خود مشترك بر معامله ايله هپسنىك لهنه بر حق تعهد ايديش اولماسى ويا كندى لرينك بوضورتله تعهد آلتنه كيرمش اولمالرى ؛

٢ -- دعوانك، هر برى حقنده عين سببدن نشأت ايتمش اولماسى ؛

وینه اصولك ۴۴ نجی ماده سینه نظراً مجتمعاً مدعی ویا مدعی علیه اولانلر
برلكده حركت ایدرلر . آنجق بوللردن بری خصوصی برادعا ویا مدافعہ دلینه
مالك ايسه آنی آریجه قوللانه بیلیر .

برلكده حركت ایدرلر هر حالده دعوانك باقیلدینی محكمه نك دائرة قضاسنده
مشترك بر اقامتگاه كو سترمه مجبوردرلر .

برلكده مدعی ویا مدعی علیه اولایلمك حقنده امثله :

شرکت عادیده شركتك اداره سی عقد ویا مقاوله ایله ویا قرار ایله منحصرأ
برشریکه ویا اوچنجی بر شـخصه قطعی صورتده تودیع ایدلمش اولمادجه شرکت
معامله لرینك اداره سی بتون شریکله عائد اولاجغندن عتوددن متولد حقوق
دعواسنده عاقلدر و دیگر خصوصاتدن متولد وجیه لردن دولایی بالعموم شریکله
برلكده اقامه دعوی ایدنه بیلر جکری کی اولنر علیهنه برلكده اقامه دعوی
اولوناییلیر .

اولمه لر ی آنا و بابا لرینك اذنه متوقف اولانلر یینی اون سکرز یاشنده بولونمایان
ارلك ایله اونیدی یاشنی اكمال ایتمه مش اولان قادین آنجق رضای ابوین ایله
أوله نه بیلر جکارندن بو اذنی آلمق سزین أوله نیرلر ايسه آنا و بابانك هر بری حق
دعوائی حائر اولدیغندن برلكده دخی اقامه دعوی ایدنه بیلرلر .

نسبك تصحیحنه آنا و بابانك قانونی میراثچیلرینك مدت معینه ظرفنده حق
اعتراضلری اولدیغندن بو حقلرینی برلكده استعمال ایدنه بیلرلر .

آنا و بابا أولیلک موجودایکن چوجوقلری حقنده ولایتلرینی برابرجه اجرا
ایدنه بیلر جکارندن بو حقی برلكده استعمال ایله برلكده اقامه دعوی ایدنه بیلرلر .
و آنلر حقنده برلكده اقامه دعوی اولوناییلیر .

صحیح اولمایان نسبك طائمه سانه قارشى چوجوغك فروعی برلكده اعتراض
ایدنه بیلر جکری کی طائمانك میراثچیلری ده بوا اعتراضلری برلكده رد ایدنه بیلیر .
أولیلک خارجنده دوغان چوجوغك آناسی ، چوجوغك باباسی وفات ایتمش
ایسه طویدن میراثچیلری عایهنه اقامه دعوی ایله بابانك حکماً تعیینی ايسته یه بیلیر .

عائله شرکت اموالنده تمثیل ایچون مدیر تعیین اولونماش ایسه برحق ایچون جمله سی برلکده دعوی ایده بیله جکری کی بر شخص آخردخی هپسی علیه بردن ، بر دعوی اقامه ایده بیلیر .

اولومه باغلی معین بر تصرف حقنده میراثچیلرله موصی لهر برلکده مدعی ومدعی علیه اولابیلیرلر .

کذلک ارث دعوالریله ترک له و عاینده کی دعوالرده میراثچیلر برلکده مدعی ومدعی علیه اولابیلیرلر .

هرنوع عقدده عاقدلر متعدد اولدینی تقدیرده او عقددن متولد حقوقه متعلق دعواده برلکده مدعی ومدعی علیه اولابیلیرلر .

حقسز بر معامله ویا فعل ایقاع ایدنلرک تعددنده ویا عین فعل و معامله دن متضرر اولانلرک تعددنده مدعیلر برلکده اقامه دعوی ایده بیله جکری کی مدعی علیهلر عاینه برلکده اقامه دعوی اولونابیلیر .

برتمهده متعهدلر ویا متعهدلهر متعدد ایسه برلکده مدعی ویا مدعی علیه اولابیلیرلر .

دین مشترکده مدیونلرک جمله سی علیه برلکده اقامه دعوی اولونابیلیر . دین و مدیون واحد و سبب متحد ایله داینلر متعدد ایسه جمله سی برلکده مدعی اولابیلیرلر .

قانون تجارتک ۵۷۱ نجی ماده سی موجبجه پولیچه حاملی ویا بدلی تأدیه ایدن ، کشیده جی ، قبول ایدن ، جیرو ایدن ، آوال ویرن کیمسه لر علیه پولیچه ده کی مرتبتنی نظر دقته آلمغه مجبور اولمقسزین جمله سی علیه مجتمعا اقامه دعوی حقنه مالکدر . چک وامره محرر سندلرده بویله در .

تفریق قراری

ایجابی تأمل اولوندی : مدعی ... طرفدن مدعی علیه ... ایله برلکده ... عاینه بر عرض حال ایله اقامه اولونان جهت قرضدن بشریوز ایرامطلوبات دعواسنک تحقیقنه شروع صیراسنده اساسه کیریشلمه دن مقدم مدعی عایهمادن ... طرفدن

ویریلوب بر صورتی مدعی به تبلیغ ایدیلن عرض حالده آری آری سندلر و عرض حاللر ایله کندیلی و برادری ... علمیه اقامه اولونان بشریوز لیرادن بیک لیرانک تحصیلی دعوالرینک توحیدی ایچون هیچ بر سبب قانونی اولمایوب مدیونلرک آری آری استقراض و آری آری سند ویردکلری دینلردن متولد بو ایکی دعوانک مجرد برادر بولونمالرله توحیدلری ایجاب ایتمزکن توحیداً اقامه اولونماسی مخالف قانون اولدیغندن بختله تفریق طلب اولونماسنه و بر خانه ده اوطوروب هر شیئلری مشترک اولان ایکی برادر حقنده بر عرض حال ایله و توحیداً دعوی اقامه سنده مانع قانونی اولمادیغنه دائر اولان مدعینک جوابی شایان التفات اولمایوب ایکی دعوی آراسنده مدعا بده اشتراک و یا مشترک بر تعهد موجود اولماسنه و هر برینک سببی باشقه بولونماسنه مبنی اصولک ۴۵ نجی ماده سی موجبنه هر ایکی دعوانک تفریقنه قرار ویریلدی .

تحقیقات حاکمی

ل س نه

...

عدم تفریق قراری

ایجابی تأمل اولندی : عائله شرکت اموالی تشکیل ایتمش اولان ... ده مقیم متوفی ... اوغللاری سلیم ، حمدی ، راغب و نوری افندیلرک ... ده مقیم سبزه جی اصنافندن ... علمیه اقامه ایلدکلری ... سبزه ائمانندن اوچوز اللی لیرانک تحصیلی دعواسنک تحقیقنه شروع اولوندقده مدعی علیه ... طرفندن مأموریتزه اعطا اولونوب بر صورتی مدعیله تبلیغ قلنان تفریق دعوی طلبی متضمن عرض حال ایله مدعیلرک عائله شرکتی اموالدن بر بوسه تان محصولاتی مدعی علیه بیع ایتدکلرندن بر دعوی ایله حق واحدی طلبه صلاحیتلری اولدیغنی مبین جوابلری اوقوندقندن صوکره ایجابی تأمل اولوندقده مدعا به اولان حق مدعیلرجه اشتراک حالده بولونماسنه مبنی اصولک ۴۳ نجی ماده سی

توحید طلبنك قبولی قراری

ایجابی تأمل اولوندی : ... نك ... علیهنه اقامه ایلدیکی شکر تعهدندن متولد ... لیرالق تضمینات دعواسنك تحقیقنه شروع اولوندقده اساسه کیریشلمه دن مقدم مدعی علیه طرفندن معطی و بر صورتی مدعی به تبلیغ قلنان عر ضحاله عین مدعابه حقنده لهلرینه تعهد اولونان ... و ... و ... نام کیمسه لرده موجود اولوب هر بری آری آری بو محکمه ده اقامه دعوی ایده رک دردست تحقیق ورؤیت اولدیغنی بیانله توحید ایدیلرینی طلب و مدعی ده هر حق صاحبی باشلی باشنه اقامه عواده مختار اولوب دیکر لرله تشریک مساعی به اجبار اولونا مایاجغنی بیانله اعتراض مذکورک وارد اولما دیغنی بیان ایلش ایسه ده بالتدقیق مشترک بر معامله ایله عین مدعی علیه حقنده عین سبیدن دولایی متعهدله اولانلرک آری آری عر ضحالار ایله مراجعت ایتملرندن متفرق دوسیه لرله دردست تحقیق ورؤیت بولوندقلری آکلا شلمسینه مبنی اصولک ۴۷ نجی ماده سی موجبجه دعوی مذکورده نك توحیداً تحقیق ورؤیتنه قرار ویریلدی .

تحقیقات حاکمی

ل س نه

...

توحید طلبنك ردی قراری

ایجابی تأمل اولوندی : ... ایله ... آراسنده متیحدث ۶۵۰ لیرالق بدل ایجارک تحصیل طلبنه دائر اولان دعوانک تحقیقنه شروع اولوندقده مدعی علیه وکیلی اساسه کیریشمه دن اول بو بدل ایجارک مستند اولدیغنی مقاله موجبجه برسنه مدته اشغال وانتفاع ایلدیکی صروده واقع اولان تخریباتک تضمینی حقنده برلکده اقامت ایدن برادر م ... علیهنه ینه بو محکمه یه عین مدعی طرفندن بر دعوی اقامه اولونارق ... کونده دردست محاکمه اولدیغنی برادرندن استخبار ایتدیکندن

توحيداً رؤيته قرار و يريلسنى طلب اتمكده ايسه ده لى التدقيق ايكى دعوانك
 توحيدى موجب و اصول حقوقه نك ۴۳ نجى ماده سنه موافق بر سبب موجود
 اولمايوب مدعابه و طرفينى باشقه اولان بودعوالرك توحيدينه لزوم قانونى اولماقلا
 طلب و اعتراض مذكورك ردينه قرار و يريلدى .

تحقيقات حاكمى

...



حادثه

بوراده حادثه تعبیری بزده اکثریا مستعمل اولان واقعه fait مقابلی دکلدر .
اصول محاکمه ده حادثه ، بر دعوانك تدقیقی اثناسنده طرفیندن بری جانبندن
درمیان اولونان و یارأساحلی ایجاب ایدن متحدت مسائل قانونیه دن بر مسئله در که
آنك حلنه شروع اولند قده اساس دعوانك رؤیتی تأخیر اولونور .

تحقیقات اثناسنده دعوايه متعلق بر مسئله حقنده تحقیقات حاکمندن قرار
آلق ایستین طرف ، بونی تدقیقاته مخصوص جلسه ده شفاهاً و یا جلسه خارجنده
ایکی نسخه اولارق ویره چکی عرض حال ایله طلب ایدر .

درمیان ایدیلن طلبی تحقیقات حاکمی شایان تدقیق کوروب ردینه قرار
ویرمدیکی تقدیرده عرض حالک بر نسخه سنی تعیین اید چکی مدت ایچنده جوابی
وایجابی حالنده نقطه نظرینی بیلدیرمک اوزره دیگر طرفه تبلیغ ایدر .

حادثه حقنده ایکی طرف اختلاف حالنده ایسه تحقیقات حاکمی قرارینی اوراق
اوزرینه ویا کندیلرینی دعوت وافاده لرینی استماع ایتد کدن صوکره ویرر . قانوناً
شکل مخصوص تعیین ایدیش اولان احوال مستشادر .

قاعده اولارق تحقیقات حاکمی حادثه حقنده بر جلسه ده ایکی طرفی استماع
ودلائنی تدقیق و قرارینی اعطا ایدر . اقتضاسنه کوره دلیللرک دیگر جلسه ده
اقامه و تدقیقده قرار ویره بیلیر . صلاحیت کی حادثه شکلنده حلی مقتضی ادعالر
محکمه یه کلکسزین تحریر آده درمیان اید بیلیر . (کی) اداتندن آکلاشدیغی
اوزره دیگر اعتراضات ابتدائیه نك ده کلکسزین تحریراً درمیانی نمکندر .

تحقیقات حاکمی حادثه حقنده کی قرارینی در حال اتخاذ وایکی طرفه تفهیم
ویا کندیلرینه بیلدیرمک اوزره نهایت اوچ کون ظرفنده قلمه تودیع ایدر .

حادثه حقنده استدعا نمونه‌سی

استان‌بول محکمهٔ اصلی‌سی ایلکجی تجارت دأره‌سندره تحقیقات ها کمی

... بك افندی به

[طرفین و موضوع تبلیغ یازلدقدن صوکره]

... ده مقیم ... افندی‌نک عام‌همزه اقامه ایلدیکی ومدت غیرمعینه ایله آرامزده منعقد ... نام قوللاکتیف شرکتدن چکلمک آرزوسنده بولوندیغندن بحثله سرمایه وریخ اولوق اوزره شمده یه قدر حصه‌سنه اصابت ایدن ... ایرانک بزدن تحصیلنه و حصه‌سی حقنده شرکتک بعدما ایچون فسخنه قرار اعطاسی طلبی احتوا ایدن دعوانک تحقیقاتنه طرف عالیرندن باشلامش ایسه ده قانون تجارتک ۱۸۴ نجی ماده‌سی موجبنه مدت غیرمعینه ایچون منعقد شرکتلرده هر شریک اقلی آلتی آی اول کاتب عدل معرفتیه کوندره جکی اخبارنامه ایله حق فسخنی محافظه ایده جکته ودعوا دن آلتی آی اول بزه بوقیلدن براخبارنامه تبلیغ ایدیلدیکنه بناءً اول امرده بویه براخبارنامه تبلیغ ایدوب ایتمدیکنک تحقیقیله بو حادثه‌نک حلندن صوکره اساس دعوانک رؤیتنه شروع اولونماسنی طلب و استدعا ایدر و مدعی به تبلیغ ایدیلک اوزره عرض حالک بر صورتی ربطاً تقدیم ایلر ز افندم .

... ده ... شرکتک مرکز اداره‌سی

سنة

سندره مقیم ... و ...

حادثه حقنده جواب نمونه‌سی

استان‌بول محکمهٔ اصلی‌سی ایلکجی تجارت دأره‌سندره تحقیقات ها کمی

... بك افندی به

اقامه ایلدیکم فسخ شرکت و سرمایه وریخ متراکمک تحصیلی دعوا سدنک تحقیقاتی جریان ایدر کن مدعی علیهما ... و ... طرفلرندن معطی عرض حالک بر صورتی طرفه ویریلشدر .

شرکتک غیرمعین بر مدت اوزرینه منعقد اولدیغندن بحثله ارالرتدن چکیله بیلیمکلیکم آلتی آی اول کاتب عدل معرفتیه کندیلرینه اخبار ایتهمه متوقف اولدینی بیان و اشبو اعتراضك حادثه شککنده حلی طلب اولونمده ایسهده اعتراض مذکور اصول حقوقیهك بحث ایلدیکی حادثه لر قیلندن اولماقله برابر مقاولده غیرمعین بر مدتله منعقد اولدینی کورینن بوشرکت ایچون کچن سنه آرامزده مدت تعیین ایتدیکمز جهتله فسخ ایچون اخباره لزوم قانونی یوقدر . بوجهتی انکار ایتدکلرنده بوخصوصه دائر یمین توجیه ایده جکمی بیانله غیر وارد اولان طلب مذکورك ردینه قرار اعطاسی جواباً عرض اولونور افندم .

سا سنه

... ده مقیم ...


حادثهك صورت حلنه دائر قرار نمونه سی

ایجابی تأمل اولوندی: ... شرکتک شرکاسندن ... طرفندن دیکر شریکلری ... و ... علملرینه اقامه اولونان شرکتک حقنده فسخی و ... لیرادن عبارت اولان سرماییه و ربحتک تحصیلی دعواسنك اثنای تحقیقنده مدعی علملها طرفندن اعطا قلوب بر صورتی مدعی به تبلیغ قننان عرضخالده شرکت غیرمعین بر زمان ایچون منعقد اولدیغندن برشریکک فسخ ایله چیقابیلیمسی آلتی آی اول اخباره متوقف اولدینی جهتله بونك حادثه شککنده حلندن صوکره اساس دعوانك تحقیقنه کیریشلمسی طلب ایدیش و مدعی ده بوادعا حادثه قیلندن اولمادیغنی و اولسه بیله آرالرنده بالا خره مدت تعیین قلندیغنی و بوجهتی مدعی علملها انکار ایده لرلر ایسه یمین توجیه ایده جکمی بیان ایلدیکندن ... کونی ایچون پایلان دعوت اوزرینه طرفین و وکیللری حاضر اولدقلری حالده اول امرده بوجهتک حلنه کیریشلد کده مدعی علملها بالا خره شرکته مدت تعیین اولوندیغی ادعاسنی انکار ایتملریله بر حادثه اولان اشبو اختلافك اول امرده حلنه قرار ویریلهرك مقاوله نامه ده مدتسز کورینه بوشرکته بالا خره (...) مدت تعیین ایدیلدیکنی نه ایله اثبات ایده جکی مدعیدن صورولدقده اثبات ایده مه یه - جکندن یمین توجیه ایتدیکنی بیان ایش و مدعی علملها یه طرفزدن بالا خره بوشرکت

ایچون ... بر مدت تعیین ایتدیگکزه اللهکزوناموسکز اوزرینه یمین ایده رمیسکز
 دنیلدکه یمین ایتیه جکرینی صورت قطعیه ده بیان ایدوب رد یمین دخی
 ایتهلرینه مبنی معین مدتی اولدینی شو صورتله ثابت اولان شو شرکتدن
 مدعینک حق خروجی اولدیغنه ودوام محاکمه یه قرار ویرلهرک طرفینه تفهیم
 قلندی . ل سنه کاتب تحقیقات حاکمی

...

...



محاسبه به محتاج دعوالرده احضاری معاملات

حساب کوریلسنه ویا قلم قلم تدقیقه محتاج دعوالرده حاکم رأساً ویا خود ایکی طرفدن برینک طابیله دلیللرک اقامه سندن اول احضاری معامله اجراسنی امر ایده بیلیر .

تحقیقات ایچون تعیین ایدیه جک جلسده ایکی طرف شفاهاً وتفصیلاً بیان ایتدکاری حساب وقلملر حقنده ایضاحات ویریرلر. تحقیقات حاکمی بوباده ایکی طرفک مطابق قالمالرینه چالیشیر. ایشنه کوره یانسه برمتخصصده الایلیر ؛ وآلینی متخصصی ایکی طرفه بیلدیریر . ایکی طرف حاکم طرفدن امر اولونان وثیقه لری وحساب ورقه ویا دفترلینی ابراز ایتمهک مجبوردرلر .

قانون تجارتک ۷۷ و ۷۸ نجی ماده لری موجبنه برده انک انای محاکمه سنده یالکز مسئله منازع فیهایه متعلق قیودک صورتی اخراج اولونمق اوزره محاکمه رأساً ویا احد طرفینک طلبنه بناء بونلرک برینه ویا هر ایکسنه عائد دفاتر واوراق تجاریه نک ابرازینی امر ایده بیلیر . ابرازینه قرار ویریلن دفاتر و مکتیب تجاریه دعوائی رؤیت ایدن محکمه دن باشقه بر محکمه نک دائره قضاسی داخلنده بولنور ونقل و ابرازنده صعوبت ومشکلات اولور ایسه بونلرک ابرازینی مستلزم اولان قیود متعلقه سی بالتدقیق بر قطعه صورتی استتساخ و قیود مذکورده نک احوال و کیفیاتی حقنده لزوم کوریه جک ایضاحاتی حاوی برده ضبط ورقه سی تنظیم وارسال ایدیلک اوزره دفاتر و مکتیب تجاریه نک بولوندینی محله دعوائی تجاریه نک رؤیتیه مکلف محکمه به بر قطعه استنباه ورقه سیله حواله کیفیت اولور .

اصول حقوقیه نك ۲۲۷ نجی ماده سی وجهله حاكم نقلی، مشکل دفتر وثیقه لری، استثناء بولون دقلری مجلد دهخی تدقیق ویا بوصلا حیثینی انتخاب ایده جکی اهل وقوفه تودیع ایده بیلیر. اهل وقوفك طرفینه بیلدیر یلسی لازمدر.

مجبوری دفاتر تجاریه قانون تجارتیه کوره : ۱ - موجودات وموازنه دفتری،
۲ - یومیه دفتری، ۳ - قوبیه دفترندن عبارتدر.

آنونیم شرکترلر، بودفترلر دن ماعدا حصه داران دفتری، هیئت عمومیه مذاکرات دفتری، مجلس اداره مقررات دفتری ده طوتمغه مجبوردر لر.

تحويلات چیقاران شرکترلر، تحویلاتك قیدینه مخصوص دفتر طوتمقله مکلفدر لر.

قوئوپه راتیف شرکترلر، شرکا دفتری نامیلر بردفتر طوتمق مجبوریتنده در لر. عائله شرکت اموالنده کی دفترده بوقیلنددر.

رؤیت محاسبه ده ایکی طرفك ویره جکلری شفاهی ایضاحات دیکله نوب کوستریلن اوراق ودفترلر تدقیق اولونارق مطابق قالدقلری ویا اختلاف ایتدکلری جهتلر یازیلور. بوندن صوکره تحقیقاته اصولاً دوام اولونور.

حاکم طرفندن باشقه صورتله معامله یا پلماسی تنسیب اولونان حاللر یعنی دوسیه به کیرمسی ممکن اولمایان دفاتردن ایجاب ایدن استنساخلر آلمقله اکتفا اولونماسی حالی مستثنا اولمق اوزره ابراز اولونان وثیقه ضبطنامه به قید ایدیلکله برابر دوسیه بنده صاقلانیر.

رؤیت حساب ایچون متخصص ویا اهل وقوف

انتخابنه دائر قرار

ایجابی تأمل اولوندی. بالق بازارنده ... نومرولی دکانده اونجی اصنافندن ... طرفندن ... محکمه اصلیه سی تجارت دائره سنه ویریلوب طرفزه لاجل التحقیق

تودیع اولونان عرضحالده ... ده مقیم فرونجی اصنافدن ... ذمتنده برسنه دن
بری بیع وتسلیم ایلدیکی معلوم المقدار اون ائمانندن یوز یکرمی بشبیک غروش
آلاجنی اولدینی ادعا اولونماسی اوزرینه اوراق ولوایح تعاطی وتبلیغات ایفا
اولوندقدن صوکره دعوتیه ورقلرنده معین ... کونده طرفین بالذات کلهرک
تحقیقاته مبادرت اولوندقدن مدعی مرقوم مطلوباتی دفترینه استناد ومدعی علیه
مقدار وفیئانه سرد اعتراضله برابر ائماننه مقابل بر چوق مدفوعاتی اولدینی
مدافعه درمیان ایلمش طرفینک بیاناتی قطعی بر صورتده هنوز غیر مصحح
اولوب تصحیح وتوضیحی رؤیت حسابیه متوقف بولونمش اولماسندن دولایی
رؤیت حسابیه دعوانک مسائل مادیه سنی اعداد ایلمک اوزره بر ویا اوچ میز
ویاحساب متخصی تعیینی طرفینه تکلیف قیلماسی اوزرینه امر انتخابلرنده اتفاق
ایده مهملرینه مبنی حقوق دعوالری اصول محاکمهری قانوننک ۲۲۶ و ۲۲۷ نجی
ماده لرینه توفیقاً توتون انحصاری محاسبه شعبه سی میزلرندن وحسابات تجاریه
متخصصلرندن ... بکک نصب وتعییننه ومذکور دفترلرک محکمه یه جلبی متعسر
اولدیغندن مدعینک یازیخانه سنه ... کونی کیدیلهرک طرفینک ارانه ایده جکلری
دفترلر اوزرنده حسابانک تدقیقله راپور تنظیمنه قرار ویریلهرک طرفینه تبلیغ
ایلدی .

سا سنه

تحقیقات حاکمی

...

متخصصک راپوری نمونه سی

استانبول محکمہ اصلیه سی الکنجی تجارت دائره سنده تحقیقات

حاکمی ... بک افندی به

... ده مقیم ... ک ... ده مقیم ... ذمتنده بر سنه دنبری بیع ایلدیکی
معلوم المقدار اون ائمانندن یوز یکرمی بشبیک غروش آلاجق دعوی ومدعی
علیه مقدار وفیئاتی قبول ایتمه کلکه برابر ائماننه مقابل بر چوق تسلیماتی اولدینی
دفعاً بیان ایتمسندن ناشی طرفینک بیاناتی قطعیتله هنوز غیر مصحح اولدیغندن

طرفینک مدعیاتنک تثبیت و تعیینیه رؤیت حساب ایتمک و نتیجه مستحصله‌ینی
 باراپور عرض ایلک اوزره طرف عالیبردن متخصص میز انتخاب اولوندیغمدن
 ... کونی ساعت ... ده بالی بازارنده ... مغازه به کیدیلهرک عقد ایدیلن مجلسده
 مدعی مزبورک افاده سی ضرورولدقده یدنده کی دفتر موجبنجه مدعی علیه ...
 افندی به ۱ کانون ثانی ۹۲۶ تاریخندن ۱ کانون ثانی ۹۲۷ تاریخنه قدر بیع وتسليم
 ایلدیکی برنجی نوع اوندن هر چوالی ... قیه دن اولقی اوزره ... چوال
 دروننده ... قیه عتیق یرلی اون صادیغنی و بونک ۱ کانون ثانی ۹۲۶ دن ۱ نیشان
 ۹۲۶ به قدر قیه سی ... غروشدن اولقی اوزره ... قیه و ۱ اغستوس دن ۱
 تشرین ثانی ۹۲۶ ه قدر ... غروشدن ... قیه و ۱ تشرین ثانی ۹۲۶ دن ۱
 کانون ثانی ۹۲۷ ه قدر قیه سی ... غروشدن ... قیه مقدارنده اولدیغنی بناء علیه
 شو حساب اوزرینه اثمان میبعه ... غروشه بالغ اولوب مشتری مدعی علیه
 تواریخ مختلفه ده مجموع تسلیاتی ... غروشدن عبارت اولدیغندن بعدالتنزیل
 ذمتنده حالا یوز یکرمی بشیک غروش دها مطلوبی اولدیغنی افاده ومذکور
 دفتری ابرازوارائه ایلدی. لدی التدقیق مذکوردفترک اصولنه موافق طوتولدیغنی
 وکاتب عدلن مصدق اولدیغنی کوریلدی. مدعی علیه دیه چکی ضرورولدقده
 هرچوالده مدعینک بیان ایلدیکی قیه لردن اوچر قیه نقصان اولدیغنی ۱ اغستوس
 ۹۲۶ دن ۱ تشرین ثانی ۹۲۶ ه قدر اون فیئاننده تنزل واقع وتسمیه سی آکا
 مستند بولوندیغنی و آندن مقدمکی ایلرک پیاسه فیئاننه مماثل اولدیغندن زیاده تسمیه
 ثمن ادعاسنی کلیاً انکار ایلکله برابر صورت مدافعه سنه نظراً ذمتنده مدعی به
 اولان بورجی ... غروشدن عبارت اولقی لازم کلوب مدعینک قبول ایلدیکی
 تسلیاتدن ماعدا ۵۵ تشرین اول ۹۲۶ ده ... ده مقیم و دکرمنجی ... ه بالامر
 والقبول تأدیه ایلدیکی ... غروشی ده تسلیاتنه ضم اولوندقده اصلاً بورجی
 قالمایاجغنی سولیشدر. مدعی علیه ارائه ایلدیکی دفتر غیر مصدق وغیر منتظم
 اولدیغنی کورولمشدر. مدعی مقدار و اثمانی حقنده کی مدعیاتنده اصرار ایلدی.
 آنک مدعیاتی منتظم دفترندن مخرج خلاصه حسابیه سی تأیید ایتمکده در.

مدعی ... دکر منجی به ... پاره تأدیہ سی حقنہ مدعی علیہ بر کونا امری واقع اولمادیغنی سویلہ رک دفع مذکورى انکار ایلمشدر . عندالتکلیف صلحه رغبتلى اولمایوب ادعالرنده مصر بولوندقلری آکلاشلمشدر .

نتیجه : تدقیق اولونان دفتر مدعینک افاداتی مؤید اولوب حل مسئله ضمنده مدعی علیک ، دکر منجی ... مدعینک امریله تأدیاتی اثبات ایله مسی وهرچوالک قاجرقیه اون احتوا ایلدیکنک اهل وقوفدن صورولماسی واولکی اوج آی زماننده کی اون فیئاتلرینک ذخیره بورسه سندن استفساری صورتیله حل مسئله ایذیک لازم کله جکی مطالعه اولونمقده ایسه ده بوایکی جهتک حلی ذات عالیترینه عاند اولمغله تنظیمنه مأمور اولدیغم اشبو راپوری ضبطنامه شـکنده تنظیم وایکی طرفک حضورنده بعدالقرائه امضا ایلدک . س س

مدعی علیه	مدعی	ممیز
...

دلیلر واقامه سی

بر دعوائی ویا مستنداتنی مدعی علیه و دفع دعوائی ویا مستنداتنی مدعی یا اقرار یا خود انکار ایله. چونکه سکوت ایجاب حاله کوره و حاکمک خطاری اوزرینه یا اقرار یا خود انکاره انقلاب ایدر. و سکوتده اصراری حاکم، موضعنه کوره بیان و اقرار تلقی ایدر.

اقرار، کرک طرفیندن بری کرکسه وکیلاری طرفندن واقع اولسون دعوی اورا قنده موجود ویا حاکم حضورنده واقع ایسه معتبردر؛ و مقر اولان طرف علیه دلیل تشکیل ایدر. فقط بو اقرار اهلندن صادر اولماز ویا مقر بهله متناقض اولور ویا ظاهر حال ایله مکذب یا خود عقلاً ویا عادتاً غیر محتمل ایسه مؤثر اولمایاجنی کی مادی برخطادن نشأت ایله یکی ثابت اولور ایسه دلیل تشکیل ایتمز. نکاح و طلاق کی طرفینک آرزوسنه تابع اولمایان دعوالده اقرار مؤثر اولماز. صلح مذاکره سی اثناسنده سبق ایدن اقرارده معتبر و مؤثر اولماز و ضبطده کچیریلز. محکمه خارجنده کی اقراری تأیید ایدر جک أمارات موجود ایسه حاکم نظر دفته آلاق آکا بنای حکم ایدر بیلیر.

اقرار، مادی بر خطادن نشأت ایله یکی ثابت اولما دجه مقر اقرارندن رجوع ایدر منز.

683

اصول محاکمه حقوقیه ده یوق ایسه ده تجارت قانوننک ۶۸۱ نجی ماده سنده محرر اولدینی اوزره اقرار تجزی قبول ایتمز. بناء علیه مدعی علیه کرک محکمه خارجنده و کرک حضور حاکمه وقوع بولان اقراری تضمن ایدن

افاده سنک هیئت عمومیه سی تماماً قبول ویا تماماً رد ایدیلک لازمدر . بوماده دن آکلاشلدیغنه کوره برطرف اقرارینی بعض اوصاف وشرائط وقیود ایله مقربه ربط ایلمش ایسه دیکر طرف یا اولدینی کبی قبول ویا عکسنی اثبات ویا خود اقرار مذکوره استناددن صرف نظرله اساس دعوائی اثبات ایدر .

مثلاً بشیوز لیرا آلاجق دعواسنه قارشى مدعى علیه بورجم یوقدر؛ چونکه مبلغ مذکورى تسویه ایتدم دیمش ایسه مدعى علیه بودفعنی اثبات ایتمز ایسه مدعى ضمیمه کی اقرارینه بناءً مدعاهک تحصیلنی طلب ایده مز . مدعى عامک اقراری نظر اعتباره آلتیق لازم کلسه هیئت عمومیه سندن تفریق ایتک لازم کله جک ، حالبوکه [بورجم یوقدر چونکه ویردم جوابی] کل اولارق ذمتی نفی وانکار ماهیتنده در . مدعیسی یا عکسنی یا خود اساس دعواسنی اثبات ایتک مجبوریتنده در . زیرا مدعى علیه صمیمی اولارق بورجم یوقدر چونکه ویردم دیمشدر . ویردیکندن بحث ایتیرهک یالکز [بورجم یوقدر] دیمش اولسه یدی مدعى اثبات مدعا ایله نصل مکلف ایسه بونده ده اولیه اولق لازم کلیر .

اقرار صریح وواضح اولمالیدر . فقط برطرفک بیاناتک هیئت مجموعه سی مدعاهک وقوعنه صورت قطعیه ده دلالت ایدر وباشقه دورلو تفسیر وتوجهیه ده امکان یوق ایسه اقرار ضعیفی ایلده حکم جائزدر . بوجهت حاکمک تقدیرینه مفوضدر .

دعوی ویا دفع دعوائی مدعى علیه ویا مدعى انکار ایدر ایسه قانون مدینک آلتنجی ماده سی موجبینجه هربری مدعاسنی اثباته مجبوردر .

بیاناتک ال قوتلیسی قضیه محکمه در . قضیه محکمه دیمک بر دعوی حقنده ویریلن حکمک یا طرق قانونیه دن مرور ایله یاخود طرق قانونیه مدتلرینک

گذرانيله کسب قطعیت ایتمسیدر . برحق ادعا ویا مدافعه ایچون دلیل اولمق اوزره بر قضیه محکمه سرد ایدیه بیلیر . قضیه محکمه‌ده کی طرفین ودعوی ايله دردست رؤیت اولان دعوی بر و سبب متحد ایسه بو قضیه محکمه سرده صالح اولور .

دلیل ؛ دعوانک حلنه تاثیر ایده بيله جک منازعه لی خصوصاتی و خلاف ظاهری اثبات ایچون اقامه و ابراز اولونور . معروف و مشهور اولان ویا اقرار اولونان خصوصلر منازعه لی صایلماز و ظاهرک اثباتنه محل قالماز .

دلیل اقامه سيله مکلف اولان ویا مشهور و معروف بر وقعه یه استناد ایدهن طرفک ، ادعاسی خلافی اثبات ایچون خصصی دلیل اقامه ایده بیلیر ایسه ده مجرد بو طلیله بینک کنديسنه متوجه اولدیغنی قبول ایتمش عد اولونماز .

محکمه اعلاملریله کاتب عدلارجه رأساً تنظیم اولونان سندلر ساخته لیکی و صلاحیتدار مأمورلرک صلاحیتلری داخلنده اصولنه توفیقاً تنظیم ایتدکلری وثیقه لر خلافی اثبات اولونجه یه قدر دلیل قطعی تشکیل ایدر . شو قدرکه محکمه اشبو اوراق حقنده شه یی موجب حاللر کوریر ایسه دائره سندن ایضاحات ایسته بیلیر . اص ۲۹۵ اصول حقوقیه نک بو ماده سی قانون مدینک مطلق اولان یدنجی ماده سی محکمه اعلاملری و کاتب عدلارک رأساً تنظیم ایتدکلری سندلر حقنده تقید ايله مش اولویور .

قانونک تعیین ایلدیکی حاللر مستثنا اولمق اوزره حاکم اقامه اولونان دلیللری سربسته تقدیر ایدر . شو قدرکه قانونک معین بر دلیل ايله اثباتی امر ایلدیکی خصوصلر باشقه صورتله اثبات اولونماز . مستثنا و معین حاللر بروجه آتیدر :

۱ — احوال شخصییه ، بوکا مخصوص سجل قیدلریله اثبات اولونور . ق م ۳۵

۲ — غایه اقتصادی یی حائر جمعیتلرله شرکتلرک شخصیت حکمیه سی سجل

ایله تعیین ایدر . ق م ۴۵

۳ — تأسیس [یعنی وقف] رسمی بر سنده یاخود وصیتنامه ایله ثابت اولور . ق م ۷۴

۴ — أولهنه لر ، أولهنه کاغدی و بلدیہ سجلیله قابل اثباتدر .

ق م ۱۱۰ و ۱۱۱

۵ — بوشانه لر ، محکمه اعلامیله قابل اثباتدر . ق م ۱۵۰

۶ — قاری قوجا ماللری آراسنده اورتاقلق وشخصی ماللر حقنده قبول ایتدکاری اصوله دائر یاییلاجق مقاوله لر شخص ناله قارشى مؤثر اولایلمک ایچون قوجانک اقامتکاهنده کی کاتب عدله تسجیل و اعلان ایتدیریلک لازمدر . ق م ۲۳۷

۷ — چوجوغک أولهنه عقدندن اعتباراً یوز سکسان کوندن آز بر مدته دوغدینی یاخود قادینک کبه قالدینی زمانده قوجاسندن آریلغنه حکم ایدیلش اولدینی تبیین ایدهر ایسه قوجا رد دعواسنده باشقه بینه اقامه سنه مجبور دکلدر .

۸ — اولاد ایدینه ، اولاد ایدینه نک اقامتکاهی حاکمک مساعدہ سی اوزرینه یاییلاجق رسمی برسندک دوغوم قیدینه کچیریلسیله قابل اثباتدر . ق م ۲۵۶

۹ — طایفه ، رسمی سند ویا اولومه باغلی تصرفله یعنی وصیتنامه ونفوس شرحی ایله قابل اثباتدر . ق م ۲۹۱

۱۰ — بابالق دعواسی دوغومدن اول اوچیوزنجی کون ایله یوزسکسانجی کون آراسنده مدعی علمک ، چوجوغک آناسیله مناسبت جنسیه ده بولوندیغنک ثبوتی بابالغہ قرینه تشکیل ایدهر . مکرکه بابالغی حقنده جدی شهره لر اوایندیراجق حاللر اوله . ق م ۳۰۱

۱۱ — عائله شرکت اموالی ادعاسی ، جمله سنک ویا ممثلترینک امضالینی حاوی رسمی بر سنده قابل اثباتدر . ق م ۳۲۴

- ۱۲ -- عائله یوردینک تاسیسی محکمه نك مساعده سنه مستند طاپو سجلی واعلان ایله قابل اثباتدر . ق م ۳۴۰
- ۱۳ -- اشخاص ثالثیه قارشى محجوریت ادعاسی محکمه نك اعلانیله قابل اثباتدر . ق م ۳۶۰
- ۱۴ -- قاصره اذن ، محکمه قراريله قابل اثباتدر .
- ۱۵ -- وصایتک ختامی ، رفع محجوریت و رفع ماذونیت محکمه نك اعلانیله قابل اثباتدر . ق م ۴۲۲ و ۴۱۷
- ۱۶ -- وصیت رسمی سند ایله ویا وصیت ایده نك آل یازیسیله واولوم تهلیکه سی ، مناقلاتک انقطاعی ، بولاشیق خسته لق ، حرب کبی فوق العاده حالردن دولانی آل یازیسیله ویا رسمی شکلده وصیتنامه یابامایان کیسه نك شفاهی وصیتنده حاضر بولونان اهلیتی حائز شهودک شهادتیه قابل اثباتدر . ق م ۴۷۸
- ۱۷ -- میراث مقاوله سی آنجق رسمی وصیت شکلنده تنظیم ایدیش بر سندله قابل اثباتدر . ق م ۴۹۲
- ۱۸ -- رد میراث ، صلح محکمه سنك سجلی قیدیه قابل اثباتدر . ق م ۵۴۹
- ۱۹ -- میراث حققرینک تملیکنه متعلق میراثچیلرک بربريله عقد ایده جکی مقاوله لرله آنا یاخود بابانک متوفا قاری وقوجاسندن اولان چوجوقلریله بوجوجوقلره متوفادن اصابت ایده نك حصه نك تملیکنه متعلق عقد ایده جکلری مقاوله نك تحریری اولماسی شرطدر . ق م ۶۱۲
- ۲۰ -- غیر منقولده تملیکی تصرف حق طاپو سجلی قیدیه قابل اثباتدر . ق م ۶۳۳
- ۲۱ -- غیر منقولده نقل ملکیت ایچون طاپو سجنلک اساسی ، بر سند رسمییه مستند اولمق لازمدر . ق م ۶۳۶

۲۲ -- هر كسه قارشى حق شفعه واشترا و وفا حقلى طابو سجلیله قابل اثباتدر . ق م ۶۵۸ و ۶۶۰

۲۳ -- دائمی حق مرور طابو سجلیله قابل اثباتدر . ۶۷۲

۲۴ -- ارتفاق حقلى عقد رسمى به مستند طابو سجلیله قابل اثباتدر .

ق م ۷۰۴

۲۵ -- منقولده بیع ایله برابر ملکیتی محافظه ادعاسی ، منقولى آلاک کاتب عدلنده تصدیق وتسجیل ایدیلنس برمقاوله ایله قابل اثباتدر . ق م ۶۸۸

۲۶ -- غیرمنقول مکلفیتی ادعاسی ، طابو سجلیله قابل اثباتدر . ق م ۷۵۵
حقوق عامه به متعلق غیرمنقول مکلفیتی تسجیله تابع اولمایابیلیر .

۲۷ -- ایپوتهك ویا ایپوتهكلى بوج سندی و ایراد سندی شكللى خارجنده غیرمنقول رهنى اولاماز . ق م ۷۶۵

۲۸ -- غیرمنقول رهنى عقد رسمى به مستند طابو سجلیله قابل اثباتدر .

ق م ۸۷۱

۲۹ -- ایپوتهكلى دین سندنده طابو مأموریه صلاحیتدار حاکم امضاسی اولق شرطدر . ق م ۸۲۶

۳۰ -- غیرمنقول قارشیلق کوستریلهك اخراج ایديلهك سندانك قانون مدینك ۸۴۴ و ۸۴۵ و ۸۴۶ و ۸۴۷ و ۸۴۸ نجی مادهلری احکامی دائره سندمه اولماسی لازمدر .

۳۱ -- سند به ربط ایدیلن آلاچقلى رهنى تحریری اولق لازمدر .

ق م ۸۶۹

۳۲ -- سندات تجاریهك رهنى ، تملیکی افاده ایتمهین جیرو ایله قابل اثباتدر . ق م ۸۷۰

۳۳ -- قانوناً تحریری اولماسی لازم اولان بر عقدك تعدیلی ده تحریری اولق لازمدر . بوجرلر قانونی ۱۲

۳۴ -- ایکی طرف قانوناً شکل مخصوصه تابع اولمایان بر عقدك خصوصی بر شکله. یا پیلماستی قرارلاشدرمشلر ایسه عقد تقرر ایدن شکله یا پیلمادجه ایکی طرف بونکله التزام اولوناماز . بو ۱۶

۳۵ -- تمليك مطلوب شكل تحریری ایله قابل اثباتدر . بو ۱۶۳

۳۶ -- مقاوله دن متولد شفعه حقك طرف دیگره قارشى اثباتی ایچون شکل تحریری کافیدر . بو ۲۱۳

۳۷ -- غیرمنقولك ویا دیگر بر عینی حقك هبه‌سی طاپو سجلیله قابل اثباتدر . بو ۲۳۷

۳۸ -- حاصلات ایجارنده آلات ، حیوانات ، ذخیره‌ك تسلیمی ادعاسی مشترک طوتیلان دفتر ایله قابل اثباتدر . بو ۲۷۱

۳۹ -- کوچوکلر و محجورلر ایله یا پیلان چیراقلق مقاوله‌سی تحریری اولق شرط اولدینی کبی اوسته ایله ولی ویا صلح حاکمك موافقیله وصی طرفدن امضا ایدیلش اولمادجه معتبر اولماز . بو ۳۱۸

۴۰ -- رقابت ممنوعیتی ، تحریری بر مقاوله ایله اثبات اولونابیلیر . بو ۳۵۰

۴۱ -- اعتبار امرنده ، آمری مسئول ایدهبیلک ایچون امرك تحریری اولماسی لازمدر . بو ۴۰۰

۴۲ -- کفالتلر شکل تحریری ایله قابل ثبوتدرلر . و کفالتنامه لر ویا شرحلرنده کفیلک مسئول اولاجنی معین بر مقدار ارانه ایدیلهمش ایسه کفالت صحیح اولماز . بو ۴۸۴

۴۳ -- قید حیات شرطیله ایراد تأسیسی ادعاسی آنجق تحریری شکله قابل اثباتدر . بو ۵۰۸

۴۴ -- قید حیات شرطیله باقق مقاوله‌سی ، ارث مقاوله‌سی شکله تنظیم ایدیلش رسمی برسندله قابل اثباتدر . فقط بومقاوله دولتجه طائمش بر مؤسسه ایله عقد ایدیلش ایسه غیر رسمی بر سند کافیدر . بو ۵۱۲

۴۵ — قانوناً سبجل تجارتہ تسجیل ایدیلسی مقتضی خصوصیات صورت خصوصیه ده اعلان ایدیلش اولسه دخی اوچنجی شخصلره قارشی مؤثر ودلیل اولاماز . مکرکه اوچنجی شخصلک اطلاعی اثبات ایدیلش اوله . تجارت قانونی ماده ۳۹

۴۶ — بر عنوان ، سبجل واعلان ایله اثبات اولونابیلیر . ت ۴۲

۴۷ — آنونیم ولیمتید شرکتهلک تشکلی حکومتک رخصته متوقفدر .

۴۸ — قوئوبه راتیف شرکتهلک تشکلی رأساً کاتب عدل طرفندن تنظیم ایدیلش بر مقاوله ایله اثبات ایدیله بیلیر . ت ۴۷۸

۴۹ — سندات ممتازہ تجاریه نك عدم قبول وعدم تأییه سی کاتب عدل معرفتیه تبلیغ ایدیلش بر پروتستونامه ایله قابل اثباتدر . ت ۵۶۸

۵۰ — تجاری بر تعهدک عدم ایفاسی بر پروتستو ویا تعهدلی مکتوبک مقبوضی ایله اثبات اولونور . ت ۶۴۳

۵۱ — رهن تجاریده مرهون اشیانک مقابلی دین الی لیرانی متجاوز ایسه اوچنجی شخصلره قارشی مرهونیت ادعاسی رهن سندینک کاتب عدل طرفندن مصدق اولماسنه متوقفدر . ت ۷۵۷

۵۲ — حساب جاری مقاوله سی بینہ شخصیه دن غیری هر دورلو بینات تجاریه ایله اثبات اولونور . ت ۷۹۲

۵۳ — عمومی مغازه لره تودیعات ، مقبوض سندی واران ایله اثبات اولونور .

۵۴ — سیغورطه عقدی ، سیغورطه پولیچه سی دنیله ن بر مقاوله نامه ویا آنک مقامنه قائم اولمق اوزره ویریلن موقت علم وخبرله اثبات اولونور . ت ۹۶۴

۵۵ — دعوايه وکالت آنجق کاتب عدله مصدق رسمی سندله اثبات اولونابیلیر . ا ص ۶۵

۵۶ -- بر حق احدث ، نقل و تحویل ، تجدید ، اقرار ، اطفاء و اسقاط مقصدیله اجرا ایدیلان بالجمله تصرفات زمان و وقوعنده کی مقدار و یا قیمتی بشیك غروشی تجاوز ایتدیکی تقدیرده سندله اثبات اولونمق لازمدر . ا ص ۲۸۸

۵۷ -- سندله اثباتی اقتضا ایدن تصرفلرک مقدار و یا قیمتی استیفا و ابرا کی مهرانکی بر سبيله معین حدك دوننه تنزل ایتسه دخی ینه سندسز اثبات اولوناماز . ا ص ۲۸۹

۵۸ -- سندله مربوط اولان هر نوع دعوالره قارشی در بیان اولوناجق مدافعه لر ایله سندك تنظیمدن اول و یا تنظیمی صیراسنده و یا صوکره بونك حکم و قوتی تنقیص ایده بيله جك تصرفات و بیانات ، بش بیک غروشدن از بر مبلغه تعلق ایتسه دخی شاهدله اثبات اولوناماز . ا ص ۲۹۰

قانونك تعیین ایتدیکی استئنالدن ماعدا حاللرده یعنی استنباهیه لزوم کورلمه ین و یا لمعذرة محکمه یه کله مین و کتیر یله مین شاهد و دلیلک محلنده استماع و تدقیق مستثنا اولمق اوزره دلیلر ، حاکم حضورنده استماع و تدقیق اولونور . و محکمه ده و یا خارجه ده اجرا اولونان تدقیق و استماع شهود کی معامله لر تفصیلاً ضبط نامه یه یازیلور .

شاهد و اهل و قوفله ادعاسی اثبات ایده جك طرف اول امرده هانکی خصوصه دائر بونلرک استجواب اولوناجق لرینی تعیین ایله مکفدر .

ایکی طرف استناد ایتدکلری بالعموم وثیقه لر ی مفردات بوصله سی ایله برابر محکمه قلمنه ویریر ؛ بونلردن حاکم طرفندن تدقیقه شایان کوریلنلری دوسیه سنه وضع ایله دیکر لری اعاده اولونور .

ابرازینه قرار ویریلن وثیقه ، ابراز ایده جك طرف یدنده بولونمایور ایسه اصول حقوقیه ده کی احکامه توفیقاً جلب و تدقیق اولونور . تحقیقات حاکی ایجابنه کوره وثیقه نك دیکر بر محکمه معرفتیه تدقیقه ده قرار ویره بیلیر .

ایکی طرفدن هر برینک اتیان ایدیلکی دلیلر ممکن اولدینی قدر علنی جلسه ده تدقیق اولونور . بوصورتله تدقیقاتک اکیلی ممکن اولماز ایسه اکیلی ایچون ایجاب ایدن جلسه لری حاکم تعیین ایدر .

اقامه و بیان اولنان دلیللرک تماماً استماع و تدقیقندن صوکره هنوز تحقیق ایدیله مش اولان دعوانک دیگر قسملری ایچون حاکم موافق کوریر ایسه ایکی طرفدن هر بری یکی دلیل ابراز واقعه ایدیهیلیر .

قانون تجارت احکامنه کوره مواد تجاریه ده و قانون تجارتده خلاقی مصرح اولمادیقی تقدیرده حاکم ، قوانین عمومیه نک قبول ایتمش اولدینی اسباب حکمدن باشقه مدعا بهک مقداری نه اولور ایسه اولسون شهادت و قرائن و اماراتدن متحصل قناعته بنای حکم ایدیهیلیر . وسندله اثباتی قانوناً لازم کله من تجاری بر خصوصه دائر تنظیم اولونان بر سند ویا مقاوله نامه ده مسکوت عنه قالان جهتلر حقه ده کذلک شهادت وقرینه و اماره دن متحصل قناعت ایله حکم ایدیهیلیر .

برسند تجارینک مدیونه اعاده سی ، خلاقی ثابت اولمادیقی حالده بدلتک تأدییه ایدیلدیکنه دلیل عد اولونور .

و بر فاطوره بی صراحة ویا ضمناً قبول ایدن کیمسسه آنک مندرجاتی ده قبول ایتمش عد اولونور . بر فاطوره بی آلان کیمسسه آلدینی تاریخدن اعتباراً سکز کون ظرفنده مندرجاتی حقه ده براعتراض درمیان ایتمه مش ایسه مندرجاتی قبول ایتمش عد اولونور . ت ۶۷۸ ، ۶۷۹ ، ۶۸۰ ، ۶۸۱ و ۶۸۲

معاملات تجاریه دن دولایی بین التجار تحدت ایدن اختلافانده دفاتر تجاریه معین شرائط دائره سنده اسباب ثبوتیه مقامنده قبول اولونا بیلیر .

تعریفات قانونیه موافق ویا غیر موافق صورتده طوتولمش اولان مجبوری دفاتر تجاریه مندرجاتی صاحبی و خلفلری علیهنه دلیل اولابیلیر . فقط دفاتر مذکورده صاحبی لهنه اولان قیود دخی علیهنده کی قیود کی معتبر اولوب یکدیگرندن تفریق ایدیله من .

تعریفات قانونیه موافق اولارق طوتولان دفاتر تجاریه مندرجاتی صاحبی لهنه دلیل اتخاذا اولونابیلیر . فقط طرف خصمک کذلک قانونه موافق صورته طوتولان دفاتر مندرج قیود بوکا مخالف اولور یاخود مستند ادعا اولان قیدک خلافی وثائق ودلائل معتبره سائره ایله اثبات ایدیلیر ایسه قید مذکورک قوه ثبوتیه‌سی ساقط اولور .

طرفیندن برینک دفتری غیر موافق اولور ویا هیچ دفتری بولونماز ویا ابراز ایتک ایستمز ایسه دفتری منتظم اولان تاجرک دفترده کی قیود ، دفتری غیر منتظم اولان ویاخود هیچ موجود اولمایان ویا ابراز ایتک ایستمه‌مین طرف علمنده دلیل اولابیلیر .

فقط علمنده دلیل اتخاذا اولونان قیدک خلافی طرف خصم دلائل معتبره ایله اثبات ایلر ایسه منتظم دفترده کی قیدک قوه ثبوتیه‌سی ساقط اولور .

طرفیندن بری خصمک دفاتر تجاریه‌سی مندرجاتی قبول ایده جکی حضور محکمه‌ده بیان وتعهد ایتش ایکن خصمی دفاتر تجاریه‌سی ابرازدن امتناع ایده ایسه محکمه طالب ابراز اولان طرفه ادعا سنک صحتنی تأیید ضمنده بر یمین توجیه ایده بیلیر .

محکمه موافق قانون اولارق طوتولان دفتر مندرجاتی صاحبی لهنه سند اتخاذا ایده جک اولدقده اکمال قناعت و تأمین وجدان ایچون اوقیدک دوغری اولدیغنه ومدعا بهک حالا مدعی علیه ذمتنده واجب الایفا حتی بولوندیغنه دائر صاحب دفتر بهمه حال بر یمین متعم اجرا ایتدیریر . ت ۸۱ ، ۸۲ ، ۸۳ ، ۸۴ ، ۸۵ و ۸۶

بر عقدک شکل وشرطلرینی تعینده ایکی طرفک کرک سهوا کرک عقددن مقصد حقیقی بی کیزله مک ایچون قوللاندقلری تعبیرلر و اسملره باقیلما یارق اولنرک حقیقی ومشترک مقصدلرینی آرامق لازم کلیر . بو ۱۸

دلیللرک رد ویا قبولنه دائر تحقیقات حاکمک قراری

ایجابی تأمل ایلدم ؛ مدعی . . . ایله مدعی علیه . . . آراسنده متحدث دعوانک مولدی اولان لـ سنه تاریخیلی مبرز ومدعی عامیجه معترف مقاوله - نامه‌نک سکزنجی بندی مندرجاتنه نظراً . . . قیه تفتیک تسلیمنی تعهد ایدهن مدعی علیه ایله بوندن متولد هر هانکی دعواده بینه اولمق اوزره ارائه ایدیله‌جک سنداتک کاتب عدلدن مصدق اولماسی مشروط بولوندیغنه بناءً مدعینک ابراز ایلدیکی کاتب عدلدن غیر مصدق مقبوض سنداتنک طرف دیگر موافقت ایتدیکجه دلیل اولارق قبولنه حقوق دعوالری اصول محاکمه‌لری قانوننک ۲۸۷ نجی ماده‌سی مانع بولوندیغندن مقاوله مذکوره‌یه مخالف اولارق سرد و ابراز اولونان ادله مذکورنک ردینه قرار ویردم . لـ سنه تحقیقات حاکمی

. . .



شهادت

شهود شخصیه اقامه سنده جواز بولونان دعوالرده از جمله جرمدن متولد اولسون اولماسون تضمیناتی مستلزم فعللر ایله حالک ایجابنه وایکی طرفک وضعیتلرینه نظرآ سنده ربطی متعامل اولمایان معاملهلر وعقدلرده خطا، حیلہ، غبن وجبر واکراه وقوعی واصول وفروع، برادر وهمشیره وقاری قوجا وقائن پدر ووالده وداماد وکلین آراسنده کی معاملهلرله ناکهانی برحادنه ویا مجبر برسبب ایله سندک صاحبی یدنده ویاخود رسمی مأمور نزدنده ضایع اولدینی تقدیرده یانغین وقضای بحری و دشمن استیلاسی کی سند آلتنه آلتناسی غیر ممکن ویا متعسر حاللرده یاپیلان معاملهلر وشفاهی وصیت جائز اولان احوالده وصیتی اثباتده شاهد اقامه ایدہ جک اولان کیمسه اول آمرده بونلرک اسم و شهرت ومحل اقامتلیله هویتلرینی تعیینه مدار اولاجق اوصاف سائرلرینی محتوی لیستینی محکمه یه ویرمکه مکفدر . بولیسته ده کوستریله مش اولان کیمسه شاهد صفتیله استماع اولوناماز ؛ وایکنجی برلیسته ده قبول اولونماز .

شاهدلر علی الاصول کوندریله جک دعوتیه ایله محکمه یه جلب اولونور . دعوتیه ده ایکی طرفک اسملری وهانکی خصوصی اثبات ایچون محکمه یه چاغیرلدینی وهانکی کون وساعتده حاضر بولوناجنی یازیلور . تبلیغ، محاکمه کوندنن اول لاقول ایکی کون اول یاپیلمق لازمدر ؛ فقط مستعجل ایشلرده ده اول کلرینه قرار ویریله بیلیر .

غیرمنقوله متعلق دعوالرده وشاهدک ارايه صورتیله شهادتدن حقیقتک ده زیادہ ظاہرہ چیقاجنی مجزوم اولان دیگر حاللرده شاهدلرک محلنده استماعنه قرار ویریله بیلیر .

شاهد لر تحقیقات حاکمی طرفندن استماع اولونور . شاهد لر آیری آیری دیکله نیر و ایجابنده مواجهه اولونور . استماع ائناسنده اول امرده شاهد دن اسم و شهرت و سن و صفت و محل اقامتی و ایکی طرفه قرابتی اولوب اولمادیغی و وار ایسه درجه سی و شهادتنه اعتمادی سلب ایده جک بالجمله مناسبت و علاقہ لری صورلوب یازیلور . بوندن سو کره حاکم ، شاهی حقیقت حالی دوغری سولمکه تشویق و ایجاب حالنده کندیسنه یمین ایتدیریله جکنی اخطار ایدر . حاکم بالذات شاهد لری استجواب ایلر ؛ ایکی طرفدن هر بری شاهد ک شهادتی توضیح و اکمال ایچون لازم اولان یکی سؤل لری صور دیره بیلیر . بو سؤل لره وارد اولوب اولمادیغنده ایکی طرف اختلاف ایدر ایسه تحقیقات حاکمی بوکا در حال قرار ویریر . ایکی طرفدن هر بری دوغری دن دوغری به شاهد برشی صور مقدن و شاهد لرک افاده سنی کسمکدن و قولاً و فعلاً اونی تحسین و تزییف ایتمکدن ممنوعدر . خلافنه حرکت ایدن طرف ویا وکیلی حاکمک ایلک اخطارینه رغماً حرکتنده دوام ایدره ایسه حاکم آنی محکمه دن دیشاری چیقار تایلیر ؛ و ایجابنده اصولک ۷۰ و ۱۵۰ نجی ماده لرنده معین انضباطی تدابیر و تجزیه لرینی تطبیق ایدر .

شاهد بیلدیکنی شنها سولیر ؛ یازیلی نوط لر قوللانماسی ممنوعدر ؛ آنجق شاهد تاریخ لری و ورق لری تعیین ویا بعض خصوص لری تفصیل ایتک ویا خاطره سنی طوبلامق ایچون یازیلرینه باقمق مجبوریتنده اولدیغی حاکمه سولیر ایسه حاکم یازیلرینه باقاسنه ویا تعیین ایده جکی جلسه ده یکیدن استماعنه ویا خود تعیین ایتدیکی مدت ظرفنده معلوماتی تحریراً امضاسی آلتنده محکمه قلمنه ویرمسنه قرار ویره بیلیر . شاهد تورکجه بیلمز ایسه ترجمانه استجواب اولونور . صاغر و دیلسز اولان شاهد یازمق و اوقومق بیلور ایسه سؤل لر کندیسنه تحریراً بیلدیریلر و جواب لری یازدیریلر . یازمق و اوقومق بیلمدیکی تقدیرده حاکم کندیسنی اشارات مخصوصه سنی آکلایاجق اهل وقوف معرفتیه استجواب ایدر .

استشهادك ختامنده ايكي طرفدن بري جانبدن طلب واقع اولور ايسه ويا حاكم لزام كورير ايسه شاهده يمين ويريلير . حاكم شاهده « شاهد صفتيله صوريلان سؤالره ويريديككز جوابلرك حقيقته مخالف اولماديغنه و مشهودات و معلوماتكزدن برشي صافلاماديغكزه اللهكز و ناموسكز اوزرينه يمين ايدهر . ميسكز » ديه جك و شاهد دخي جواباً [اللهم و ناموسم اوزرينه يمين ايدهرم] ديه جكدر . شاهد يميندن امتناع ايدهر ايسه اسبابي سؤال ايديلهرك جوابي ضبطه يازيلور . شهادتي مجبوري اولان حالرده جوابدن ويا يميندن امتناع ايدهن شاهد درحال اون بش ليرايه قدر جزاي نقدي به محكوم ايديلهرك يكيدين استماع اولونمق اوزره محاكمه اعليلق اولونور ؛ ينه جوابدن ويا يميندن امتناع ايدهر ايسه او محكمه جه اون بش كوني تجاوز ايتمهك اوزره حبس ايديلير . اشبو حبس جزائي نتيجه لري توليد ايتمز .

هر شاهدك افاده سي ضبطنا يه يازيلوب حضورنده اوقوندقدن صوكره زيري كنديسنه امضا ايتديريلير .

حاكم شهادت ائناسنده شاهدك يالان سويله ديكي ويا منفعت تأمين ايدهرك شهادت ايتديكي حقدنه قوي دليل و اماره يه دسترس اولور ايسه درحال برضبط ورقه سي تنظيم و مدعي عمومي به توديع ايدهر . حاكم شاهدك و جرمدنه شريك لري وار ايسه آنلرك ده توقيفنه قرار ويره بيلير ؛ و تعقيبات قانونيه ياللق اوزره مدعي عمومي به سوق ايدهر .

خسته ويا معلول اولماسندن دولايي محكمه يه كله مهن شاهد ي حاكم اقامتكلا- هنده ديكلر . شاهدك استماعي صيراسنده مثلاً طرفيني كورمكله شاهدك تهيج ايله اشتداد مرضي موجب اولماسي كي مهم بر ملاحظه يه مبني حاكم طرفندن خلافنه قرار ويريئش اولمادقجه ايكي طرف حاضر بولونابيلير .

شاهدك ، بولونديني محل محكمه سي واسطه سيله ده استماعنه قرار ويره بيلير . بوتقديرده تعيين اولونان كون و ساعتده حاضر بولونمق ايجون شاهده او محل محكمه سي طرفندن تبليغات ياپيلور ؛ ايكي طرفده معلومات ويرييلير .

مستثناً حاللرده ایکی طرفک موافقتلری و حاکمک تنسیبیه تعیین اولونا جق مدت ظرفنده جوابلرینی تحریراً بیان ایتک اوزره شاهدیه بر سؤال ورقسی کوندریله بیلیر . بوصورتله معامله یا بیلماسی ، شاهدک ویره چکی جوابک حکمه کافی اولوب اولمادیغنی حاکمک تقدیر ایتسنه مانع اولماز .

هرهانکی شاهدک ، دعواده منفعی بولونمق کبی شهادتک دوغرو لغنده شهبی موجب اسباب اولور ایسه بونی ایکی طرفدن هربری ادعا و طعنی اثبات ایده بیلیر . زرده کی کیمسه لر شهادتدن امتناع ایده بیلیر لر :

۱ -- ایکی طرفدن برینک نشانیسی ؛

۲ -- آرالرنده اولیلک رابطه سی مرتفع اولسه بیله ایکی طرفدن برینک قاری ویا قوجاسی ؛

۳ -- ایکی طرفدن برینک نسباً ویا سبباً اصول و فروعی یا خود اوچنچی درجه یه قدر نسباً ویا کندیسیله صهریت حاصل اولان اولیلک رابطه سی مرتفع اولسه بیله ایکنچی درجه یه قدر سبباً جوار خیمیلر و آرالرنده اولادلق رابطه سی بولونانلر ؛

۴ -- مأموریت وصف و مسلک لری اعتباریله برینک سرینی بیله نلر .

فقط سر صاحبی موافقت ایدر ایسه امتناع ایده مزلر .

آشاعیده کی حاللرده هرهانکی بر کیمسه شهادتدن امتناع ایتک حققی حائزدر :

۱ -- شهادتی کندیسنه یا خود یوقاریده ۱ - ۳ نومرولرده کوستریله ن خیمیلرندن برینه دوغریدن دوغری یه مالی بر ضرری موجب اولور ایسه

۲ -- شهادتی ، کندیسنک ویا یوقاریده ۱ - ۳ نومرولرده کوستریله ن خیمیلرندن برینک شرف و حیثیتلرینی اخلال ویا حق لرنده تعقیبات جزائییه اجراسنی استلزام ایده ر ایسه

۳ -- مجرمیتی کندیسنجه ملتزم و صنعتنه عائد اسرارک افشاسنی مؤدی اولور ایسه .

يَمِينَسز استماع اولونانلر :

- ۱ -- استماعی اثناسنده اون بئش یاشنی اکمال ایتمهینلر ،
- ۲ -- قوای عقلیه وفهمیهلرینک تکمیل ایدمه مَسْنَدْن ویا حال ضعفده بولونماسندن دولایي يَمِينَك ماهیت ومعناسنی کافی درجهده تقدیر ایدمه مینلر ،
- ۳ -- مدت جزائیهلری ایچنده خدمت عامه دن ممنوع بولونانلر ،
- ۴ -- شهادتن امتناع حقلری اولوبده اشبو حقلرینی استعمال ایتمه یین یوقاروده کی درجهلری کچن اقربا ،
- ۵ -- بر طرفک دعوائی قازانماسنده حقوقی منفعی اولانلر ،
- ۶ -- شهادت زماننده ایکی طرفدن برینک اوند ویا تجارتخانه سنده انفاق ، اعاشه ، ویا استخدام اولونانلردر .

آلتینچی نومرونک بر استثناسی واردر . اوده تجارت بحریه قانوننک ۱۳۱ نجی ماده سنده محرر اولدینی اوزره نول امتعه نك عدد ، وزن وکیلی اوزرینه ایسه مقداری حمله نك تخلیه سنده استخدام اولمش اولان کیمسه لرك یمین تحتنده شهادتنامه لریله ده اثبات اولونه بیلیر .

شو قدرکه ادای شهادتن امتناع ایدمه بیله جك اولانلر ۱ -- حقوقی برتصرفده شاهد صفتیه حاضر بولوندریلش ایسه بوتصرفک اساسی و محتویاتی حقنده ۲ -- عائله افرادندن وقوع بولان دوغوم ، اولوم و اوله نمه وقعه لری حقنده ۳ -- عائله رابطه لرندن متولد مالی اختلافلر حقنده ۴ -- ایکی طرفدن برینک حقوقاً سلنی ویا مثلی صفتیه شاهدك بالذات اجرا ایلدیکی معامله لر حقنده شهادتن امتناع ایدمه مزلر .

دولت خدمتنده بولونانلرك مسـالـك سر یله مقید اولدقوری وقعه لر حقنده خدمتلرندن آیریلدقدن صکرده منسوب اولدقوری مقامك تحریری اذنی اولمادچه شاهد صفتیه استماع اولونمالری جائز دکلدر . بوماذونیت ، بویوک ملت مجلسی اعضای حقنده مجلس ، هیئت وکیله اعضای حقنده رئیس جمهور و بوندن

ماعدالری ایچون منسوب اولدقلری وکیل طرفندن ویریلیر . شهادت منافع دولته مضر کوریلدکجه اذن ویریلسمندن امتناع اولوناماز . بومأذونیت محکمه قراری اوزرینه مذکره ایله ایستینیلیر . اذن ویریلدکده شاهد جلب واستماع اولونور .

شهادتدن امتناع ایدن کیسمه ، امتناع سببی و دلیلی استماع ایدیلجکی کوندن اول کاتبه ضبط ایتدیرمک صورتیه شفاهاً ویا تحریراً محکمه یه بیلدیرمکه مجبوردور . امتناع سبیلرینی تحریراً بیان ایدن ویا کاتبه یازدیران شاهد معین کونده محکمه ده حاضر بولونمایایلیر . محکمه باش کاتبی کرک تحریری اولسون کرک ضبط ایدیش بولونسون شاهدک امتناع حقنده کی بیاتی ایکی طرفه تبلیغ ایدور . شهادتدن امتناع ایتیش اولدیغی بیلدیرمش اولان شاهدک بیاناتی معین کونده اوقونارق شاهدک امتناع سببی حقنده حاکم ایکی طرفی دیکله یوب بوبابده کی دلیلی تدقیق ایتدکدن صوکره قرارینی ویریر .

قانونه موافق محق امتناع سبیلری ایله امتناع وعدم اجابت مستثنا اولارق شهادت ایچون چاغریلان هرکس کلکجه مجبوردور . خسته لاق کبی مشروع سبب اولمقسزین دعوته اجابت ایتمین شاهد اون بش لیرایه قدر جزای نقدی یه محکوم ایدیلیر ؟ وکله مسی محاکمه نك تعلیقنی موجب اولمش ایسه تعلیقدن متولد مصارف محاکمه ایله ده محکوم ایدیلیر . حاکم کله یین شاهدک قوه جبرییه ایله احضار ایدیلسمه دخی قرار ویره بیلیر . بوقراردن صوکره شاهد کلوبده ، کله مسنک ومعذرتی بیلدیرمه مسنک اسباب مقبولیه مسنک اولدیغی اثبات ایدور ایسه جزاسی رفع اولونور .

شاهد لیسته سی

- ۱ اسکدارده سلیم به ده ... سوقاقد ... دکانده ... اوغلی بقال صفوت افندی
- ۲ محمود پاشاده ... خنده ... ده کوسله قومیسو نیجیسی عبدالکریم افندی

۳ اورته کویده دره جوارنده ... سوقاقده ... نومرولی خانهده اجزاجی
نوری افندی زوجهسی شادان خانم

۴ یره باتانده ... نومرولی غاراژده شوفورکامل افندی زاده بهلول افندی
باشقه شاهدیم یوقدر . ل سنه مدعی
...

شاهد دعوتیهسی

شاهدك هوتی	مدعی	مدعی علیه
اسكدارده سلیمیه ده ... سوقاقده ... نومرولی دكانده ... اوغلی بقال صفوت افندی	... ده مقیم اوغلی ده مقیم اوغلی ...
<p>... ده واقع خانهسی دیوارلرینی تخریب ایدن مدعی علیه تضمین ضرر دعواسنی اقامه ایدن مدعی فعل مدعا به وقوفکمز اولدیغندن بختله سزی اشهاد ایتمش اولدیغندن شهرحالك یکریمی ایکنجی جمعه ایرتسی کونی ساعت اون درتده ایاصوفیه ده عدلیه سراینده محکمه اصلیه ایکنجی حقوق دائرة سنه کلهرك ادای شهادت ایتمکز لزومی بیان اولونور . ل سنه محکمه مهری</p>		

شاهدلرک محلنده استماعی قراری

... ایله ... اراسنده متکون و ... ده واقع عرصیه تجاوز دعواسنک
جریان ایدن تحقیقاتنده مدعی طرفندن معطی لیستهده محرر شاهدلر طرفین
وکیللری حاضر اولدینی حالدہ دعوتہ اجابتله کلمشیر ایسه ده منفرداً استماع
اولوندقلرنده منازع فیه عرصه نك جوانب اربعه سنی اسماً بیله مه مکده اولدقلرینی

و محلنده ارأه و تعیین صورتیله تحدید ایده بیله جک کرینی بیان ایتد کلرندن اصولک
 ۲۵۹ نجی ماده سنه توفیقاً شهود مر قومونک محلنده استماعنه قرار ویریلهرک
 طرفین و شهوده تفهیم و ایرتسی کونی ساعت ... ده اوراده حاضر بولونمالری
 تنیه ایدیلهرک امضالری آندی . س سنه تحقیقات حاکمی

...

تحریراً شهادته قرار نمونه سی

... ده مقیم ... ک زوجہ سی ... علیهنه اقامه ایلدیکی بوشانمه دعواسنده
 مزبورہ طرفندن دفعاً شاهد کوستریلن ... بک الیوم قورفو جزیره سنده
 تورکیه شہندی اولدینی و جلای ممکن اولمادیکی کبی استنباه صورتیله استماعنه ده
 امکان بولونامدیغندن اصولک ۲۵۶ نجی ماده سی موجبنجه و طرفینک موافقتلری
 وجهله جوابلرینی تحریراً محکمہ یه کوندرمک اوزره شاهد مومی الیه بوسته
 ایله برسؤال ورقہ سی ارساله قرار ویریلدی . س سنه

تحقیقات حاکمی

کاتب

...

...

شهادتن امتناع ایده نک تحریری اعتذاری

استانبول محکمہ اصلیه سی در درنجی حقوق دائره سنده تحقیقات

ما کی ... بک افندی به

... ایله ... آراسنده کی دعواده س سنه تاریخنده طرفه تبلیغ قلنان س سنه
 تاریخ و ... نومرولی دعوتنامه ایله شاهد صقیله دعوت ایدیلش ایسه مده مدعی
 علیه ایله اولادلق رابطهم اولوب شهادتم آنک حقنده تعقیبات جزائیہ اجراسنی
 استلزام ایده چکنه بناءً اصولک ۲۴۵ و ۲۴۶ نجی ماده لری فقرات مخصوصه لری

موجب‌بنجه ایضای شهادتده معذور بولوندیغی بیان واشبو شرحی ضبط کاتبه
یازدی ره رق امضا ایلرم .
شاهد

... ده مقیم ...

ل س نه

احضار نمونه‌سی

... بولیس مرکز مأمور لطف

... ایله ... آراسنده جاری محاکمه‌ده شاهد صفتیله استماعنه لزوم
کوروندیکندن ناشی محکمه‌یه کلمسی اصولاً تبلیغ قلنان جلبنامه ایله دعوت
اولوندیغی حالده دعوت واقعه‌یه اجابت ایتمین و معذرتندن محکمه‌نی خبردار
ایتمین ... ده مقیم ... اوغلی ... ک ... کونی ساعت ... ده ایاصوفیه‌ده کائن
... محکمه‌یه قوه جبریه ایله احضاری لزومی بیان اولونور .

تحقیقات حاکی

ل س نه

...

اقامتگاهده استماع شهود ضبطنامه‌سی

... ده مقیم ... نک ... ده مقیم ... ذمتنده بشیوز لیرا آلاچق ادعاسندن
دولایی معرفتمله جریان ایدن تحقیقات ائناسنده تعاطی اولونان اوراق دعواده تحریراً
واقع اولدینی کبی شفاهاده مدعی علیه انکار ایده رک مدعی علیه دامادی
اولدینی جهتله دعواسنی اصولک ۲۹۳ نجی ماده‌سی موجب‌بنجه شهود ایله اثباتنه
مساغ اولدیغندن اعطا ایلدیکی شهود لیسته‌سنده محرر کیسه لرله عقد اقراضی
اثبات ایده جکی افاده ایده رک شهود مرقومه دن فلان و فلان جلب و حضور
محکمه‌ده علی الاصول استماع ایدیلش ایسه‌ده دیگر شاهد ... افندینک خانه‌سنده
اسیر فراش اولدینی کوندردیکی طیب راپورندن آکلاشلغمخه مدعی ، شاهد

مومی الیهک اقامتکاهنده استماعنی طلب ایتسنه وطلب واقع اصولک ۲۵۵ نجی ماده سنه موافق بولونماسنه مبنی بالقبول معین ... کونی ساعت ... ده شاهد مزبورک ... محله ده ... سوق قدده ... نومرولی خانه سنه طرفین ایلہ برلکده کیدیلکده شاهدک یتاقدہ ووجہاً خسته فقط فکر و محاکمہ سی برنده اولدیغی کوریلکله استماعنه ابتدار اولوندقدہ ضبط کاتی طرفندن بروجہ زیر افادہ سی ضبط اولوندی :

اسمی ... صنعی ... محل اقامتی ... اولدیغنی وایکی طرفہ قرابتی اولمادیغنی سویلدی . اصولک ۲۶۱ نجی ماده سی موجبجه وصایای لازمه بعدالایفا : ... تاریخده مدعینک ... محله کی خانه سنه مسافرة کیتدکنده دامادی اولان مدعی علیه لزومندن بجنله قائن پدری مدعیدن بشیوز لیرا استتراض ایتک ایستدکنده مدعینک برآی صوکره اعاده ایتک تمیسیله قاصه سندن چیقاروب دامادینه ویردیگی کوردیکنی سویلدی . برآی صوکره دامادک بو پاره یی قائن پدرینه اعاده ایدوب ایتدیکنی بیلمدیکنی ده علاوه ایلدی . شاهد مزبورک اصولک ۲۶۴ نجی ماده سنه توفیقاً تحلیفی ده اجرا قیلنمش وطوتولان ضبطامده علناً قرائت اولونارق شاهد طرفندن تصدیق ومومی الیه ایلہ حاضرین طرفندن امضا ایدیلش اولدیغنی مبین ضبطنامہ در .

مدعی علیه	مدعی	شاهد	کاتب	تحقیقات حاکمی
...

استابہ طریقہ شہود استماعی ضبطنامہ سی

... محکمہ اصلیه ریاستندن وارد اولان ... سنه تاریخی و... نومرولی تحریراتده محکمہ مذکورده ... ایلہ ... آراسنده متکون ثمن میعدن قرق بیک غروش آلاجق دعواسنک تحقیقنده مدعی علیه عقد بیعی انکارله عقد مذکورک

شهود شخصیه ایله اثباتنه محلی تحقیقاته حاکی طرفندن ویریلن قرار اوزرینه مدعینک حصراً بیان ایلدیکی شهودك ... و ... نك قضا مزده ساکن بولونما- لرندن بالاستابه استماعلیله طوتولاجق ضبطنامه نك ارسالی و ایراد اولوناجق سؤلر بیلدیر بیلدیکدن ... کونی ساعت ... ده دعوت اولونان شاهدان مومی الیها محکمه یه حکم لریله منفرداً استشهاد و کندیلرینه اصولك ۲۶۱ نجی ماده سی وجهله وصایا ایفا اولوندقده بولردن اسمی ... صنعی ... محل اقامتی ... اولدینی و طرفینه قرابت و مناسبتی اولمادیغنی بعدالبیان ... سنه تاریخده ... نام محلده مدعی ... مدعی علیه ... ه قیه سی ... غروشدن ... قیه نفتیک صاتیغنی و ثمنی برآی صوکره یه تأجیل ایده رک مییی تسلیم ایلدیکی کوردم دیدی . اصولك ۲۶۴ نجی ماده سی موجبجه تخلیفی اجرا قلندی . دیگر شاهد استماع اولوندقده اسمی ... صنعی ... محل اقامتی ... اولدینی و طرفینه قرابت و مناسبتی اولمادیغنی بعدالبیان استشهاد اولوندقده عدم معلومات بیان ایلدی . و اصولك ۲۶۴ نجی ماده سی موجبجه معلوماتی اولمادیغنه دائر شکل قانونیده تخلیفی اجرا قلندی .

وقوع حالی مبین اشبو ضبطنامه تنظیم و شاهدان مومی الیهایده امضا ایتدیریلدی .

کاتب	شاهد	شاهد	اعضا	اعضا	رئیس
...

شاهدلرک محل منازع فیهده استماعی ضبطنامه سی

... ده مقیم ... ایله ... ده مقیم ... میانه لرنده متحدث و ... ده کائن بوستان دعوا سنک تحقیقنده مدعینک اثبات مدعا ضمننده شاهد اولارق اقامه ایلدیکی ... نام کیمسه شهادت واقعه سننده تعیین حدود ایده مه سنه و محلنده تعیین ایده جگنی بیان ایتش اولماسنه مبنی شاهد مزبورده محلنده تعیین حدود

ایتدیر یلک اوزره ... آیک ... نجی ... مذکور بوستانک بولوندیغی محله عزیمت
 و طرفین ایله جوار بوستان احبابندن ... و ... نام کیمسه لر دخی حاضر
 اولدیغی حالدده وصایای مقتضیه بعدالایفا بوستانک حدودینی تعیین وارائه ایتمسی
 شاهد مزبور ... افندی به تکلیف اولوندقده مذکور بوستانک ... تعبیر اولونور
 محلدن بدأ ایله کندوسی اوکده و حضار اطرافنده اولدیغی حالدده تعیین حدود
 ایدهرک دیمشدرکه شو بوستانک ... تعبیر اولونان ... جهندن ... تسمیه
 اولونان ... محلدن ... محله ... کچهرک ... محله منتهی اولور ؛ مدعینک تحت
 تصرفنده در . شاهدک اصولک ۲۶۴ نجی ماده سی موجبجه تحلیفی اجرا
 قلندقدن صوکره افاده سی ضبط و تحریر و زیری کندیسنه و طرفینه امضا ایتدیر یلش
 اولمغله مشهودات واقعه یی متضمن اشبو ضبطنامه تنظیم ایدیلدی . ل سنه
 کاتب مدعی علیه مدعی شاهد تحقیقات حاکمی

یالان یره شهادتده شاهدک توقیف و مدعی عمومیه که تودیعی

قرار و مذکره سی نمونه سی

قرار

... ایله ... بیننده متحدث باغچه سنده ایقاع اولونان ضررک تضمینی دعواسنک
 تحقیقاتی اجرا ایدهرکن شاهد صفیله استماعی تنسیب ایتمس اولدیغم ... ده
 مقیم ... ی جلب و استماع ایلدیکمده مدعی علیه برکیجه مدعینک ... ده کی
 باغچه سی تخریب ایدهرکن اوزاقدن تجسس ایدهرک کوردیکنی و مدعی علیه ایله
 برلکده فعل تخریبده حرمی و اوغللری ده اشتراک ایتدیکندن اورته به جیقوب
 مانع اولامادیغی بیان و شهادتله تحلیفی اجرا قلندقدن صوکره مدعی علیه و کیلی
 بوشاهدک تاریخ مذکورده ... ماده سندن دولایی تحت توقیفده بولوندیغی ابراز

ایتدیکی توقیفخانه مدیریتک در کنار یله بعدالاثبات شاهد طرفدن موکله یازیش بر تذکره دهده یکر می بش لیرا ویر مدکاری تقدیرده مدعینک لهنه شهادت ایده جکی یازمش اولدیغی افاده ایله ابراز ایتدکده دیه جکی صوریلان شاهد مرقوم اصلی اولمادیغی افاده ایتدکله یالان یره شهادت ایتدیکی قوی اولان شو دلائلدن آکلاشیلان مرقومک اصولک ۲۷۳ نجی ماده سنک ایکنجی فقره سی موجبجه توقیفنه قرار ویریلدی . ل سنه کاتب تحقیقات حاکمی

...

...

استانبول محکمه اصلیه سی مدعی عمومیلدیکی مأموریت علیه سنه

... ایله ... بیننده متحدث اولوب طرفدن تحقیق ایدیلکده اولان بر بوستانک تخریبندن متولد تضمینات دعواسنده شاهد صقیله استماع اولونوب افاده سی یمین ایله تأیید ایدیلن ... ده مقیم ... نک یالان یره شهادت ایدیلکده تاریخ تخریبده موقوف بولونماسی ومشهود علیه ، شهادت ایتدکله ایچون یکر می بش لیرا ایستدیکله دائر اولان تذکره ده کی قوی دلائله دسترس اولوندیغندن اصولک ۲۷۳ نجی ماده سنه توفیقاً توقیفنه قرار ویریش وایفای مقتضاسی ضمننده ضبطنامه صورت مصدقه سی و مربوطاتی لفاً تودیع قیلنمش اولقله تعقیباتک نتایجندن معلومات ویریلسی تمیسيله مذکره در . ل سنه تحقیقات حاکمی

...

امتناع اوزرینه جزای نقدی قرار

... ایله ... آراسنده متکون ومنکر ... عقد بیعک اثباتی ضمننده مدعی طرفدن اسمی خبر ویریلوب جلب واستماع اولونان ... نام محله مقیم ... ادای شهادتن امتناع واعتذار ایچون هیچ بر سبب قانونی یوق ایکن کراراً

وقوع بولان تکلیفه قارشی ادای شهادتدن امتناع ایلمس اولدیغندن حقوق
دعوالری اصول محاکمه لری قانونک ۲۷۱ نجی ماده سنه توفیقاً اون لیرا جزای
نقدی ایله محکومیتنه وهفته یه ساعت ... ده ادای شهادت ایچون تکرار محکمه یه
کلمسی لزومه قرار ویریلهرک تفهیم قلندی . ۱ سنه کاتب تحقیقات حاکمی
... ..

امتناع اوزرینه حبس قراری

ایجابی تأمل اولوندی: ... ایله ... آراسنده متحدث ... عقد بیعک اثباتی
ضمننده شاهد صفتیله استماع ایدیلمی قرار کیر اولوب ... تاریخی جلسه ده بلا
سبب ادای شهادت ایتمکدن امتناع ایتمکدن دولای اون لیرا جزای نقدی ایله
محکوم ایدیلوب بو کون تکرار جلب واستماعنه قرار ویریلش اولان ... ده مقیم
... امتناع سابقده اصرار ایله ادای شهادت ایتهرک برکونا معلوماتی اولمادیغنه
دائر اولان صوک افاده سی یمین ایله تأیید ایتمکدن اباه ایلمس اولمغله اصول
حقوقیه نک ۲۷۱ نجی ماده سی موجبجه اون کون مدته حبسنه قرار ویریلدی
۱ سنه کاتب تحقیقات حاکمی
... ..

خدمت دولنده بولنانلرک اسرار حکومت حقنده استشهادی
ایچون استیذان نمونه سی

نافعه دلات جلیله سنه

... طرفندن ... نام آنونیم شرکت علیهنه محکمه مزده اقامه اولونان ...
شمندوفر خطنک امتیازینی استحصالدیه سبق ایدن خدمتنک بر موجب مقاوله
اجرتی اولان ... لیرانک مذکور شرکتدن تخصیصنه دائر اولان دعوانک جریان
ایدن محاکمه سنده مدعینک شاهد اولارق استماعنی طلب ایدیکی وکالت جلیله لری

دمیر یوللر مدیر عمومیهسی . . . بکه کوندربلهن دعوتنامه اوزرینه مومی الیه
 طرفندن کوندربلهن برتذکره ده مدعینک سؤال ایده جکی مواد اسرار حکومتدن
 اولوب آمرینک اذنی قبل الاستیصال ادای شهادتده معذور بولوندیغنی بیلدیرمش
 اولدیغندن استماعنده برمحذور یوق ایسه ادای شهادت ایتیمسه اذن اعطا واشعار
 بویورولماسی حقوق دعوالری اصول محاکمه لری قانونک ۲۴۹ نجی ماده سی
 موجبنه تمنی اولونور افندم . سا سنه
 رئیس محکمه سی

...



کشف و معاینه

منازعه‌لی بر محلك ویا محكمه‌یه احضاری متعسر اولان منقولانك كشف و معاینه‌سنه ایکی طرفدن برینك طای ویا حاكمك رأساً تنسیبی ايله قرار ویریلیر .

كشف ایچون طرفین دعوت ایدیلیر ؛ کلیرلر ایسه وجاهلرنده کمدکلرنده غیابلرنده یاپیلور . كشفك غیابی اولماسی محاکمه‌نكده غیابی اولماسی استلزام ایتمز .

كشفي محكمه‌أ اصلیه اعضاساندنن بری طرفدن و محل كشف دائرة قضا خارجنده ایسه بالاستنباه یاپیلور . مهم مسئله‌لرده كشفك هیئت محكمه طرفدن مجتمه‌أ یاپیلماسی جائزدر .

كشف اوزرینه وقوع حالی مبین برضبطنامه یاپیلور . بوكا ایکی طرفدن برینك طای اوزرینه ویا رأساً رسم ، پلان ، خریطه ، فطوغراف ربط اولونابیلیر . بوكشف ضبطنامه‌سنه طرفین اثنای محاکمه‌ده اعتراض ایده بیلیرلر .

كشف و معاینه قراری

... ايله ... آراسنده متكون ... ده‌کی صو خرقنك تخریبيله مجراسنی تبدیل و مزروعاته ایراث خساردن متولد تضمینات دعواسنك طرفدن شروع اولونان تحقیقاتنده طرفینك تخریری و شفاهی ادعا و مدافعه‌لرینه کوره محل مذکورده ایقاع اولونان تخریباتك كشف و معاینه‌سنه لزوم کورندیکندن طرفینك بالاتفاق بر ویا اوج اهل وقوف انتخاب ایتملرینه قرار ویریلهرك تفهیم اولوندقده انتخابده

اتفاق ایدمه ملرینه مبنی فلان و فلانك اهل و قوف نصبنه و شهر حالك
... نجی كونی ساعت ... ده تخریبات ایقاع اولوندیغی ادعا اولونان محله کیدیلهرك
تخریبات ایقاع ایدلمش ایه حال سابقه ارجاعك نه قدر مصرفه متوقف اولدیغك
و مزروعات اوزرنده کی خسارك مقدارینك تقدیری لزومنه و کیفیتك طرفینه
بیلدیریلسنه قرار ویریلدی .

کاتب تحقیقات حاکمی

...

...

محکمه قرار یله نائب طرفندن یاپیلان کشف ضبطنامه سی

... ده مقیم ... افندینك متصرف اولدیغی بوستانده ... ده مقیم ...
آغانك قطع ایلدیکی اشجار ایله ایقاع ایلدیکی ضررک تقدیری ضمننده مقدا
تحقیقات حاکمی ... بك طرفندن یاپیلان کشفك کفایتسزلکنه مبنی یکیدن
اجراسنه استانبول محکمه اصلیه سی ایکنجی حقوق دائره سنده جریان ایدن
محا که ده قرار گیر اولارق طرفینك اتخابده اتفاق ایدمه ملرینه مبنی جانب
محکمه دن اهل خبره تعیین ایدیلن زراعت مأمورلردن ... ایله زراعت مهندس لرندن
... و شهر امانتی باغچه لر مدیری ... بك حاضر اولدقلری حالدده شهر حالك
... نجی ... كونی ساعت ... ده طرفین حاضر اولدیغی حالدده محل مذکوره
کیدیلهرك اشجارك قطع اولوندیغی ادعا اولونان محلك اراثة سی مدعی یه صور و لوقده
مدعی علیهك خانه و باغچه سی جهتنه ملاصق اولان طرفی اراثة ایلمکله اجرای
کشفیاته ابتدا اولوندقده اهل و قوف مومی الهم معاینه و تدقیقدن سوکره ...
آعاج قطع ایدیلدیکنی و بونلردن ... ی شمرو ... ی غیر شمرو آعاجلردن
اولدیغی ویبی کسلدکلرینی و آیرجه ویره جکلری رابورده مفصلاً بیان
ایده جکلری وجهله قائماً قیمتلری اوجیوز الی لیرا اولدیغی بیان و آندن سوکره
مزروعاتده ایقاع ایدیلن خسارك کشفنه باشلانهرق باغچهك سبزه قسمنده بر
دوئملك محلنده حیوانلره یدیریلک صورتیله نصفندن فضله سی اتلاف ایدیلدیکی

و بونده کی ضرر کده یوز لیرا درجه سنده اولدیغنی و آنک یانی باشنده کی چیچک
 قسمنده ده ینه حیوانلر طرفندن ربع درجه سنده خسار واقع اولوب چیچکلرک
 جنس و نوعه نظراً ایکی یوز لیرالق بر ضرر واقع اولدیغنی و کوریلن ایزلره
 نظراً حیوانلرک مدعی علیک خانه سی آخوردن چیقوب بو طرفه کدکلی قویاً
 ظن اولونمقده بولوندیغنی متفقاً بیان وافاده و دیه جکلری صوریلان مدعین
 حیوان و انسانلرک مدعی علیک خانه سندن کدکلی آیریمجه اثبات ایده جکی
 و مدعی علیه حق مدافعه سی محکمه ده استعمال ایده جکی و کشفه معترض اولدیغنی
 و ضبطی ده امضا اتمیه جکی بیان ایتلمه ایه اشبوضبطنامه تنظیم و کندمله اهل خبره
 و مدعی طرفندن امضا ایدیلرک محکمه علیه لرینه تقدیم قلندی .

مدعی	اهل خبره	اهل خبره	اهل خبره	نائب
...

هیئت محکمه طرفندن کشف ضبطنامه سی

بک اوغلنده ... نام محله متصرف اولدیغنی ... نام مغازه نك اتصالده ...
 طرفندن انشا ایدیلکده اولان بش قاتلی بر آبارتمانک فته غیر موافق انشاسی سببیه
 آکسزین یقیلار ق مغازه سی تخریب ایلدیکندن دولایی یکریمی بش بیک لیر اضمینات
 طلب و ادعاسی متضمن ... ده مقیم ... طرفندن اقامه اولونان دعوانک تحقیقات
 حاکمی ... بک طرفندن اجرا قلمان کشف ایله تحقیقاتک ختامه مبنی طرفین
 وکیللرینک حضوریله جریان ایدن محاکمه لرنده ضبطنامه ده بر تفصیل محرر
 اولدیغنی اوزره تحقیقات حاکمی طرفندن انتخاب ایدیلن اهل خبره معرفتیه
 پاییلان کشفه مدعی علیه نقاط عدیده دن اعتراض و نتیجه کشفک محسوس و مشهودک
 خلافنده اولدیغنی و انهدامک وقوعی مدعی بی اصلاً متضرر ایتدیکنی چونکه
 ارالرنده بر بوشلق اولوب انقاضک اورایه دوشدیکنی و قوموشو مدعینک قسماً
 کرمیدلری قیریلر ق اولوقلری بوزولدیغنی و ماعدا ضرری اولمادیغنی و بونی
 متخصص اولمایان بر شخص ده عندالمشاهده اکلا یایله جکی افاده و کشفک یکیدن

واهمیتنه مبنی هیئتجه اجراسنی طلب و مدعی و کیلی بو بیاناته اعتراضله برابر
تکرار کشف ایجاب ایدیور ایسه بونک هیئتجه ایفاسنی اوده آرزو ایلدکده
اولدیغنی بیان ایتملریله بالتسبب دیگر اهل و قوف انتخاب ایتلمی طرفینه تکلیف
اولوندقده معمار ... و معمار ... ایله شهر الماتی هیئت فیه مدیری ... بکاری
متفقاً اهل و قوف انتخاب ایتلمینه مبنی بوکون محل مذکوره طرفین و اهل
و قوف مومی الهمک آریجه تنظیم و اعطا ایلدکری راپوردهده بیان ایتدکری
وجهله ضرره سببیت ویرن انشاآتک سبیلردن ناشی فیه مغایر اولدیغنی
و یاپان قالفه نك بونده ... صورتله تقصیری اولدیغنی و مدعی علیه واقع اولان
ضررک ادعا ایدیلدیکی کي یکرمی بش بیک لیرا راده سنده اولمایوب ایکی بیک
بشیوز لیرا ایله حال سابقه ارجاع اولونابیله جکئی بیان و افاده ایتلمریله اشبو
ضبطنامه تنظیم و امضا ایدیلهرک دوسیه سنه قونلدی .
 اهل خبره اهل خبره اهل خبره کاتب اعضا اعضا رئیس
 مدعی علیه و کیلی مدعی و کیلی

آخر قضا محکمه سی معرفتیه کشف ضبطنامه سی

کبزه مضاف ... قریه ده متصرف اولدیغنی باغچه سی دیوارلرینی هدم و صو
یوللرینی تخریب و آغاچلرینی قطع و باغ کروملرینی قلع ایتمک افعالندن دولای
تضمینانه دائر ... ایله ... آراسنده استانبول محکمه اصلیه سی ایکنجی حقوق
دائرة سنده جاری محاکمه ده ضرر و اقعک محکمه من معرفتیه بالنیابه کشفی قرار گیر
اولارق ... سنه تاریخلی و ... نومرولی محکمه مذکوره ریاستدن اشعار
اولونمقله کبزه محکمه اصلیه سندن اهل و قوف انتخابه ده مأذون اولارق نائب
تعیین اولندیغمدن شهر حالک ... نجی کونی محل مذکوره کیدیلدکده مدعی ...
کلش ایسه ده مدعی علیه ... یوم کشفدن استانبول محکمه سی طرفندن خبردار


ایدیلدیکی حالدله کلدیکی جهتلله غیابنده اجرای کشفه قرار ویریلرک مدعینک
 طلبیلله طرفدن اهل وقوف انتخاب اولونان قریه هیئت اختیاریه سندن وزراعدن
 فلان وفلان وفلان جلب وکشف و معاینه قرار ویریلرکده (.....)
 اولدینی و اهل وقوف مومی الیهم متفقاً (.....) دیملریله وقوع حالی
 مبین اشبو کشفنامه تنظیم و امضا ایتدیریلرک استانبول ایکنجی حقوق محکمه سنه
 کوندریلک اوزره کبزه قضاسی محکمه اصلیه سی ریاست علیه سنه تقدیم قلندی .

ل
 سنه

نائب کبزه محکمه اصلیه سی اعضاسندن

...

کاتب	مدعی	اهل وقوفدن	اهل وقوفدن	اهل وقوفدن
...



اهل وقوف

حلی معلومات مخصوصه و فیه یہ توقف ایدن خصوصاً حاکم اهل وقوفك رأى و مطالعه لرینى آلمغه قرار ویریر . فقط اصولك ۲۸۶ نجی ماده سنه نظر آ اهل وقوفك رأى و مطالعه لری حاکمی تقید ایتمز .

حاکم برچوق مسائلده اهل وقوف و خبریه مفتقر اولور . از جمله : مشترك حياتك دوامی دیگر طرف ایچون چکلمز بر حاله قویان و شفاسی قابل اولمادیغی ادعا اولونان و اوچ سنه دنبرو دوام ایدن بر عقل خسته لنی سبیلده بوشانما دعوالرنده حاکم اهل خبره نك یعنی دو قوتورلرک رأى و مطالعه لرینى آلور . تمیز قدرتندن محرومیت ، عقل خسته لنی ، عقل ضعیفلکی ادعالرنده حاکم دائماً متخصصلرک رأینی اوکره نیر . عقل خسته لنی و یا ضعیفلکی سببی ایله حجره اهل خبره راپوری اوزرینه قرار ویریه بیلیر . فقط حجر مذکورک رفی مطلقاً اهل خبره راپورینه متوقفدر .

نقحه ایشلرنده حاکم مقداریغی اهل وقوفه تقدیر ایتدیره بیلیر . بر مقام رسمی و یا مؤسسه دن تحقیقی ممکن اولمایان عرف و عادتلری حاکم اهل وقوفدن آکلار . تقسیم ایشلرنده مهندس ، مساح کبی متخصص بولوندیریر .

بریره تجاوز واقع و یا ضرر حاصل اولوب اولمادیغی ، ضررک فاحش اولوب اولمادیغی و تضمینی نهیه متوقف اولدیغی اهل خبریه تقدیر ایتدیریر . حاکم منقول و غیر منقول ماللرک تقویمنی اهل وقوفه یابدیریر .

عوضینده نسبتسزلک ، مبیعه عیب ، وصف مرغوب و مشروط ، نمونه مغایرت ، مأجورده قسماً و یا تماماً اختلال منفعت ، تعدی و تقصیر ادعالرنده و فن و صنعته متعلق خصوصاً استکتاب و تطبیق خط و خاتمه ، حساب ایشلرنده اهل خبره دن استعانه اولونور .

اهل وقوف طرفیندن انتخاب اولونور . انتخابلرنده اتفاق ایتملر ویا انتخابی حاکمه ترك ایدر لر ایسه تحقیقات حاکمی انتخاب ایدر .

مسائل مخصوصه ده رأی ومطالعہ لرینی بیان ایتک ایچون حکومت طرفندن منتخب اهل وقوف وار ایسه بلدیہ استملاک ایشلرنده منتخب حکملر ومختلر هیئت ، تجارت اوطنسی ، بورسه هیئت ، اطباء عدلیه کبی بونلر آراسندن انتخابی ویا بومؤسسہ لر دن راپور استحصالی لازمدر .

یالکیز برکشی اهل وقوف انتخاب ایدیله بیلیر ؛ اوچدن زیاده اولوناماز . حاکم لزوم کوریر ایسه اهل وقوفی بیان ایتدکلری ویا ایده جکلری رأی ومطالعہ نك بی طرفانه اولدیغنه ویا اولاجغنه دائر تخلیف ایده بیلیر .

اهل وقوف حاکملر ایچون معین اسبابه بناء رد اولونابیلیر . رد طلبی تحقیقات حاکمی طرفندن حادثه شکندمه تدقیق وقراره ربط اولونور . اسباب رددن دولایی یمین تکلیف ایدیلر . رد طلبی اهل وقوفک انتخاب ایدیلدیکنه اطلاع تاریخندن اعتباراً اوچ کون ظرفنده وقوع بولمق لازمدر . معلوماته مراجعت ایدیله جک خصوصی بیامکسزین صنعتی اجرا ایتسی قابل اولمایان وعلناً اجرای صنعت ایدن کیمسه لر اهل خبره دن عد ایدیله مهیه جکلرینی ادعا ایده مهیه جکلرندن اهل وقوفلنی قبوله مجبوردر لر . انجق شاهدلر حقنده یوقاریده کچن امتناعه استنادله قبولدن امتناع ایده بیلیر لر .

محکمه یه کلکدن ویا ایفای وظیفه دن بلا سبب محق امتناع ایدن اهل وقوف شاهدلرده اولدیغی کبی جزای نقدی یه وجلسه مصرفنه محکوم ایدیلیر ایسه ده حبسلرینه قرار ویریله مز .

حاکم ایکی طرفک افاده سنی دیکلدکدن صوکره اهل وقوفه صوریللاجق سؤاللری تعیین وایراد ایدر . اهل وقوف دیگر طرف حاضر اولمقسزین ایکی طرفدن برینی استجواب ایده مز . بو جهت اهل وقوفه دها اول اخطار اولونور .

تدقیقات ایچون کشف اجرایی ویا دیگر احضاری بر معامله ایفاسی لازم کلیر ایسه ایکی طرفدن هربری بومعاملهده حاضر بولونابیلیر .

اهل وقوف حاکم طرفندن تعیین ایدیلن مدت ظرفنده آرالرنده مذاکره ایتدکدن صوکره مطالعهلرینی حاوی راپوری یازارلر .

راپور : اهل وقوفک رایلرینک مستند اولدینی اسباب موجب و اختلاف حالنده سبب مخالفی و تنظیم اولوندینی تاریخی و اهل وقوفک امضالرینی و ایکی طرفک اسملرینی محتوی بولونمق لازمدر . اقلیتده قالان اهل وقوف آیری بر راپور تنظیم ایده بیلیر . اهل وقوف ، راپورینی محکمه قلمنه ویریر . ویریلدیکی تاریخی محکمه باش کاتبی راپوره اشارت ایدر . و محاکمیدن اول صورتلرینی ایکی طرفه تبلیغ ایلر .

حاکم راپورده نقصان و مبهم کوردیکی جهتلی اتمام وایضاح ایچون اهل وقوفه یکی سؤاللر ترتیب ایده بیلیر . ایکی طرف دخی نقصان و مبهم جهتلی حقیقده اهل وقوفدن ایضاحات آلماسی ، راپورک کندیلرینه تبلیغی تاریخندن اعتباراً برهفته ظرفنده حاکمدن تحریراً طلب ایده بیلیرلر . حاکم متمم ایضاحات ویرمک ایچون اهل وقوفی تعیین ایده جکی جلسه یه دعوت ایلر شفاهاً استماع ایده بیلیر . اهل وقوفک شفاهاً ویره جکلی ایضاحات خلاصه و جهله ضبطه قید وزیر کندیلرینه امضا ایتدیریلیر .

تحقیقات حاکمی ویا اساس دعوائی رؤیت صیراسنده محکمه حقیقتک تظاهری ایچون اولیکی ویا یکیدن انتخاب ایده جکی اهل خبره واسطه سیله تکرار تدقیقات اجرا ایتدیره بیلیر .

اهل وقوف انتخابنه دائر قرار

ایجابی تأمل اولوندی : برسنه مدتله و اجرت تسمیه اولونما یارق [مناسب بر آیلق ویریرز سفی نمون ایدرز] وعدیله تجارتخانه سنک محاسبه جیلککنی ایفایتدیره ن ... دهمقیم ... علینه ... دهمقیم ... طرفندن اقامه اولونان اجرت دعواسنک

تحقیق استانبول برنجی تجارت محکمه سی ریاستندن طرفه تودیع قلمقله جریان ایدن تحقیقاتنده مدعی هرآی کندیسنه علی الحساب الیشر لیرا ویریلنس ایسه ده تسمیه اولونمایان شهری اجرتی امثالی تجارتخانه لرده یوزر لیرا اولدیغنی ادعا و مدعی علیه الی لیرادن فضلّه عادت اولمادیغنده اصرار ایتمکه اجرتنک تقدیرینه لزوم کورولدیکندن بالاتفاق اهل وقوف انتخاب ایتلمی طرفینه تکلیف اولوندقه اتفاق ایدمه ملرینه مبنی تجاردن ... و ... و ... نك اهل وقوف انتخابه و هر برینه تقدیر ایدیلن ... لیرا اجرت و مصارف ضروریه نك اول امرده مدعیدن اخذینه قرار ویریلدی .

تحقیقات حاکی

ل سنه

کاتب

...

...

اهل وقوفك ایفای وظیفه دن امتناع لری حالنده یا پیلاجق

معامله یی مبین قرار

ایجابی تأمل اولوندقه دیش طیبی حمدی بك ایله ... آراسنده جاری دیش اعمالندن اوچوز الی لیرانك تحصیلنه داثر اولان دعوانك محاکمه سنده اهل وقوف اولق اوزره انتخاب و دعوت ایدیلن ... ده معاینه خانه سی بولونان متخصص دیش طیبیلرندن ... بك ایشلرینی ترك ایله محکمه یه کله میه جکنی و کلك خصه و صنده مجبوریتی اولمادیغنی تذکره ایله محکمه یه بیلدیرمش ایسه ده اصولك ۲۷۸ نجی ماده سنه کوره علناً اجرای صنعت ایدن مومی الیهك اهل وقوفلنی قبوله مجبور اولماسنه و امتناع ایچون محق بر سبب و معذرت بیان ایتمه سنه بناء ینه اصولك ۲۵۳ نجی ماده سنه توفیقاً مومی الیه دن اون بش لیرا جزای نقدی اخذینه قرار ویریلدی .

تحقیقات حاکی

ل سنه

کاتب

...

...

اهل وقوف راپوری نمونه‌سی

استانبول محکمہ اصلہ سی دردنجی حقوق دائرہ سندہ تحقیقات

ما کی ... بک افندی بہ

دیشجی ... ایله ... آراسندہ متکون دیش اعمالندن ... لیرا آلاچق
دعواسندہ طرفینجه بدل تسمیہ ایدیلدیکندن معرفتمزله تقدیری امر و حواله
ایدیلسندن ناشی ... کونی ساعت ... ده ... اوطهده مدعی ... و مدعی علیه ...
اصالة حاضر اولدینی حالده تحقیقات حاکمی طرفندن ایراد ایدیلش اولان سؤاللر
مطالعہ و طرفیندن سپارش و مقاوله شفاهیہ حقندہ بعض ایضاحات آلدقدن
صوکره مدعی علیہک مدعی طرفندن اعمال ایدیلدیکی تصدیق ایدیلن دیشلرک
معاینہ سی اجرا اولندقدن صوکره طرفین اوطهده اخراج ایدیلرک آرامزده مذاکره
ایتدیکمزده بشی پلاتین و دیکر لرلی اون سکر عیارنده آتون اولارق آلت و اوست
اون بش دیش اعمالی و شوقدری ... شکلده املا و ... دیشکده ... تداوی
ایدیلدیکی و بوایشک امثالا اجرت و بدلی ... لیرا اولاجغنی و بناء علیه مدعینک
مدعی علیہدن ... لیرا ایسته یه بیلہ جکنک ودها فضلہ سی ایسته نه مه یه جکنک باراپور
انباسی متفقاً قرار کیر اولدینی معروضدر افندم .

ل سنه

دیش طیبی

دیش طیبی

دیش طیبی

...

...

...

دیگر اهل وقوفه حواله قراری نمونه‌سی

ایجابی مذاکره اولوندقدہ ... ایله ... آراسندہ تبکون ایدہرک محکمہ من
اعضاسندن ... بک طرفندن تحقیقاتی اجرا و طرفندن اهل وقوفه حواله اولونہرق
[.....] یولده براراپور استحصال ایدیلد کدن صوکره انتاج محاکمه ضمتده
هیئتہ تودیع اولونان ... دائر دعوانک طرفین وکیللرینک حضور یله جریان ایدہن

محاکمه سنده مدعی علیه و کیلی دعوانک اساسی، موکلی طرفندن... یرده وضع وتأسيس ایدیلش اولان الکتریق دیناموسنک معیب اولماسندن دولایي بایع و واضعی اولان ... نه اعاده سیله ائمانک مع ضرر و زیان تضمینی کیفیتندن عبارت اولماسنه کوره الکتریق متخصصلرندن بر ویا اوج مهندسه تودیع اولونماسی ایجاب ایده رکن دمیرجی اوسته لرندن فلانک اهل خبره نصبی موافق اولمادیغنه و اوکا بناءً راپور فنی مطالعاتی محتوی اولمایارق عندی بولونماسنه و یکیدن متخصص اهل خبره یه حواله سی مدعی علیه طرفندن طلب اولونماسنه و مدعی وکیلنک بو خصوصده تحقیقات حاکمک تقدیرینه قاریش-یلامایاجغنه دأر مدافعه سی ایسه غیر وارد بولونماسنه مبنی مندرجاتی ناقص و اطمئنان بخش اولمایان موجود راپورک کیفیتسزلکی حسبیله کیفیتک یکیدن اهل وقوفه حواله سنه قرار ویریلدی .

ل س نه

کاتب	اعضا	اعضا	اعضا
...

قرار مذکور طرفین وکیللرینه تفهیم و یکیدن متفقاً اهل وقوف انتخاب ایتلری تکلیف اولوندوقده اتفاق ایده مه ملرینه مبنی الکتریق مهندس سی ... بکک اهل خبره نصبنه قرار ویریلدی .

ل س نه

کاتب	اعضا	اعضا	رئیس
...

سندات

سندات رسمی و غیر رسمی اولیٰق اوزره ایکی یه آیریلور .
سندات رسمییه ، مراجع مخصوصه طرفندن رأساً تنظیم ویا تصدیق ایدیلن
سنداندر .

بونک ماعداسی سندات غیر رسمییه در . محکمه حضورنده اقرار اولنان سندلر
رسمی سند حکمنده درلر .

اجنبی مملکتده اصولنه توفیقاً صلاحیتدار مأمورلر طرفندن تنظیم ویا تصدیق
قیلمش اولان سندلر محلنده مرعی قانونلره مطابق اولدینی محلی تورکیه شهنبدری
ویا تورک سیاسی مأمورلری طرفندن تصدیق ایدیلش ایسه رسمی سند حکم
وقوتنده اولورلر .

صلاحیتدار مرجعدن یالکز امضالری مصدق سندات رسمییه نك زیرنده کی
امضالرانکار اولوناماز . کانر عدلارجه رأساً تنظیم قیلمش اولان سندلرک مضمونی
انکار اولوناماز ، یالکز ساخته لی ادعا اولونابیلیر . بونک خار جنده صلاحیتدار
مأمورلرک صلاحیتلری داخلنده اصولنه توفیقاً تنظیم ویا تصدیق ایتدکلری وثیقهلر
خلاقی ثابت اولوجیه قدر دلیل قطعی تشکیل ایده رلر . بناء علیه آنلرک خلاقی
قانون مدینک ۷ نجی ماده سی موجبجه ادعا و اثبات اولونابیلیر و اثبات ایچون
شکل مخصوصی یوقدر ؛ حاکمه قناعت تولید ایده جک هر شی واسطه ثبوت
اولابیلیر . چونکه حاکم آنجق شبهه تزویر وتصنیعدن سالم اولان دلائل ایله عمل
ایده ر . بوندن دولایی حاکم اشبو اوراق حقننده شهیهی دعوت ایدن حاللر
کوریرایسه تعقیبات ایچون مدعی عمومینک نظردقته وضع ایده بیلیر .

محکمه یه وبریلن اوراقده استاد اولونان سندلرک اوراق دعوا یه ربطاً تقدیمی
ویا اثنای محاکمه ده ابرازی لازمدر . اوراقده دعواسنی برسنده استاد ایتدیره

کیمسه اوسند مربوط و نزدنده موجود دکل ایسه دعوايه وجه تعلقنی ارانه و محتویاتی ممکن اولدینی قدر بیان ایله مکلفدر .

یوقاریده بیان ایدیلدیکی وجهله قانوناً معین بر دلیل ایله اثباتی مقتضی خصوصات باشقه صورتله اثبات اولونا ماز ؛ وایکی طرفه معین دلیللر ایله اثباتی تحریراً قبول ایدیلش و یا محاکمه اثناسنده اولوجهله آرا لرنده تقرر ایله مش ایسه باشقه صورتده بر دلیل اقامه و قبول ایدیله من .

برحقی احداث [بیع و هبه و رهن کبی] ، نقل و تحویل [حواله و تملیک دین کبی] ، تجدید ، اقرار اطفاء و اسقاط [صلح و ابرا کبی] مقصدیلله اجرا ایدیلن بالجله تصرفات زمان و وقوعنده کی مقدار و یا قیمتی بش بیک غروشی تجاوز ایتدیکی تقدیرده سندله اثبات اولونمق لازمدر ؛ شهود شخصییه اقامه اولونا ماز .

سندله اثباتی اقتضا ایدن تصرفلرک و آنلردن متولد ذمتلرک مقدار و قیمتی استیفا و ابرا کبی هر هانکی بر سبیلله معین حدک دونه تنزل ایتسه دخی سندسز اثبات اولونا ماز .

و تعادلی تأمین و تزویرات قابولرینی سدا تمک مقصدیلله اصول محاکمه حقوقیه قانونی ، سندله مربوط اولان هر نوع دعوالره قارشی در میان اولونا جق مدافعله ایلله سندک تنظیمندن اول و یا تنظیمی صیراسنده و یا صوکره بونک حکم و قوتی تنقیص ایده بیلله جک تصرفات و بیانات بش بیک غروشدن آزا بر مبلغه تعلق ایتسه دخی شاهد ایله اثباتی منع ایله مشدر .

قانون تجارتک [حاکم خلاقی تجارت قانوننده مصرح اولما دجه مواد تجاریده قوانین عمومیه نک قبول ایتیش اولدینی اسباب حکمدن باشقه مدعا بهک مقداری نه اولور ایسه اولسون شهادات و قرائن و اماراتدن متحصل قناعته بنای حکم ایده ر .] دیو محرر اولان ۶۷۸ نجی ماده سنک حکمی مستثنا و محفوظدر .

شوقدر که سندله اثباتی لازم کلن بر خصوصده تحریری بر مقدمه بینه یعنی مدعا بهک تماماً ثبوتنه کافی اولما قله برابر بونک وقوعنه دلالت ایدن و علیه ابراز

ایدیلش اولان طرف جانبدن ویریلن اوراق و ثائق و مکتوبلردن بری بولونور ایسه نقصانلری حقنده شاهد اسماعی جائردر .

سندله اثبات مجبوریتدن :

۱ -- اصول و فروع برادر و همشیره و یاقاری و قوجا و قئن پدر و والدله ایله داماد و کلین آراسنده کی معامله لر ،

۲ -- جرمدن متولد اولسون اولماسون تضمیناتی مستلزم فعللر ،

۳ -- یانغین و یا قضای بحری و یا خود دشمن استیلاسی کی سند آلتنه آلمسی غیر ممکن و یا فوق العاده مشکل حالدرده یاپیلان معامله لر ،

۴ -- حاکم ایجابنه و ایکی طرفک وضعیتلرینه نظراً سنده ربطی متعامل اولمایان معامله لر ،

۵ -- عقدلرده خطا ، حیلہ ، غبن و جبر و اکراه و وقوعی کیفیتلری مستثنا اولوب بونلرده شاهد اقامه سی جائردر .

ناکهای بر حادته و یا مجبر بسبب ایله سندک صاحبی یندنه یا خود هر نه صورتله اولور ایسه اولسون علی الاصول تودیع اولونان رسمی مأمور نزدنده ضایع اولدییی حقنده قناعت بخش دلیل و اماره لر موجود اولدییی تقدیرده شهادتله دعوی اثبات اولونا بیلیر .

بر کیمسه نك خصوصی اوراق و یا دفترینه بر حقتک استیفا و یا ابراسنی متضمن یازدیغی قیدلرله یندنه کی اشیا اوزرینه یازوب مندرجاتندن سند مقامنه اقامه ایله دیکی آکلاشیلان قیودات و تعهدات او کیمسه مقامنه قائم اولانلر علیه دلیل تشکیل ایدر .

دفتر تجاریده مندرج قیدلرک حکم و قوتی یوقاریده ایضاح اولونان قانون تجارتک ۸۱ ، ۸۲ ، ۸۳ ، ۸۴ ، ۸۵ ، ۸۶ نجی ماده لری احکامنه تابعدر .

دوغوم ، اولوم ، اوله نه و قوعاتی تاریخلری نفوس قیوداسیه سیله و یا صور مصدقه سیله اثبات اولونور . آنلرک ضیاع و فقدانی حالنده متوفی آنا و یا بابانک اوراق و دفاتر خصوصیه سنده کی یازیلرله اثبات اولونا بیلر چکی کبی بابا و آناسی

مجهول اولارق سجل نفوسه مقید بولونانلرده بوقیل اوراق ایله بابا ویا آنالریله نسبتلرینی اثبات ایده بیلرلر .

تلغرافنامه لر ، کشیده ایچون تلغرافخانه یه ویریلن اصلرینه مطابقتی اختلافلی اولمادقجه دلیل تشکیل ایدر ؛ اختلاف حالنده صاحبی طرفندن یازیلش یاخود امضا ایدیلش اولان اصلنه اعتبار اولونور .

قسماً ویا تماماً قبضی متضمن اولارق سندزیرینه ویا ظهرینه آلا جقلی طرفندن بالذات یازیلان ویا باشقه سی طرفندن یازیلوبده آلتنده آلا جقلینک امضاسی بولونان عبارهلر معتبردر .

مهر ویا آلت واسطه سیله وضع اولونان امضا ویا جزؤدان ایله معامله اجراسنی اعتیاد ایتش اولان مؤسسه لرده معامله نك ابتداسنده تعیین اولونوب بر صورتی حساب دفترینه ویا جزؤدانه موضوع بولونان مهر ویا امضا ایله یاپیلاجق معامله معتبردر .

امضا وضعنه مقتدر اولمایان ویا یازی ییلمه یین شخصك هیئت اختیاریه و محللجه معروف ایکی شخص طرفندن تصدیق ایدیلش و ال ایله یاپیلمش بر اشارت ویا مهر استعمالی جائزدر .

سندده بولونان چیقینتی وکذلك سندك متننده ویا هامشنده کی حك وسیلنتی محکمه جه سندك صحت ویا معناسنه مؤثر اولاجق ماهیتده کوریلیر ایسه سندقسماً ویا تماماً حکمسنر عد اولونابیلیر .

تاریخ تنظیم - امضاسی اقرار ویا محکمه جه اونك اولدیغنه حکم اولونان غیر رسمی سندلرک تاریخی امضا ایدن ایله میراثچیلری حقنده معتبر اولوب اوچنچی کیسه لر حقنده حکم افاده ایتمز .

فقط برسندك کندیسنه ابراز اولوندیغنی کاتب عدل ویا صلاحیتدار مأمور (شهبندر کی) طرفندن علی الاصول تصدیق ایدیلش ایسه ابراز تاریخی یاخود امضا ایدنلردن برینك وفات تاریخی ویا امضاسنه امکان مادی یی سلب ایدن بر حادثه نك وقوعی تاریخی [اللرینك کسيلمه سی تاریخی کی] یاخود اوسندك بر

معامله رسمی به اساس اتخاذ قلمدینی تاریخ [ایجار مقاوله نامه سنک ویر کودائره سنجه ویرکویه اساس اتخاذ ایدیلسی کبی] اوچنچی شخصلر حقننده معتبردر . بوسندلرده بحث اولونان دیگر سندلرک تاریخی اوچنچی شخصلر حقننده آنجق صوک سند تاریخنک مصدق عد اولوندینی تاریخنن اعتبار اولونور .

فقط ابرا وقبضی متضمن سندات غیررسمیه ایله تجارک معاملات تجاریه لرندن دولایی ویردکاری سندک تاریخی بروجهمعروض تحقیق ایتدیریلسه بیلر اوچنچی شخصلره قارشى معتبر عد اولونور ؛ شوقدرکه خلافی اثبات اولونابیلر . سنداتک ابرازی . - دلیلی ایراد ایدن طرف خصمنک موافقتی اولمادجه آکا استناددن صرف نظر ایده من .

ابراز اولونان سند صورت اولور ایسه ، دعوانک هر حالنده رأساً ویا ایکی طرفدن بری جانبدن سندک اصلنک ابرازی طلب اولونابیلر ؛ بوتقدیرده ضایع ویا تلف اولمامش ایسه سندک اصلی ابرازایتمک مجبوریدر . سندک اصلی محافظه ایدن طرف ویا کاتب عدلر ویا سائر مأمورلر تحقیقات حاکمک قراری اوزرینه بونلری محکمه به ابراز مجبوریتمده درلر .

تحقیقات حاکمی ابراز اولونان سندک دعوانک اثنای جریاننده حفظی ایچون ایجاب ایدن تدبیرلری [قاصده حفظ ، فطوغرافی اخذکبی] اتخاذ ویا لزومنده یکیدن ویریلک اوزره ابراز ایدنه اعاده سنی تنسیب ایده بیلر .

تحقیقات حاکمی ابراز و اراثه سی مشکل اولان بیوک دفاتر کبی وثیقه لری محلنده بالذات ویا تعیین ایده جکی اهل خبره واسطه سیله تدقیق و صورتلرینی اصللریله تطبیق ایدر .

اصلا رک حالی تثبیت ایچون ایکی طرف حضورنده ودعوت اوزرینه کمدکاری حالده غیابلرنده پاییلان معامله حقننده برضبط ورقه سی تنظیم اولونور ؛ وثیقه نک فطوغرافی ده آلینابیلر .

وثیقه محکمه نک دائره قضاسی خارجنده بولونور ایسه صلاحیتدار اولان محکمه نک نیابتیه لازم کلن تدقیقات یاپیلور .

رسمی بر دأرده بولونماسندن ناشی وثیقه‌نك اصلی ارأنه‌دن عاجز اولان طرف آنك جلب ایدیلسنی طلب ایده‌بیلیر .

اجنبی‌لسانله یازیلش بروثیقه‌یی ابراز ایدن طرف ترجمه‌سنی‌ده ربط ایتمه‌ک مجبوردر . حاکم ویادیگرطرف مبرزترجمه‌یی قبوله‌شایان کورمزایسه رسماً ترجمه ایتدیریلسی امر اولونور .

محکمه‌یه‌ویریلن اوراقده استناد اولزان سندلرك ابرازی مجبوریدر . برطرفك دیگر طرفدن دعوايه متعلق آلدیغی مکتوب وتلغرافلرك ابرازی مجبوریدر .

ایکی طرف ایچون مشترک اولان معامله ومنفعتلره متعلق تنظیم ایدیلش اولان وثیقه‌لرك ابرازی مجبوریدر .

ایکی طرفك مستقلاً ویامشترکاً مالک اولدیغی وثیقه‌لرك ابرازی مجبوریدر . طلب وقوعنده حساب دفترلینك مصدق پارچه‌لرینی ابراز ایتمك مجبوریدر . قانون مدنی وتجارت موجبنجه برکیمسه‌یدنده بولونان وثیقه‌یی ابرازه مجبوردر . مصدق حساب دفترلی پارچه‌لرینك اصلنه مطابق اولدیغی تعین ایچون ایجاب ایدن دفترلرك ویاخود پارچه‌سی ابراز اولونان اصل دفترك تثبیت ایدیلسنه واصللرینك فطوغرافلرینك چیقارماسنه قرار ویریله‌بیلیر . وثیقه‌نك ویاحساب دفترینك معین پارچه‌لرینك ابرازینی طلب ایدن طرف ممکن اولدیغی قدر اشبو وثیقه‌لر مندرجاتی اسباب ثبوتیه‌سنی بیان ایتدیکی صیراده تحریراً تصریح وتعیین ایتش اولماسی لازمدر .

ابرازی ایسته‌نیلن وثیقه‌یله اثبات ایدیلک ایسته‌نیلن خصوصك دعوانك ثبوتنه مدار اولاجغنه محکمه‌جه قناعت حاصل اولدیغی وخصمه‌ده اشبو وثیقه‌نك یدنده اولدیغی اقرار ویاتحریراً سبق ایدن طلبه قارشسی سکوت ایتدیکی تقدیرده محکمه وثیقه‌نك ابرازینی امر ایدر .

وثیقه‌نك یدنده اولدیغی انکار ایدن طرفه خصمنك طلبیله [بویه بروثیقه‌یه واضع‌الید اولمادیغنه واعتنا یله آرادینغی حالد بولامادیغنه و خصمنك استعمالنه

امكان ویرمه مک قصدیه اضاعه ویا امحایا خودا خفا ایتدیکنه وسندک نروده و کیمک بدنده اولدیغندن معلومانی بولونمادیغنه [دأریمین تکلیف اولونور . محکمه دعوانک حالیه شکلیمینی توفیق ایده بیلیمک ایچون لدی الحاحه یمین صورتی تعدیل ایده بیلیر .

دیگر طرف وثیقہیی ابراز و یمین ایتمز ویا عدم ابرازک معذرت صحیحہ یمه مستند اولدیغنی اثبات ایده مز ایسه محکمه ، ابراز ویا یمین ایدیلیمک خصوصده کی مقصدی نظره آلارق دیگر طرفک سند مندرجاتی حقنده کی بیانه صحت نظریله باقار .

برطرفک دیگر طرفدن آلدیغی دعوایه متعلق مکتوب و تلغرافلر ایله ایکی طرف ایچون مشترک اولان معامله و منفعتلره متعلق تنظیم ایدیلش اولان وثیقہلر ویا ایکی طرفک مستقلاً ویا مشترکاً مالک اولدیغی وثیقہلر اوچنچی برشخص بدنده ایسه و طالب ابراز اولان مندرجاتی تعیین و تصریح ایتش ایسه اونک طرفدن ابراز اولونماسنه قرار ویریلیر . و حاکم اوچنچی شخصه ایسته نیلن وثیقہیی ابراز ایتسنی امر ایده ر .

هر شخص بدنده بولونان اوراق ابراز ویا نروده بولوندیغنی بیان ایتمک اوزره شاهد صفتیه محکمه یمه جلب اولونابیلیر ؟ قانوناً شهادتن امتناع حق یوق ایسه اوچنچی شخص حاکم قرارینه اطاعتله سندی ابرازه ویا محملنی ارأنه مجبوردر ؟ اطاعت ایتمز ایسه شاهدلر حقنده کی اون بش لیرایه قدر جزای نقدی و مصارفه و عندالایجاب اون بش کونه قدر حبس ایله ده محکوم ایدیلیر .

محکمه جه معین بر خصوصک اثباتنه قرار ویریلد کدن صوکره او خصوص حقنده اوچنچی شخص ویا مأمور رسمی نرزنده دیگر بر دلیل بولوندیغندن بحثله ابرازی ایچون مهلت طلب اولونور ایسه دعوائی اوزاتمق مقصدیه ویا اهل مال فاحش نتیجه سی اولارق وقتیه درمیان اولونمادیغنه حاکم قانع اولور و خصم دخی طلب ایده رایسه بیان اولونان دلیلک عدم تدقیق و استماعنه قرار ویره بیلیر .

قانوناً معین بر دلیل ایله اثباتی لازم کلهن خصوصک باشقه صورتله اثبات اولوناما یا جغنه دأر قرار نمونه سی

ایجابی تأمل اولوندی : ... ده مقیم یکر می یاشنده ... مکتبی طلبه سندن ... طرفندن خزینة مالیه علیه اقامه اولونوب ... تاریخده استابولده ... ده کی اقامتگاهنده آلتش یاشنده ایکن وفات ایدهن ... تاریخ وفاتندن برسنه مقدم رضاسیله کندیسنه اولاد ایدیندیکندن آنک عائله اسمی اکتساب ایله اولادلی اولدیغندن وفاتیه بوتون ترکسینه میراثچی ایکن بلا وارث وفات ایتدیکندن بختله خزینة مالیه جه ترکه متوفایه وضع بد ایدیلش اولدیغندن قانون مدینک ۲۵۷ نجی ماده سنه توفیقاً خزینة مالیه نک منع مداخله سنه و ترک نک طرفنه تسلیمه قرار ویریلمی طلب و دعوی ایدیل سندن ناشی جریان ایدهن محاکمه سنده مدعی مومی الیه دن ادعا ایلدیکی اولادلق کیفیتنی اثبات ایتمی لزومه قرار ویریلرک تفهیم اولوندقده شهود شخصییه و متوفانک مکاتبی ایله اثبات ایده جکی بیان ایلش ایسه ده قانون مدینک ۲۵۶ نجی ماده سنده محرر اولدیغی اوزره اولاد ایدینه ، اولاد ایدینک اقامتگاهنی حاکمک مساعده سی اوزرینه یایله حق رسمی بر سند ایله اولاجنی و بوسند رسمی اوزرینه کیفیتک دوغوم کوتوکنه قیدی مقتضی اولدیغنه قانوناً معین بر دلیل ایله اثباتی لازم کلهن بر خصوصک باشقه صورتله اثباتی جائز اولدیغی ده حقوق دعواری اصول محاکمه لری قانونک ۲۸۷ نجی ماده سنده مصرح بولونماسنه منی شهود شخصییه و یا مکاتب ایله اثبات مدعا ایتک خصوصنده کی طلبنک ردینه و بر منوال محرر قید و رسمی سند و ارایسه ابراز ایتسنه قرار ویریلدی .

مدين دليللارايله اثباتى طرفينجه مقرر بر خصوصك باشقه صورتله اثبات
اولوناما ياجغنه دائر قرار نمونه سى

الحاجى تامل اولوندى : ... ده مقيم دولكر ... طرفندن ... ده مقيم
... عليه اقامه اولونان دعواده ... ده كى خانه سنى تعمير ايچون مدعى عليه ايله
كوتورى اولارق ... ليرايه بازارلق ايدوب ... دن آليناق مالزمية عائد فاطوره لر
اوزرينه صاحب خانه نامه تاديانده بولونمق اوزره اوچيوزاللى ليرا اعطا اولونارق
خانه ك انشاآتى اكال اولوندقده تعميراتدن مطلوبى اولان درتيوز ليراي ايسيديكى
حالده مالزمية ايچون ويرديكى اوچيوز ليراي صرف ايتديكندن بختله ويرمكدن
امتناع ايتديكندن تحصيلى طلب ودعوى اولونارق معرفتمله جريان ايدهن تحقيقاتده
مدعى عليه اولوجهله عقد ومقاوله يي وتعميراتك اكال ايديلديكى تصديق ايلش
ايسهده ويرديكى اوچيوزاللى ليراي مالزمية صرف ايديلديكى انكار ايله مالزمية
پاره سنى آروجه كندوسى تسويه ايديلديكى بناء عليه مالزمية اشتراسى ايچون
كنديسنه ويرديكى حالده زدننده قالان مبلغ مذكورك طرحندن صوكره مدعى
عليه ذمتنده اللى ليرا بورجى اولوب اونى ده تسويه آماده اولديغنى بيان ايلمكه
اوچيوزاللى ليراي مالزمية صرف ايديلديكى اثبات ايتمى مدعى به تكليف
اولوندقده مذكور مالزمية ك بايى ... طرفندن معطى فاطوره لرله اثبات ايده جكنى
بيان ايلمكه مدعى عليه مقاوله ده اشترا ايديله جك مالزمية ك صور ثبوتيه سى
آرالرنده قرارلاشديريلارق مغازه دن آليناق فاطوره لك زيرى تعميراته نظارت
ايچون طرفندن تعيين ايديلش اولان ... افنديك امضاسى ايله مصدق اولاجنى
واختلاف وقوعنده آتجق معتمدينك امضاسى حاوى فاطوره لك دليل اولاجنى
وباشقه دلائلك معتبر طوتولماياجنى شرط قيلنمش اولديغنى سويلسى اوزرينه بوكا
قارشى ديه جكى صوريلان مدعى فى الحقيقه اويله قرارلاشدير مشلر ايسهده بو شرطك
بر اهميتى اولاماياجنى چونكه تسويه يي هر صورتله اثبات ايده بيله جكنى ادعا
ايلش ايسهده اصول حقوقيك ۲۸۷ نجى ماده سنك ايكنجى فقره سنده محرر

اولدینی اوزره ایکی طرفه معین دلیللر ایله اثباتی تحریراً قبول ایدیلش اولان
و یا محاکمه ائناسنده اولوجهله قرار ویریلدیکی اقرار اولونان ماده لر حقه ده باشقه
دلیل قبول اولونمایاجنی جهتله مدعینک باشقه صورتله دلیل اقامه سی حقه ده کی
طلبینک ردینه و طالب تحلیف اولوب اولمادیغینک استفسارینه قرار ویریلدی .

کاتب سنه سنا

کاتب سنه سنا

بش بیک غروشی تجاوز ایدن مدعا بهک شهود شخصیه ایله
اثبات اولونمایاجنه دائر قرار نمونه سی

ایجابی تأمل اولوندی ... نک ... صاندینی بر چیفت الماس کوبه ائماندن
مباقی درتیوز لیرا آلاقی دعواسنک جریان ایدن تحقیقاتنده مدعی علیه ک انکار
مدعا ایلمنه مبنی نه ایله اثبات مدعا ایده جکی مدعیدن صور و لده شهود شخصیه
ایله اثبات ایده جکی بیان واعطا ایلدیکی لیستده اسامیسی محرر شهودک استماعنه
قرار ویریلسنی طلب ایلمش ایسه ده حقوق دعوالری اصول محاکمه لرنی قانوننک
۲۸۸ نجی ماده سی حکمنجه مقدار قیمتی بشبیک غروشی تجاوز ایدن دعوالرک
سندله اثباتی لازم اولوب شهود شخصیه استماعنه مساع اولماسنه مبنی مدعینک
شهود شخصیه استماعی حقه ده کی طلبینک ردینه قرار ویریلدی .

کاتب سنه سنا

کاتب سنه سنا

کاتب سنه سنا

مقدمه بینه یه مقارن شهود شخصیه استماعنه دائر قرار نمونه سی

... طرفندن ... عامنه اقامه اولونان و بشیوز لیرا قیمتنده ... نوع پر لانه
بر چیفت بیله زیکی کن دیسندن استقراض ایلدیکی او چیوز الی لیرایه مقابل ترهین
ایدوب بورجنی تسویه ایلدیکی حالد مال مرهون مذکوری استرداد ایده مدیکندن

عیناً و یا بدلاً اعاده و تضمیننه قرار و یریلیمی طلبنی متضمن اولان دعوانک جریان ایدن تحقیقاتنده مدعی علیه و کبلی کلیاً انکار مدعا ایلمش و مدعی اثبات مدعا ضمننده ابراز ایدوب مدعی علیه و کبلی طرفندن موکله عائدنی اقرار اولونان [پوسته ایله کوندردیککز بورجکزک صوک تقسطنی ده آلام. بونکله بورجکز قالمامشدر. مقابلنده امانتکز محفوظدر.] عباره سنی و ... امضاسنی محتوی اولان ۱ سنه تاریخی مکتوب مدعابه رهنک نوع و قیمتی تماماً اثباته کافی اولمادیغنی مدعی به بیلدیریلدکده حین عقد رهنده موجود اولان ... و ... ایله اثبات ایدیه بیلجهکنی و مدعی علیه و کبلی قیمتی بشیوز لیرا اولان مدعابه حقنده شهود شخصیه اقامه سی قانوناً مجاز بولونمادیغنی سویلرلیله ایجابی تأمل اولوندقده مبرز مکتوب بر مقدمه بینه ماهیتنده اولوب رهنک وقوعه دال اولدیغندن اصولک ۲۹۲ نجی ماده سی موجبجه اتمام ثبوت ضمننده شهود شخصیه اقامه سنه جواز قانونی اولمغله مدعی علیه وکیلنک غیر وارد اولان اعتراضنک ردیه استماع شهوده قرار و یریلدی. ۱ سنه کاتب تحقیقات حاکمی

...

...

اصولک ۲۹۳ نجی ماده سنه استناداً شهود شخصیه استماعنه قرار

ایجابی تأمل اولوندی، ... ده مقیم ... نک ... ده مقیم برادری ... علمینه جهت قرضدن بیک لیرا آلاچق دعواسنک طرفه حواله اولونان تحقیقاتنده مدعی علیه انکار مدعا ایلمکله صور ثبوتیه سی مدعیدن صور ولدقده شهود شخصیه ایله اثبات مدعا ایدیهکنی بیان و مدعی علیه مقدار مدعا به نظر آلاچق سند ایله اثبات مدعا اولونابیلجهکنی افاده ایلمش ولدی السؤل مدعینک اوز برادری اولدیغنی تصدیق ایتمش اولدیغندن حقوق دعوالری اصول محاکم لری قانوننک ۲۹۳ نجی ماده سنک بر نومرولی فقره سی حکمنه توفیقاً شهود شخصیه استماعنه قرار و یریلدی. ۱ سنه کاتب تحقیقات حاکمی

...

...

اصولك ۲۹۸ نجی ماده سنه مستند قرار نمونه سی

ایجابی تأمل اولوندی ایله ... آراسنده متکون جهت قرضدن ... لیرا آلاچق دعواسنك جریان ایدن تحقیقنده مدعی عایهك انكارینه قارشى مدعینك اثبات مدعی ضمننده ابراز ایدلیکی سنك متننده محرر یوز لیرا عباره سی اوزرنده کی اشارتله هامش سنده چیقنى اولارق یازیلش اولان [درت] کله سنك آلتنده امضا بولونمادیغی کوریلدکده مبرزى (درت) کله سی مضیٰ سنك ایلله چیقنى اولارق یازلدیغی عندالانكار استکتاب ایله آکلاشیله جغنى بیان و مدعی علیه امضاسز مذکور چیقنىتنك برحکمی اولامایاجغنى و کندی یازیسى اولمادیغنى افاده ایلمش و فی الحقیقه حقوق دعوالرى اصول محاکمه لری قانوننك ۲۹۸ نجی ماده سنده امضاسز چیقنى و هامشلك انكار حالنده حکمسز عد اولونایله جکی محرر اولدیغندن دعواده مدار استناد اولامایاجغنى مدعی به افهامنه قرار ویریلدی . ل سنه کاتب تحقیقات حاکمى

...

...

اصولك ۲۹۹ نجی ماده سنه موافق بر قرار نمونه سی

ایجابی مذاکره اولوندقده : ... طرفندن ... علیه اقامه اولونان و ... خانه ده کی نوع و مقدار و قیمتلى ضبطنامه ده محرر بولونان اشیای مقوله نك ملکیتنه متعلق دعوانك تحقیقاتی ختام بولارق هیئته ویریلکله اساس دعوی حقنده علناً جریان ایدن محاکمه ده مدعی علیه طرفندن ثبوت ملکیتی حقنده دفعاً ابراز ایدیلش اولان بیع سندی ثم التدارك ترتیب و کندیسنه بیع ایدیلدیکن صوکره تنظیم ایدیلهرک مقدم تاریخ وضع اولوندیغنى مدعی بیان و شخص ثالث منزله سنده اولدیغندن بوتاریخك کندیسنه مؤثر اولامایاجغنى افاده ایله مدعی عایهك دفعنك ردینی طلب ایلمش ایسه ده مدعی علیه طرفندن مبرز سند زیرنده بك اوغلى ... نجی کاتب عدله ابرازك تصدیقى محتوی شرحك زیرنده کی تاریخ اصول حقوقیه نك

۲۹۹ نجی ماده سی حکمنجه معتبر و غیر قابل انکار اولاجفندن مدعینک ادعای
مذکورینک ردیله نقاط باقیه حقنده دوام محاکمه یه قرار ویریلدی . ل . سنه
کاتب اعضا اعضا رئیس
...

اصولک ۳۰۲ نجی ماده سنه موافق بر قرار نمونه سی

ایجابی تأمل اولوندی ، تجاردن ... ده مقیم ... ایله کذلک تجاردن ... ده
مقیم ... آراسنده متکون اولوب میانه لرنده کی حساب جاریدن متولد دعوانک
جریان ایدن تحقیقاتنده مدعینک ابراز ایلدیکی قطع حساب بیاننامه سنده محرر
ل . سنه تاریخی تلغرافنامه ایله عثمانلی بانکهنه تسویه سی امروحواله اولونان
بیک درتیوزلیرایه عائد قلمه مدعی علیه وکیلی اعتراض ایله آنک مقداری درتیوز
لیرا اولوب بیک درتیوزلیرا اولمادیغنی افاده وفضله سنی انکار ایلسنه قارشى مدعی وکیلی
بوجه تی ابراز ایلدیکی و [بیک درتیوز لیرای عثمانلی بانکهنه نامه یاتیریکز] عباره سنی
محتوی تلغرافنامه ایله اثبات ایتمکده اولدیغنی و مدعی علیه وکیلی بوتلغرافنامه نک
اصلنه مطابق اولمادیغنی و موکلنک امضاسنی حاوی اصلنده درتیوز لیرا اولوب بیک
درتیوز لیرا اولمادیغنی بیان ایتملریله اصول حقوقیه نک ۳۰۲ نجی ماده سی موجبهنجه
امضالی اصلنک جلبنه قرار ویریلسندن ناشی بوکره ورود ایدن اصلنده بیک
کلمه سی اولمادیغنی کورولمکله اشبو اصله اعتبار اولونا جفنه قرار ویریلدی .
ل . سنه کاتب تحقیقات حاکمی
...

اصولک ۳۰۴ نجی ماده سنه مستند قرار نمونه سی

ایجابی تأمل اولوندی تاریخده . . . ده وفات ایدن ... ک نزدنده
بر طوربه دروننده شوقدر وشو قیمتده زینت آلتونی مال مودوعی اولوب ورثه
کباری ویرمکدن امتناع ایتمکده اولدیغندن استردادى ... ده مقیم ... طرفندن

طلب و دعوی ایدیلنسندن ناشی جریان ایدن محاکمه سنده مدعی علیه ... مدعا به امانت اترك مورثاری متوفایه مدعی طرفندن تودیع ایدیلدکلری مجهولی اولوب کرچه قاپالی بر کیسه دروننده بعض آلتونلر موجود و کیسه نك اوزرنده بوزینت آلتونلری ... طرفندن نزدیده و دیعه در دیه متوفانك ال یازیسيله بر یازی وار ایسه ده امضادن عاری اولدیغی جهتله بیندن معدود اوله مایاجغنی بناء علیه مدعینك آریجه اثبات مدعی ایلمسی لازم کله جکنی افاده ایلمش ایسه ده حقوق اصول محاکمه لری قانوننك ۳۰۴ نجی ماده سنه نظراً بومثلاً قیودات دلیل تشکیل ایدیه بيله جکندن مذکور طوربه نك برای تدقیق محکمه یه کتیر یلنسنگ مدعی علیه تنبیه قرار ویریلدی .

حاکم

ل س نه

...

اصولك ۳۰۵ نجی ماده سنه موافق برقرار نمونه سی

ایجابی مذاکره اولوندی ... ده مقیم ... خانم طرفندن ل س نه تاریخنده وفات ایدن ... میراثچیلری برادرلری ... و ... علیه اقامه اولونان بابالق دعواسنده آلتی آی اول متاهل اولمایان متوفانك صلبندن و کذلک ذات الزوج اولمایان کندیسندن اولیلک خارجنده دوغدیغندن بختله حکماً طانمهی طلب اولونماسندن دولایی جریان ایدن تحقیقاتنده مدعی علیه و کیلی ... بك چوجق ایکی یاشنده اولدیغندن قانون مدینك ۲۹۶ نجی ماده سی موجینجه بابالق دعواسی تاریخ تولدن بر سنه ایچنده اقامه اولونمق لازم کلدیکنی بیان و مدعیه چوجنك آلتی آیلق اولدیغنی اثبات ایدیه جکنی افاده ایلمکله اول امرده کیفیتك نفوس اداره سندن استعلامنه قرار ویریلدیکندن ... نفوس مأمورلغندن کلن جوابده ... ده واقع اولان حریقده نفوس قیوداتنك محترق اولدیغنی بیلدیریلش و مدعیه ده قید صورتی اولمادیغنی بالسؤال اکلاشلمش اولغله چوجو غك دوغوم تاریخی نه ایله اثبات ایدیه جکی مدعیه دن صورولدقده متوفا کتابلرندن بری اوزرنده تاریخ تولدینی ال یازیسيله قید ایلمش اولدیغنی و مذکور کتابلر

تحریر ترکه سببيله ... محکمه سی نزدنده بولونديغنی بیان ایلمش اولديغندن جلب و تدقیق ایچون تحقیقاتک تعلیق اولونديغنی کونده طرفین اصالة حاضر اولدقلری حالدہ مورود مجلد قانون مدنی کتابنک برنجی صحیفه سنده [بوکون اقسامه دوغری ... خانم ایله اولان مناسبتمزدن برارکک چوجق دنیایه کله رک رمزی توسیم ایدیلشدر ۵ شباط ۹۲۷] عباره سی کورلمکله متوفانک یازیزی اولوب اولمديغنی مدعی علممادن صورولدقده متوفا برادرلرینک یازیزی اولديغنی تصدیق ایتملریله اصول حقوقیه نک ۳۰۵ نجی ماده سی موجبنه بویازینک اولوجهله تولده دلیل اولاجغنه و ثابت اولان تاریخ تولده نظراً بابالق دعواسی ایچون مرور زمان واقع اولمادیغنه بناءً اعتراض مذکورک ردیله دوام محاکمه یه قرار ویریلدی .

سنة ل

رئيس

...

اعضا

...

اعضا

...

اصولک ۳۰۷ نجی ماده سنه مستند قرار نمونه سی

ایجابی تامل اولوندی : ... ایله ... آراسنده متکون ربخ شرکتدن حصه دعواسنک تحقیقاتنده مدعی علیهک انکارینه مبنی مدعی اوراق میاننده بولونان ... سنه تاریخی مقاله نامه یی ابراز ایله بوکا استناداً اقامه دعوی ایلدیکنی و دعواسنی بونک مندرجاتیله اثبات ایده جکنی سولمکله او قوتدیریلارق دیه جکی صوریلان مدعی علیه بودلیل کنیدیسی ده قبول ایلدیکنی وشو مقاله نک یدنجی ماده سنده [.....] دیه محرراولماسنه مبنی مدعینک حق دعواسی قالمادیغنی بیان ایلمسنه قارشى مدعی بو مقاله یه استناددن صرف نظر ایلدیکنی وکله جک جلسه ده باشقه بر دلیل ابراز ایده جکنی سویلش ایسه ده مدعی علیه بوکا موافقت ایده مه - یه جکنی افاده ایلمش و حقوق اصول محاکمه لری قانوننک ۳۰۷ نجی ماده سنده

خصمك موافقی اولمقسزین مدعینك مبرز دلیلدن صرف نظر ایدمهیه جکی
محور بولنش اولدیغندن طلب مذکورك ردینه قرار ویریلدی . ل س نه
کاتب تحقیقات حاکی

...

...

اصولك ۳۲۶ نجی ماده سنه مستند قرار نمونه سی

ایجابی تأمل اولوندی . . . ده مقیم . . . طرفندن . . . ده مقیم . . . عابنه
اقامه اولونوب تحقیقی . . . محکمه اصلیه سی ریاستندن طرفه حواله اولونان
ومتداعین میانه سنده منعقد شرکت خصوصیه نك تصفییه سی طلبی تضمن ایدن
دعوانك جریان ایدن تحقیقاتنده مدعی علیه بویه بر شرکت خصوصیه نك
وجودینی انکار ایتمکه مدعی ، مدعی علیه نزدنده بولونان ل س نه تاریخی
و طرفندن سرمایه وضع اولونارق ایکی آی مدته کاردن حصه آلدیغنه دائر
اولان قیودی احتوا ایدن دفترایله اثبات ایدمه جکی و بودفتر ایله ، تاریخ دعوايه
قدر تمتعدن حصه سنه ایکی بیک لیرا اصابت ایدوب هنوز استیفا ایتدیکی ده ثابت
اولاجغنی بیان و مدعی علیه ن بویه بردفتر یندن اولوب اولمادیفی صورولدقده
سکوت ایتمکه دعوانك ثبوتنه مدار اولاجغنه قناعت حاصل اولان مذکور
دفترك ابرازی لزومی امر و تنبیه اولوندقده آنك ده وجودینی انکار ایتمکه
مدعینك طلبیه و حقوق اصول محاکمه لری قانوننك ۳۳۱ نجی ماده سنه توفیقاً
بویه بردفتره واضع الید اولمادیغنه و خصمك استعمالنه امکان ویرمه مك قصدیه
اضاعه و یا احیا یا خود اخفا ایتدیکنه و مذکور دفترك زرده و کیمک یندن
اولدیغندن معلوماتی بولونمادیغنه دائر یمین تکلیف اولوندقده یمین ایتمهیه جکی
بیان ایتمکه ابراز ایتدیکی تقدیرده اصول مذکورك ۳۳۲ نجی ماده سی موجبنه
مدعینك دفتر مندرجاتی حقنده کی بیاناتنك قبولی جهتنه کیدیه جکی مدعی علیه
تفهیم و محاکمه ل تاریخیه تعلیق قیلندی . ل س نه

تحقیقات حاکی

کاتب

...

...

تطبیقات

و

استکتاب

دعوانك اثنای تحقیقنده بر طرف کندیسنه نسبت اولونان سنده محرر یازی و امضای انکار ویا طامیادیغی بیان ایدر ایسه ایکی طرفك افاداتی و سرد اولونان دلیلر اوزرینه حاکم کافی درجهده قناعت حاصل ایلهمش ایسه سندی قبول ویا حکمدن اسقاط ایدرک اساس حقنده قرار ویریر .

اهل خبره واسطهسیله تحقیقاته قرار ویریلدیکی تقدیرده مدار تطبیق اولاجق یازی و اهل خبرهك تحقیقاتی اجرا ایدر جی کون حاکم طرفندن تعیین اولونور . حاکم بوباده آنجق ایکی طرفك اتفاق ایتدکلری هر نوع اوراق ایله سندات رسمیه دن اولان و بر کیمسه طرفندن حسب المأموریه ویا محکمه حضورنده تحریر و امضا ایدیلن اوراق تطبیقه اساس اتخاذ ایدر بیلیر .

تطبیقه اساس اتخاذ اولوناجق اوراق اولمادیغی ویا اولوبده درجه کفایهده بولونمادیغی تقدیرده اهل خبره طرفندن ترکیب اولوناجق عبارله منکر اولان کیمسه یازی یازدیر یلارق تطبیقات یاییلور .

منازعه لی اولان سندک زیری و سندک حالی مبین تنظیم اولوناجق ضبط ورقه سی ایکی طرف و کاتب و حاکم طرفندن امضا اولونارق محکمه قلمنده حفظ اولونور .

بر مأمورک حسب المأموریه یدنده اولوب تطبیقه اساس اولق اوزره محکمه قلمنه تسلیم اولونماسی اقتضا ایدن سندک صورتی اول امرده او مأمور طرفندن استنساخ اولونارق اقامتکاهی ویا تسلیم ایدیله جک محکمه رئیسنه تصدیق ایتدیریلدیکدن صوکره اصلی تسلیم اولونور . و صورتی ، اصل حکم و قوتنده در . صورتی استنساخ و تصدیق ایتدیریلدیکمزین محکمه قلمنه تسلیم اولان سندک

صورتی محکمه باش کاتبی طرفندن استنساخ و رئیس طرفندن تصدیق ایدیلهرک
علاقه دارلره ویریله بیلیر .

رسمی مأمورک ویا اوچنچی شخصک سندی تسلیم ویا ابراز ایتلمری ایچون
ضروری اولان مصرفلری ایله سندک صورت خرجنی تطبیقات اجراسنی طلب
ایدن کیمسه ویریر .

حاکم سندک منکره عائدیتنه قرار ویریر ایسه منکری اون بش لیرادن الی
لیرایه قدر جزای نقدییه وطلب وقوعنده دعوانک تأخری سببیه دیکر طرفک
معروض قالدینی ضرری تضمینه محکوم ایدر .

اصولک ۳۰۸ نجی ماده سنه موافق برقرار نمونه سی

ایجابی تأمل اولوندی . (ج) ایله (ق) آراسنده متکون آلاچق دعواسنک
جریان ایدن تحقیقاتنده مدعینک مستند ادعا اولاراق ابراز ایلدیکی لـ سنه تاریخی
سند ایله امضاسنی انکار ولدی الارائه طامیادیغنی بیان ایتمکه جز دانندن چیقاردینی
مماثل امضالری حاوی ومدعی علیه طرفندن مدعی علیه مرسل مکاتبی ومحکمه ده
تبلیغاته استعمال ایلدیکی امضالری ارائه ایلدی . مدعی علیه ارائه اولونان واوراق
دعوی ایله تبلیغاته قوللانیلان امضالر کندیسنک ایسه ده سندده کی امضا
کندیسنک اولمادیغنی سویلدی . بالتدقیق اصولک ۳۰۸ نجی ماده سنک برنجی
فقره سنه توفیقاً منکر امضانک مدعی علیه عائدیتنه کافی درجه ده قناعت حاصل
اولدیغندن اساس حقنده باشقه دیه جکلری اولوب اولمادیغنک استفسارینه قرار
ویریلدی .

تحقیقات حاکمی

کاتب

اصولك ۳۰۸، ۳۰۹، ۳۱۰، ۳۱۱، ۳۱۲، ۳۱۳ نجی ماده لر حکمنی

احتوا ایدن برضبطنامه نمونه سی

استانبولده آیاصوفیه ده دائره مخصوصه سنده استانبول محکمه اصلیه سی ایکنجی حقوق دائره سنه مخصوص تحقیقات ضبطنامه سیدر .			
دوسیه نومروسی	تحقیقات حاکی	ضبط کاتبی	مباشری
...	محکمه مذ کوره اعضا سندن بك بك	... افندی
مدعی	وکیل و یا نمثلی	مدعی علیه	وکیل و یا نمثلی
... ده مقیم ده مقیم
خلاصه دعوی		اسباب ثبوتیه	
جهت قرضدن . . . لیرا آلا جق دعواسی		سا سنه تاریخی برقطعه سند	
<p>... ده مقیم ... طرفندن ... ده مقیم ... علیه محکمه یه اعطا قلوب تحقیقی طرفزه حواله اولونان دعوی عرض حال یه وسند ایله صورتلری طرف دیگره برای تبلیغ محکمه قلمنه تودیع و باش کاتب طرفندن مباشرتین ایدیلن ... افندی معرفتیه یاپیلان تبلیغات اوزرینه مدعی علیه مدت قانونیه سی طرفنده دعوی و مستند دعوائی انکاردن عبارت اولان لایحه جوابیه سی اوزرینه طرفینه کوندریله ن دعوتیه ده معین شهر حالک ... نجی ... کونی ساعت ... ده مدعی طرفندن ... و مدعی علیه طرفندن ... آوو قاتلر بالورود و کالتنامه لری کوریلهرک</p>			

ماذونیتلری اگلاشلدقندن صوکره تحقیق مادهیه ابتدار اولوندقده مدعی دعواسی عر ضحالی مندرجاتی تکرار ومدعی علیه انکارنده اصرار ایتمکله سندک اصلی مدعی علیه وکیلنه ارائه اولوندقده زیرنده کی امضاموکلنک اولمادیغنی بیان ایتمکله اصولک ۳۰۸ نجی ماده سی برنجی فقره سی موجبنه قبل التطبيق منکر امضانک مدعی علیه عائدیتنه دائر قناعت حاصل اولامایاجنی اگلاشلدقده اصول مذکورک ۳۰۹ نجی ماده سنه توفیقاً طرفینک کله جک جلسده بالذات کملرینه قرار ویریلهرک ... کونه تعلیق وتفهم اولوندی . س سنه

کاتب تحقیقات حاکمی

...

...

یوم مذکورده طرفین وکیللری حاضر اولدقلری حالده بالذات محکمهیه ورود ایتملریله منکر سند حقنده طرفینک استجوابنه مبادرت اولوندی :

مدعی — سندک و امضانک قابل انکار اولمادیغنی چونکه یازیدن اکلایان هر هانکی کیمسه نک منکر امضا ایله مدعی علیه استکتاب اولوناجق امضاسی آراسنده کی مماثلتی درحال اکلایاییله جکنی بناء علیه انکارده اصرار اولوندینی حالده تطبیقات اجراسنی طاب ابتدیکنی سویلیدی .

مدعی علیه — سندوامضا کنديسنک اولمادیغنی وبکزه تیلش ايسه ده کندي امضاسی اولمادیغنی اهل خبره نک درحال آکلایاییله جکنی سویلیدی .

مدعی — هر نه قدر زیرنده محرر دکلسه ده بوامضانک آتیلدینی زمان مدعی علیه تجار تخانه سی اوطه سنده فلان وفلان حاضر بولونمش اولدیغندن جلیله استشهاد اولملرینی ایستدی .

اصولک ۳۰۹ نجی ماده سنه توفیقاً طرفزدن مدعی علیه استکتاب اولونارق یازدیریلان متعدد امضا ایله قارشیلادیریلدقده آنک امضاسی اولدیغنه تمامیه قناعت حاصل اولمادیغندن اهل خبره واسطه سیله تحقیقنه قرار ویریلهرک تفهم وبر ویاوج اهل خبره انتخاب ایتملری و آنلرک انتخابنده ومدار تطبیق اتخاذ اولوناجق اوراقده اتفاق ایتملری طرفینه بیلدیریلدکده اهل خبره تعییننده ومدار تطبیق

کلمك مجبوریتندہ قالماسندن دولایى ... غروش ضرر و زیانك تضمینى ایستدی .
مدعى علیه وکیللى اهل خبره راپورى قناعتبخش اولمادیغندن اساس دعوائى رؤیت
ایده جك اولان محکمه یه قارشى حق اعتراضى محافظه ایده جکنى ومدعینك بوتأخردن
اون بش لیرا ضررى وار ایسه ده موکلندن تضمینى ایجاب اتمه یه جکنى سویلدى .
ایجابى تأمل اولوندی : اهل خبره راپورینك مفاديله منکر سندن مدعى علیه
عائدتى آکلاشلمقله منکر اولان مدعى علیه ... دن یکر مى لیرا جزای نقدى
اخذینه . ومقدارى تصدیق ایدیلش اولان اون بش لیرا ضررینك مدعى علیه طرفندن
مدعى به تضمین ایتدیر یلسنه قرار ویریلهرک تفهیم قلندى .

اساس حقنده باشقه دیه جکلری اولوب اولمادیغى صورولدقده دیه جکلری
اولمادیغى آکلاشلمقله تحقیقاتك ختامى بیلدیر یلدى .

تحقیقات حاکمى

ل س نه

کاتب

...

...



ساخته لك ادعاسی

رسمی و یا غیر رسمی هر نوع سندك ساخته لكنی ادعایدن کیمسه اصل دعوائی رؤیت ایدن محکمه ده بوا دعاسنی كرك دعوائی اصلیه و كرك دعوائی حادثه صورتیه اقامه ایده بیلیر .

دعوائی اصلیه ، برحقی ادعا ایچون دوغریدن دوغریه و مستقل اولارق اقامه اولونان دعوادر .

دعوائی حادثه بر دعوائی اصلیه ضمننده حادثاً و تبعاً اقامه اولونان دعوادر . ساخته لك ادعاسی عرض حال ایله بیان اولونور . و بونك بر صورتی هان خصمه تبلیغ اولونور . ساخته لك ادعاسی تطبیق خط و امضایه متعلق اصول محاکمه حقوقیه احکامنه توفیقاً تدقیق اولونور . ساخته لكی ادعا اولونان سندك اهل خبره معرفتیه تدقیق و تطبیقنه و وقایع و حادثاتدن خبردار اولانلرك استماعنه قرار ویریلدیکی تقدیرده بوقیل سندات ، نتیجه حكمه قدر بر كونا معاملهیه اساس اتخاذ قیلماز . آنجق بوسنده مستنداً اولجه اتخاذ اولونان حجز كبی تدابیر احتیاطیه خلل كلز . ولدی الحاجه سند صاحبی حقوقنك محافظه سی ضمننده سائر احتیاطی تدبیرلرده توسل ایده بیلیر .

ساخته لك ادعاسندن فراغت اولونا بیلیرسه ده فراغت واقعیه قبول ایدوب ایتمه مكدە محكمه مختاردر ، قبول ایده رایسه آندن فراغت ایدن مدعیسنه جزای نقدی حكم ایدر .

برسندك ساخته اولدیغنه دائر صادر اولان قرار قطعیت کسب ایلد کدن صوكره یعنی طرق قانونیه دن مرور ایله تصدیق ایدیلد کدن و یا طرق قانونیه ایچون معین مدتلك مرورندن صوكره حكمی ویره ن محكمه رئیسى طرفندن اوسندك

زیرینه حکمک خلاصه‌سی یازیلارق سند ابطال اولونور . بو صورتله ابطال ایدیلن سند حقنده جهت جزائیه‌جه عدم مسئولیت و برائتہ دائر و بریلہ‌جک قرارلر مؤثر اولماز .

محکمه‌جه ساخته‌لک ادعاسنک ردی‌حالنده ساخته‌لکی ادعا ایدن طرفدن یکریمی ایرادن یوزلیرایه قدر جزای نقدی آلتقله برابر طلب وقوعنده دیکر طرفک مادی و معنوی ضررلری ده محکمه طرفدن باشقه‌جه تقدیر و حکم اولونور .
سندک ساخته اولمادیغنه دائر محکمه حقوقدن صادر اولان حکم کسب قطعیت ایتدکدن صوکره محاکم جزائیه‌ده دخی ساخته‌لک حقنده دعوی مسموع اولماز .

ساخته‌لک ادعاسنک ردی حالنده اعلام نمونه‌سی

تورک ملتی نامنه اجرای محاکمه و اعطای حکمه مأذون استانبول محکمه اصلیه‌سی اوچنچی حقوق دائره‌سنک سـ سنه تاریخی جلسہ‌سنده اعطا ایلدیکی حکمدر .

رئیس ... اعضا ... اعضا ...

... ده مقیم ... فلان طرفدن مبرز برقطعه سنده استاداً ... ده مقیم ...
... علمینه اقامه ایلدیکی بشیوز لیرا آلاچق دعواسنک محکمه‌مزده در دست رؤیت ایشه‌ده مذکور سندک ساخته‌لکی بالحاکمه ثابت اوله جفندن ساخته‌لکنه بالحکم ابطالنه قرار اعطاسی حقنده اصولی دائره‌سنده باعر فحال دعوای اصلیه صورتیه ...
... طرفدن اقامه دعوی اولونماسندن ناشی محکمه اعضاسندن ... بک معرفتیه تحقیقات لازمه ایفا اولونارق اوراقک محکمه به تودیی اوزرینه طرفین وکیللرینک حضوریه هیئتجه علناً اجرا قلنان محاکمه‌ده مدعی وکیلی سندک موکلی طرفندن ممضی اولمادیغنی و مدعی علیه طرفندن تصنیع ایدلدیکنه دائر تحقیقات حاکمی حضورنده ارائه ایلدیکی دلائلک سندک ساخته‌لکنی اثباته کافی و اهل خبره راپوری نقصانی تحقیقاته مستند اولدیغندن بالتعمیق ابطالی و مدعی

علیه و کیلی اجرا قلنان تطبیقات و استکتاب ایله مدعابه سندك مدعی نك یازیسیله محرر اولدینی ثابت اولدیغنه دائر اهل خبره راپوری دوسییه ده موجود اولدیغنی و بوکا مناقض هیچ بر دلیل ده ابراز واقامه اولونا مدیغنی و موکلی بوساخته‌لک ادعاسی سببیه مادی و معنوی متضرر اولمش ایسه ده بوجهتی طلب ایتمدکلرینی و دعوانك ردینه و مصارف محاکمه و اجرت و کالک مدعی به تحمیلنه قرار ویریلسنی طلب ایدوب قرائت و تدقیق اولنان تحقیقات ضبطنامه سنده محرر اولدینی اوزره ساخته‌لکی ادعا اولونان سندده موضوع امضا و یازینك بالاستکتاب مدعینك اولدیغنه دائر اهل خبره راپوری استحصال و بویخصوصه کرک مدعی و کرک مدعی علیه طرفندن اقامه اولونوب استماع اولونان شهودك افاداتندن مدعابه سندك مدعی طرفندن تنظیم و اعطا قلندیغنی استدلال اولوندیغندن اصولك ۳۱۹ نجی ماده‌سی موجبجه ثابت اولامایان بوجه مشروح ساخته‌لک ادعاسنك ردینه و مدعینك الی لیرا جزای نقدی ایله محکومیتنه وزیرده مرقم ... غروش مصارف محاکمه نك مدعی به تحمیلنه تضمیننه

سا سنه تاریخننده قابل تمیز اولمق اوزره و جاهاً و متفقاً قرار ویرلدی .

محکمه مهری

سا سنه

ساخته‌لک ادعاسنك شبوتی حالند اعلام نمونه‌سی

تورک ملتی نامنه اجرای محاکمه و اعطای حکمه مأذون استانبول محکمه اصلیه‌سی دردنجی حقوق دائره‌سنك سا سنه تاریخی جلسه سنده اعطا ایلدیکی حکمدر .

رئیس ... اعضا ... اعضا ...

... ده مقیم ... طرفندن محکمه مزه اعطا اولونوب بعدالقید دیگر طرفه تبلیغی اجرا قلنان عرضحالده ... نام کیسه طرفندن سا سنه تاریخی برسندايله

کویا کندیسنه صائش ایکن بالاخره ... نام کیسه صایلوب تسلیم ایدیلن
(...) اشیانک طرفنه تسلیمنه دائر مشتری ... علمینه محکمه مزده اقامه اولونوب
مشترینک غایبده جریان ایتمکده اولان محاکمهده مدعینک مذکور سنده
استناد ایتمکده اولدیغی استخبار ایلمش ایسهده مبرز و کندی امضاسنی محتوی
اولان مذکور سندک ساخته اولدیغی اثبات ایده جکندن ابطالنه قرار ویریلسی
دعوی اصلیه صورتیله طلب وادعا اولونماسندن ناشی محکمه اعضاسندن ...
یک معرفتیله اجرا قلنان تحقیقاتک ختامندن صوکره هیئتجه محاکمه اجراسی
ضمننده تودیع قلمغله طرفینک دعوت اولوندیغی کونده مدعی ووکیلی ...
و مدعی علیه ایله وکیلی ... کله رک اجرا قلنان محاکمه علمینهده مدعی ووکیلی
تحقیقات حاکمی حضورنده سبق ایدن افاداتی تکرار و مدعی علیه وکیلی یاپیلان
تطبیقاتک عدم کفایه سندن بحمله یکیدن اهل خبریه حواله کیفیت اولونماسنی
وساخته ادعاسنک ردینی طلب ایلمرلیه باشقه دیه جکلری اولدیغی آکلاشیلار
محاکمه نك ختام بولدیغی بیلدیریلوب ایجابی مذاکره اولوندقده مدعینک ادعاسی
دوسیهده موجود اصولی دائره سنده منتخب اهل خبره ... و ... و ... نك
متفقاً و برتفصیل بیان ایلدکلری وجهله مدعا به سانه تاریخی مبرز وینه
دوسیهده کی دعواده دعوايه اساس اتخاذا ایدیلن مباحیه سندینک کرک مدار
تطبیق اتخاذا ایدیلن اوراق ایله و کرک بالاستکتاب آلد ایدیلن مدعینک مختلف
یازیلرلیه اصلاً مشابهنه ارايه ایتموب بالعکس مدعی علیه استکتابیله امضا و یازینک
آنک طرفندن یازیلدیغی تظاهر ایلمش و تحقیقات حاکمی طرفندن استماع اولونان
... و ... و ... نام شاهدلرک یمین ایله مؤید و ضبطنامهده برتفصیل محرر
افاده لریده مذکور سندک مدعی علیه مرقومک اثر تصنیبی اولدیغی تأییدایتمش
اولماسنه و تکرار تطبیقات اجراسنده سبب و لزوم قانونی کوریلهمه سنده بناء
مدعی علیه طرفندن تصنیع و محکمه مزده استعمال ایدیلش اولان مذکور سندک

ساخته لكى ثابت اولمغله حقوق اصول محاكمه لرى قانونىك ۳۱۴ و ۳۱۷ و ۳۱۸ نجى
ماده لرىنه توفىقا ابطالنه و ... مصارف محاكمه لك مدعى عليه تحمىلنه ل سنه
تارىخىنده قابل تمىيز اولمق اوزره و جاها و متفقاً قرار وىرىلدى .

ل سنه
محكمه مهرى



خصوصی اسباب حکم

تحقیقات حاکی سندسز اثباتی جائز اولان وصور نبوتیه سی قانوناً غیرمعین
اولان دعوالرده رأساً ویا طلب اوزرینه اصول محاکمہ حقوقیه ده کوستر یلمه مش
اولان دیگر حکم سبیلرینک استماع و تدقیقنه ده قرار ویره بیلیر .
بوخصوص حقنده حاکم ایکی طرفی استماع ایتدکن صوکره تبین ایده جک
حاله کوره اقتضا ایدن تدبیرلری اتخاذ ایده ر .
خصوصی اسباب حکم ، قرینه لردن عبارتدر .

قرار نمونه سی

ایجابی تأمل اولوندی : ... طرفندن ضابطه امانت مأموری علیمه اقامه
اولونان و لقطه صورتیله ... طرفندن بولونوب ضابطه یه تسلیم اولنان ... بر
محفظه دروننده قرق لیرا قیمتند برالماس یوزو لک طرفنه اعاده سی حقنده سبق ایدن
دعوانک معرفتمله جریان ایدن تحقیقاتنده مدعی علیه اموال ملتقطه نک مدعی به عأدیتی
بیلمدیکنی بیان ومدعی محفظه نک ایچنده اسمی محرر یوزو لک حلقه سنده اسمنک ایلک
حرفلرندن مرکب ... بر مارقه نک موجودیتی کندیسنه عأدیتنه دال اولدیغنی
وملکییتی بوقرینه ایله تحقق ایده جکندن نظردقته آینه رق جلب و تدقیق ایدیلسنی
طلب ایلمس اولمغله اصولک ۳۶۷ نجی ماده سنه موافق بولونان اشبو طلبک نظر
دقته آینه رق تدقیقنه ومدعا به لقطه نک جلبنه قرار ویریلدی . ۱۰ سنه
کاتب
تحقیقات حاکی

...

...



يَمِين

كرك ايكي طرفدن برينك طليله و كرك راساً تكليف اولونان يمين محكمه حضورنده علناً اجرا اولونور. يمين ايده جك كيمسه معلوليت ويا خسته لق كبي بر معذرتي سببيله محكمه يه كلكه مقتدر دكل ايسه حاكم ديك ر طرف و محكمه كاتي حاضر اولديني حالده اقامتگاهنده او كيمسه يي تحليف ايدور. محكمه نك دائره قضااسندن خارج بر رده مقيم ايسه يمين ايچون دعوانك بولونديني محكمه يه كلك مجبور يتنده دكلدر؛ بولونديني محل محكمه سنده ويا اجنبي مملكتنده ايسه محلك اصوله توفيقاً او مملكتك صلاحيتدار مأموري حضورنده يمين ايتمسي طلب ايده بيلير .

يمين ايده جك كيمسه مشروع سببه مستند اولمق سز يمين ايچون تعيين اولونان كونده محكمه يه كلز ايسه يميندن امتناع ايتمش عد اولونار ق دعوايه ثابت اولمش نظريه باقيلور. شوقدر واركه قرار غيابة و بريلش ايسه تبليغي كونندن اعتباراً سكز كون ظرفده عرضحال ايله يمين ايده جكني بيان ومعين كونده يميني اجرا ايدور ايسه حكم كان لم يكن اولور. تعيين اولونان كونده ينه كلز ايسه يميندن امتناع ايتمش اولديغه دائر و بريلن قرار قطعيت كسب ايدور .

يمين ايده جك كيمسه نك يميندن اول وفاتي ويا تجنن ايدور ك حجر ايديلسي كبي اهليقي منسلب اولديني حالده يمين تكليفندن اولكي وضعيت عودت ايدور.

يمين ايده جك كيمسه معين كونده يمين ايچون كلديكنده تحقيقات حاكمي صوريلاجق سؤالي يعني شكل يميني اوقويوب حال و وضعيتك اهميتي ويا لان يره يمينك نتيجه لري حقنده يمين ايده جك كيمسه نك نظردقتني جلب ايدور . حاكم تمام وواضح اولمايان نقطه لري اتمام وايضاح ايچون لزوم كورديكسي سؤال لري يمين ايده جك كيمسه يه صورابيلير ؛ بونك خارجنده يكي بر شي صوراماز .

بوندن سوکره [سزه سوریلان سؤالر حقنده حقیقه موافق جواب
ویره جککزه وهیچ بر شی صاقلامایاجکزه اللهکز و ناموسکز اوزرینه یمین
ایده رمیسکز؟] دییه جکدر. او کیسه ده [اللهم و ناموسم اوزرینه یمین ایدیورم.]
دییه جکدر.

حاکم یمین ایدن کیسه نك افاده سنی دیکله یوب عیناً ضبطه کچیرد کدن و علناً
اوقود قدن سوکره بوافاده سنده ثبات ایدوب ایتدیکنی صورار .

کندیسنه یمین تکلیف اولونان کیسه یمین ایتمز ، ویا یمینی خصمنه
رد ایلز ایسه یمینک موضوعی تشکیل ایتش اولان مسئله یی اقرار ایتش عد
اولونور .

قطعی یمین ؛ بر کیسه یه آنجق ذاتندن صادر اولان فعلی حقنده تکلیف
اولونور ؛ بر کیسه نك بر شیئی بیلیمسی ذاتندن صادر اولان فعل نوعندن عد
اولونور .

بر معامله نك صحت و تمامیتی اچون ایکی طرفک موافقتلری قانوناً کافی کور بیلیمین
[اوله نمه و بوشائه کی] حاللرده یمین تکلیف اولوناماز .

کندیسنه یمین تکلیف اولونان کیسه یمینی خصمنه رد ایلدیه بیلیر. رد اولونان
کیسه نك یمینی اجرادن امتناعی دخی اقرار عد اولونور .

بر یمین رد اولونابیلیمک اچون یمین تکلیف اولونان فعل ویا عقد ایکی
طرفدن برینک ذاتندن صادر اولمش بولونماسی شرطدر؛ عکسی حالده یمین رد
اولوناماز .

تکلیف اولونان یمین ادا ایدیلد کدن سوکره دیگر طرفک یمینک یالان
یره اولدینی حقنده کی جزا دعواسی اساس دعوائک تأخیرینی استلزام ایتمز .

یمین تکلیف اولونان کیسه یمینی ادایه حاضر اولدینی بیان ایتد کدن
سوکره دیگر طرف تکلیفندن صرف نظر ایله باشقه دلیل اقامه ایده مز .

يمين يالكىز اجرا ايدىن ايله آنك ورئىسنى مؤثر اولور . ديكركلى حقندى
دليل تشكيل ايتىز .

يمين ويا رد يمين ، يمين ايدىك كيمسنى ناموس و حيثىتنى مؤثر ويا
جىزايى مستلزم اولان مسائلدى ياديريلماز . مثلاً فلان شىئى سركى ايتدىكنى ويا
زنا ايتدىكنى يمين ويرديريلز .

يمين ايكي طرفك ذاتلرينى قارشى تكليف ويا رد اولونابيلير ، وبونلر طرفندن
ادا اولونابيلير .

ايكي طرفندن برى محجور ويا اون سكز ياشندن آشاغى ايسه يمين ولى ويا قانونى
مئلنى تكليف ويا رد اولونابيلير .

دعواسى اثبات ايچون يمين تكليفندن باشقه دليلى اولديغى بيان ايتىش اولان
طرف دىي يمين تكليف ايدىبيلير ؛ فقط بو دليللر قبوله شايان كوريلدىكى ويا
بودليللرك سرد واستعمالى ممكن اولديغى تقديرده يمين تكليف اولوناماز .

ادعا اولونان خصوصك قطعى دليللر ايله اثبات ايدىلمىش اولماسى ويا ادعا
اولونان خصوصى اثبات ايچون اراى اولونان دليللرك حكم ويريله جك
درجده قناعت بخش اولماسى حاللارنده محكمه طرفندن راساً يمين تكليف
اولونابيلير .

راساً يمين آنجق محاكمه نك ختامنده تكليف اولونابيلير . صورولاجق
شىئلر حكم ويرى جك محكمه هئىتى طرفندن ترتيب و تخرير اولونارق رئيس
طرفندن اوقونور . محكمه راساً يمينى ، تحقيقات ويا صلح حاكمى حضورنده
اجرا ايتديرىبيلير .

محكمه قناعتنى تأييد ايچون ايكي طرفندن برى راساً يمين تكليف ايتىش ايسه
يمين اجرا ويا رد اولونماقجه حكم ويريله مز .

اون سكز ياشندن كوچوك اولانلرله محجور اولانلرك فعللرى حقندى راساً
يمين ولى ويا وصى ويا قيم كى قانونى مثللرينى تكليف اولونابيلير ؛ بونلر متعدد
ايسه محكمه يمين ايدىك مئللى تعيين ايدىر .

ادعا اولونان شینک قیمتنی تعیین و اثبات ممکن اولدجه قیمت حقنده یمین تکلیف اولونماز .

قانون تجارتک ۸۵ نجی ماده سنده [طرفیندن بری خصمک دفاتر تجاریه سی مندرجاتی قبول ایده جکنی حضور محکمه ده بیان وتعهد ایتش ایکن خصمی دفاتر تجاریه سی ابرازدن امتناع ایدر ایسه محکمه طالب ابراز اولان طرفه ادعاسنک صحتی حقنده بر یمین توجیه ایده بیلیر .] و ۶۸ نجی ماده سنده [محکمه موافق قانون اولارق طوتولان دفتر مندرجاتی صاحبی لهنه سند اتخاذا ایده جک اولدقه اکمال قناعت وتأمین وجدان ایچون او قیدک دوغری اولدیغنه و مدعاهک حالا مدعی علیه ذمتنده واجب الایفا حتی بولوندیغنه دائر صاحب دفتره همه حال بر یمین متمم اجرا ایتدیریر .] وینه تجارت قانونک ۹۶۲ نجی ماده سنده [سیغورطه اولونان مالک قیمتی مقاوله نامه ده کوستریله مش ایسه سیغورطه ایتدیره ن کیسه ، بومالک تهلمککک زمان وقوعنده کی قیمتنی اثباته مجبوردر . بوقیمت هر صورته اثبات اولونا بیلیر . حاکم تنسیب ایتدیکی صورتده قناعتنی تأیید ایچون سیغورطه ایتدیره ن کیسه یی مدعاسنک محتته یمین ایتدیره بیلیر .] دیو محرر اولان یمین متمم ، رأساً ویرلهن یمین قبیلندن اولوب بین التجار جاری معاملاتدن منبعث دعوالرده قابل تطبیقدر .

خانه سنده یمین ضبط نامه سی

... ده مقیم ... ایله ... ده مقیم ... بیتنده متکون و ... ده کائن دیوارک هدمندن دولای درتیوز لیرا ضرر وزیالک تضمینه دائر اولان دعوانک جریان ایدهن تحقیقاندن مدعی علیه وکیلی موکلی طرفندن ادعا اولونان فعل هدمی انکار ایدوب مدعی اثبات ایده مه یرک طالب تحلیف اولماسنه و مدعی علیه وکیلی موکلیک خانه سنده اسیر فراش اولوب مدت وفیره خانه سندن چیقامایا جغنی متضمن

بلدیہ دن مصدق بر طیب راپوری ابراز ایتسنہ مبنی اصولک ۳۴۲ نجی مادہ سنہ
توفیقاً اقامتکاهندہ مدعی علیہ یمین تکلیف واجراسی قرار گیر اولماسندن ناشی
معین شهر حالک ... نجی ... کونی ساعت ... ده مدعی وکیلی و مدعی علیہ
وکیلی حاضر اولدینی خالدہ مدعی علیہک ... محله ده ... سوقاقدہ ... نومرہ لی
خانہ سنده یا تمقدہ اولدینی او طہ سنہ کیدیلہ رک اصولک ۳۳۹ نجی مادہ سی موجبہ
وصایای لازمه ایفا اولوندقن صوکرہ مدعی طرفندن طلب و شکلی طرفزدن
تثبیت اولونان یمین مدعی علیہ بروجه آتی تکلیف اولوندی : ... تاریخده
مدعی ... نک متصرف اولدینی ... دیواری عملیہ ییقدیرمادیغکزہ دائراولان
افادہ کزده مصر میسکز اولوجہلہ مدعا بہ دیواری ییقدیرمادیغکزہ و عملہ کزہ
ییقدیرمادیغکزہ اللہکز و ناموسکز اوزرینہ یمین ایدہ رمیسکز ؟

مدعی علیہ مدعا بہ دیواری ییقدیرمادیغہ و کیسه ییقدیرمادیغہ الہم و ناموسم
اوزرینہ یمین ایدیورم . دیدی .

اشبو افادہ سی عیناً ضبطہ درج و علناً او قوندقن صوکرہ بو افادہ سنده
ثبات ایدوب ایتدیکی صوریلوب افادہ سنده مصر اولدینی بیان ایتکله اشبو
ضبطنامہ تنظیم و طرفینہ امضا ایتدیریلدی .

کاتب وکیلی مدعی علیہ وکیلی مدعی تحقیقات حاکمی
... ..

بالاستنباه یمین ضبطنامہ سی

... محکمہ اصلیه سی حقوق دائرہ سی ریاستندن محکمہ مز ریاستنہ مورود
... سنہ تاریخی و ... نومرولی استنباه تحریر اتندہ محکمہ لرندہ و تحقیقات حاکمی
حضورندہ در دست تحقیق اولان ... ایله ... آراسندہ متحدث اموال منقولہ
معلومہ نک عقد بیعندن دولایی تسلیمی دعواسنہ قارشی مدعی علیہک عقد مذکورک

فسخ و اقاله ایدیلدیکنه متعلق دفع دعواسی مدعی وکیلنک انکارینه مقارن اثباتدن اظهار عجزله طالب تحلیف اولماسنه مبنی دائره قضامن داخلنده ... نام محله ساکن بولونان مدعینک محکمه مزه جلیله عقد بیع مذکورک سانه تاریخنده بالتراضی فسخ ایدیلدیکنه دائریمینک بالذیابه اجراسی اشعار اولونماسندن ناشی دعوت اولوندی شهر حالک ... کونی ساعت ... ده مدعی مومی الیه ... افندی محکمه به کلیکله کیفیت کندیسنه افهام اولوندقده اولوجهله یمین ایده جکنی افاده ایتدیکندن فلاندن اشترا ایلدیککز ... اشیا منقوله نك عقدینی سانه تاریخنده رضا کزله فسخ و اقاله ایلدیککز الهکز و ناموسکز اوزرینه یمین ایدرمیسکز دنیلدکده عقد مذکور فسخ و اقاله ایتدیکمه اللهم و ناموسم اوزرینه یمین ایدیورم دیوب واقع اولان سؤال اوزرینه افاده سنده مصر و ثبات اولدیغی افاده ایتمش اولمغله اشبوضبطنامه تنظیم و کندیسنده امضا ایتدیریلرک ... محکمه اصلیه سی ریاست علیه سانه ارسال قلندی. سانه

کاتب	یمین ایدن	اعضا	اعضا	رئیس
...

ولی ویا وصی یمین نمونه سی

ایجابی تأمل اولوندی : ... ده مقیم ... طرفندن ... ده مقیم اون بش یاشنده ... علیه اقامه اولونوب مدعی ... الیه مدعی علیه تمثیلاً وصیسی ... ده مقیم ... افندینک حضوریه طرفندن تحقیقی اجرا قلنمقده اولان و مدعی علیه صغیر مرقومک متوفادردن بالانتقال تحت تصرفده بولونان ... ده کائن باغچه یی ... مدته و سنوی ... لیر ابدل مقابلنده متوفادردی طرفندن کندیسنه ایجار ایدیش ایکن قبل التسلم وقوع وفاته مبنی صغیر مرقوم طرفندن ده عقد مذکور طانما یارق مأجورک تسلیمندن امتناع اولونماسه مبنی تسلیمه ویا ... ضرر و زیانک صغیر مرقومدن تضمینه

دائر اولان دعوانك جریان ایدن تحقیقاتنده مدعی علیی تمثیلاً وصیسی ...
 افندی ، عقدایجار مذکور کیلاً انکار ومتوفانك بویه بر ایجاره موافقتله عقد
 اجرا ایدلکنه واقف اولمادقلرندن باغچهی مدعی به تسلیمدن بحق امتناع ایتش
 اولدقلری افاده ومدعی عقدایجاری اثباتدن اظهار عجزله مدعی علیه صغیر مرقومك
 جابله تحلیفی طلب ایتش ایسه ده اون سکر یاشندن دون اولدیغی مدعی طرفندن
 معترف اولان صغیر مرقومه یمین توجه ایده مه یوب اصولك ۳۵۳ نجی ماده سی
 موجبجه وصیسنه قابل تکلیف وتوجیه اولاجغنه مبنی وصیسنه یمین تکلیف
 ایدوب ایتدیکی صورولدقده وصیسنه یمین تکلیف ایتکله وصایای لازمه سنك
 ایفاسندن صوکره صغیرك مورثی متوفا ... طرفندن ... باغچهك ... مدتله ...
 بدل ایله ... سنه تاریخنده مدعی به ایجار ایدیلدیکنی بیلمدیکمزه اللهکزو ناموسکرز
 اوزرینه یمین ایدرمیسکرز دیه وصی مومی الیه یمین تکلیف اولوندقده اودخی
 مذکور باغچهك ... سنه تاریخنده ... مدت و ... بدل ایله متوفا ... طرفندن
 مدعی ... ایجار ایدیلدیکنی بیلمدیکمه اللهم و ناموسم اوزرینه یمین ایدیورم
 دیوب افاده سنده ثابت اولدیغی بیان ایتش و طرفینك بشقه دیه جکی اولمادیغی
 آکلاشلمش اولقله اشبو ضبطنامه تنظیم وامضا قلندی .

ردیمین نمونه سی

ایجابی تأمل اولوندی : ... ده مقیم ... ایله ... ده مقیم ... آراسنده متحدث
 من مبیعدن بشیوز لیرا آلاچق دعواسنك معرفتمله جریان ایدن تحقیقاتنده
 مدعی علیه ... هم نتیجه دعوائی هم ده مستند ادعا اولان عقدیبی کیلاً انکار
 ایدرک مدعی عقدیبی اثباتدن اظهار عجزله ... سنه تاریخنده ... قیه ساده یاغی کندیسندن
 اشترا ایلدیکنه مدعی علیهك اجرای تحلیفی طلب ایدرک مدعی علیه مرقومه اولوجهله
 یمین تکلیف اولوندقده قبل القبول مذکور یمینی مدعی به رداً تکلیف ایتکله

یروجه ادعا عقدك واقع اولدیغنه دائر مدعی به یمن توجیه اولوندقده یمن کندیسنه توجیه اتمیه جگنی بیان ایش ایسه ده اصولك ۳۴۷ و ۳۴۸ نجی ماده لری موجبنجه رداً یمنك جوازینه و مانع رد بر حال اولماسنه مبنی یمن اتمدیکی تقدیرده عقدك واقع اولمادیغنی اقرار و قبول ایش عد اولوناجنك مدعی به تفهیمه قرار ویریلدی .

تحقیقات حاکمی

کاتب

...

...

رأساً یمن تکلیفی نمونه سی

ایجابی مذاکره اولوندقده : ... ایله ... آراسنده جریان ایدن خدمت عقدندن متولد بشیوز لیرالق اجرت دعواسنك محکمه من اعضاسندن ... طرفندن یاپیلان تحقیقاتك ختامی و طرفینك دعوتی اوزرینه طرفین و وکیللری حاضر اولدقلری حالدہ اجر اقلنان محاکمه علنیه ده مدعینك ارائه ایلیوب تحقیقات حاکمك استماع ایلدیکی شاهدلردن فلان مدعینك مدعی علیه نزدنده برسنه قدر چالیشدیغنی کورمش ایسه ده هر کون نزدنده خدمتمنده بولوندیغنی مستمراً یا کلرنده بولونمادیغندن بیله مهیه جگنی مع مافیه مستمراً چالیشدیغنی ظن اتمکده اولدیغنی و دیگرری فلان مستمراً برسنه مدتله چالیشدیغنی کوروب واقف اولدیغنی بیان و اوچنجی شاهد فلان ده مدعینك نزدنده برسنه چالیشدیغنی بیلیورسه ده بونی قطعیتله و مشاهدیه مستنداً سوبله مهیه جگنی افاده ایلسنه کوره مدعابه منکر خدمتک اثباتی ایچون ارائه اولونان دلیللرک حکم ویریه جک درجه ده قناعت حصوله کتیره مه مسی سببیه بر سنه مدتله مدعی علیه نزدنده خدمت ایلدیکنه دائر مدعی به رأساً یمن تکلیف و توجیهنه متفقاً قرار ویریلدی .

سنه

رئیس

اعضا

اعضا

کاتب

...

...

...

...

قانون تجارتده کی متمم یمین حقنده قرار نمونه سی

ایجابی مذا کره اولوندقده: ... ده مقیم تجاردن ... ایله ... ده مقیم تجاردن
 فلان میانه لرنده متکون حساب جاریدن متولد... لیرا آلا جق دعواسنک تحقیقات
 حاکی محکمه من اعضا سندن ... بک طرفندن تحقیقاتی اکمال اولونار ق ضبط نامه سی
 تودیع و دعوت اولونان طرفین و کیلیری و مدعی بالذات حاضر بولونمغه محاکمه
 علیه لری اجرا اولونار ق مدعی خصمک دفتری قبول ایده جکنی بیان و تعهد
 مدعی علیه و کبلی ایسه مدعی اثبات مدعا ایله مکلف اولوب کنیدیسی دفاتر
 تجاریه سی ابراز ایله مکلف طو تولا مایاجنی افاده ایلش اولمغه تجارت قانوننک
 ۸۵ نجی ماده سی موجبنه مدعی به ادعاسنک حجتیه دایر یمین تکلیفنه قرار
 ویریلدی .

کاتب اعضا اعضا رئیس

یمیندن امتناع اوزرینه ویریلن قرار نمونه سی

ایجابی مذا کره اولوندقده: جهات معینه دن ذمتنده مطلوبی بولونان بیک
 ایکی یوز لیرانک تحصیلی طلبنه دایر ... ده مقیم ... طرفندن ... ده مقیم ...
 علیه اقامه اولونان دعوانک تحقیقاتک ختامندن صو کره طرفینک بالاصاله
 حضور یله هیئتجه جریان ایدن علی محاکمه سنده مدعی ... دن ... تاریخده ...
 محله ... کیلو شکر اشترا ایتدیکنه دایر مدعینک تکلیفی اوزرینه مدعی علیه
 ... تحقیقات حاکنک توجیه ایلدیکی یمینی اجرادن امتناع و خصمه ده رد
 ایلدیکندن حقوق اصول محاکمه لری قانوننک ۳۴۷ نجی ماده سی موجبنه یمینک
 موضوعنی تشکیل ایدن عقد شراء مذکوری اقرار ایتش عد اولندیغندن نقاط
 سائر حقتنه دوام محاکمه به قرار ویریلدی .

س س س

حکم غیابیدن صوکره یمینک قبولی ضبطنامه سی

ایجاب کیفیت مذاکره اولوندقده ... ده مقیم ... طرفندن ... ده مقیم ...
 ... علیه جهت قرضدن درتیوز لیرانک تحصیلنه دأثر محکمه مزده اقامه اولنان
 دعوانک محکمه اعضا سندن ... بک معرفتیه و طرفین و کیلارینک حضوریه
 اجرا قلنان تحقیقاتنده مدعی سندنله اثبات مدعان اظهار عجزله طالب تخلیف
 اولدینی حالده یمین اجرا سی چون دعوتیه رغماً مدعی علیه کلمه مسنه و ضبطنامه
 ایله دعوی دوسیه سنک تحقیقات حاکی طرفندن هیئت تودیع ایدیلسمه مبنی هیئتجه
 جریان ایدن علانی محاکمه ده حقوق اصول محاکمه لری قانوننک ۳۳۷ نجی
 ماده سنک برنجی فقره سی موجبجه ثابت نظریه باقیلار ق مدعا بهک مع مصارف
 محاکمه و اجرت و کالت تحصیلنه دأثر صادر اولان و س سنه تاریخنده تبلیغ
 اولونان س سنه و ... نومرولی حکم اوزرینه محکوم علیه مرقوم با عرضحال
 محکمه یه مراجعتله تقرر ایدن یمینی اجرا ایده جکنی بیان ایلمسینه بناء مذکور
 عرضحالک بر صورتیه معاً طرفینه کوندریلن دعوتیه ورقه سندنه معین کونده
 مدعی و کیلی ... بک و محکوم علیه ... حاضر اولدینی حالده علناً محاکمه اجرا
 اولونار ق مذکور عرضحالک سکنز کون طرفنده اعطا قلندینی آکلاشیلار ق
 قبولنه قرار ویریلدکن صوکره مدعی و کیلی ... تاریخنده موکلندن درتیوز
 لیرا استغراض ایتدیکنه تکلیف ایلدیکی یمینی تکرار تکلیف ایتدکنه اولدینی
 بیان و محکوم علیه مرقوم بالقبول اجرا ایده جکنی افاده ایتدکنه اصولک ۳۳۹ نجی
 ماده سی احکامی دائره سنده و صایا ایفا و یمینی اجرا قلنار ق طرفینک بشقه دیه جکلری
 اولمادینی آکلاشلمغله ایجابی مذاکره اولوندقده اصولک مذکور ۳۳۷ نجی
 ماده سنک ایکنجی فقره سنه توفیقاً مدت قانونیه سی طرفنده محکمه یه مراجعتله
 مدعی علیه تقرر ایتش اولان یمینی اجرا ایلمش اولدیغندن حقنده صادر اولان
 حکمک کأن لم یکن عدیه مدعینک معارضه دن منعه وزیرده مرقم صوکره جلسه
 محاکمه سی مصرفنک مدعی به و غیاب صفحانه متعلق مصارفک مدعی علیه تحمیلنه

[یاخود مدت قانونیه سی ظرفنده محکمه به باعرض حال بالمراجعه یمین ایده جگنی
 بیان ایدن محکوم علیه مرقوم معین ... کونده ینه کله مسنه مبنی حاضر بولونان
 مدعی وکیلک طای و جهله حکم سابقک اکتساب قطعیت ایلدیکنه و بوتون
 مصارفک مدعی علیه عایدته قابل تمیز اولق اوزره] ا سنه تاربخنده متفقاً
 قرار ویریلدی .

رئیس

اعضا

اعضا

کاتب

...

...

...

...



اصلاح

حق اصلاح . - بونی استعمال ایدن طرفك تشمیل ایده جکی نقطه دن اعتباراً اصوله متعلق بالجله معامله لرك یا پیلماش عد اولونماسنی استلزام ایدن بر صلاحیتدر .

ایکی طرفدن هربری اصوله متعلق اولارق یا بدینی معامله بی تماماً و یا قسماً اصلاح ایده بیلیر . عین دعواده هر طرف آنجق بر دفعه بواصلاح حق استعمال ایده بیلیر .

اصلاح ، حاکم حضورنده سبق ایدن اقرار لرله بر محلك کشف و معاینه سی اوزرینه تثبیت اولونان حالی مبین هر نوع ضبط ورقه لرله اهل خبره راپورینک مندرجاتنه و شاهد لرك شهادت لرینه خلل کتیرمز . ماعدامعامله لر واقع اولماش عداولونور . شوقدر که اصلاحدن صوکره جریان ایده جک تحقیقات نتیجه سنده تبیین ایده جک حال مذکور رأی لرك نظره آلتماسنی ایجاب ایتیور ایسه بوزلرده اولماش نظرله باقیلور .

مدعی هیچ بروقت اصلاح صورتیله مدعا بهی تزیید ایده مز .
اصلاح ، تحقیقاته تابع اولان دعوالرده تحقیقات بیتنجه یه قدر تابع اولمایانلرده محاکمه نك ختامنه قدر یا بیلابیلیر .

اصلاح یا معین جلسه لرده دیگر طرف حاضر اولدینی حالده یا پیلور یا خود اولاطرف دیگره تبلیغ ایدیلک شرطیله عرض حال ایلده یا پیلور .
اصلاح ایدن طرف تاریخ اصلاحه قدر اولان دعوی مصرفه دیگر طرف ایچون تقدیر اولونا جق ضرر و زیانی دعواده محکوم اولمش کبی در حال محکمه وزنه سنه تسویه یه مجبوردر . عکسی حالده اصلاح یا پیلماش عداولونور . ایلریده ضرر و زیانك فضله و یا نقصانكی ثابت اولور ایسه فضله بی تضمین و نقصانی استرداد ایده ر .

اصلاح ایدهن طرف دعواسنی کاملاً اصلاح ابتدیکی و بونی تبلیغ تاریخندن اعتباراً اوچ کون ظرفنده یکیدن دعوی اقامه ایله مدیکی حالدہ دعواسی ابطال اولونور .

دعواسنی تماماً اصلاح ایدهن مدعی ابطال تاریخندن اعتباراً اوچ آی ظرفنده یکیدن دعوی اقامه ایله مزایسه دعواسندن فراغت ایتمش عد اولونور .

اصلاح حقنک مجرد خصمی ازعاج و دعوایی سور و نجمه ده براقق کبی فنا بر مقصدله قولاندینی قرینہ حالیه ایله آکلاشیلور ایسه حاکم اصلاح طلبنده بولونان کیمسه یی دیگر طرفک بالعموم ضرر و زیانی تضمین ایله محکوم ایتدکن باشقه بوزلیرایه قدر جزای نقدی بده محکوم ایده بیلیر .

تماماً اصلاح عرضحالی نمونه سی

استانبول محکمه اصلیه سی بخشی حقوق دأره سی ریاست علیه

[طرفینک هویتی و موضوع تبلیغ یازلدقندن صوکره]

... ده مقیم ... علیه محکمه علیه لرینه وکیل معرفتله اقامه ایتمش اولدیغ بشیوزلیرا آلاچق دعواسنک تحقیقاتی هنوز ختام بولمایوب بوکره دوسیه یی تدقیق و مطالعه ایلدیکمده مدعاهنک جهت قرضدن متولد اولدیغنی وکیل بیان و دعوایی اوصورتده یوروتدیکنی وینه تحریریه من اولمادیغنی سولش اولدیغنی آکلادم . حالبوکه مبالغ مدعابه مذکور مدعی علیه صاندیغ برانچهنک من بیعندن متولد وسنده مستند اولدیغندن دعوایی اساسندن و تماماً اصلاح ایده جکمدن و مصارف محاکمه ایله مدعی علیه تقدیر بیوریله حق ضرر و زیانی تودیه مهیا اولدیغمدن دعوی مذکورهنک تأخیر رؤیتله اصلاحنک قبولنه قرار ویریلسنی طلب واستدعا ایده و بر صورتی طرف دیگره برای تبلیغ تقدیم ایلدیکمی عرض ایلرم .

... ده مقیم ...

قسماً اصلاح عرضحالی نمونه‌سی

استانبول محکمہ اعلیٰ سی ایکنجی تجارت دائرہ سی ریاست علیہ سنہ

... ده مقیم ... طرفندن علیهمه اقامه اولونوب محکمہ علیہ لری اعضاسندن
 ... بك طرفندن تحقیقاتی هنوز ختامه ایرمه یه معین اشیای مبیعه تجاریه نك
 عیب سببیه ردی و نك استرداد دی دعواسنده سا سنه تاریخی جلسهدن اعتباراً
 سرد ایله دیکم مدافعاتك و اوکا استناداً و او تاریخن اعتباراً اصوله متعلق جریان
 ایدن معاملاتك یا ککشاغنه مطلع اولدیغمدن او تاریخی جلسهدن اعتباراً جریان
 ایدن معاملاتك اصلاحی طلب و تاریخ طلب اصلاحه قدر دعوی مصرفیه مدعی
 ایچون تقدیر بویوریلایحق ضرر و زیانی در حال محکمه و زنه سنه تودیعیه مهیا
 اولدیغمدن حقوق اصول محاکمه لری قانوننك ۸۳، ۸۴، ۸۵، ۸۶ نجی ماده لرینه
 موافق اولان شو طلبك قبولیه معاملات مسبوقه نك قسماً یا بیلمامش عد اولونماسنه
 قرار اعطا بویورولماسنی استدعا ایدر و مدعی یه تبلیغ ایدیلک اوزره عرضحالاك
 بر صورتی ربطاً تقدیم ایلم افندم .

... ده مقیم ...

سا سنه

شفهاً طلب اولونان قسماً اصلاحه متعلق قرار نمونه‌سی

ایجابی تأمل اولوندی : ... ایله ... بیننده متکون اشیای مبیعه نك عیب سببیه
 ردیه ائماننك استرداد دی دعواسنك جریان ایدن تحقیقاتی ختام ایرمه دن بو کره
 سا سنه تاریخی جلسهده طرفین حاضر اولدینی حالده بو تاریخه قدر دعوی
 مصرفیه مدعی علیهم تقدیر ایدیه جك ضرر و زیانی محکمه و زنه سنه تودیعیه مهیا
 اولدیغمدن سا سنه تاریخی جلسهدن بالاعتبار محاکمه نك اصلاحی مدعی طلب
 ایلمسه و طلب واقع حقوق اصول محاکمه لری قانوننك ۸۳ و ۸۴ و ۸۵ نجی ماده لرینه

موافق بولونماسنه مبنی قبولنه و محکمه مصرفی . . . غروش ایله مدعی علیه ضرر
وزیانه مقابل تقدیر ایدیلن . . . غروشک محکمه وزنه سنه تودیع ایلدیکنی
ناطق مبرز علم و خبرک دوسیه سنده حفظیله اصولک ۸۸ نجی ماده سنک
حکمنه توفیقاً اصولک ۸۷ نجی ماده سی موجبجه بو دعواده اصوله متعلق
معامله لردن . . . سنه تاریخی جلسه دن صوکره کیلرک پاپیلمامش عد اولونماسنه
قرار ویریلدی . . . سنه

تحقیقات حاکمی

کاتب

...

...

عرضحال ایله واقع تماماً اصلاحه دائر قرار نمونه سی

ایجابی تأمل اولوندی : . . . ایله . . . آراسنده متحدث بشیوز لیرا الاجق
دعواسنک جریان ایدن تحقیقاتنک ختامندن مقدم بوکره مدعی . . . طرفندن
معطی ایکی نسخه دن عبارت و طرف ریاستدن محول عرضحاله و کیلی دعواسنی
شمدی به قدر جهت قرضدن متولد اولدیغنی و سنده مربوط اولمادیغنی بیان
صورتیله یوروتدیکنه بوکره مطلع اولدیغندن بالبحث دعواسنی مبداءندن اعتباراً
و کاملاً اصلاح ایتدیکنی طلب ایلسنه و مدعی علیه ضرر و زیان اوله رق تودیعنی
طلب ایلدیکی . . . غروش طرفزدن ده تنسیب ایدیلدیکندن مبلغ مذکور ایله . . .
غروش دعوا مصرفنک محکمه وزنه سنه تسلیم ایلمی لزومنه دائر اتخاذ اولونان
قرار اوزرینه مبلغ مذکورک اولوجهله تودیع اولوندیغنه دائر بر وزنه مقبوضی
ابراز ایدیلسنه مبنی حقوق دعواری اصول محاکمه لری قانوننک ۸۳، ۸۴، ۸۵
۸۶ نجی ماده لرینه موافق بولونان طلب مذکورک قبولنه و اصولک ۸۸ نجی
ماده سی موجبجه اوچ کون ظرفنده یکیدن دعوی اقامه ایلدیکی تقدیرده

دعواسی ابطال اولونمق اوزره ۸۷ نجی مادهیه توفیقاً بودعواده اصوله متعلق
بالجمله معامله لرك یا پیاپامش عد اولونماسنه قرار ویریلدی . ل س نه

کاتب تحقیقات حاکمی

...

...

دعوانك ابطالی حقنده قرار

ایجابی تأمل اولوندی : ... ایله ... آراسنده جاری بشیوز لیرا آلاچق
دعواسنك جریان ایدن تحقیقاتنك ل س نه تاریخی تحقیقات جلسه سنده مدعینك
اصلاح دعوی حقنده باعرضحال مراجعتی اوزرینه معاملات مسبوقه نك کأن لم
یکن عدینه قرار ویریلدکن صوکره بوکره مدعی علیه مدعی اوچ کون ظرفنده
جلسه ده مدعیسی ده حاضر اولدینی حاله مدعی علیه مدعی اوچ کون ظرفنده
یکی بر دعوی اقامه ایتمه مش اولدیغندن دعواسنك ابطاله قرار ویریلسنی طلب
ومدعی وکیلی اسکیشهره کیتمش اولدیغندن یکیسنی اقامه ایدمدیکنی بیان ایلش
اولدیغندن شایان قبول کوریله ین معذرتنك ردیله حقوق اصول محاکمه لری
قانوننك ۸۸ نجی ماده سی موجبجه دعواسنك ابطاله و ... دعوی مصرفك
مدعی به تحمیلنه قرار ویریلدی . ل س نه

کاتب تحقیقات حاکمی

...

...

اصولك ۹۰ نجی ماده سنده کوره قرار نمونه سی

ایجابی تأمل اولوندی : ... ایله ... بیننده کی بدل ایجاردن ... لیرا مطلوبات
دعواسنك جریان ایدن تحقیقاتنده مدعی علیه اوچنجی دفعه اولمق اوزره
مدافعه جلسه لری اصلاح ایدره ك اوچنده ده قرارسزلق ایچنده مدافعاتی غیر
قطعی برلسانه سرد ایلندن مجرد مدعی یی ازعاج ودعوائی سورنجمه ده برامق

مقصودله اصلاح اصولنه توسل ایلدیکی بوکرده ایلک مدافعه سنه رجوع ایتک
ایستمسيله آکلاشیلدیغندن حقوق اصول محاکمه لری قانوننک ۹۰ نجی ماده سی
موجبجه مدعی علیهدن الی لیرا جزای نقدی اخذینه ودکاتی قاپایارق محکمه یه
متادیا کلسنه سبیت ویردیکی مدعینک ضرروزیاننه مقابل ... غروشده تضمینات
ایله محکومیتنه قرار ویریلدی .


ل سنه

تحقیقات حاکمی

کاتب

...

...



تحقیقاتك ختامی

و

حاکم

تحقیقات حاکمی ایکی طرفك ادعا و مدافعہ لریہ دعوی دوسیہ سنی
تدقیق ایدہر . طلب وقوعندہ نتیجہ مدعارینی مبین برر لایحہ و یرمك
ایچوندہ بر مدت تعیین ایدہر ؛ بو مدت ایچندہ حاکم و یریلہن لایحہ لری
دوسیہ لریہ برلشدیریر و تحقیقاتك ختامی تفہیم ایلر . دوسیہ پی دہ محکمہ رئیسہ
تقدیم ایدہر .

تعیین اولوناجق کون و ساعتہ کلری ایچون محکمہ طرفینی دعوت
ایدہر . مهل دعوت بر هفته دن آز اولاماز . معین کوندہ طرفین ویا
وکیللری حاضر اولدقلری حالده محکمہ ہیئت حالده جلسہ پی علناً کشاد
ایلہ ایکی طرفہ سوز و یریر .

اساسلی مراسمہ رعایت ایدیلمکسزین یاییلان اصولہ متعلق معاملہ لر حقندہ
طرفیندن هر بری بو جلسہ دہ دخی اعتراض سرد ایدہ بیلیر .

اساسلی مراسم ، عمومی انتظامی ویا معاملہ اصولیہ نك استہداف ایتدیکی
مقصدی تأمین ملاحظہ سیلہ وضع اولونان احکامدر .

اساسلی اولمایان مراسمہ رعایت ایدیلز ایسہ بوبادہ منفعتی اولان کیمسہ نك
دعوائی تعقیبندن اول طلبی سبق ایدہر ایسہ تصحیح ویا اکیال اولونور .

ایکی طرفک ویا حاکمک ظاهر و آجیق اولان یازی و حساب خطالری دائماً تصحیح اولونابیلیر . بو تصحیح نتیجه‌سینده بر منازعه ، ماهیتی دیکشدریر ویا حل ایدیش بولونور ایسه مصارف محاکمینی تعیینده بو جهت نظر دفته آلینور .

محکمه حقیقتک تظاہری ایچون لزوم کوریر ایسه تحقیقات حاکمک استماع ایتدیکی شاهد واهل و قوفی تکرار جلب واستیجوابه وایکی طرفک تحقیقات حاکمی حضورنده درمیان واثبات ایتدکلری خصوصاتک یکی دلیللر ایله اثبات اولونماسنه قرار ویره بیلیر . شوقدرکه هیچ بوقت مقدمات ویریش اولان لیسته ده محرر شاهدلردن باشقه بر شاهد اقامه واستماع اولوناماز وباشقه بر لیسته ده نظر اعتباره آلیناماز .

محکمه نقصان کوردیکی تحقیقاتی بالذات اکمال ویا اتمام ایده جکی کبی بوخصوصک ایفاسنی تحقیقات حاکمه ویا محکمه اعضاسندن دیکر برینه ده حواله ایده بیلیر .

محکمه حضورنده جریان ایدن تحقیقات و محاکمات اثناسنده کی حادثه لری ده حل ایدر .

بوشفاهی مرافعه دن صوکره ایکی طرفک مدعیات ومدافعاتی حکم ویره بیله جک درجه ده توضح ایش ایسه و طرفینک باشقه دیه جکی اولمادیغی آکلاشلمش ایسه محکمه ، محاکمه نک ختامنی تفهیم و بالندا کره درحال قرار نهائیسنی ویریر .

مذاکره ایجاب ایدن دعوالر حقنده محکمه مذاکره اولوناجق کونی تعیین وایکی طرفه تفهیم ایدر : و تعیین اولونان کونده قرارینی اتخاذ ایلر .

ہیئت حضورندہ کی محاکمہ دہ طوتیلان ضبطنامہ نمونہ سی

استانبول محکمہ اصلیہ سی برنجی حقوق دائرہ سنہ مخصوص محاکمہ ضبطنامہ سیدر					
صفحہ نومروسی	دعوی دوسیہ سی نومروسی	اوراق دعوی	تاریخ ورودی	نوع دعوی	مباشری ضبط کاتی
۱	۹۲۷ ...	استدعا لایحۃ جوابیہ تحقیقات ضبطنامہ سی	۱ تشرین ثانی ۹۲۷ افندی
مدعی	وکیل و یا مثلی	مدعی علیہ	وکیل و یا مثلی		
... دہ مقیم دہ دہ مقیم دہ دہ ...	
ہیئت حاکمہ			تحقیقات حاکمی		
رئیس ... اعضا ... اعضا		

... دہ مقیم ... اصنافندن ... امضاسیلہ ۱ سنہ تاریخندہ محکمہ مزہ اعطا
قلنوب ... تاریخ و ... نومروسیلہ قیدی اجرا اولونان عرضجالہ مدعی علیہ
ذمتندہ باسند جهت قرضدن مطلوبی بولونان آلتوز لیرانک تحصیلی طلب و دعوی
اولوندیغندن طرف ریاستدن تحقیقہ مأمور ایدیلان محکمہ مزہ اعضاسندن ... بکہ
تودیع ایدیلش ایدی. بوکرہ تحقیقاتی ختام بولدیغندن دعوی دوسیہ سی تحقیقات
ضبطنامہ سیلہ معاً ہیئتہ تودیع قلنمغلہ طرفینہ کوندریلن دعوتیہ دہ معین شہر حالک
... نجی ... کوئی ساعت ... دہ مدعی طرفندن دعوی دوسیہ سندن محفوظ و کالنامہ
ایلہ استانبول باروسندہ مقید ... و مدعی علیہ طرفندن کذلک مآذون آووقتلدردن
... بکمر کلہرک ہیئتجہ و علناً اجرای محاکمہ بہ ابتدار اولونارق ہر ایکی
طرفہ مقام ریاستدن سوز ویزیلدکدہ طرفینک تعاطی ایلدکاری لایحہ لرک
مندرجاتی وکیلاری شفاہادہ ایضاح و تکرار ایلہ برابر مدعی علیہ وکیل منکر

امضا اوزرینه تحقیقات حاکمی طرفندن تطبیقاته قرار ویریلهرک اهل خبریه حواله کیفیت ایدیلش ایسه: ده حقوق اصول محاکمه لری قانوننک ۳۰۸ و ۳۰۹ نجی ماده لری احکامنه توفیقاً اولاً قناعتیه حل مسئله ایلک، قابل اولمادیفی تقدیرده موکلنی بالجب استجواب واستکتاب ایدهرک ینه مطمئن اولمادیفی تقدیرده ثالثاً اهل خبریه حواله ایلک مجبوریتنده ایکن دوغریدن دوغری به اهل خبریه حواله ایتسی و شهرد دخی استماع ایتمه سی اصول محاکمه احکامنه مغایر اولدیغندن اصولک ۳۷۹ نجی ماده سی موجبجه کیفیتک تکرار تحقیقات حاکمه حواله سی و مدعی وکیل تحقیقاتده نقصار اولمادیغندن محاکمه نك اکیانی طلب ایلدی .

بوخصوص حقنده مذاکره اوطه سنه کچیلهرک ایجابی مذاکره اولوندقه تحقیقات حاکمک کیفیت دوغریدن دوغری به اصولنه توفیقاً انتخاب اولونان اهل خبریه حواله ایتسی بالذات بوخصوصده قناعت حاصل ایتدیکنه دلالت ایتمکده اولدیفی کبی تطبیقات نتیجه سی قطعی مفید اولونجه تنور ایچون استماع شهوده محل قالمایاجنی و معترض فیه نقاط اصولک ۸۲ نجی ماده سنده محرر اولان اساسلی مراسمدن اولمادیفی جهتله طلب واقعک ردینه و صوک سوزلرینی سویلرینک طرفینه تنبیهنه قرار ویریلدی .

سنه ل


کاتب	اعضا	اعضا	رئیس
...	...	اصولک ۸۲ نجی ماده سنک صوک فقره سنه توفیقاً
		اساسلی ده اولماسه بعض مراسمه رعایت ایدیلرزه	
		سبق طلب حالنده تصحیح و اکمالی لازم کله جکندن	
		تحقیقات حاکمه اعاده سی رأینده یم .	

...

صالونه عودتله متخذ قرار تفهیم و طرفینه سوز ویریلد کده تعاطی ایلدکاری لایحه لری خارجنده سوزلری اولمادیفی و بناء علیه مدعی نتیجه مدعاسنی تکرار

ایتدیکنی ومدعی علیه وکیل بر دیه جکی اولمادیغنی افاده ایلدیکله دعوانک انتاجی
مذاکره بی ایجاب ایتدیرمکده اولدیغندن کیفیتک ... کونی مذاکره ایدیله جکی
طرفینه تفهیم قلندی .. ل سنه

رئیس	اعضا	اعضا	کاتب
...



محكمةً اصلیه طرفندن ویریلهن حکملر

قرار خفیاً مذاکره ایدیلهرک اتخاذ اولونور . محاکمه خفیاً جریان ایتسهده قرار علناً تفهیم ایدیلیر . مذاکره و رایه آنجق شفاهی مرافعهده حاضر بولونمش اولان اعضا و اعضا ملازملری اشتراك ایدر . مذاکره اشتراك و رای اعطا ایدیهیلهرک حاکملرک جملهسی حاضر بولونمادجه مذاکره اجراسی جائز دکلدر .

مذاکره یی رئیس اداره و قراره ربط اولوناجق مسئلهلری تعیین ایدر . بونلر حقنده سربستجه مناقشه اولوندقدن صوکره رئیس الک قدمسز اعضادن باشلا یارق آیری آیری رأیلرینی طویلار واک صوکنده رأینی ویریر .

بر مسئله حقنده اتخاذ اولوناجق قراردن دیگر مسئلهلر حقنده تدقیقات و مذاکره اجراسنه لزوم اولمادینی آکلاشیلور ایسه دیگر مسئلهلر حقنده مذاکره اجراسیله قرار اعطاسندن صرف نظر اولونور .

قرارلر اتفاق ویا اکثریت آرا ایله ویریلیر . قرار ، محکمه رئیس طرفندن ویا رئیسک تنسیب ایدهرکی اعضا و اعضا ملازملرندن بری طرفندن یازیلور .

قراردده : ۱ - دعوائی رؤیت ایدهن محکمه ایله حاکملرک اسمی

۲ - ایکی طرفک اسم و شهرت و صنعت و اقامتگاهلری ویا اوصاف ممیزه لری

۳ - ایکی طرفک ادعایلرینک خلاصه لری

۴ - تدقیق و مذاکره اولونان مسائل مادیه و قانونیه نک خلاصه لری

۵ - اسباب موجیه یی و ملاحظاتی و ممکن اولدینی حالد حکمک مستند

اولدینی ماده قانونیه

۶ - حکمک نهدن عبارت اولدینی

یازیلق لازمدر .

ویریلن قرار ایله ایکی طرفه تحمیل و بخش ایدیلن وظیفه و حقار شهبه و ترددی موجب اولما یا جق صورتده غایت صریح و آچیق یازیلالیدر .

یازیلان قرارک زیری قرار ی ویرن حاکم لره ضبط کاتبی طرفندن امضا اولونور . قرارک اصلی محکمه نك اوراق مخزننده باش کاتب طرفندن حفظ اولونور ؛ حفظی تاریخی زیرینه و دوسیه سنه اشارت ایدیلر .

قرار یازیلوب امضا ایدیلدکن صوکره صورتلری برهفته ایچنده باش کاتب طرفندن طرفیندن هر برینه مقبوض مقابلنده و بریلر و برنسخه سی ده دوسیه سنده حفظ اولونور . صورتلر اصلار کبی امضا اولونقله برابر محکمه نك مهری وضع ایدیلک لازمدر . ایکی طرفدن هر برینه ویریلن صورتلر اعلامدر .

مدت لر اعلامک ایکی طرفدن هر برینه مقبوض مقابلنده ویریلدیکی تاریخندن باشلار .

محکمه اصلیه دن ویریلن حکم نمونه سی

تورک ملتی نامنه اجرای محاکمه و اعطای حکمه مأذون استانبول محکمه اصلیه سی بشنجه حقوق دائره سنک آیا صوفیه ده عدلیه بناسنده دائره مخصوصه سنده انعقاد ایدن جلسه سنده اعطا ایلدیکی حکمدر .

رئیس ... اعضا ... اعضا ... بک

مدعی : استانبولده سلطان احمدده اوچلر محله سنده ... نومرولو خانه ده مقیم اصحاب املا کدن ... اوغلی ... بک

وکیل : استانبول برنجی کاتب عدلا کندن مصدق ... سنه تاریخ و ... نومرولی عمومی و کالتنامه ایله استانبولده باغچه قپوسنده ایکنجی وقف خاننده ... نومرولی یازیخانه ده آووقات صبغة الله بک

مدعی علیه : استانبولده جفال اوغلنده ... سوقاقد ... نومرولی خانه ده مقیم ... اوغلی دو قتور ... بک

وکیلی : بك اوغلی ایکنجی کاتب عدلاکنک سانه تاریخ و ... نومرولی خصوصی وکالتنامه ایله غلطده تونل خاننده ... نومرولی یازنخانه ده آووقات انور بك

مدعینک خلاصه دعواسی : متصرف اولدینی دیوان یولنده واقع بش اوطلق خانه سنی معاینه خانه اولق اوزره سنوی آلتی یوز لیرایه کاتب عدلن مصدق قونطورا توایله مدعی علیه ایجار و معجلاً ایکی یوز لیراسنی استیفا ایتمش ایسه ده متباقی درتیوز لیراسنی وعده سی مرور ایتدیکی حالده تسویه سندن امتناع ایتدیکندن مبلغ مذکورک مبرز پروتستونک تبلیغی تاریخندن اعتباراً مع فائض و مصارف محاکمه واجرت وکالت تحصیلی طلبندن عبارتدر .

مدعی علیه خلاصه مدافعه سی : اولوجهله مذکورخانه یی مدعیدن استیجار وایکی یوز لیراسنی بوجه پشین اعطا ایلدیکنی و متباقی درتیوز لیرادن الی لیراسنی مدعینک مأجوردن دولای ویرکویه اولان بورجنه وایکی یوز لیراسنی امر و موافقتیه مأجورک تعمیر و ترمیمیه داخلأ بویانمسنه و یوز لیراسنی قبضه وکیلی اولان محله مختاری ابراهیم بکه تسویه ایلدیکنی و قالان الی لیرایه ده مدعینک زوجه سنی تداوی ایتدیکی جهتهله مدعینک ذمتنده مطلوبی بولوندیغندن آنکله تقاص و محسوبنی اجرا ایتمش اولدیغنی بناء علیه ذمتنده مطلوبی قالمادیغندن دعواسنک ردیه معارضه دن منعی و مصارف و اجرت وکالت مدعی به تحمیلی طلبندن عبارتدر . اعضای محکمه دن ... بك تحقیقنه مأمورایدیلرک اولابده کی تحقیقات ، حقوق دعوالری اصول محاکمه لری قانوننک ۱۹۵ ، ۲۰۲ ، ۲۰۸ ، ۲۰۹ ، ۲۱۳ ، ۲۱۵ ، ۲۱۶ ، ۲۱۷ ، ۲۱۸ ، ۲۱۹ ، ۲۲۰ و ۲۲۱ نجی ماده لرینه موافق اولارق جریان ایتدکدن و حاکم مومی الیه طرفندن مدعی علیه طرفک دفعی اثبات ایچون لیسته سنی و بریدیکی شهود اصول مذکورک ۲۶۰ ، ۲۶۱ ، ۲۶۲ ، ۲۶۴ ، ۲۶۵ ، ۲۶۶ ، ۲۶۹ و ۲۷۴ نجی ماده لرینه موافق اوله رق استماع اولوندقدن و مدعی علیه طرفندن ، مختار ابراهیم بک قبضه وکیلی اولمادیغنه

دائر مدعی به تکلیف اولونان یمین اصول مذکورک ۳۳۹، ۳۴۰ نجی ماده لرینه توفیقاً
توجیه ایدیلد کدن و مأجورده یاپیلان تعمیراتک مدعی علیه طرفندن واقع اولان طلب
اوزرینه کذلک اصولک ۳۶۳، ۳۶۵، ۳۶۶ و ۳۷۵، ۲۷۶، ۲۷۹، ۲۸۱
۲۸۲، ۲۸۳ ماده لری موجبجه انتخاب ایدیلش اولان اهل و قوف معرفتیه
کشفی اجرا و راپوری استحصال اولوندقندن و اصولک ۳۷۵ نجی ماده سی
موجبجه تحقیقاته ختام و یریلد کدن صوکره اولبالده کی تحقیقات ضبطنامه سی
دعوی دوسیه سیله معاً اجرای محاکمه لری ایچون هیئته تودیع ایدیلکله طرفینه
کوندریلان دعوتیه ورقه سننده معین کونده طرفین و کیللری محکمه یه کلرلیله
محاکمه علنیه و وجاهیه لرینه مبادرتله ایکی طرفه سوزو یریلد کده مدعی و کیلی :
مدعی علیه عقد ایجار ایله بدل ایجاری اعتراف ایتمش اولدیغندن دعوالری ثابت
اولدیغنی و مدعی علیه کجمله مدافعانندن اولان الای لیرانک و یرکوبورجنه و یریلدیکی
حقنده کرچه مقبوض اراءه ایتمکده ایسه ده موکلنک و یرکویه بورجی اولمادیغنی جهته
سهواً استیفا ایدیلش اولدیغنی و اعطایه امر و اجازتی اولمادیغندن مدعی علیه کجمله
حق رجوعی اولمادیغنی و تعمیرات حقنده امر و موافقه شهادت ایده نلرک اولجه
مدعی علیه خدمتنده بولونان کیمسه لر اولوب بی طرف اولماقلرندن آنلرک
افاداتنه بنای حکم ایدیه میه جکنی و امر و مأذونیت ثابت فرض اولونسه ده مذکور
تعمیراته ایکی یوز لیرا صرفیات غیر واقع و فاخش اولدیغنی و کشف راپورنده هر نه قدر
ایکی یوز لیرالق صرفیات کوستریلش ایسه ده حاکم طرفندن نصب ایدیلن اهل
و قوفک ارباب اختصاصدن اولمادیغنی و زوجه سنک تدایسی واقعا امریله اولمش
ویکون اجرتی اوقدر ایسه ده مبلغ مذکور موکلنک زوجه سنک ذمتنده مقرر
اولسی سببیه بدل ایجار ایله تقاص و محسوب ادعاسنک مسموع اوله میه جغنی بیان
و مدعی علیه و کیلی ده و یرکوبورجی مأجور دن متولد و تحصیل اموال نظامنامه سی
موجبجه مستأجر لردن تحصیلی جائز اولدیغندن و ابراز ایتدیکی اخبارنامه ایله
موکلندن تحصیلنه قرار و یریلش اولدیغنی جهته بالضروره موجر نامه تسویه

اولونان شو مبلغدن دولای مستأجرک موجرک امر و مأذونیتی استحصاله مجبور اولمایه جغنی و تعمیراته امر و مأذونیت حقنده کی دفع دعواسی ، شهادتده بولونان وائشای شهادتده موکلنک اجیر خاصی اولمایان شهودک شهادتیه ثابت اولدیغنی و کشف واقع اصولنده اجرا ایدیلدیکنی و اهل وقوف انتخاب اولونانلر شهراماتی مهندس لرندن مرکب اولدقلرندن اختصاصلری انکار اولونامیه جغنی و زوجه نك تداويسنه امرينك لحوقنی اقراردن صوکره مدعينك زوجه سنك ذمتنه تعلقندن بخلله تقاص و محسوب ادعاسنك عدم استماعی حقنده کی طلب و اعتراضك وارد اولامایاجغنی سوبلیدی .

محکمه ، تحقیقاتده بر نقصان کورمه مسنه واشبو شفاهی مرافعه دن صوکره ایکی طرفک مدعیات و مدافعاتی حکم ویره بیله جک درجه ده توضیح ایتمسینه مبنی محاکمه نك ختامی تفهیم و ایجابی مذاکره اولوندقده دعوانك حل ایدیه جک مسائل مادیه سی :

مدعينك مستند ادعاسی اولان واقعه ایجار تصادق طرفینله ثابت اولدیغنی کبی سنوی بدل ایجارک آلتی یوز لیرا اولدیغنی و ایکی یوزینك معجلاً تسویه ایدیلش اولدیغنی طرفینجه متفق علیه اولوب ایکی طرفک اختلافی قالان درتیوز لیرانك مدعی علیه ك دفع دعواسی کبی الی لیراسنك ویرکویه ایکی یوزینك بالامر تعمیراته یوزینك مدعينك وکیل بالقبضنه تسویه ایدیلوب ایدیلدیکی واللی لیرانك مدعينك زوجه سنك تدای اجرتیه تقاص و محسوبی واقع و جائز اولوب اولمادیغنی خصوصلرندن عبارت اولدیغنی تعین ایلنکه حله شروع اولوندقده مدعی علیه ك مدعينك مأجوردن اولان ویرکو بورچندن دولای تعقیب ایدیلدیکندن الی لیراسنی تسویه ایلش اولدیغنی تحصیل شعبه سنك مبرز اخبارنامه و مقبوض علم و خبریه و ایکی یوز لیرانك مأجورک تعمیراته مدعينك امر و مأذونیتیه صرف اولوندیغنی استماع قلنمش اولان شهودک شهاداتی و کشف راپوریه و مدعينك امریه زوجه سنك مدعی علیه طرفندن تدای اولوندیغنی و اجرت تداوینك الی لیرایه بالغ اولدیغنی ده مدعينك اقرار

و تصدیقه ثابت اولمش ایسه ده مختار ابراهیم افندی به ویریلدیکی ادعا اولونان یوز لیرانک کیفیت قبضنده مدعی امر و مأذونیتی ویا ابراهیم افندیکن صورت مطلقه ده قبضه وکالتنی کلیاً انکار ایتسنه مقابل مدعی علیه بو جهتی اثبات ایده مه یه رک مدعی به یمین تکلیف ایتمش و مدعی ده یمینی تحقیقات حاکی حضورنده ایفا ایتمش اولدیغندن مذکور یوز لیرانک تسویه ایدیلدیکی تحتی ایده مه مشدر .

مسائل حقوقیه به کلند کده : مدعی به عائد اولان اللی لیرالق ویرکونک بلا امر دخی اولسه مستأجر اولان مدعی علیه طرفندن تسویه سی تبرع عد اولونمایاجنی و مدعی علیه مؤدی ایله مدعی به حق رجوعی و بدل ایجاره محسوب ایده بیله جکی تحصیل اموال نظامنامه سنک اونجی ماده سیله بورجلر قانوننک ۲۵۸ نجی ماده سی مقتضیاتنددر . بناءً علیه مدعینک بو خصوصه متعلق سرد ایتمش اولدینی اعتراض ایله تعمیراته اذن اعطا ایتمش اولدیغنه شهادت ایتمش اولان ... و ... نک وقت ایجارده مدعی علیه آیلقلی خدمتنده بولندقلری حقنده کی طعنی حقوق دعوالری اصول محاکمه لری قانوننک ۲۴۷ نجی ماده سی بومانعی وقت شهادته حصر ایلدیکی جهتله غیر وارد اولدینی کبی و دولکرلرک مهندسلردن زیاده تقویم ترمیمانده صاحب اختصاص اوله بیله جکلرینی فرض ایله اهل وقونه قارشی سرد اولونان اعتراض دخی اصولک ۲۸۶ نجی ماده سی موجبنه تحقیقات حاکمک بو خصوصه کی حق تقدیری مطلق اولدیغندن بوااعتراض دخی شایان التفات اولامایاجنی و مدعینک زوجه سنک تدایسنی امر ایلدیکی اعتراف اولوندقدن صوکره بورجلر قانوننک ۱۲۰ نجی ماده سندن بخله تقاص و محسوبی لازم کلیه جکی حقنده کی اعتراض ده بورجلر قانوننک ۱۱۸ نجی ماده سنک صراحت عبارده سیله مردود اولارق تقاص و محسوب ادعاسنک مسموع اولاجنی آنجق مختار ابراهیم افندیکن مدعینک قبضه وکالتی اصولاً ثابت اولمادیغندن آکا ویریلان یوز لیرانک مدعی به ویریلش کبی تلقی و تقاص اولونامایه جنی هیئتجه تقرر ایلشدر .

نتیجه حکم : مدعی عالیک بدل ایجاردن متباقی مدعی به بورجی قالان یوز لیرانک بورجلر قانوننک ۲۵۷ نجی ماده سننک برنجی فقره سی موجبنه مدعی علیهدن بالتحصیل مدعی به اعطاسنه ومبلغ مذکوره پروستونک تبلیغی فرداسی اولان ... تاریخندن اعتباراً وینه بورجلر قانوننک ۱۰۳ نجی ماده سنه توفیقاً یوزده بش فائض یورودلسنه ومدعینک فضله مدعیاتنک ردینه وزیرده مفرداتی مرقم ... غروش مصارف محاکمهدن ... غروشنک مدعیدن و ... غروشنک مدعی علیهدن اخذینه ویوزده اون اعتباریه ... غروش اجرت وکالتک محکوم علیهدن تحصیلنه ۱۰ سنه تاریخنده قابل تمیز اولق اوزره متفقاً قرار ویریلدی .

کاتب	اعضا	اعضا	رئیس
...



مصارف محاکمه

مدعی محاکمه مصرفلرینی خرج تعرفهسی موجبجه تأدیهیه مجبوردر. دعوی متقابله نك مدعا همدن فضلهسی حقنده کی محاکمه مصرفلرینی مدعی علیه كذلك خرج تعرفهسنه توفیقاً تأدیهیه مجبوردر .

۱۱۱۰ نومرولی و ۲۱ حزیران ۹۲۷ تاریخی قانون ایله ۳۰۲ تاریخی خرج تعرفهسی قانوننك ۱، ۲، ۱۹، ۲۴، ۲۵، ۲۹، ۳۰، ۳۲، ۳۷، ۳۸، ۳۹، ۴۰، ۴۱، ۴۲، ۴۳، ۴۴، ۴۵، ۴۹، ۵۱، ۵۲، ۵۵، ۵۹ نجی ماده لرنده محرر خرجلر برمثلی تزید ایدیلشدر . بناءً علیه بش غروش قیدیه یرینه اون غروش قیدیه آلیناجقدر .

مدعا بهی بشیك غروشدن بشیوز بیك غروشه قدر اولان دعوالرده اعلام خرحی بهر بیك غروشده یکریمی غروش آنوردی بشیوز بیك غروشدن یوقاریسی ایچون یوزده اون پاره علاوه اولنوردی ، قانون اخیر ایله بهر بیك غروشده قرق غروش وبشیوز بیك غروشدن یوقاریسی ایچون یوزده یکریمی پاره علاوه اولونمق لازم کلیر .

برشیك تسلیمی ویا اجراسی حکمنی حاوی ویريله جك اعلاملر ایچونده محکوم بهك قیمتی محکمه جه تقدیر ایدیلرک بونسبتده خرحی آنور .
برشیك تسلیم و اجراسی شامل اولمایان قرارلره دائر اعلاملردن مقطوعاً ایکی یوز غروش آنور .

افلاس ایشنده افلاس ، سندیک تعینی وسائره کی هر برقرارنامه دن مقطوعاً یوز غروش خرج آنور . قونقورداتو تصدیقندن مفلس طرفندن اعطاسی

تعهد اولونان مبلغدن موجبجه يوزده درت آلنور . اونيون حالنده غرامة تقسيم ايديله جك اموالك قيمتمدن كذلك يوزده درت آلنور .

اعتراض استدعاسي رد اولنور ايسه مقطوعاً يوز وتصحيح قرار ايله اعاده محاکمه عرضحالنگ رد ويا قبولنده كذلك مقطوعاً ايكي يوز وتعيين مرجع قرارلرندن اساس دعوى بشبك غروشه قدر ايسه اللي فضله ايسه مقطوعاً يوز غروش آلنور .

دعوان فراغت حالنده بوني متضمن اعلامدن حکم اولنش کي خرج آلنور . تميز دعواده تصديق حالنده محکمه اصلیده آلان خرجک بر مثلي ونقض حالنده مقطوعاً درت يوز غروش آلنور . بوخرجک اعلامک کوندريله جکی محکمه اصلیه معرفيله اخذی جائزدر .

اعلامک بهر صورتندن آلتش غروش وبعدالتبليغ بهر صحيفه سندن يکرمی غروش وديکر اوراقک طلب اولونا جق صورتلرندن بهر يوز اللي کله ايچون آلتش غروش، محکمه لردن کوندريله جک مذکره لردن اللي غروش حجز قرارلرندن اوچبوز غروش و فک حجزدن ايکی يوز غروش بر محله تعليق ايديله جک بهر ورقه ايچون يکرمی غروش ومحلنده تنظيم اولونا جق بهر ضبطنامه ايچون يکرميشر غروش آلنور .

رد اعضا طلبنگ ردينه دائر اولان قرارلردن يوز غروش آلنور .

طرفين صاح اولارق اعلام آمازلرسه مصارف محاکمه محاکم جزائيه خرجلرينک تحصيلي اصولی دائره سنده مديونلردن تحصيل اولنور . بي قدرت اولدقلرندن طولايي صاحبندن آلمانان خرجلر عندالاجرا محکوم عليهم استيفا ايديله رک ايراد قيد اولنور .

بروجه پشين ربع خرجک تسويه سنه متعلق خرج تعرفه سنک ايکنجی فصلي بوقانون اخير ايله ملغادر .

يکي اصول محاکمه حقوقيه قانوننک مصارف محاکمه عنوانی آلتنده کي احکامنه کوره ايکی طرفدن هر برينک استماعی طلب ايلديکی شاهد واهل خبره نک ويا

طلبه مبنی اجرا قیلینا حق کشف وسائر معاملہ نك مصرفی تأدیہ و بوکا کفایت ایدہ جك مبلغی محکمہ وزنه سنہ تودیہ مجبوردرلر .

حاکم طرفندن تعیین ایدیلہ جك مدت ایچندہ مصرفی ویرمه بن طرف طلبندن صرف نظر ایتمش عد اولنور . رأساً اجرایی امر اولونان معاملہ نك استلزام ایتدیکی مصرفی ایکی طرفندن برینك ویا هرایکیسنك تأدیہ ایتسنہ قرار ویریلیر . وبونك ایچون تقدیر ایدیلہ جك مبلغ محکمہ قلمنه تودیہ اولنور .

تعیین اولونان مدت ایچندہ اشبو معاملہ عائد مصرف تأدیہ اولونامازایسه ایلروده ایجاب ایدہ نلردن استیفا اولونق شرطیلہ دولت خزینہ سندن تأدیہ اولوناسنه قرار ویریلہ بیلیر .

مصارف محاکمہ بی بروجه پشین تأدیہ ایدن طرف حقلی چیقار ایسه بو مصرف دیگر طرفه تحمیل اولنور . قانوناً مصرح اولان حاللردن ماعدا [مثلاً حق اصلاحی استعمال کبی] مصارف محاکمہ نك علیهنہ حکم ویریلن طرفندن استیفا اولوناسنه قرار ویریلیر .

دعواده ایکی طرفندن هربری قسماً حقلی چیقار ایسه محکمہ هربری مصرفله الزام و بومصرفی تقدیر ایتدیکی وجهله تقسیم ایدر .

حاکم حضورنده تدقیق اولونان دعوالرہ عائد مصارف محاکمہ ، ایکی طرف بیننده مقالولہ کوره و بویله مقالولہ یوق ایسه احکام مشروحه دائره سنده حکم اولونور .

دعوانك اساسی حقنده لهنہ حکم ویریلش اولان طرف ، دعوایی بالالزام اوزاتمی ، لزومسزمصرف یایمی ، یدنده بولونوب حکمہ مؤثر اولان وثیقہ لری وقت وزمانیلہ خصمنہ بیلدیرمه مک حاللرندہ مصارف محاکمہ نك تمامی ویا بر قسمی ایله محکوم ایدیلہ بیلیر .

محکوم عاہلر متعدد ایسه مصارف محاکمہ ، دعواده کی علاقہ لرینہ کوره تقسیم اولونور و کندیلری متسلسلاً مسئول اولونابیلیر .

دعوايه مداخله ايدن كيمسه نك التحاق ايتديكي طرف محكوم اولور ايسه پالكنز مداخله مصرفيله محكوم اولور . عكسى حالده بومصرف ديكر طرفه تحمیل ايديلير . مع مافيه حكم اوچنجي شخصك التحاق ايلديكي طرف لهنه ويريلش اولسه بيله لهنه حكم اولونان طرفك حال وحركتي اوچنجي شخصك مداخله سني استلزام ايتمش ايسه مداخله يه متعلق مصرفك تمامی ويا برقسى لهنه حكم ايديله ن طرفه تحمیل اولوناييلير .

محكمه ، سؤ نيت صاحبي اولان مدعى عايبى ويا خود بركونا حقي اولمادي ني حالدہ دعوى اقامه ايدن طرفى مصرفدن باشقه ديكر طرفك و كيليله آرالرنده تقرر ايدن اجرت وكالتك تمامی ويا برقسى ايله ده محكوم ايديله ييلير . بواجرت انحق ايكي طرف آراسنده معتبردر ؛ وكيل و مؤكل بيننده كي مناسبه حقنده حقوق عاديہ احكامى جريان ايدەر . سؤ نيت صاحبي اولان مدعى عليه يا خود بركونا حقي اولمادي ني حالدہ دعوى ايتمش اولان طرف بوندن ماعدا يوزليرايه قدر جزای نقدی يه ده محكوم ايديله ييلير . بو حاللر و كيلدن صادر اولمش ايسه جزای نقدی وكيل حقنده تعيين اولونور .

مصارف محاکمه ، ۱ - تعرفه موجبنجه محكمه قلمى واسطه سيله ياپيلان مصرفلرله جلسه ، محاکمه ، كشف و حجز مصرفلری ، ۲ - شاهدك سياحت واقامت مصرفيله يوميه سى واهل خبره اجرت و مصرفلری ۳ - اعلام خرچلری ، ۴ - رسمى دائره لردن طلب اولونان اوراقك اصل و صورت تصديق خرچلری ، ۵ - بالذات حاضر بولونانلرك بولوندقلى كونلره عائد سياحت واقامت مصرفلری ، ۶ - دعوانك اهميته كوره تقدير ايديله جك وكيل اجر تلى در .

وكيلي بولونديني حالدہ محكمه ده بالذات اثبات وجود ايدن طرف يالكنز سياحت مصرفيله بركونه مخصوص اولمق اوزره يوميه آلا بيلير . آنحق حاكم بالذات استجوابنه ويا عيّن ايتسنه قرار ويرمش ايسه بوكونلرايچون يوميه آلا بيلير . ايكي طرفدن برينك وفايى ، دعوانك تركى كې بر سبيله حكمه اقتران ايتمين دعوالره متعلق مصارف محاکمه تحقيقات حاكمى طرفندن تقدير ايديلير .

لهنه حکم ویریلن طرف ایچون تحصیل اولوناجق مصارف محاکمه مقداری حکمده کوستریک لازمدر . تحقیقاتک ختامنه قدر اولان مصارف محاکمه نك مقداری ایکی طرفدن هر بری جانبدن ویریله جک مفردات پوصله سی اوزرینه تحقیقات حاکمی و محاکمه جلسه سی مصرفلری ده محکمه طرفدن تقدیر اولونور . مصارف محاکمه مجموع اولارق فقره حکمییه کچیریلیر و قرارک زیرینه مفرداتی یازیلیر . مثلاً :

مصارف محاکمه مفرداتی بروجه زیردر :

غروش

...	استدعا و لایحه پوللری
...	عرضحال قیدییه سی
...	اوراق ثبوتیه قیدییه لری
...	و کالنامه پول و خرجی
...	پروتستو مصرفی
...	اوراق صورتلرینک تبلیغ خرجی
...	دعوتیه ورقه سی مصرفی
...	اجرت قدیمه
...	هجز احتیاطی خرجی و استدعای مصرفی
...	» مصارف ضرورییه سی
...	» تبلیغ مصرفی
...	کشف مصارف ضرورییه سی
...	اهل و قوفک اجرتلری
...	شاهدلرک سیاحت مصرفلریله یومییه لری
...	طابو دائره سندن جلب اولونان قید صورتی خرجی
...	محکوم لهک بالذات ، محکمه یه کلدیکی بر کونلک سیاحت مصرفیله یومییه سی
...	مدعاهک قیمتنک یوزده بشی نسبتنده اجرت و کالت

اعلام خرجی	...
» صورت خرجی	...
» تبلیغ خرجی	...
مباشراً اجرت قدمیه سی	...
ورقه و پول	...
یکون	...



حکملرک توضیحی

حکم مبهم ویا غیرواضح اولور ویا مناقض فقره لری محتوی بولونور ایسه او حکمک اجراسنه قدر ایکی طرفدن هربری ابهامک توضیحی و تناقضک رفعی محکمه دن ایسته یه بیلیر .

توضیح طلبی حکمی ویردن محکمه یه ایکی نسخه اولارق اعطا ایدیه جک عرض حال ایله اولور . محکمه عرض حالک برنسخه سنی دیگر طرفه تبلیغ ایتدیره رک تحریر آجواب ویرمسی ایچون مناسب برمهلت تعیین ایدر . جواب ده ایکی نسخه ویریلیر ؛ بری توضیح ویا رفع طلبنده بولونان طرفه تبلیغ اولونور . جواب ویریله مش اولسه بیله محکمه اوراق اوزرینه توضیحاً قرار اتخاذا ایدر . آنجق لزوم کوریر ایسه ایکی طرفک شفاهی ایضاحتی استماع ایتک اوزره جلب و دعوتنه قرار ویره بیلیر .

محکمه حکمک توضیحی و تناقضک رفعی لازم اولدیغنه قرار ویریر ایسه ایجاب حاله کوره حکمی توضیح و تناقضی ازاله ایدر .

ایکی طرفک اسم و صفت و نتیجه ادعالرینه متعلق خطالر و حساب خطالری طرفینک استماعندن صوکره محکمه طرفندن تصحیح اولونور ؛ تصحیح اولونان جهت حکم زیرینه یازیلور .

طلب توضیح عرضحالی

استانبول محکمہ اصلیه سی برنجی تجارت دائره سی ریاست غیره

[طرفینک هویتی و تبلیغک موضوعی یازلدقندن صوکره]

... عاینه محکمہ علیه لرنده اقامه ایلدیکم امتعه مبیعه نک عدم تسلیمندن متولد ضرر و زیانک تضمینی دعوا سنک جریان ایدن تحقیق و محاکمه سی نتیجه سنده اتخاذا

بیوریلان ۱ سنه تاریخی و ... نومرولی قرارده هم ابهام هم تناقض هم ده رقم خطایی موجوددر . اوراق دعوی و شفاهی ایضا حاتمده انکلیز لیراسی اولمق اوزره تضمینی طلب ایلمش اولدیغم حالده مبلغ محکوم بهک هانکی نوع لیرا ایله تأدیه ایدیه جکی تصریح ایدیلهرک مجرد لیرا دیه مهم برافلمش اولدیغندن [انکلیز] لیراسی اولارق توضیح بیورولماسنی و قرارک بر فقره سنده [تمرد و سوء نیتی پروتستو ایله نابت اولدیغندن مدعی علیه امولک ۹۴ نجی ماده سی موجبجه مصارف محاکمه ایله الزام اولونا مایاجنی یولنده کی طلب و ادعای مسموع اولاما یا جغندن ردینه] دینلمش ایکن فقره حکمیه نک صوک فقره سنده [مدعی علیه سؤنی آ کلاشیلامادیغندن مدعینک وکیلله آرالزنده تقرر ایدن ... لیرا اجرت و کالتک مدعی علیه تحصیلنه دائر اولان طلبک ردینه] دینلمکده و بر فقره ده سؤنی ثابت و صوکنده غیر ثابت کوستریلمسی متناقض دوشدیکندن تناقض واقعک رفعی و محکوم بهک رقمی ایکی بیک دینه جکنه بر صفر نقصانیه ایکی یوز لیرا دینلمش اولدیغندن آنکده تصحیحنی طلب واستدعا ایدهر و دیگر طرفه تبلیغ ایدیلک اوزره عرض حالک بر صورتی ربطاً تقدیم ایلرم افندم .

... ده مقیم ...

۱ سنه

اوراق اوزرینه توضیح قراری

ایجابی بالندا کره : ... طرفندن معطی و بر صورتی محکوم علیه ... تبلیغ ایدیلهن عرض حالده ، فقره حکمیه ده هانکی نوع لیرا اولدیغنک تصریح ایدیلهمسی و بر فقره ده سؤنیت مثبت کوستریلمش ایکن دیگر فقره ده سؤنیت منفی کوستریله رک تناقض حاصل اولماسی و مقدار محکوم بهک رقمده سهو واقع اولدیغنی جهتله توضیح و تصحیحی طلب اولونماسندن ناشی وقوع بولان دعوت اوزرینه محکوم علیه کلمه مکله اوراق اوزرنده تدقیقات اجرا اولوندقه مهم بر اقیلان لیرانک بورجلر قانوننک ۸۳ نجی ماده سنک برنجی فقره سی موجبجه [تورک لیراسی] اولارق توضیح و برنجی فقره ده کی تمر دکله سنک خدا سنده [سؤنیت کلمه سی] زاندا اولدیغندن

طینه و جریان محاکمه به نظر آ مبلغ محکوم بهک ایکی بیک لیرا اولاجنی وایکیوز لیرا
دینسی قلم خطاسی اولدینی آکلاشیلدیغندن فقره حکمیه نك اولوجهله تصحیحنه
سا سنه تاریخنده متفقاً قرار ویریلهرک زیر اعلامه شرح ایدیلدی .

سا سنه

رئیس

...

اعضا

...

اعضا

...

کاتب

...

تشکیل طرفین ایله توضیح قراری

رئیس ... اعضا ... اعضا ...

... ده مقیم ... علیهنه ... طرفندن اقامه اولونان ومدعی علیه طرفندن
تسلیمی تعهد اولونان ... اشیای مبیعه نك عدم تسلیمندن طولای دوچار اولدینی
ایکی بیک انکلیز لیراسی ضرروزیاننك تضمیننه متدائر اولان دعوانك محاکمه سی
نتیجه سنده صادر اولان سا سنه تاریخی و ... نومرولی قرارده محکوم به
... لیرانك نه لیراسی اولدیغنك تصریح ایدیلهرک مهم بر اقله سی و محکوم له
ایله وکیلی اراسنده کی اجرت وکالتك محکوم علیهدن آلماسنه عاند طلبك ردینی
متضمن فقرده سؤنیت ثابت اوله مدیغندن علای ده یوقاری فقرده سوء نیتی
اولدیغندن جمله سنه متناقض اولماسی و حکم ایکی بیک لیرا اولاجق یرده ایکی
یوز لیرا دینك صورتیله رقم خطاسی یا بیلماسی سببیه ایهامك توضیحی تناقضك
رفعی و خطانك تصحیحی محکوم له ... طرفندن طلب و استدعا اولونماسندن
ناشی دعوی عرضحالی صورتی و دعوتنامه لرك تبلیغی اوزرینه طرفین وکیللری
... و ... بکرك حضوریه تشکیل طرفین ایدیلهرک بو خصوصده هرایکی طرفه
سوز ویریلده کده مدعی وکیلی استدعاسی مآلنی تکرار و محکوم علیه وکیلی لیرانك
تورک لیراسی اولماسی لازم کلدیکنی و سؤنیت کله سی برنجی فقرده زائد اولدینی
بیان ورقم سیاق محاکمه دن ایکی بیک لیرا اولق لازم کلیرکن ایکی یوز لیرا
کوستریلش ایسه ده بو ایشده آرتق محکمه نك وظیفه سی ختام بولش اولدیغندن

محکوم لهک تمیز دعوی ایدرهک تصحیح کیفیت ایلمسی لازم کله جکئی افاده
ایلمکله ایجابی مذاکره اولوندقده مدعی علیه وکیلنک مدافعه سی اصولک ۸۰ و ۴۵۵
نجی ماده لرینه کوره غیر وارد اولدیغندن ردیله طرفینک مقاوله لرده (عیناً
اوده مک اوزره ضرروزیان مقطوع اولارق ایکی بیک انکیلیرایرایی) کوستریلدیکنه
بناءً بورجلر قانوننک ۸۳ نجی ماده سنک ایکنجی فقره سی موجنججه [انکیلیر]
ایرایی اولوب فقره حکمییه سهواً کچمدیکندن اولوجهله توضیحینه و برنجی فقره ده
تمردک یاننده سؤنیت کلمه سی بلالزوم علاوه ایدیلش اولدیغندن آنک طیبله حاصل
اولان تناقضک رفعنه و دعوی و جریان محاکمه ایله مقاوله یه نظراً مبلغ محکوم
بهک ایکی بیک لیرا اولماسی ایجاب ایتدیکی حالدله ایکی یوز یازیلایرایی رقم خطاسندن
منبعث اولدیغی تصادق طرفین ایله ثابت اولدیغی جهتله آنک ده اولوجهله تصحیحینه
اصولک ۴۵۹ نجی ماده سنه توفیقاً قرار ویریلهرک حکم مذکور زیرینه شرح
ویریلدی .

کاتب	اعضا	اعضا	رئیس
...



مدتلىر و مهللار

مدتلىرى قانون ويا حاكم تعيين ايدەر . قانونده كوستريلهن مستشنا حاللردن باشقه حاكم قانوناً تعيين ايديلهن مدتلىرى تزييد ويا تنقيص ايدەمز . فقط حاكم كندينك تعيين ايتديكى مدتلىرى ايكي طرفى ديككه دكدن صوكره معقول سببلره بناءً تنقيص ويا تزييد ايدەبيلير .

مدتلىر ايكي طرفه تفهيم و تبليغ لازم اولان احوالده اصولاً تبليغ تاريخندن باشلار . مدت كون اولارق تعيين ايدىلش ايسه تفهيم ويا تبليغ ايدىلديكى كون حسابە قاتيلماز و صوك كوني تعطيل ساعتندە بىتر . مدت هفته ويا آي اولارق تعيين ايدىلش ايسه باشلاديني كونه ، صوك هفته ويا آيدە تقابل ايدەن كونك تعطيل ساعتندە بىتر . مدت آي نهايتە دوغرى باشلايوبدە بىتديكى آيك عىي كوني يوق ايسه مدت بو آيك صوكنندە بىتر . بو صورتلە بازارايرتسى كوني باشلامش اولان مدت منقضى اولاجنى هفتهك بازارايرتسى كوني وآيك برنجى كوني باشلايان مدت منقضى اولاجنى آيك برنجى كونندە بىتر .

تعطيل كونلىرى مدتدە داخلدەر . شو قدركه صوك كوني تعطيله تصادف ايدەر ايسه تعطيلك ايرتسى كوني ختام بولور .

رسمى ايام تعطيله مز شونلردر :

۱ -- جمعه كونلىرى

۲ -- شكر بايرامندە اوچ كون

۳ -- قربان بايرامندە درت كون

۴ -- مى بايرام ۲۳ نيسان : بويوك ملت مجلسنك ايلك يوم كشادى

۵ -- مولدنبوى و سلطنتك الغاسى : ۱۲ ربيع الاول كيجه سيله كوني

۶ -- مشروطيتك اعلاني ۲۳ تموز كوني

۷ — ظفر ملی ۳۰ اغستوس کونی

۸ — جمهوریتك اعلانی ۲۹ تشرین اول کونی

اصول محاکمه حقوقیهك ۱۷۵ و ۱۷۶ و ۱۷۷ نجی ماده لری موجبجه هرسنه بالعموم محکمه لر تموزك یکر میسندن ایلولك بشنه قدر تعطیل اولونور . احتیاطی تدبیرلر ویا شفاهی ویا بسیط اصول محاکمه لره تابع بولونان و مستعجل عد اولونان خصوصات حقنده کی معاملات عدلیهك تعطیل زماننده نه صورته ایفا ایدیه جکی عدلیه وکالتی طرفندن بر تعلیماتنامه ایله تعیین اولونا جقدر . بومدت ظرفنده بونك خارجنده بر معامله ایفا ارلونا ماز . قانونك تعیین ایتدیکی مدت و مهللرک یتیمسی بوتعطیل زمانه تصادف ایدر ایسه بومدتلر آریجه برقرار ویرمهک لزوم اولمقسزین تعطیلک یتیدیکی کوندن اعتباراً یدی کون اوزادیلش عد اولونور .

حاکم طرفندن اسباب موجبجه کوستریلهك مستعجلیت قراری ویریلن حالردن ماعدا کونش باندقدن دوغونجه یه قدر و تعطیل کونلرنده عامنده معامله یاپیلاجق کیمسهك موافقتی اولمقسزین — تبلیغات ایشلری مستثنا — هیچ بر معامله عدلیه یاپیلاماز .

تمدیده مدتہ دائر قرار صورتی

مدعینک دعواسنه قارشی مدعی علیک ادا دفع دعواسنی مدعی انکار ایلدیکندن مبلغ مدعابه نظراً آنحق سندله اثباتی ممکن اولان دفع مذکورک اسباب ثبوتیه سی مدعی علیهن صورولدقده مقبوض سندنی وار ایسه ده آریوب شمدی یه قدر بولامادیغنی افاده ایله بولوب کتیرمک اوزره استمهال ایلدیکندن اون بش کون مدتله امهالنه قرار ویریلهرک محاکمه ... کوننه تعلیق قلندی .

کاتب

ل س نه

تحقیقات حاکی

یوم مذ کورده طرفین بر سابق بالورود مدعی علیه مذ کور مقبوض سندینک
اشیاسنی امانه تودیع ایلدیچی ... ده اولدیغنی آکلامش وایلك پوسته ابله کوندرملری
حقنده اوراده کی آدمته یازمش اولدیغندن مهل مذ کورک بر هفته مدتله تمدیدی
طلب ایلش اولدیغندن بردها تمدید ایدیله مک اوزره مهل مذ کورک بر هفته مدتله
تمدیدینه قرار ویرلهرک تعلیق قلندی .


تحقیقات حاکی

ل س نه

کاتب

...

...



غیاب

تحقیق و یا محاکمه ایچون وقوع بولان دعوت اوزرینه هرایکی طرف کمزایسه برینک مراجعتیه محاکمه نك دوامی طلب ایدنجهیه قدر محاکمه علی حالها تعلیق اولونور .

ایسترمدعی ایسترمدعی علیه اولسون ایکی طرفدن بری تعیین اولونان کونده تحقیقات حاکمی نزدنده و یا محکمه ده حاضر بولونمادیفی و یا تحریراً جواب ویرمک کافی اولان صلاحیت اعتراضی کبی مسائله جوابنامه سفی ده کوندرمدیکی یا خود حاضر بولونوبده جوابدن امتناع ایلدیکی تقدیرده غیاب قراری ویریلیر . یعنی کلهین مدعی ایسه مدعی علیه ک طلبیه محاکمه حقنده غیاباً جریان ایدر و دعوی مدعی موجود ایش کبی تدقیق اولونارق حل اولونور ؛ سقوط قراری ویریلیر . مدعی کلوبده مدعی علیه کمزایسه کذلک مدعینک طلبیه محاکمه غیاباً جریان ایدر .

حاکم حاضر بولونان طرفک افاده سفی استماع ایتدکدن صوکره ایجابنه کوره دعوائی دیگر برکونه تعلیق یا خود دوام ایله اوجلسه ده یا پیلاجق معامله لر ی تماماً و یا قسماً ایفا ایدر . فقط تحقیقاتی غیاباً جریان ایتمه مش اولان بر حادثه و یا اساس حقنده جریان ایدر جک مرافعه حکم ایچون معین اولان جلسه ده حکم ویره بیلر جک درجهیه واصل اولسه بیلر دیگر طرفه تبلیغات اجرا ایدیلوب اعتراض مدتی کچمدنجه حکم غیابی ویریلر مز .

حاضر بولونمش اولان طرفک غیاب قرارینی بش کون ایچنده غائبه تبلیغ ایتدیرمسی لازمدر . بومدت ظرفده تبلیغ اولونمازایسه غیاب قراری کائن لمیکن اولور ، و بر طرف کلوب دیگر طرف حقنده جلب چیقار تنجهیه قدر دعوی علی حاکمها قالور .

غیاب قراری ویریلن جلسه ده برکونا معاملهیه باققسزین حاضر بولونان طرفک طلبیه اجرای کشفه و یا دلیلک تدقیق و استماعی کبی بر معاملهیه معلقاً باشقه

بر کونه براقیلمش ایسه غیاب قرارینک اخبار و تبلیغنده معین کونده یاییلاجق
معامله دن بختله غائبک او جلسه ده حاضر بولونماسی لزومی تصریح ایدیلیر .
غائب بونک اوزرینه معین کونده کلیر ایسه غیاب قرار ی کأن لم یکن اولور .

غیاب قرار ی ویرلن جلسه ده معاملات قسماً ویا تماماً ایفا اولونمش ایسه
ویا تعاطی اولونان اوراقه نظراً قرار اتخاذه دن باشقه یاییلاجق بر معامله یه حاجت
قلامش ایسه غیاب قرارینک اخبار و تبلیغنده یاییلان معاملات یازیلور و غائبه
بش کون ایچنده اعتراض ایده بیلر چیکی بیلدیریلیر . غائب بومدت ایچنده معامله یه
دوام ایچون محکمه یه مراجعتله دیگر بر کون تعیین وخصمه تبلیغ ایتدیریر .

تعیین اولونان کونده محکمه ده حاضر بولونوبده غیباً جریان ایدن معامله لرک
تعدیل ویا جرح وابطالی موجب بر اعتراض در میان ایده ر ایسه تدقیق اولونور ،
وماهیته کوره وارد کوریلیر ایسه قبول اولونارق وجاهاً محاکمه ایدیلیر ؛
وارد کوریلنر ایسه غیباً جریان ایدن معامله لر معتبر عد اولونور و مابعدی
وجاهاً اتمام اولونور .

اعتراض ایچون تعیین اولونان کونده معترض ینه کلز ایسه معترض علیه
طلیلله حکم ویریلیر . ایکی طرفده کلز ایسه برینک مراجعتنه معلق قالور .

تبلیغات ، محکمه نك بولوندینی شهر خارچنده ویا اعلان طریقله یاییلمسی
ایجاب ایدن حاللرده حاکم بش کونلک مدت اعتراضی تمید ایده بیلیر .

تبلیغ ورقه سنده معین مدت ظرفنده اعتراض اولونماز ایسه محکمه یه قبول
اولونمایاجنی تبلیغ ورقه سنه یازیلور .

بالعموم غیاب مصر فی غائبه عائد اولدیغندن ایلك جلسه محاکمه هر دورلو
معامله دن اول بومصر فی محکمه وزنه سنه تودیع مجبوری اولدیغندن بونی ویرمه ن
محاکمه یه قبول اولونماز . مدت اعتراضک ختامیله ویرلن حکمک نتیجه سی
محکمه باش کاتبی طرفندن غائبه اخبار اولونور . اخبارک تبلیغی تاریخی حکمک
تبلیغی تاریخی عد اولونور .

غائبه اعلام غیابی، طلبی اوزرینه و غیاب مصرفی تأدیه ایدیلد کدن صو کره ویریلیر.

اصلاح صورتیله اولسه دخی عین دعواده برطرف بردن زیاده اعتراض حقنه مالک دکلدر.

محاکمه قبول اولونمایان طرف خصمنک درمیان ایتدیکی واقعه لری اقرار ایتش عد اولونور.

محکمه اصلیده ایکی طرف ویا بری دعوته اجابت ایتمز ایسه کلین یکر می بش لیرایه قدر جزای نقدی به محکوم ایدیله بیلیر. غیاب معامله سنه وکیل سبیت ویرمش ایسه تعیین اولوناجق جزای نقدی وکیله تحمیل اولونور.

یمین ایده جک کیسه بلا معذره یمین ایچون تعیین اولونان کونده محکمه به کلز ایسه یمیندن امتناع ایتش عد اولونارق دعوایه ثابت اولمش نظریله باقیلور. آنجق قرار غیاباً ویریش ایسه تبلیفی کوندنن اعتباراً سکز کون ظرفنده عرض حال ایله یمین ایده جکنی بیان ومعین کونده یمینی اجرا ایده ایسه حکم کآن لم یکن اولور. تعیین اولوندینی کونده ینه کلدیکی تقدیرده یمیندن امتناع ایتش اولدیغنه دائر ویریلن غیابی قرار قطعیت کسب ایده. ۱ ص ۳۳۷

ایکی طرف کلدیکی تقدیرده ویریله جک قرار نمونه سی

ایجابی تأمل اولوندی: فلان ایله فلان آراسنده متحدث وبرملکک بیعندن صرف نظر اولوندیغندن بروجه تعهد... لیرالق تضمینات مقطوعه نك تحصیلنه دائر اولان دعوانك تحقیق چون معین شهر حالک... نجی... کونی ساعت... ده کندیلرینه اصولی دائره سنده دعوتیه کوندربلدیکی حالده مدعی ومدعی علیهدن هیچ بری کلدیکندن حقوق اصول محاکمه لری قانوننك ۴۰۹ نجی ماده سی موجبنه برینك دوام طلبنه قدر محاکمه نك تعلیقنه قرار ویریلدی. ۱ ص سنه تحقیقات حاکمی

تحقیقاتك ختامندن صوكره هیئتجه جریان ایده جك محاكمه كونی هرایکی طرف کلز ایسه هیئتده بووجهله محاکمینی مراجعت وقوعنه تعلیق ایلر. فقط تدقیقات ومحاکمیه محتاج اولمایارق یالکز حکم ایچون آچیلایق جلسهدده ایکی طرف ویا بری کلز ایسه ویریله جك حکم حاضر ایشلرکی وجاهی عداولونور.

ایکی طرف کلمدیکی تقدیرده مع جزای نقدی ویریله جك قرار نمونه سی

ایجابی تأمل اولوندی . مدعی . . . ایله مدعی علیه . . . آرالرنده واقع بر بانچهك تصرفندن متولد دعوائی آرا صره تعقیب وبعضاً هرایکیسی کیهرك مراجعته ترك وینه احیا ایتك صورتیله یکدیگری تصدیع ومحکمه یی ده ازعاج ایتکی اعتیاد ایتدکلرندن وبوکون تکرار هرایکیسی ورود ایتدکلرندن حقوق اصول محاکمه لری قانونك ۴۱۲ نجی ماده سنه توفیقاً هرایکیسندن اونر لیرا جزای نقدی اخذینه قرار ویریلدی . . . سنه

تحقیقات حاکمی

کاتب

...

...

معامله غایبهك بش کون ظرفنده اخبار وتبلیغی نمونه سی

مرعی غائب اولدیغه کوره

... ده مقیم ... اصنافندن ... اوغلی ...

جهت قرضدن بشیوز الی لیرا آلاجهكزك تحصیلنه دائر ... ده مقیم ... علیمه اقامه ایلدیكیزك دعوانك یوم تحقیق ومحاکمهی اولان . . . سنه ده تبلیغات واقعیه رغماً محکمه یه کلمدیكیزدن حقکزده غیاب قرار ی ویریلهرك مدعی علیه مدعایی تسویه وادا ایلدیکنه دائر مقبوضی اولدیغنی و ابرازایده جکنی

بیان ایلدیکندن ابرازی ایچون محاکمه شهر حالک ... نجی کونی ساعت ... ه
تعلیق ایدیلش اولدینی جهتله یوم مذکورده محاکمه ده حاضر بولونما کز بیان
واخبار اولونور .

سنه
ل
تحقیقات حاکمی

...

معامله غایبه نك اخبار و تبلیغی نمونه سی

غائب مدعی علیه اولدیغه کوره

... ده مقیم ... اصنافدن ... اوغلی ... ه

... ده مقیم ... طرفندن علیکزه اقامه ایدیلش اولان ... ده واقع باغچه یه
تجاوز دعواسنک تحقیقی ایچون معین ل سنه کونده وقوع بولان دعوته
عدم اجابتکزدن دولای حقکزده غیاب قراری ویریلرک محل منازع فیهک
کشی ده قرار کیر اوله رق ایرتسی کونی کشف مذکور مستعجلاً اجرا و اهل
وقوف ایجاب ایدن راپوری اعطا ایلدیکندن دوام تحقیق و محاکمه سی شهر حالک
... نجی ... کونی ساعت ... ه تعلیق ایدیلش اولمغله یوم مذکورده محکمه نك
تحقیقاته مخصوص اوطه سنه کلمکز بیان و غیابکزه یاپیلان معامله یه بش کون ظرفنده
اعتراضه حقکز اولدینی و مذکور مدت ظرفنده اعتراض ایتدی کلمکز حالده
محاکمه یه قبول اولونما یا جغکز بیان و اخبار اولونور .

سنه
ل
تحقیقات حاکمی

...

مدت اعتراض ظرفنده غائب کلمز ایسه قرار نمونه سی

ایجابی بالتأمل ایلک یوم تحقیق و محاکمه ده دعوته اجابت ایتمه مش اولان
مدعی علیه ... حقنده ویریلن ل سنه تاریخی غیاب قراری مدعی طرفندن
بش کون مرورندن مقدم مدعی علیه تبلیغ اولونار ق غیابنده یاپیلان مدعا بهک

کشفنه بش کون ظرفنده اعتراض ایده بیله جکی اخبار اولونمغله مدعی علیه محکمه به مراجعتله شهر حالک بو کونکی ... ساعت ایچون وقت محاکمه تعیین ومدعی به تبلیغ ایتدیرمش ایکن کمدیکندن غیاباً جریان ایدن معاملاتک معتبر عد اولونماسنه وغائب محاکمه به قبول اولونماق اوزره مدعینک حضوریه دوام تحقیقاته قرار ویریلدی .

تحقیقات حاکی

...

غائب کله رک اعتراض ایدره ایسه ویریله جک قرار نمونه سی

حقنده غیاب قراری ویریله رک بش کون ظرفنده طرفه تبلیغ وغیابنده یاپیلان کشف اوزرینه محاکمه سی اهل وقوفک راپورینک ورودینه معلق اولدیغی اخبار اولونان مدعی علیه ... افندی محکمه به بالمراجعه معاملات غیابه به اعتراض ایده جکندن بجه کون تعیین ومدعی به تبلیغ ایتدیردیکندن معین ... کونی ساعت ... ده مدعی وغائب مومی الیه مدعی علیه ... محکمه به کله رک غیاب مصرفی ... غروشی محکمه وزنه سنه تأدیه ایلدیکنی ناطق مقبوضی بعدالابراز یاپیلان کشف اهل وقوف انتخاب اولونان درت کشینک اصول حقوقیه قانونی احکامنک صراحتنه مخالف اولارق اوچ دن فضله بولونماسیله یولسر اولدیغی ومدعینک ابراز ایلدیکی طابوسندی اسکی اولوب بالآخره بر قسمی آندن تملک ایلدیکی طابو سجلیله تحقق ایده جکندن کشفک ابراز ایده جکی طابو قیدی صورتیه تطبیق مقتضی اولدیغی اعتراضاً درمیان ایتمش ومدعی فی الحقیقه مدعاهک بر قسمی مدعی علیه تملک ایتمش ایسه ده مدعی علیه او حدودکده خارجنه چیقاراق صاتیلمايان قسمه تجاوز ایلدیکنی بناء علیه یاپیلان کشفه خلل کلمه به جکنی افاده

ایتمش اولمغله [*] بالتأمل اصولك ۲۷۶ نجی ماده سنك اوچنچى فقره سی موجبجه
 اهل وقوف انتخابی یا کلتش یا پلتش اولدیغندن اعتراض واقع غیاباً جریان ایدن
 معامله نك ابطالی موجب و وارد کوریلدیکندن بالقبول مدعی علیه ک ابراز ایدمه جکی
 طابو قیدی ده نظر دفته آلتارق یکیدن کشفه قرار ویریلدی . ل س نه
 کاتب تحقیقات حا کمی

...

...

اعتراض اوزرینه ایکی طرف ده کلمز ایسه ویریله جك قرار نمونه سی

ایجابی بالتأمل : فلان طرفندن فلان علیه اقامه اولونان بدل ایجاردن درت
 یوزلیرا آلا جق دعواسنك ایلک یوم تحقیق و محاکمه سنده مدعی کلهرک مدعی علیه
 تبلیغات واقعه یه رغماً کلمدیکندن حقنده غیاب قرار ی ویریلهرک بین الاقربا واقع
 اولان عقد ایجارک شهود شخیصه ایله اثباتی قرار کیر اولدیغندن شهوددن ... استماع
 ایدیلدکن صو کره اجابت ایتمه ین دیگر شاهدك احضاری ایچون محاکمه نك فلان
 کونه معلق اولدینی مدعی طرفندن بش کون ظرفنده مدعی علیه تبلیغ و یاپیلان
 معامله اخبار اولونمقله مدعی علیه غائب مرقوم محکمه یه مراجعتله معترض اولدیغندن
 بالبحث تعیین ایدیلدیکی یوم محاکمه ایچون مدعی یه دعوتیه تبلیغ ابتدیرمکله معین
 اولان بو کون ده هرا یکی طرف ورود ایتدیکندن حقوق اصول محاکمه قانونك
 ۴۰۹ نجی ماده سنده توفیقاً برینك مراجعتله دوام محاکمه طلبنه قدر محاکمه نك
 تعلیقته قرار ویریلدی .

تحقیقات حا کمی

ل س نه

کاتب

...

...

[*] سرد اولونان اعتراض وارد کوریلز ایسه [... بالتأمل سرد اولونان اعتراض
 ... سببله وارد اولما دیغندن حقوق اصول محاکمه لری قانونك ۴۰۲ نجی ماده سنك صو ك
 فقره سی موجبجه اعتراض مذکورک رد یله غیاباً جریان ایدن کشف و آکا متعلق معامله لرك
 معتبر عد اولوندیغنه و دوام تحقیقاته قرار ویریلدی] ذیلیر .

حکم غیابی نمونه لری

۱

رئیس ... اعضا ... اعضا ...

... ده مقیم ... طرفندن قومشوسی ... عایینه محکمه مزده اقامه اولونان
 و خانه سی التصاقنده انشا ایتدیر مکده اولدینی دیوارک فنا یاپیلما سندن دولایی
 خانه سنه وهن طاری اولدیغندن بخله بالکشف تحقق ایده جک ضرری اولان
 اوج بیک لیرانک تحصیله دأر اولان دعوانک تحقیقه مأمور ایدیلن محکمه
 اعضا سندن ... طرفندن مدعی علمک غیابنده اجرا قلنان تحقیقانک ختامه مبنی
 ضبط نامه ایله اوراق دوسیه سی هیئت تودیع قلمقله مدعی به کوندریلن دعوتیه
 ورقه سنده معین شهر حالک ... نجی ... کونی ساعت ... ده و کیلی آووقات ... بک
 کلکله علناً اجرای محاکمه به مبادرتله تحقیقات ضبط نامه سی اوقوتدیر یلدی .

خلاصه مالی ؛ مدعینک عرضحالی صورتی مدعی علیه تبلیغ اولونارقی مدتی
 ظرفنده و یردیکی جواب لایحه سنده انشا آتی فنه موافق اولوب قومشوسی مدعی به
 برکوناضرر ایراث ایلدیکنی واکر خانه سی دیوارینه وهن طاری اولمش ایسه اساساً
 بناسنک مقاومت سز و چوروک اولماسندن منبعث اولدیغندن تضمینیه مکلف
 طوتولامایاجغنی بیان ایلش و طرفنه کوندریلن دعوتیه ورقه سنده معین ...
 کونده مدعی و کیلی ابراز ایلدیکی وکالتنامه ایله آووقات ... محکمه به کلهرک مدعی
 علیه اصولی دأثره سنده پاییلان دعوتیه اجابت ایتمه مش اولدیغندن حقنده غیاب
 قراری و یریلهرک طرف حاکمدن اهل وقوف انتخاب اولونان بلدیله معماری ...
 افندینک استصحابیله محل مدعالمک کشفی قرار گیر اولغله غیاب قراری و آتی متعاقب
 پاییلان معامله غائب مدعی علیه بش کون ظرفنده تبلیغ و بش کون ظرفنده حق
 اعتراضی اولدینی وکلدیکی تقدیرده محاکمه به قبول اولونمایاجنی کندیسنه اخبار
 ایدیلش ایسه ده مدعی علیه ینه کلدیکندن ورود ایدن راپور اوقوتدیر لدقده مدعی
 و کیلی راپورده ... جهتک نقصان بر اقلدیغنی بیان واکال اولونمق اوزره ینه او اهل

خبره به اعاده سنی طلب ایتمش و طلب واقع موافق کوریلهرک اکیلی ضمننده تحقیقاتک تعلیق اولوندینی کونده مدعی و کیلی و مدعی علیه کله رک مدعی و کیلی مدعی علیهک آرتق محاکمه به آلتاماسی لازم کلدیکنی و مدعی علیه هنوز تحقیقاتی ختام بولمادیغندن محاکمه به اشتراکنه مانع قانونی اولمادیغنی بیان ایتمش ایسه ده حقوق اصول محاکمه لری قانوننک ۴۰۵ نجی ماده سی موجبنه معین مدت ظرفنده و اخطاره رغماً اثبات وجودله اعتراض ایتمه ین مدعی علیهک محاکمه به قبولی جائز اولمادیغندن طرفین میانندن اخراجنه قرار ویریلهرک تفهیم و ورود ایدن متمم راپور اوقوندقده مندرجاتنه مدعی و کیلنک بر اعراضی اولمادیغنی آکلا شملقله و موجب تحقیق برشی قالمقله تحقیقاتک ختامی و ضبطنامه نک دوسیه ایله هیئت تودیبی مقرر اولدیغندن ایسترسه مدعینک محکمه به بر لایحه ویره بیلهرجکی تفهیم ایدلدیکندن عبارتدر .

بوکره مدعی و کیلنک محکمه به ویردیکی لایحه ده اوقوتدیرلدی مالی ، تحقیقات صیراسنده سرد ایلدیکی بیاناتی تکراردن عبارت اولدینی آکلا شیلدی .

مدعی و کیلنه سوزویریلدکده ادعاسی کشف ایله ثابت اولدیغندن تحقق ایدن ضرر بدلی . . . لیرانک مدعی علیه ین مع مصارف و اجرت وکالت تحصیلی طلب ایلدی .

ایجابی مذاکره اولوندقده مدعی . . . ده کائن خانه سنک دیوارینه ملاصق اولارق مدعی علیهک غیرفی بر صورتده انشا ایتدیکی طوغله دیوارک ویردیکی قتلله خانه سی دیوارینک یوقاری قاتنده چاتلاقدر حاصل اولارق وهن طاری اولدینی و حال سابقه ارجاعی . . . لیرایه متوقف اولدیغندن ضماناً تحصیلی دعوی ایتمشدر . مدعی علیهک غیابنده یابیلان کشفلر نتیجه سنده مدعی علیهک دیوارینه وهن طاری اولدینی مشاهده آکلا شیلارق حال سابقه ارجاعنک . . . لیرایه متوقف اولدینی راپورده بر تفصیل یابیلان حسابلرله کوستریلشدر . بو ضررده مدعی علیهک انشا ایلدیکی دیوارک عامل اولوب اولمادیغنی حقنده کی کشف راپورینک محتویاتنه نظراً مدعی علیهک دیواری شو استقامتی طوتارق و شو قدر آرشون تملی اولق

وطوعاً و ديوارك نځي . . . قدر اولق مقتضى ايكن . . . اولماسى مدعينك
ديوارينه بوتون ثقتى يوكلسنه و مدعينك ديوارينه و هن اطاره سنه سـبـبـيت
و يرمشدر .

مدعى ضررك وقوعى و بو ضرره مدعى عليهك سببیت و يردىكى بورجلر
قانوننك ۴۲ نجى مادهسى موجبجه اثبات ايتمشدر . بوندن مدعى عليهك مسئول
اولوب اولاماياجنى خصوصه انتقال اولوندقده مدعى عليهك انشا ايلديكى ديوارك
بو ضرره سببیت و يردىكى راپورده محرردر . بورجلر قانوننك ۵۸ نجى مادهسى
موجبجه بر بنانك مالكى اونك فنا يابلاسندن دولاي مسئول اولاجنى و ۴۱ نجى
ماده سنده كرك قصداً كرك اھمال و تسبب يا خود تدبير سزلك ايله حقمسز بر صورتده
ديكر كيمسه يه بر ضرر ايقاع ايدن شخص او ضررك تضمينه مجبور اولاجنى
محرردر .

غائب عن المحاكمه مدعى عليه . . . ك غايبنده ياپيلان معاملات مدتى طرفنده
اجابته اعتراض ايتديكندن حقوق اصول محاكمه لرى قانوننك ۴۰۲ نجى مادهسى
موجبجه معتبر و وجاهنده يالمش كې مقبولدر . بناءً عليه ينه بورجلر قانوننك
۴۳ نجى مادهسى موجبجه مدعينك ضررى اولدينى تقدير ايديلان . . . ليرانك
مدعى عاھدن تحصيلى اقتضا ايدر . اجرت و كالتده داخل اولدينى حالده
كافه مصارف محاكمه نكده مدعى عليه تحميلي اصولك ۴۱۸ نجى مادهسى
اقتضاسنددر .

نتيجه حكم : بالادكه اسبابه مېنى . . . ليرا ضرر و زيانك مدعى عاھدن
تحصيليله مدعى يه اعطاسنه و زيترده مفرداتى مرقم . . . غروش مصارف محاكمه نك
مدعى عليه تحميله و ينه اصولك ۴۱۲ نجى مادهسى موجبجه مدعى عليه . . . دن
يكرمى ليرا جزاى نقدى اخذينه ۱ سنه نارينخنده قابل تميز اولق اوزره و جاھا
و متفقاً قرار و يريلدى . ۱ سنه

دیگر حکم غیابی نمونه‌سی

۲

رئیس ... اعضا ... اعضا ...

... ده مقیم ... طرفندن ... ده مقیم ... علیهنه اقامه اولونان جهت
قرضدن آلتی یوز لیرا آلاچق دعواسنک تحقیقنه مأمور ایدیلن محکمه
اعضاسندن ... طرفندن یابیلان تحقیقاتک ختامه مبنی ضبطنامه سیله اوراق
دعوی هیئته تودیع اولونمغله اجرای محاکمه ایچون طرفینه کوندریلن دعوتیه
ورقه سنده محرر ... کونده مدعی وکیلی آووقات ... کلیش ایسه ده مدعی علیه
و وکیلی کلیدیکی اکلاشلغمغله مدعی علیه حقنده غیاب قراری ویریلهرک تفهیم
و تحقیقات ضبطنامه سی قرائت اولوندی .

خلاصه مالی : مدت قانونیه سی طرفنده مدعی علیه لایحه جوابیه سنی و آکا
مدعی طرفندن جواب علی الجواب لایحه سی ویریلدکن صوکره معین کونده
طرفینک باند مصدق وکیل عمومیلری آووقات فلان و فلان بکر بالورود
تحقیقاته مباشرت اولوندقه مدعی سندی یوق ایسه ده مدعا بی مقر ، مدعی
علیهک مکتوبی اولوب دیکر اوراقی میاننده امانه فلان نزدده اولدیفندن ابراز
ایتمک و یا زرده اولدیفنی بیان ایتمک اوزره آنک شاهد صفتیه جلبی طلب
ومدعی علیه وکیلی موکلنک امضاسنی حاوی مدعی به بویه بر مکتوب کوندریلدیکنی
بیان ایتمکله اصولک ۳۳۵ نجی ماده سی موجبجه شخص ثالث مذکورک شاهد
صفتیه جلبنه ویریلن قرار اوزرینه معین کونده کلن شاهد مزبور ، طرفین
مواجهه سنده بعدالاستماع مذکور مکتوبی ابراز ایتمکله اوقوندریلدقه
دعوا به مناسبی اولان صوکره فقره سنده [بن بورجی مقرم فقط شمدی حال
مضایقه دهیم ایکی آیه قدر یاریسی اولان اوچیوز لیرای کوندره حکم مستریح
اولیکز] عبارده سی محرر اولمغله مدعی علیه وکیلنه کوستریلدیکنده موکلنک
یازی و امضاسنه بکزه مدیکیچون کله جک جلسه ده موکلنی کتیره جکنی بیان
ایتمکله تحقیقاتک معاق اولدیفنی کونده مدعی وکیلی ومدعی علیه وکیلی ایله

موکلی کلهړك اړانه اولونان مکتوبده کی یازی وامضای انکار ایلش و اصولك ۳۰۸ و ۳۰۹ نجی ماده لری محتویاتی دائره سنده رأساً اطمئنان حاصل اولمادیغندن طرفینك اتفاق ایدمه ملرینه بناءً اهل خبره تعیین اولونان ... افندی معرفتیه اجراقلنان تطبیقات واستکتاب نتیجه سنده ویریلن راپورده مبرز مکتوبك امضا و یازیزی مدعی علیک امضا و یازیزی اولدینی بیان اولومش و باشقه جه پایلاجق معامله اولماقله تحقیقاتك ختام بولدیغنك و آرزو ایدر لرسه هیئته برر لایحه ویره بیله جککرینك طرفینه تفهیم قلندیغنی محتویدر .

مدعی دعواسی تطبیقاتله مدعی علیه عائد اولدینی تحقق ایدن مکتوب مندرجاتیه ثابت اولدیغندن نتیجه مدعاسی اولان آلتی یوز لیرانك مع مصارف تحصیلی طلب ایلدی .

محاکمه ، حکم ویره بیله جك درجهیه واصل اولدیغندن حقوق اصول محاکمه لری قانوننك ۴۰۶ نجی ماده سی حکمنه توفیقاً دیگر طرفه تبلیغات اجرا ایدیلوب اعتراض مدتی مرور ایدنجهیه قدر حکمك تأخیرینه قرار ویریلدی .

کاتب	اعضا	اعضا	رئیس
...

بوکون محاکمه کشاد اولونارق غیاب قراریه محاکمه نك حکمه معلق اولدینی بش کون ظرفنده مدعی علیه تبلیغ و اخبار قلندیغنی مدعی وکیلی طرفندن مبرز علم و خبردن آکلاشلمسنه و مدت قانونیه سی ظرفنده مدعی علیه اثبات وجودایله اعتراضده بولونما سنه مبنی غیابی معامله نك معتبرعدی لازم کلدیکنه مبنی بوجه زیر اعطای حکم اولوندی .

مدعی ، مدعی علیه دن جهت قرضدن آلتی یوز لیرا آلاجق دعوی ایدیور و تاریخ استدعادن اعتباراً فائض ایستیور . مدعی علیه تحقیقات اثناسنده انکار ایلشدر . مدعی اسباب ثبوتیه دن اولمق اوزره مدعی علیه کوندر دیکي مکتوبی دلیل اولارق کوسترمشدر . مدعی علیه بومکتوبك یازی وامضاسنی انکار ایتش

ایسه ده اصولی دائره سنده یا پیلان است کتاب نتیجه سنده مکتوبك مدعی عايله عاندي آکلا شلمشدر . شو صورتله مدعینك دعواسی ثابتدر . بناء علیه بورجلر قانوننك ۳۰۶ نجی ماده سی موجبجه مبالغ مدعابه آلتی یوز لیرانك مع مصارف محاکمه تحصیلنه و تمرد اثبات ایديله مدیکندن فائض طلبنك ردینه ل سنه تاریخنده قابل تمیز اولمق اوزره متفقاً قرار ویریلدی .

کاتب	اعضا	اعضا	رئیس
...

باش کاتبك اخباری نمونه سی

... ده مقیم ... افندی به

... ده مقیم ... طرفندن عايله کوزه اقامه اولونوب حق کزده اتخاذا ایديله ن غیاب قرار ی ل سنه تاریخنده طرف کزده تبلیغ قلمش اولان جهت قرضدن آلتی یوز لیرا آلا جق دعواسنك نتیجه محاکمه سنده مبالغ مدعابه آلتی یوز لیرانك ... غروش مصارف محاکمه ايله معاً سزدن تحصیلنه قابل تمیز اولمق اوزره ل سنه تاریخنده محکمه جه قرار ویریلر ك حکمه ربط اولوندی نی حقوق اصول محاکمه لری قانوننك ۴۰۷ نجی ماده سی موجبجه اخبار اولونور .

... محکمه سی باش کاتبی ... ل سنه

...

برنجی جلدك ضوکی

ایضاحی تطبیقات حقوقیہ نك برنجی جلدینك

خطا ، صواب جدولی

صفحہ	سطر	خطا	صواب
۷	۵	تسکیل	تشکیل
۱۳	۱	اوج	اوچ
۱۴	۱۰	شیلری	شیلری
۱۴	۱۷	اخراج	اخراج
۱۵	۶	طریق و	طریق حقندہ
۱۵	۸	موقعہ	موقتاً
۱۶	۱۹	آنحقی	انجمن
۱۹	۱۸	وعلاوہ	.
۲۲	۵	واقاراك	اقراری
۳۴	۱۵	فاری بی	قاری بی
۳۵	۶	اور تاقلغہ	اور تاقلغہ
۴۰	۲۳	خلف	خلف
۴۰	۲۳	مدعی خصم	مدعی و خصم
۴۲	۱۴	نمرہ سز	نمرہ سز
۴۵	۱۶	تریدی	تریدی
۴۸	۲۰	۵۱	۵۳
۶۰	۲۰	تعديل	تعطیل
۶۴	۱۰	فومانديتہر	قوماندیتہ
۸۷	۵	ابرا سندینك	ایراد سندینك
۹۴	۱۲	مستأجر کیرانی	مستأجر موجرک
۹۹	۲۴	وشرکت وافلاسی	وشرکتک افلاسی
۱۱۰	۴	یلدیکی	ایلدیکی
۱۱۲	۲	فقط صلح شکل	فقط شکل

صوب	خطا	سطر	صفحه
محکمہ طرفندن	محکمہ طرفندن	۱۸	۱۱۳
تأدیہ سنی	تأدیہ بی	۱۶	۱۱۶
محکمہ	حاکمہ	۱	۱۲۱
نسبتندہ اولوب مزروعادن یوزده یکرمی اقتطافده	نسبتندہ مزروعادن اقتطافده	۱	۱۲۴
مبلغ	مبلغ	۱۶	۱۲۵
ایدیلکسه بیله	ایدیلکسه بیله	۲۱	۱۳۵
متوقفدر .	متوقفدر .	۱۴	۱۴۳
عطف ایتک اقتضا ایدهر	عطف اقتضا ایدهر	۱۲	۱۵۰
وصفی	وصفی	۲۲	۱۵۰
ضملمرینه	ضملمرندن	۲	۱۵۸
مرکزینہ نقل اولوندقدہ	مرکزینہ اولوندقدہ	۸	۱۵۸
فقرہ سی ایله	فقرہ ایله	۴	۱۶۰
احمد افندیکنک	واحد افندیکنک	۵	۱۶۳
مقصوددر .	مقصودبولوندینی عدلیہ وکالتندن الخ	۱۵	۱۶۵
عائددر .	عائددر	۱۳	۱۶۶
محکمہ علیہ لریکنک	محکمہ اصلیه لریکنک	۵	۱۷۱
دکیشدیریلدکده	دکیشدیرلدیکنده	۲	۱۷۸
۴۳۷	۴۳۶	۱۳	۱۸۴
۸۲۰ و ۶۳۸	۸۱۸ و ۶۳۶	۱۶	۱۸۴
۷۱۹	۸۱۷	۲۰	۱۸۴
ایدهر	ایدیلر	۱۳	۱۸۵
ومدعی علیہ	مدعی علیہ	۱۶	۱۸۵
متسارع الفساد اشیاہ	متسارع الفساد واشیاہ	۱۰	۱۸۶
ایتدکدن	ایتدیکدن	۲۱	۱۸۶
بوصلاحیت	برصلاحیت	۱۹	۱۸۷
غیر وارد	غیر ورد	۲	۱۸۸
تارلا	ترلا	۴ و ۵	۱۸۸
بواعراضنکده	بواعراضنک	۱	۱۹۲
طلبی اوزرینہ عدم صلاحیت قراری	طلبی اوزرینہ صلاحیت قراری	۲۳	۱۹۲

برنجی جلدك فهرستی

صفیفة	مبحث	صفیفة	مبحث
۳	مقدمه	۳۱۷	ایکي طرفك حق و وظیفه لری
۳۰	دعوی و اهلیت دعوی	۳۲۱	محاکمه جلسہ لری ضبط لری و دوسیه لری
۳۳	خصومت	۳۳۰	فراغت و قبول
۵۱	مرور زمان	۳۳۲	اعتراضات ابتدائیه
۶۸	تقدم زمان و مراسم متقدمه	۳۴۳	دعوانك تفریق و توحید و مدعی لری
۷۷	مسموع اولمایان دعوالر		مدعی علیہ لرك تعددی
۱۰۴	صلح	۳۵۰	حادثة
۱۱۳	تحکیم	۳۵۴	محاسبه به محتاج دعوالر دہ احضاری
۱۲۸	وکالت		معاملات
۱۴۹	وظیفہ دار محکمه	۳۵۷	دلیل لری واقعه سی
۱۷۶	صلاحیت دار محکمه	۳۷۱	شهادت
۱۹۴	ظاہرت علیہ	۳۸۶	کشف و معاينه
۲۰۰	تأمینات	۳۹۱	اهل وقوف
۲۰۵	احتیاطی تدبیر لری و حجز احتیاطی	۳۹۶	سندات
۲۱۶	حجزی جائز اولمایان شیئر	۴۱۳	تطبیقات و استکتاب
۲۳۸	دلیل لرك تثبیتی	۴۱۹	ساخته لك ادعایی
۲۴۷	اقامہ دعوی و تبلیغات تحریریہ	۴۲۴	خصوصی اسباب حکم
۲۵۰	دعوی متقابلہ	۴۲۵	یعین
۲۶۰	تکون دعوانك نتایجی	۴۳۶	اصلاح
۲۶۵	دعویہ لری و تبلیغات	۴۴۲	تحقیقات ختمی و محاکمه
۲۸۱	دعوانك اخباری و حق رجوع	۴۴۷	محکمه اصلیه دن و یریلن حکم لری
۲۸۴	رد حاکم	۴۵۴	مصارف محاکمه
۲۹۸	تحقیقات و صورت اجرای	۴۶۰	حکم لرك توضیحی
۲۹۹	استجواب	۴۶۴	مدت و مهل لری
۳۰۷	اوجنجی شخصك مداخله سی	۴۶۷	غیاب





منه منسوبه در این کتاب
است که در این کتاب



